


4,272


F. de Wasserberg
Institutiones
Chemicæ

II
Seminetalla

T

1,65





T. 1658.^{28.}

Nu
T²⁸ 1658

inventaire 4272

2 4272

FRANCISCI DE WASSERBERG

INSTITUTIONES

CHEMIAE,

IN USUM EORUM

QUI

SCIENTIAE HUIC OPERAM DANT.

T. 1658²⁸
Inv. 4272

TOMUS II.

SEMIMETALLA.




VINDOBONAE,

APUD RUDOLPHUM GRAEFFER,

MDCCLXXVIII.

Forasmuch as all *Knowledge* beginneth from *Experience*, therefore also new *Experience* is the Beginning of new *Knowledge*, and the Increase of Experience, the Beginning of the Increase of Knowledge.

Thomas HORRES *Human Nature.*



PRAEFANDA.

En promissum nuper operis Chemici to-
mum alterum, praecedentem ob rerum ex-
ponendarum copiam mole multum supe-
rantem.


Conatus quidem fui, necessaria magis
prae reliquis seligere; atque hinc factum,
ut plurima relictæ sint intacta, quæ ad prae-
fixum non adeo facere viderentur scopum,



et quae a Tyrone Medico tuto queant negligi: his tamen non obstantibus enormis numerus praeparatorum ex Mercurio imprimis ac Stibio obtinendorum jungendaeque singulis observationes, ac epicrises vel invito et reluctanti fusioem extorserunt sermonem. Observationum praeterea numerus, ut verbis *Ill. van SWIETEN* utar, et copia rerum ex optimorum Auctorum assidua lectione collecta fecerunt, ut vix hoc volumine comprehendi potuerint illa, quae de penso substantiarum metallicarum adhuc supererant.

Methodum, qua in primo volumine usus fui, adhibui eandem, nisi quod Auctorum textus frequentius fuerint inserti; quod quidem eam imprimis ob rationem fa-

ctum,



Etum, ut Tyrones aliorum librorum lectione supersedere possent prorsus; quae vero necessaria sane fuisset, si vel citati solum, vel in angustos limites contracti fuissent Auctorum optimorum textus. Constitui enim, (atque hoc ut facerem saepissime excitatus fui et compulsus illorum precibus) constitui, inquam, opus tale conscribere chemicum, quod rei medicae navantibus operam sufficere posset, ut aliorum librorum chemicorum lectione jam non haberent opus; nisi dum, studiorum emensi curriculum in amplissimos doctrinae chemicae, ac Physices practicae excurrere voluerint campos: hanc ob rationem, quod in Praefatione primi tomi jam monui, sub *Institutionum chemicarum* titulo dare volui opus ab Institutionibus reliquis omnibus diver-



sum, *Bibliothecam* nempe *systematico ordine digestam*, ea complectentem omnia, quae a Medico in examine ex Chemicis peti queunt, tum et plurima alia, quae ingenium utili doctrina valerent ornare: ad hoc vero, nisi multum fallor, aptissima videtur methodus, quam haecenus fui sequutus, et sequor in reliquis, et sequutus, praeter multos alios, fuit *Celeberr. Suecus* SWEDENBORG.

Eandem ob rationem in capite de *Niccolo*, et in capite de *Arsenico* vix mutatas inserui dissertationes *Ill. BERGMANN*; inter omnes, quae hucusque circa haecce corpora prodierunt, optimas, et per alias Europae partes aegre occurrentes.



Platinae historiam omisi ex integro, quum eam exhibiturus sim alia occasione seorsim; etsi substantia haec non diu adhuc cognita sit, etsi ne quidem omnes ejus noscamus dotes, tot tamen circa eam prostant observata, ut, vel in compendium redacta, majoris molis opus requirant: quae haecenus collegi, 40. philypis typo exaratis vix capi possent. Mancam vero, quod unicum supererat consilium, et hiatus undique interruptam illius descriptionem Institutionibus inferere consulto nolui.

Critica examina ideo omisi, quod ex illis in Tyrones non multum adeo redundaret emolumenti, et quod, iis insertis, opus justo amplius evadere debuisset: spe-



ciminis tamen gratia hinc inde quaedam tetigi.

Monere adhuc lubet, daturum me substantiarum metallicarum, semimetallicarum, aliorumque corporum, Chemicis laboribus destinatorum, amplas ac absolutas, quatenus id mearum est virium, historias, se-junctis tomulis prodituras. Sulphuris descriptio talis sub titulo: *Physisch - chemische Geschichte des Schwefels* proxime prodibit, quum ultimam eidem jam admove-
rim manum. Descriptiones hasce non ingratas multis fore confido, quum ea ratione factae sint, ut, iis lectis, reli-
quorum librorum, idem subjectum per-
tra-



tractantium, lectione superfedere quis possit.

Praeterea Commentariis Physico-Medicis, jamjam prodituris, plurima inferam, quae in chemicis aut recens fuerint detecta, aut melius examinata, aut plurium experimentorum fide extra dubium posita, confirmata.

Criticorum judicia, quum aliter fierinequeat, exspecto; aequa sequar, alia, inprimis ab hominibus obscuris, quorum sphaera activitatis angustissimis continetur limitibus, temnam. —

Tomus proximus inflammabiles continebit substantias, ac, si fieri queat, salinas.



Quum ab inpressionis loco satis remotus sim, veniam erratorum coactus petere debeo; praecipua, quae tomo primo inreperunt, praesentis tomi calci subjunxi.



MER-



MERCURIUS.

§. 783.

MERCURIUS (☿) *) ARGENTUM VIVUM, HYDRARGYRUM, AQUA NON MADEFACIENS MANUS, ARGENTUM FUSILE, *vel* ARGENTUM MOBILE THEOPHRASTI ET ARISTOTELIS &c. colore donatur argenteo, splendenti maxime, nitidissimo, dum purus est, nec ab volitantibus in aëre pulvisculis inquinatus, aut in calcem jam partim versus. Menstruis diversis tentatus, aut ex iis denuo dejectus, colores varios, elegantes satis, obfert, album, flavicantem, rubrum, virentem, griseum, coeruleum, e. s. p. prout per decursum latius patebit.

§. 784.

ANTEQUAM ipsam hydrargyri historiam ulterius prosequar, sequentem inseruisse juv erit tabulam, excerptam

*) ☿. intimam partem purum aurum; sed superius argenti colorem adparere, dum interim subest acre, rodens; quibus inde separatis, merum aurum remanet, sed vivum. Id de argento vivo Adepti adserunt. BOERHAAVE.



cerptam ex *A new and easy method of giving mercury, translated from the Latin of* — — — *PLENCK, by William SAUNDERS, Lond: 1773.* ubi in finem libelli *Plenckiani* a *Cl. SAUNDERS* addita fuit: debetur primum *Cl. CULLEN*, uti fassus fuit *Cl. DUNCAN*, qui eandem libello suo de viribus mercurii inse-ruit:

TABULA, PRAEPARATA MERCURIALIA,
IN UNUM COLLECTA,
CONTINENS,

I. MERCVRIVS CRVDVS.

Mercurius depuratus *Pharmaciae Londinensis & Edinburgensis.*

Decoctum mercurii: seu aqua cum mercurio decocta.

Mercurius resolutus in vapores, sub fumigatione mercuriali.

II. PRAEPARATA MERCVRIALIA, VBI MERCVRIVS TRITV REDDITVR ACTVOSVS.

a) *abs additamento:*

in medicamento *Keyseriano* (*Dragées antiveneriennes*) aut potius in *aethiope* sic dicto *naturali* mercurii.

calx nigra mercurii (v. IV. a.)

b) *cum melle:*

Pilulae mercuriales Pharmaciae Edinburgensis,
edit. 1744.

c) *cum*



c) *cum balsamo*: v. c. *cum terebinthina*:

Pilulae mercuriales. *Disp. Londin.*

Unguentum coeruleum fortius et mitius. *Disp. Londin.*

Emplastrum commune cum mercurio. *Disp. Lond.*

* Emplastrum mercuriale. *Disp. Edinb.* cum priori conveniens, unde et asterisco notatum, quod simul de subsequentibus, sic notatis dictum sit.

Ceratum mercuriale. *Disp. Lond.*

d) *cum resina*: v. g. *guayaci*.

Pilulae mercuriales. *Disp. Edinb.*

Pilulae aethiopicae. *Disp. Edinb.*

e) *cum gummi*: v. c. *arabico*

Solutio mercurialis, seu mercurius gummosus.
Cl. PLENCKII.

Pilulae mercuriales *PLENCKII.*

Syrupus mercurialis *PLENCKII.*

f) *cum pinguedine*, seu *adipe*.

Unguentum mercuriale *Disp. Edinb.* (huc pertinet unguentum sic dictum *Neapolitanum de W.*)

g) *cum terris absorbentibus*.

Mercurius alkalifatus.

h) *cum saccharo* aut *Manna*.

Mercurius saccharatus. *Disp. Edinb.*

Aethiops purgans.

i) *cum*

i) *cum sulphure.*Aethiops mineralis. *Disp. Lond. et Edinb.*Aethiops antimonialis. *Pharmacop. Pauper. Edinb.*k) *cum pane.*

Pilulae mercuriales.

l) *cum conserva rosarum.*

Bolus coeruleus.

III. PRAEPARATA MERCVRIALIA, VBI MERCVRIVS VNA CVM SVLPHVRE SVBLIMATVS FVIT.

Cinnabaris factitia. *Dispens. Lond.*

Cinnabaris Antimonii.

IV. PRAEPARATA MERCVRIALIA, VBI MERCVRIVS IN CALCEM, SEV PVLVEREM CALCFORMEM, VERSVS FVIT.

a) *Tritu mechanico. (v. II. a.)*Mercurius calcinatus niger. BOERHAAVE *de Merc. p. 6.*b) *Actione ignis.*α) *solus.*Mercurius calcinatus. *Disp. Lond.*

* Mercurius praecipitatus per Sc.

β) *cum auro, et argento.*

Mercurius praecipitatus solaris, ASTRVC.

Panacaea, DE LA VIGNE.

V. PRAEPARATA MERCVRIALIA, VBI MERCVRIVS VERSVS FVIT IN SVBSTANTIAM SALINAM, SEV SALIVM DOTIBVS INSTRVCTAM.

a) *Ope acidi vitriolici.*Mercurius emeticus flavus. *Disp. Lond.*

* Mer-



* Mercurius praecipitatus flavus. *Dispens. Edinb.*

* Turpethum minerale. *Disp. Edinb.*

Oleum mercurii.

b) *Ope acidi nitrosi.*

Solutio mercurii. *Disp. Edinb.*

Calx mercurii. *Disp. Edinb. (V. et VI. A. a.)*

c) *Ope acidi muriatici.*

Mercurius sublimatus corrosivus. *Dispens. Edinb.*

Mercurius praecipitatus albus, BOERHAAVE
Chem.

Lac mercurii; mercurius cosmeticus.

Aqua aluminosa. *Disp. Edinb.*

Aqua phagedaenica. *Disp. Edinb.*

Mercurius violaceus diaphoreticus, ex anatica
dosi aethiopis, salis ammoniaci, subli-
mationi una subjectis. *ASTRUC.*

* Flores ammoniaco-mercuriales.

Solutio mercurii per deliquium, ex unione sa-
lis ammoniaci et mercurii, invicem tri-
torum, ac in locum humidum pro deli-
quio repositorum. *ASTRUC.*

d) *Ope acidi vegetabilis.*

Mercurius tartarifatus; mediante cremore tar-
tari.

Pilulae KEYSERI; solvitur mercurius aceto
destillato, accedente tritu, tumque re-
miscetur cum manna.



VI. PRAEPARATA MERCVRIALIA SALINA, DE-
NVO LENIORA REDDITA, SEV DVL-
CIFICATA.

A. Erepto acido.

α) Calcinatione.

Mercurius corrosivus ruber. *Disp. Lond.*

* Mercurius calcinatus. *Disp. Edinb.*

* Mercurius praecipitatus ruber. *Disp. Edinb.*

β) Adtractione.

a) Aquae.

Pulvis Principis. *Disp. novi.*

b) Alkoholis.

Mercurius corallinus. *Disp. Lond.*

Panacaea mercurii. *Disp. Edinb. Edit. 1744.*

c) Aquae, et Alkoholis.

Arcanum corallinum. *Disp. novi.*

Panacaea mercurii rubra. *Ejusdem.*

d) Camphorae.

Pilulae è turpetho miner. *Pharmac. Paup. Edinb.*

VII. PRAEPARATA MERCVRIALIA, ADTRACTIO-
NE ET PRAECIPITATIONE FACTA.

a) Sale alkalino fixo:

Mercurius praecipitatus fuscus. *Disp. Edinb. 1744.*

b) Sale alkalino volatili; aut volatili fixoque
simul.

Mercurius praecipitatus albus. *Disp. Edinb. Disp. Lond.*

Mercurius praecipitatus. *Disp. Lond.*

Unguen-

Unguentum è mercurio praecipitato. *Disp.*
Lond.

c) *Praecipitata Cl. SAVNDERS.*

d) *Sale alkalino volatili, et venere.*

Mercurius praecipitatus viridis. *Disp. Edinb.*
Lacerta viridis.

B) *Addita majori copia mercurii.*

Mercurius sublimatus dulcis. *Disp. Lond. et*
Edinb.

* Calomelas.

* Aquila alba.

C. *Addito unguento.*

Unguentum citrinum. *Disp. Edinb.*

VIII. PRAEPARATA MERCVRIALIA SALINA, ACRIORA ADHVC REDDITA, AVT IN STATV ACRI CONSERVATA.

1) *Praecipitato resoluto.*

Mercurius praecipitatus solutus.

2) *Addito acido.*

Solutio sublimati cum spiritu salis.

3) *Additione salis ammoniacalis scopo obtento;*
ut vel major copia praeparati mercuria-
lis salini solvatur, vel suspensa in latice
sustineatur.

Mercurius corrosivus nitrosus.

* Guttae albae *Cl. WARD.*

Mercurius corrosivus muriaticus.



§. 785.

DIVISIBILIS mercurius in moleculas minimas est, quarum tamen quaelibet sit spheroidea, ac splendore metallico, adgregato omnium simul sumtarum proprio, gaudeat. Curiositate ductus, inquit Illustrissimus Anglus *Robertus BOYLE*, argentum vivum in cucurbita ampla, capitulo vitreo instructa, destillavi, observavique, operatione, eo caloris gradu, qui ad propositum meum requirebatur, peracta, interno alambici parieti multitudinem orbicularium guttularum adhaesisse, atque, ut nosti, mercurium esse specularum, sic unaquaeque harum particularum parvum erat rotundumque speculum, et plurimis earum confertim sibi invicem adjacentibus, eae tum meo, tum eorum, quos ad spectaculum invitaveram, iudicio, vitrum, cui adhaerebant, corpus manifeste albedo visui reddebant. Haec tamen, inquam, albedo, ab exiguitate et proximitate parvulorum mercurii globulorum dependebat, quorum superficierum convexitas aptos eos reddebat, ad repraesentandum in angusto spatio, diversimode positos spectatores, lucidarum imaguncularum multitudinem.

§. 786.

DIVISIBILITAS praeterea hydrargyri tum ex effusi in sphaerulas minimas dissilientis metamorphosi, tum et ex imbre argenteo, quem alutae inclusum, ac per hujus poros pressum exhibet, satis evincunt. Commonstrant eam ulterius symptomata, quae adficiuntur homines vaporibus mercurii, igne adtenuati, diu expositi; mercurius in cavernulis ossium, ac in diploica cranii substantia inventus in iis, qui ad luem gallicam curandam illum vocarunt in auxilium;

tum



tum demum inventus in fundo vasorum balneum continentium, quod ingressi fuerunt veneris emeriti athletae, mercurio probe farchi. LIEBKNECHTVS testatur, se unam solum mercurii guttulam, cujus diameter erat sex linearum, divisisse in tales guttulas 100000000., adhuc microscopio discernibiles.

§. 787.

VOLATILITAS mercurii pariter summa est, ac divisibilitati analoga. Veritas adfertur tum ex jam dictis demonstratur, tum et ex dicendis mox melius patefcet.

§. 788.

GRAVITATEM vero mercurii specificam eam esse, quae gravitati auri, corporum omnium ponderosissimi, proxime accedat, aut, post platinae demum gravitatem, ut alii volunt, illico sequatur, in genere tenendum est. Rationes sequentes III. MVSCHENBROECKIVS adtulit. Mercurius Tyrolensis virgineus se habuit ad 1, 000. aquae

uti	—	—	—	—	14, 000.
Tyrolensis	—	—	—	—	13, 652.
Alius	—	—	—	—	13, 620.
Britannicus	—	—	—	—	13, 593.
Destillatus ex calce à GAVBIO	—	—	—	—	13, 619.
Destillatus semel à BOERHAAVIO	—	—	—	—	13, 570.
Cum auro purissimo unitus, ac centenis vicibus destillatus	—	—	—	—	13, 550.
Cum argento purissimo unitus, et centenis vicibus destillatus	—	—	—	—	13, 580.
Cum plumbo unitus, in pulverem mutatus, dein resuscitatus	—	—	—	—	13, 550.



Vicibus <i>III.</i> destillatus	—	—	14,	110.
Sublimatus corrosivus	—	—	8,	000.
Dulcis bis sublimatus	—	—	12,	353.
Ter sublimatus	—	—	9,	882.
Quater sublimatus	—	—	8,	325.
Turbith minerale	—	—	8,	325.
Aethiops mineralis	—	—	2,	227.
Cinnabaris nativa	—	—	2,	2337.
Tyrolensis	—	—	7,	300.
Iapanica	—	—	7,	273.
Iapanica alia	—	—	7,	000.
Nativa, quae fracta polita exhibet superficies, instar talci	—	—	7,	710.
Perfica, quae fracta est asperae superfi- ciei	—	—	7,	600.
Nativa, ex Guinea	—	—	6,	280.
Almadicensis	—	—	6,	188.
Factitia	—	—	8,	002.
Alia	—	—	7,	8711.
Alia	—	—	7,	8385.
Mercurii minera ducatus <i>Bipontini</i> prope <i>Baumbolder</i>	—	—	2,	962.
Ex eodem ducatu prope <i>Meissenheim</i>	—	—	5,	213.
Purpurea, petrae expers, interlucentibus mercurii globulis	—	—	11,	2259.

§. 789.

PRAEROGATIVAM hanc mercurii, et habitum ejus ad aurum simul, mirati Chemicorum et Alchemicorum varii miris eam descripserunt phrasibus: sic, si super hydrargyri sextarium, VNZERVUS inquit, centenarium saxum inponas, oneri statim resistit; si vero scrupulum auri injeceris, pondus ejus non sustinet. Et AGRICOLA etiam monuit, in duobus mer-

curii

cuprii talentis unum ferri talentum innatare, unum vero aureum denarium mox mergi.

§. 790.

IN *Elementis* quidem *Chemiae* dixit BOERHAAVIVS, mercurii dotes enumerans, mercurium nullo frigore noto constringi in solidam massam; et quaestionem hinc addidit: an ergo mercurius aurum fluens sit? Alio etiam loco retulit, frigore intensissimo nitri spiritum fortissimum congelari, mercurium vero adeo densari, ut adhuc fere contrahatur ad $\frac{1}{269}$. suae molis: his tamen non obstantibus constitit, mercurium frigoris gradu omnium fortissimo solidescere, ac in firmam substantiam abire demum posse, quae quidem accessu caloris in pristinum redeat mercurium. Experimenta circa rem hanc instituta latius exposita v. in capite de NITRO.

§. 791.

CALORE mercurium insigniter expandi, frigore condensari, aëris pressu adfici, docent, quae paulo prius adducta fuerunt phaenomena; docet quotidiana *thermometrorum*, *barometrorum* instantia. Solent, *Gabriel FALLOPIVS* dixit, annuli parari, spectantibus admirationem parientes, dum nimirum in cavitatem talis annuli internam mercurium vivum recondunt, annulumque postea vel candelae flammae, vel prunis eandentibus admovent, tum mercurium inclusum, calore ignis exagitatum, moliri exitum; quem, quum non inveniatur, hinc inde varie moveri, istoque motu una annulum commovere. Plura circa actionem caloris et ignis in mercurium mox latius exponentur.



S. 792.

VACUO commissi mercurii phaenomena C. WABST in *tentamine de hydrargyro* sat bene complexus est sequentibus: si hydrargyrum, ait, depuratum in globulo vel tubulo vitreo, ex quo aër, antliae vel ignis ope, expulsus sit, tum vero hermetice clauso, agitur, lumen producit, quod non injucundo sane spectaculo est. Hoc phaenomenon primo casu observavit a 1675. PICARDVS, Mathematicus Gallus, Academiae regiae sodalis, in observatorio Parisino, qui barometron, à pluribus annis jam conservatum, nocte obscurissima transportans, observavit, motu mercurii quaedam fulgura per vices adparere, qualia in phosphoro Anglicano videntur, dum aëri exponitur. Periculo tum in aliis pluribus barometris facto, non nisi unicum inventum fuit, CASSINI Astronomi incomparabilis, de quo DV HAMEL paucis innuit, quod prope eadem, quae PICARDI barometron, praestaret; qua de re legi potest libellus gallico idiomate ab *Anonymo* 1686. editus, de *barometris, thermometris, et hydrometris*, qui a 1708. *Amstelædami* recusatus fuit. *Diarium* tamen *Parisinum* dudum ante, anno nimirum 1676. mense *Majo*, mox post detectum phaenomenon, ejus meminit, sed nescio quo pacto res haec, quinque fere lustris neglecta, tandem à *Celeb. BERNOULLI* primum exactius perquisita fuerit, qui peculiari *Dissertatione de mercurio lucente in vacuo* 1719. edita, modum talia barometra conficiendi indicavit; ubi, ne soli curiositati inservire videretur, utilitatem quoque adducit ex tali phosphoro mercuriali capiendam: horologium nempe noctu lucidum parari posse, ope duorum tuborum oblongorum, seu vitrorum conicorum aëre vacuorum, et, interposito diaphragmate eburneo perforato, inter se conglutinatorum, clepsydrae instar, in qua mercurius per foraminulum ex uno vitro in alterum



terum defluens, filum lucidum repraesentat, quod paulatim decrefcens horas indicat. *) Simili modo, dicit, et lampades perpetuo lucentes, pluviam igneam, seu lucidam, aliasque machinas splendentes luminofas parari poffe; horologium autem illud lucidum dictu facile, factu perdifficile eft. Sic et, uti *III. s^o* GRAVESANDE memorat, ope antliae pneumaticae, fub recipiente, fontes falientes mercuriales, noctu lucentes, ex eodem fundamento adornari poffunt. De tali autem barometro, et phosphoris fimilibus alii quoque fcripferunt: uti WEIDLERVS in *Difsert. de phosphoro mercuriali*, HAVCKSBEE, HOMBERGIVS, LEIRNITZIVS &c.

§. 793.

ALIVM, pergit WABST, phosphorum ex mercurio lucidum LEMERY fequenti modo defcribit: phosphori ex urina parati grana decem folve in drachmis duabus olei fpicae in phiala fuper flamma candelaе, quod magna ebullitione fit; injice poftea hydrargyri puriffimi drachmam dimidiam, continuo agita, et habebis maffam amalgamati fimilem, in obfcuro lucentem. Huc pertinet, quod *Cl. POTT* de quodam Philochymico recenfet, qui ex mercurio cum fale communi eousque purgato, donec ex forma fua currente

B 4

in

*) ELEGANS, primo intuitu, inventum hoc videtur; verum tamen, fi animum advertas, mercurium, uti mox latius patebit, fole concuffu et motu continuato partim in pulverem verti, multum decrefcit fpiciofi; ut alia taceam, quae, ut hic exponantur, non eft locus: bene hinc monuit *Cl. WABST*, horologium illud lucidum dictu facile, factu vero perdifficile efle. ---



in magma albicans, immobile, lunae instar, mutatus esset, admistione salis tartari, et digestionem cum spiritu terebinthinae, oleum adquisivit, quod in tenebris, phosphori instar, lucidum adparuit.

§. 794.

PRAETER haec, à Cl. WABST exposita, circa phosphorescentiam mercurii legi inprimis meretur Cl. de LVC in *Recherches sur les modifications de l'Atmosphère*, Geneve. 1772. &c. ubi tum historia inventi, tum observationes ac sententiae circa ejus explanationem propositae à Cl. de la HIRE, CASSINI, HAVCKSBEE, BERNOVLLI, HOMBERGIO, DE MAIRAN, DU FAY, VAN MVSCHENBROECK, LVDOLF, et ipsius Cl. de LVC in unum collectae videri queunt; tum et dissertatio Cl. TREMBLEY *on the light caused by Quick-silver shaken in a glass Tube, proceeding from electricity*, quae in *Philosophical Transactions* No. 478. inserta habetur.

§. 795.

VIDEAMVS nunc, qua ratione mercurius, *aëri libero* expositus, adficiatur.

§. 796.

AERI expositus, nulla rubigine obducitur, sed splendens nitidusque diu manet, obsidetur demum, si in vase non obiecto repositus fuerit, pulvisculis per atmosphaeram obvolitantibus, quos magnetica quasi indole adtrahi Cl. BAYME monuit; etsi quidem magnetismum hic nullum plane observare unquam potuerim. Admitti vero debet, pulvisculos in nitidissimo mer-

mercurio citius detegi; caeterum in exposito aëri mercurio, aequalisque magnitudinis, uti superficies hujus erat, speculo, diversitatem nullam plane, ratione pulvisculorum, utrumque obsidentium, copiae deprehendi.

§. 797.

EXPOSUIT *Cl. MARIOTTE* mercurium per annum integrum aëri libero, nullum tamen vel levissimum ponderis decrementum observavit. Mercurium inpuris aëri inhaerentibus inquinari, dum per illum delabitur, *Cl. BERNOULLI* demonstravit singulari tentamine; dum enim gutta illius purissimi et politissimi cadit ex altitudine pedali, vel sesquipedali, observatur plerumque in superficie terfa et polita reliqui in vase subposito contenti mercurii, post guttae delapsae immersionem labes, aut macula quaedam magis minusve sensibilis; patebit vero mox, sola agitatione mercurium jam verti posse in pulverem, hinc macula illa forsan non solis atomis per aëra dispersis, mercurio adhaerescantibus, tribuenda videtur.

§. 798.

MERCURIUS *trituratione* sola, diutius protracta, *agitatione*, aut *conquassatione* redigitur in pulverem ex griseo nigrescentem, tactu laevem, subtilem, saporem aeruginosum, seu specialem metallicum, linguae inprimentem, mercurio reliquo, si totus sic mutatus non fuerit, insidentem, nec cum reliqua massa, adhuc metallica, in unum conjungendum, hinc vero calcium reliquarum metallicarum indolem sequentem, quae pariter cum substantia, ex qua confectae fuerunt,



runt, proprietatibus metallicis adhucdum donata,
non remiscuntur.

§. 799.

PERFICI hoc optime poterit, adligata alae
molendini lagenula, copiam quamdam mercurii re-
cludente.

§. 800.

VNCIAS sexdecim hydrargyri pressit BOERHAA-
VIVS per alutam, nulla faex restitit; trivit dein cum
aqua pura; mansit haec pura post tritum. Cum sale
marino contritum diu fuit, sed color salis non in-
quinabatur. Adfusa aqua ad sal hoc et mercurium, re-
petita tritura; neque vel ita mutatus fuit color. In
omni hoc opere nigri nil, nil peregrini, aut spurci
adparuit, Hydrargyrum dein ablutum, siccatum, erat
splendidum. Infusum hoc in lagenam vitream sic-
cam; posita simul in furno arenae ad ignem tantum
non elevantem argentum vivum, quod sic certissime
constaret, aquam, quae crebro mercurio clam adest,
omnem penitus expulsam: triduo sic relictus adpara-
tus. Subere puro, siccissimo, solidissimo, in col-
lum calidi adhuc vasis intruso quam fortissime, vi-
trum obturatum. Apex lagenae subere clausus, in-
missus caemento fuso de pice, resina, sebo, sulphure.
Linteum inductum, adductis funibus arcte constri-
ctum. Vitrum ita instructum inditum fuit cistellae
lignae, ita capienti hanc lagenam, ut eam lateribus
suis contingeret; surfures ficci dein vacua inter vitrum
et cistellam loca replebant. Operculum ligneum per-
foratum in medio adfixum supra, ut collum lagenae
parte superiore sua paulum emereret per id foramen:
vitrum immobile haesit sic intra cistellam. Paratum sic
adfi-

adfigendum curavit BOERHAAVIUS ad caudicem tundentem molendinae fulloniae, noctes diesque mobilis, modo spiraret ventus, à prima Martii anni 1732. ad decimam tertiam Novembris ejusdem anni; fuit semper ad perpendiculum elevatum, & demissu concussum. Lagena demum aperta, idem pondus mercurii reperit, undique tectine polline mollissimo, nigerrimo, copioso, tenuissimo. Pressit per alutam puram, transiit liquidus, purus, mercurius. In aluta pulvis ille saporis acris, metallici, saporem aeris utcunque referentis, haesit.

§. 801.

SUSPICATUS autem, forte quid haerere posse in argento vivo, alienae ab illo indolis, & motu separari inde specie illius pulveris, egit mercurium ex cornuta vitrea, igne arenae totum; egressum refudit in eandem retortam, ursit igne ut prius. Opus repetiit sexagies; erat mercurius sexaginta & una vicibus destillatus. In fundo valis drachmae quinque pulveris rubri, de quo postea agetur. Mercurius vero hic valde agilis, nitens. Hujus uncias binas curavit conquisandas molendina fullonia, eodem prorsus modo, opere, & tempore, uti paulo ante dictum fuit. Reperit pondus idem. Pulvis enatus mollis, niger, saporis acris metallici, aes referentis, ad duas drachmas & viginti sex grana: igitur plus octava; dum vernalis mercurii vix $\frac{1}{21}$, eadem operatione, versa esset in pulverem.

§. 802.

PULVIS autem antea descriptus, nigerrimus, ad drachmas duas cum granis viginti sex sumtus, igne valido aperto, ex retorta pura, vitrea actus, ut postremo



mo per horas binas retorta canderet. Erant, finita operatione, in excipulo drachmae duae, grana duo, argenti vivi purissimi, insipidi, splendentis. Adhaesit lateribus vitri, quod commissum retortae in vas aqua plenum desinit, hinc inde aliquantum mercurii, qui accurate colligi nequit. In fundo retortae macula fixa, parva, subtilissime tenuis, visibilis modo.

§. 803.

METAMORPHOSIS mercurii in *pulverem griseum, nigrumve* ex priori splendenti metallica forma, adjecta imprimis substantia quadam alia, *extinctio mercurii* passim adpellari solet. Exinctio vero haec diversis mediis obtineri valet. Exinctio per *sulphur*, per *pinguedinem*, ac per *saccharum* &c. inferius paulo adferetur. ARISTOTELES jam mercurium, qui ipsi *ἄργυρος χυτός*, seu *argentum fustum*, aut *argentum fluidum* dictus fuit, cum saliva diu mistum, in morbis quibusdam cutaneis utile remedium esse dixit *Meteorologicorum Lib. IV. cap. 8.*

§. 804.

AGAM vero nunc de ea extinctione, cujus inventionem Amicus optimus *celeberrimus* PLECKIVS primum inclaruit, per *gummi arabicum*.

§. 805.

NON suspenderunt, in tentaminibus CL. VIRI, mercurium *mucus ex faucibus ejectus*, nec *saliva*, nec *ovorum vitellus*, nec *albumen*, nec *sanguis*, nec *serum sanguinis*, nec *animantium recens bilis*, nec *ichthyocolla*, nec *gummi tragacanthae*, nec *mucila-*

go *feminum cydoniorum*, nec *farina radicit altheae*, nec *amylum*, nec *manna calabrina*, nec *mel crudum*, nec *idem despumatum*, nec *syrupus sacchari*, nec *saccharum ipsum*, nec *syrupi alii*, nec *oleum lini*, aut *pinguedo*. Sumit vero & drachmam hydrargyri PLENCKIVS, contrivit in mortario lapideo per quadrantem horae cum drachmis binis *gummi arabici*, adfusa simul aquae tantilla copia, donec gummi in mucilaginem foret liquatum. Disparuit sic pedetentim mercurius totus, & in mucilaginem abiit cinerascens, viscidam, adfusione librae unius aquae adtenuandam, conquassatione aquam totam colore griseo tingentem; tumque partim haerentem in superficie; partim, elapso longiori temporis intervallo, descendente ad fundum. Subsides simul sedimentum griseum, in quo mercurius glutini *gummi arabici* exactissime unitus, inviscatusque adeo est, ut in globulos coire amplius nequeat, etsi miscela aqua copiosa adtenuetur.

§. 806.

LENIORI conquassatione lagenae mucilaginosum hocce sedimentum aquae facile remiscetur; oritur tum in superficie liquidi spuma alba, copiosior, mercurium adtenuatum, maxime divisum, simul recludens, annulum aureum adfrictu inargentantem.

§. 807.

MISCUIT & scrupulum *gummi arabici* in mucilaginem resoluti Cl. PLENCKIVS cum granis decem mercurii. Intra sex minutorum intervallum mercurius omnis cum mucilagine coit. Sedimentum, ex mercurio & arabico *gummi* concretum, per multas hebdomadas



das haud mutatum perstitit; nigricans demum magis, & floccosum liquidum evasit, nec exacte adeo cum aqua innatante commisceri valuit; mercurium tamen ex amplexibus non dimisit, nisi aqua filtratione separata fuerit, ac reliquum calori fornacis expositum, quum sic ipsa mucilago destruat.

§. 808.

DECOXIT PLENCKIUS libram unam solutionis huius gummoso-mercurialis; unio binarum substantiarum eo firmior hac encheiresi facta fuit.

§. 809.

VNITVM etiam cum gummi arabico hydrargyrum feliciorem nexum mercurii cum aliis substantiis praestat, quois alias remisceri probe adeo nunquam possit.

§. 810.

ADNOTAVIT Cl. HERZOG in dissertatione inaugurali *de morbo articulari*, Helmstadii 1768. defensa, Berolini in amplissimo regio nosocomio mutata non-nihil ratione perfici solutionem mercurii gummosam. Formulam adtulit sequentem: Recipe mercurii vivi depuratissimi draehmas duas, gummi arabici unciam unam; conterantur in mortario lapideo, perfusa subinde rosacea aqua tantisper, dum mercurius omnis abierit in mucum. Satis superque subactis addantur insuper conterendo aquae rosaceae unciae sexdecim.

§. 811.



§. 811.

IPSE vero remedii inventor PLENCKIUS in *Pharmacologia chirurgica* nuper edita *Mercurii gummosi* hanc addulit formulam: Recipe mercurii vivi depurati drachmam unam, gummi arabici pulverisati drachmas tres, syrupi diacodii unciam semis. Conterantur in mortario marmoreo tandiu, donec mercurius ex integro disparuerit, ac in mucilaginem abierit.

§. 812.

NOTANDUM demum circa praeparationem hanc adhuc venit, trituram in mortario vitreo, aut marmoreo demum, minime vero in metallico ullo fieri debere. Quod quidem & in aliis mercurii praeparationibus tenendum non minus est. Nonnullorum vero, v. c. mercurii sublimati corrosivi tritura nec in marmoreo quidem, in cuius substantiam acidum, mercurio conjunctum, agere facile posset, sed unice in vitreo mortario fieri debet.

§. 813.

REFERRI huc adhuc debet basis *trochiscorum antivenericorum* KEYSERII (*Dragées antiveneriennes.*) Exposuit horum compositionem Cl. FALK in à *treatise on the medical qualities of mercury &c.* absolvi eos unice miscela mercurii cum aqua, dein vero cum aceto diutissime triti, adjecta sub finem sufficienti quantitate mannae, ut totum redigatur in pastam, ex qua trochisci formantur. Exactius vero descripti habentur in Cl. RICHARD de HAUTESIERCK, *Recueil d'observat. de Medec. des hopitaux militaires &c.* Consciuntur scilicet ex mercurio, tritu diutissime protra-



Eto in pulverem nigrum verso, qui KEYSERO *aethiops mercurii naturalis* dicitur; calcem hanc inventor destillationis ope rectificari iussit, verti tum caloris accessu in mercurium sic dictum praecipitatum per se, solvi hunc in aceto, atque nunc demum cum manna jungi.

§. 814.

MERCURIUS *alkalisatus* ANGLORUM Mercurius cum terris absorbentibus, imprimis cum *cancrorum lapidibus*, tritus, atque nomine non aptissimo notatus est. Praescriptionem Cl. FALK frequentem adtulit. Recipe drachmas tres mercurii depurati, conterantur cum drachmis quinque lapidum *cancrorum* praeparatorum tandiu, donec globuli mercuriales ex integro disparuerint. Aptè monuit nunc citatus *Auctor*, virtutem absorbentem, quae de hoc praeparato in specie praedicatur, sane non magnam esse, quum ad duo, vel tria saltim, grana exhiberi soleat.

§. 815.

ADIIICIENDUM suaserunt alii *ovi albumen* mercurio cum absorbentibus terris conterendo: totum, quod exin redundat, commodum arctiori paulo unione hydrargyri cum dictis terris absolvitur, à quibus caeteroquin mox denuo recederet.

§. 816.

MISCELAM mercurii cum substantiis aliis postea videbimus.

§. 817.

§. 817.

Ab aqua mercurius purissimus non adfcitur, si eidem immerfus fuerit; nulla omnino rubigine obducitur, nec aqua diutius ei dem supernatans colore ullo tingitur, nec sapore vel levissimo gustantis linguam adfcit.

§. 818.

Cum mercurio vero diu trita aqua subgriseum leviores induit colorem, à pulvere, antea exposito, nigro, nunc per aquam difperfo, oriundum. Si operatio faepiffime instituatur, & pulvis grifeus, aut nigrefcens colligatur femper, obtinetur *mercurius* fic dictus *calcinatus niger*, ab illo pulvere non diverfus, in mercurium currentem denuo reducendus.

§. 819.

MERCURIUS cum aqua decoctus pondere non minuitur, nec mutationem ullam aliam fenfibilem fubit. Mercurii puri, bis deftillati, drachmam infudit BOERHAAVIUS in ampullam vitream, urofcopicam, eamque replevit aqua pluvia. Vas inpoſuit igni nudo. Ebulliit aqua valide per octo horas; ita tamen, ut femper aliquid aquae nataret fupra mercurium. Ponderatus dein dedit drachmam absque ulla jactura. Infudit rurfum drachmam mercurii in vas vitreum, purum, ficcum. Adcommodavit intra ahenum, ut non poſſet vacillare. Ahenum replevit aqua; curavit, ut aqua ebulliret per octo horas. Vas hoc erat cylindricum, apertum, altum duos pollices & dimidium, atque fic poſitum, ut aqua in id non poſſet ingredi. His ita peractis acquabat mercurius drachmam, fine ulla jactura. Mercurium demum purum indidit cu-

Pars II. C curbi-



curbitae vitreae, superadfudit aquam, inposito alambico, decoxit diu, nihil mercurii adscendit. Continuavit decoctionem, donec, omni aqua expulsa, mercurius in fundo vasis ficcus foret, non tamen aucto igne. Mercurius illico adscendit ad latera vasis, & in capitellum.

§. 820.

LUMERICOS, aliaque insecta necari ab aqua, aut lacte, in quibus mercurius decoctus fuit, abs ullo huius minuto pondere, abs ullo in aqua sensibus ullis detegenda mutatione, aut mercurii resoluti vestigio, notum dudum fuit.


§. 821.

PROPOSUIT autem nuperrime Chemicus Londinensis, Cl. WESTON (*v. gazette d'Agriculture, & Journal encycl. 1777. Tom. VII. p. 11.*) methodum novam, qua canibus ab hydrophobia prospici queat. Pintae, ait, duae aquae bullientis adfundantur unciiis quatuor mercurii, in vase latiori terreo contentis. Vas hoc repoponatur dein eum in locum, quem canes potaturi petere solent. Aqua exhausta, alia, eadem copia, & ebulliens pariter, adfundatur, c. s. p. elapso anni unius cursu nullum plane ponderis mercurio decrementum accessisse docebit experientia.

§. 822.

NEGAVIT quidem, sed, uti videtur, non infirmavit, Cl. BURSERIUS in tractatu de anthelmintica argenti vivi facultate dotem mercurio, necandi insecta.

§. 823.



§. 823.

CERTUM est, minima omnino esse debere effluvia, quae ex mercurio in laticem transeunt, apta tamen necandis insectis, aut arcendae hydrophobiae. Monuit quidem Cl. WALLERIUS, decrementum mercurii compensari ab introsuscepta aqua; interim tamen hypotheticum id magis videtur, quam tentaminibus demonstratum: & BOERHAAVIANA experimenta, paulo ante adducta, & alia, cura summa instituta, manifeste WALLERIANAE sententiae repugnare videntur.

§. 824.

PLURIMIS demum experimentis practicis examinandum erit, quod Cl. GRASHUYS ad Cl. MATY in epistola de facili luem veneream curandi metodo, quae inserta habetur in *Journal Britannique pour les Mois de Juillet, & d' Aout, 1754. article IX.* &c. inter alia sequentibus scripsit: Id autem, ait, notasse operae pretium erit, idem argentum vivum (quod de antimonio quoque intelligendum) non nimis saepe decoctioni addi debere. Coctione enim id viribus privari, quidquid alii contra clamitent, certissime sum persuasus. Observavi nempe, mercurio eodem, post repetitas vices, denuo adhibito, medicamentum inefficax reddi. Imo monuit Pharmacopola, argentum vivum ad praeparandum decoctum adhibitum, postea linimentis ad enecandos pediculos bestiarum, boum puta oviumque, admistum, iteratis experimentis, in utile esse repertum.

§. 825.

NE vero quis, examinaturus thesin hanc à Cl. GRASHUYS propositam, suspicari queat, acida, aliave



in mercurium actiuosa, contineri in adlato decocto; inferere hic simul placuit formulam ejus integram, prout habetur in *Introductione ad Praxin Medici* olim celebris *Groningensis Yvonis GAVKES*, ex quo libro *Cl. GRASHUYS* eam excerptit.

§. 826.

RECIPE rasurae ligni Guajaci uncias tres, sassafrae uncias duas, radice chinae unciam unam, argenti vivi in sacculo lineo ligati, antimonii crudi in sacculo lineo ligati ana libram unam. Post justam cum aqua communi infusionem, coquantur ad libras sex, sub finem addendo radice glycyrrhizae uncias duas. Colatura detur. At nosse oportet, addit *Auctor*, quod argentum vivum, & antimonium crudum in ulterio-rem usum recipiendum est. — Ex quo patet, *Cl. GRASHUYS* obpositam plane sententiam *Descriptoris* primi proposuisse.

§. 827.

VIDENDUM nunc, quomodo hydrargyrum sese gerat, *ignis* diverso gradui expositum; ubi recensenda imprimis erunt tentamina à magno *BOERHAAVIO* instituta, quae adjiciam demum & alia, hanc eandem rem illustrantia.

§. 828.

MERCURIUM in cucurbitis vitreis, conicis, fundo plano instructis, phiala chemica inversa clausis, exposuit igni centum & octoginta graduum per plures menses; fiebat niger mercurius, deditque pulverem nigrum, similem omni dote prius descripto, per concussum vas obtento.

§. 829.

§. 829.

ARGENTI vivi uncias octodecim, ponderis Amstelodamensis, ursit ex cornuta vitrea, pura, igne arenae, in excipulum aqua purissima à fundo ad quatuor pollicum altitudinem plenum, eousque, ut nil remaneret mercurii cohaerentis in alvo vasis. Mercurium siccavit, purgavit charta bibula, pura, sicca; ut esset prorsum siccus, mundatus ab omni sorde inlapsa, & à nigro, quod in destillando evehitur una cum mercurio qualibet vice destillationis. Infudit illum eidem cornutae; instituta, ut prius, operatione. Repetiit hoc quinquagesies & bis. In singulis destillationibus nascebatur pulvis ruber, splendens in retorta.

§. 830.

PULVIS, BOERHAAVIUS pergit, tum ad drachmas quatuor cum semisse, post quinquaginta duas destillationes, acer, ruber, splendens, deorsum sursumque purgans enatus. Mercurius supererat ad uncias sexdecim, drachmas quinque; ergo sex & dimidia perierant. Id caveri nequit: per gluten aliquid expirat; chartae bibulae nigri quid, & pauxillum mercurii adhaerescit, dum exsiccatio singulis vicibus fit. Parum id una vice, multiplicata vero opera adsurgit sensim in partem notabilem. Pulvis natus erat ponderosus, coloris rubri, fulgidi, valde friabilis, saporis acerrimi, metallici, nauseosi, penetrabilis, vix ex ore delendi, corpus humanum diu, & valide turbans, ad excretionem disponens. Mercurius ita tractatus fluidior vulgari adparebat.



§. 831.

UNCIAS sexdecim, drachmas quinque mercurii superstitis ab operatione nunc dicta curavit destillare ut prius, eousque, ut nil remaneret in fundo. Egressum, depuratum, siccatum semper effudit rursus in retortam eandem. Repetiit opus per quadringentas quadraginta & octo distinctas vices. Erat mercurius hic jam destillando actus quingentis vicibus perfecte, genuerat semper quid rubri. Ascenderat semper fluidior, purior. Ultimis vicibus igne fortiori actio pulvis ille rutilus minui potius, quam augeri videbatur; forte pro parte revivificatus. Pulvis in fundo retortae remanens ponderavit unciam unam, drachmas quinque, grana viginti & unum. Argentum vivum superstes post quingentas destillationes ponderavit uncias novem, drachmas quinque: sed contigit in tot destillationibus, ut aliquoties retortulae fuerint fissae, sicque mercurii quid effugerit, praeter id, quod purgando & siccando tot vicibus repetitis, perierat.

§. 832.

MERCURIUM fluidissimum, purissimum, unde quingentis & una destillationibus confecerat uncias duas, drachmam, & grana quinquaginta & unum, superstitem pondere unciarum decem drachmarum quinque cum semisse, destillavit BOERHAAVIUS ex retorta vitrea; ut mercurius omnis penitus transfret in excipulum. Fundus cornutae erat mundus, ac si recens ex fornace vitraria educeretur. Sed ad limbum superficiei, quae steterat ante destillationem in ventre retortae, erat annulus fulgens, pulchre rutilus, speciosus, vernis. Mercurium egressum, purificatum, siccatum, refluxit in eandem retortam; urlit in excipulum

lum. Repetiit hoc decies. Singulis vicibus fiebat plus de illo pulvere rubro: neque vero pariori copia, quam ex mercurio crudo. Mercurius sic factus vividissimus, undissimus, pulvis fixus, pulchre rutilus, caeterum ut in praecedentibus processibus se habens, ad grana septem.

§. 833.

UNCIAS duas, drachmam, & grana quinquaginta & unum pulveris illius indidit retortae vitreae, mundaе, crusta obductae argillacea, arena temperata; urfit per gradus, ut tandem retorta, nudo igne supraposito, canderet fere à luculento igne, in furno arenae per tres horas continuatas. Uncia una & drachmae semissis exiit mercurii puri, & revivificati, ex illo pulvere. In fundo retortae remansit pulveris fulgide rutili ad drachmas septem cum semisse. Haesit quid in collo retortae, & in vase vitreo, ad collum retortae adplicato. Aliquid forte igne tam magno & diuturno dissipatum fuit.

§. 834.

DRACHMAS septem, & grana octodecim pulveris nunc dicti ex retorta purissima vitrea, lorica ex argilla & sabulo investita, commisit igni nudo, prudenter per gradus aucto; donec tandem retortula, infra & supra igne obruta, canderet penitus. Sic ignitam detinuit per horas quatuor. In excipulo mercurius revivificatus de hoc pulvere purissimus ad integras drachmas septem erat. In fundo retortae grana quindecim pulveris fusci subtilis, fixi in tanto tamque diuturno igne. Erat macula lata, tenuissima, coloris pul-



cherrime rubri, fundo retortae inpressa, atque in vitrum quasi penetrans.

§. 835.

GRANA tredecim pulveris hujus ultimi, fixi, inposuit crucibulo, igni inposuit aperto, ante follem. Intendit vim ignis folle eo usque, ut totum crucibulum penitus igniretur. Sic detinuit per quadrantem horae. Pulvis mansit in fundo fixus, sed spongiae instar tumefactus, fuscus. Unde, fixitatem insignem satis productam in hoc pulvere per solum ignem, patuit.

§. 836.

PULVERI huic, tam fixo, addidit aliquid borrae in crucibulo, urfit ignem folle. Facta fuit massa una, friabilis, vitrescens, in magno hoc igne fixa. Duo grana pulveris ejusdem, ad pondus quindecim granorum, dedit Docimastae peritissimo, ut examinaret ad leges artis cum plumbo. Mansit nihil omnino fixi superstitis. Ergo in illo pulvere & nihil omnino auri, neque argenti.

§. 837.

GRANA illa tredecim fusa cum borrae in massam vitrescentem, una cum borrae dedit denuo Docimastae, ut examinaret cum plumbo totum. Mansit & hic de tota massa nihil omnino fixi; adeoque nihil auri hic, argenti nihil.



§. 838.

DEDUXIT jam ex his omnibus BOERHAAVIUS collaria sequentia:

- 1) ARGENTUM vivum perstat in igne retinens naturam suam immutabilem.
- 2) SIMPLEX, nec in diversa separabile per destillationem.
- 3) FIXATUR ab igne, & in forma externa videtur mutatum.
- 4) Sic adparens, in variis partibus, diversos gradus fixitatis acquirit.
- 5) TAMEN nulla harum partium fixitatem auri, argentive adquisivit ab igne tam magno & diuturno.
- 6) CAUSA fixans ignis per vitrum transiens, partem mercurii sic mutans, sive actione simplici, sive adunatione sui cum argento vivo.
- 7) IGNIS ille, ita agens, per quingentas undecim destillationes, sua vi, vel conjunctione, nondum potuit vel minimam ejus particulam vertere in aurum, argentumve.
- 8) SED ex mercurio sic per ignem fixato, ignis major verum mercurium reddit; aut plumbi nota vix facit à cupella evanescere.
- 9) NON patet ergo, per haec experimenta, ex mercurio & igne, sic conspirantibus, nasci ullum metallum notum: grana illa tredecim ad ignem folium non fluebant: in plumbo non stabant; cum mercurio non solvebantur in amalgama.
- 10) IGNIS igitur, ex his experimentis, non demonstratur *Philosophorum sulphur*, fixans mercurium in metalla.

C 5

II) SED





- 11) SED probabile videtur, *Sophorum sulphur proximum* esse aliud quid.
- 12) PARS fixata non est fax mercurii; nec ejus sulphur crudum foetens redit in illum.
- 13) DEPURATIO mercurii à face terrestri, & aquoso crudo, vix videtur sola destillatione obtineri posse tam facile, alia forte secretiori opera obtinetur.
- 14) AURUM, vel argentum ex mercurio conficere per ignem non procedit; Ignari & imaginationi devoti, faciles promissis, divites spe. Mercurius hic mansit mercurius.
- 15) TUTI à fallacibus scriptis & praescriptis *Sophistarum*, qui ex mercurio & igne talia promittunt intra breve tempus, paucosve menses; sane intra plures annos ne inchoamenti quidem primi vel minima indicia.
- 16) MERCURIUS demum sub aqua ebulliente detentus, non elevatur à fundo vasis.

§. 839.

Ex plumbi selibra, mercurii sesquilibra factum amalgama BOERHAAVIUS concussit in vitro. Nascebatur pulvis nigerrimus. Hunc immisit cucurbitae vitreae, sexdecim pollices altae; superadfudit acetum stillatitium vini, geminata destillatione factum purissimum. Abstulit leni destillatione phlegma. Auxit dein ignem parum, sic tamen, ut nullo modo ebulliret liquor. Adscendit mercurius in capitellum, una cum phlegmate, & inde in excipulum. Idem aliis modis expertus fuit. Artificio satis simili vidit argentum vivum adeo redditum volatile, ut elevaretur in furno digestorio per calorem minorem, quam

quam est sani hominis, adscendens juxta latera vasis.

§. 840.

TENTAMINA haec BOERHAAVII inserta fuerunt in *Philosophical Transactions*; continuatio vero eorum habetur in *Mem. de l' Acad. des sc. &c.* 1734. in his tum priora confirmantur, tum & varia nova in medium adferuntur. Calori centum gradus thermometri Fahrenheitiani superanti à decima quinta Novembris 1718. ad vigesimam tertiam Maji 1734. usque exposuit argentum vivum: nascebatur taediosissima hac operatione pulvis niger in superficie mercurii, tritu solo in mortario reducendus denuo in pristinum mercurium. Mercurius ex retorta evocatus, igne ad candescentiam vasis aucto, nil omnino faeculenti, nil fixi reliquit.

§. 841.

INMISIT mercurium purum vasi vitreo conoideo, fundo plano instructo, verbo, cucurbitae separatoriae; calori centum graduum à 6. Decembris 1732. ad 8. Julii 1733. exposuit vas clausum, mercurius non mutatus fuit. Uncias ejus sex inmisit vasi simili; orificio vasis indidit collum phialae chemicae inversae, juncturas luto nullo clausit. Calori per quatuor dies balnei arenae tanto exposuit, ut sursum demum ferri inciperet hydrargyrum; factum id eo consilio fuit, quo sic omnis abigeretur humiditas. Clausit demum luto juncturas vasorum, atque adparatui in balneo arenae constituto eum admovit ignis gradum, quo scanderet lente, relabereturque demum mercurius: gradum hunc ad 29. Januarii conservavit. Reperiit demum fundum vasis tegentem mercurium fluidissimum pulvere



vere nigricante, subtili, levique obfessum; nil vero solidi, nil praecipitati: etsi ignis gradus gradui aquae ebullientis proximus semper accesserit. Infudit jam hydrargyrum infundibulo puro, sicco, chartaceo, cuius apex vix capillum transmitteret. Adhaesit lateribus infundibuli, & orae orificii pulverulenti nigri quid, tritu in mortario denuo reducendum in mercurium. Purificatum hac ratione semimetallum destillationi subiecit ex retorta purissima vitrea, balneo arenae inposita. Nec hic solidi quid remansit; fluidior solum nonnihil factus videbatur mercurius.

ALIA tentamina, quae BOERHAAVIUS instituit, ut videret, an ex metallis, v. c. ex plumbo, aut stanno, mercurium educere, aut mercurium in metalla illa vertere posset, intacta hic relinquere liceat.

S. 842.

ETSI vero tum ex *Boerhaavianis* periculis, tum ex numerosissimis aliis instantiis evictum sit, calore mercurium figi nullatenus posse, absurdo tamen consilio varii multum defudarunt: ut, quod naturae foret impossibile, suis inventis possibile fieri posse demonstrarent, inanes Architecti. Refert CL. BAUME, venisse ad CL. GEOFFROY alchemicum quemdam, adferentem scire se rationem, mercurio facili negotio fixitatem conciliandi. Fabricari hunc in finem curavit pyxides sex ferreas, firmissimas, sphaericas, quarum quaelibet major foret altera, ut inmitti ex ordine sibi invicem possent; extima circulis insuper binis ferreis robustis, sese decussantibus munebatur. Intimae jam pyxidi libras aliquot mercurii infudit adeptus; adparatum instruxit, ac in furno carbonibus ardentibus obruit, quo candesceret intense totus. Mercurius autem,



tem, coërceri nunquam non inpatiens, calefactus magis, adparatum totum, quem invincibilem putarat sy-cophanta, enormi cum fragore disjecit; fragmina py-xidum disrutarum tanta vi rapiebantur per aëra, ut asseres binos perforarint, sibi mutuo inpositos; alia vero, globorum ex tormentis bellicis majoribus emis-sorum ad instar, vestigia profunda in muris relique-runt infausti tentaminis.

§. 843.

EXPERIMENTUM praeterea facile institui potest, quod, minori longe cum periculo, rem eandem ex-tra omnem controversiam ponat. Sumatur ampulla vitrea, in tubulum pollicarem circiter, diametro exigua praeditum, terminata; includatur huic metho-do nota, mercurius currens, depuratissimus, apex tu-buli flamma lampadis, cannulae ferruminatoriae ope adaëta, hermetice claudatur. Injiciatur ampullula fo-culo, carbonibus ardentibus repleto, aëri libero ex-posito, ut vapores innocui reddantur mercurii calore adtenuatissimi; fragore sic sat violento dissiliet globu-lus, ac indoles *servi fugitivi*, compedibus nullis vin-ciendi, ergastulo nullo recludendi, manifestissime de-monstrabitur.

§. 844.

MEDIANTE calore pararunt olim *mercurium* sic dictum *praecipitatum per se*, aut *mercurium praeci-pitatum sine addito*, inepto utrinque notatum termi-no. Pulvis longa digestionem obtentus fuit idem, quem prius ex BOERHAAVIO descripsi; operatio haec tota superflua est; absurdo autem notatur etymo, quum, uti facile adparet, praecipitatio hic nulla plane con-tingat;



tingat; meliori nonnihil jure *mercurius calcinatus* vocari posset *auxilio ignis mediocris*; etsi quidem & calcinatio genuina hic non contingat, sed forma solum calcis obtineatur.

§. 845.

DESCRIPSIT Cl. WEIGEL *encheiresin*, mercurium hunc calcinatum parandi, latius in *observat. chem. mineralogic. pag. 21-44.*; excerptam inde, *Physicorum* inprimis in gratiam, observationes paucas, quas ad operationem feliciter peragendam utiles & necessarias, WEIGEL deprehendit.

§. 846.

1) AIR, non minor quantitas, quam marca una, seu libra semis, mercurii vivi sufficit pro vitro unico; alioquin pondus mercurii, vi ignis in collum vasis propulsi, non sufficiet, ut rursus in fundum decidere queat; sed, qui ascendit, in collo retortae haeret; in fundo nullus manet, adeoque frustra labor instituitur: quod quidem recte monuit Cl. LUDOLFUS.

§. 847.

2) VITRUM continens mercurium sit phiala fundo plano donata (*Setzphiole*), è vitro crystallino confata; cujus colli apertura ubique dimidium, ad summum tres quartas partes, digiti transversii aequet; si enim collum infra amplius est, copia mercurii ad tempus adhaerere potest, quae interea ignem non experitur; unde tardior progressus operationis; longitudo colli sit quatuor pedum; plani fundi diameter circiter trium vel quatuor digitorum. Accedit quodammodo

do ad hunc scopum vitrum à ZWOELFERO delineatum, sed fundus nimis latus est; unde, si non ubique mercurio tectus, hic refrigeratus, è collo decidens, vitrum franget. Angustior autem dicto non sit, quum superficie minori mercurii opus lentius progrediatur;


§. 848.

3) ORIFICIUM phialae charta, filo circumligata, sufficienter claudatur contra inlapsum impuratum; non omnis aëris in vitro contenti nexus cum aëre ambiente atmosphaerico inpediatur. Tubent STAHLIUS, BOYLE, alique, phialae collum colliquari; quo tamen facto facile phiala funderetur, licet ea, quam suadent, cautela adhibita, ut antea phiala contentus aër calore rorescat, uti & KUNCKELIUS iussit: nec opus est hacce, sic dicta *hermetica*, sigillatione, quum sufficiat, lumen vasis charta tegendo, inlapsum alienarum particularum arcere, dummodo collum phialae sit longitudinis antea descriptae.

§. 849.

4) DECENS ignis gradus adhibendus. Est hic, si perpetuo mercurius elevetur ad unius, vel ad summum, duorum pedum altitudinem, & rursus decidat in fundum; quod ex inargentato quasi colli colore in plurimis punctis, in aliis autem punctis ex globulorum mercurii descensu cognoscimus. Sed in ventris arenae immergi superficie interna parum vel nihil currentis mercurii adparere debet, ob calorem notabilem, quo, qui decidit, brevi in vapores resolutus, in collum denuo redit. Iam praecipitata pars aut sub superficie arenae, aut immediate supra eandem domicilium habeat, ut magis fixa.

§. 850.



§. 850.

5) DIUTURNA operatione, ultra sex menses protracta, tandem omnis mercurius in dictum pulverem rubrum conversus fuit.

§. 851.

PULVIS sic obtentus mercurium ad experimentum sumtum pondere superat.

§. 852.

AURUM azoth, seu *aurum horizontale* enascitur, dum partes octo mercurii cum parte una auri in amalgama rediguntur; amalgama enatum aceto primum, dein aqua abluitur, in pulverem redigitur, atque methodo, qua mercurius calcinatus confici solet, tractatur.

§. 853.

CIRCA methodum, qua *mercurius depuratissimus* obtineri queat, varias encheireses, Cl. WALLERIUS ait, excogitarunt Chemici; nam

§. 854.

1) NONNULLI ex cinnabari illum eliciunt, cui portio anatica limaturae martis admista fuit. Sensim, hac operatione, ignis eo usque intendi debet, donec retorta ex integro candeat, mercurius ignae subpresso-rio in excipulum demum expellatur. Monet circa hanc encheiresin Cl. WEIGEL non abs ratione, eam optimam non esse, quum partem ferri mercurius haud raro secum abripiat in excipulum. Demonstrabitur autem

autem inferius, quomodo ferrum hoc denuo tolli queat.

§. 855.

2) ALII in auxilium vocant aethiopem mineralem, adjecta etiam limatura martis; notatu dignum sub hac destillatione illud occurrit, quod odor adscendat ingrattissimus, hepar sulphuris fere referens; membranula etiam splendens, ingrate olens, & sapore tetra praedita, tum aquam in excipulo contentam, tum excipuli parietes obducat, sulphuris ferro nupti soboles. Circa hoc etiam denuo recurret amplior sermo.

§. 856.

3) ALII aethiopem antimoniam, ac limaturam denuo martis substituunt.

§. 857.

4) ALII limaturae martis loco calcem adhibent, ea ratione, ut partes binas calcis parti uni cinnabaris, aut aethiopis mineralis adjiciant.

§. 858.

5) ALII sal alkali fixum, eadem ratione, uti calcem in auxilium vocant.

§. 859.

6) ALII reguli antimonii partem dimidiam parti uni cinnabaris, aut aethiopis mineralis adjiciunt.

Part II.

D

§. 860.

§. 860.

7) HORUM loco cuprum, vel

§. 861.

8) PLUMBUM granulatum, aut saccharum satur-
ni, aut demum

§. 862.

9) ARGENTUM adhiberi posse *Cl. WALLERIUS* monuit. Mercurium aethiopsis antimonialis, ac lima-
turae martis interventu revivificatum, omnium puris-
simum & nitidissimum esse, ac phosphori adinstar cor-
ruscare, quum substantiae heterogeneae ac metalli-
cae admistae omnes antimonio adhaerescant, *Cl. MA-
ZOVIN* edixit.

§. 863.

PURISSIMUM autem hydrargyrum obtinetur,
quod *WALLERIUS* non adduxit, dum ex mercurio sub-
limato corrosivo, adjecto sale alkalino fixo minerali
revivificatur.

§. 864.

RETULIT *Cl. BAUME* in *Elemens de Pharmacie*,
adulterari ab impostoribus hydrargyrum plumbo, in-
terventu bismuthi; fundunt scilicet in vase ferreo par-
tes anaticas plumbi & bismuthi; adjicitur his mercu-
rius currens ad dimidium usque ponderis massae to-
tius; agitur miscela, donec frigefacta prorsum sit:
enascitur sic amalgama, in aëre non consistens, ac ex
integro fere per poros alutae transiens adinstar mercurii



rii sinceri. Extricatur tamen ex amalgamate hoc eodem sensim pars bismuthi, mercurio reliquo sub forma pulveris subcinerei innatatura; plumbum vero nunquam non sub forma fluida hydrargyro inmixtum remanet. Fraus haec detegitur 1) quod miscela haec specificè levior sit mercurio puro vulgari; 2) dum amalgama hoc infunditur orbi murrhyno, aut vasi terreo fundo latiori donato, vasaque haec leniter solum inclinantur, delabentem mercurium adulteratum sequitur in caudam productus pulvisculus levior metallicus, seu guttula quaevis mercurii pedicello exiguo instructa est, dum in non adulterato sphaericae ex integro omnes sunt; 3) Dum tantilla portio hujus miscelae infunditur cochleari ferreo, atque hoc ignis actioni exponitur, mercurius avolat, & substantias prius admixtas metallicas relinquit.

S. 365.

SOPHISTICATIONIS hujus ejusdem meminit etiam Cl. FALK in *a treatise on the medical qualities of mercury &c.* miscelam totam per alutae poros transire adjecit, si una quarta pars massae plumbo ac bismutho constet. Pro destillatione mercurii vasa ferrea proposuit, quod mercurius in metallum hoc prorsum non agat, tum &, quod vasa vitrea facile frangantur sub ipsa operatione; pro rostro tubum sclopi adhiberi posse; optimum esse, si mercurius ad magnam altitudinem ascendere debeat, ne plumbum, fors admixtum, facile adeo sequi illum queat; tum mercurium prolectum agendum esse in excipulum, cui aceti portio quaedam prius inmixta fuit; erroneam demum eorum esse sententiam, qui plumbum aut bismuthum mercurio admixtum, non obesse adserunt in praeparatis mercurialibus, quum haec metalla mer-

D 2 curium



curium non adsequantur fursum in sublimationibus actum, legitime monet; nam etsi magna pars plumbi remaneat, portio tamen quaedam una cum mercurio evehi potest, uti directis constituit experimentis.

§. 866.

SIGNA mercurii *impuri* in unum collecta CL. WABST sequentibus expressit; Impurum, ait, hydrargyrum digitos saepe inpressos nigro colore inficit; cuticulam in superficie contrahit; colorem saepe lividum induit; in calore siccatum si sub dio exponatur, humiditatem adtrahit, atomosque pulverulentas in se recipit: in guttulas exacte rotundas non facile dividitur, sed corpuscula format oblonga; atque in eo lentor, & quasi torpor aliquis conspicitur; dum per corium transpimitur, multum impuri relinquit.

§. 867.

ADDENDA his veniunt indicia mercurii *impuri* ex BAUMEO paulo prius adlata.

§. 868.

PURISSIMUM mercurium celeberrimus BERNOULLI eum dixit, qui facile se disenti patitur in globulos minimos, qui promptissime denuo abeant in globulos majores, hinc inde celerrime discurrentes, si vel leviter adtingantur; tum mercurii optimi indicium esse, si lagenae vitreae inclusus, & vehementer concussus in superficie sua bullulas quasdam obferat, liquoris instar spumantis; quae vero bullulae momento iterum



iterum diffiliant. Insuper, citatus paulo ante *Auctor* addit, mercurius sincerus cuticulam in superficie sua nullam contrahit; nec digitos, chartamve albam adfrictu denigrat; per corium pressus nil impuri relinquit; neque cum aqua tritus illam turbidam reddit; purus igni inpositus non crepitat, sed promte exhalat, nec ullam maculam lividam, aut nigrescentem relinquit, aqua forti solutus colorem menstrui non mutat, nec quidquam impuri deponit; metalla promississime adgreditur, eorumque cohaesionem citissime divellit.

§. 869.

AN mercurio cuprum subin adhaerescere conficitur ex observatione BOYLE, qui solutionem illius, cum legitima aqua forti factam, virentem vidit?

§. 870.

Nunc ad solutiones argenti vivi in diversis menstruis.

ACIDUM *vitriolicum* concentratum, mercurio currenti purissimo superadfundum, vix notabilem solutionem inducit: dum vero cucurbita balneo arenae inponitur, is gradus ignis adhibetur, quo in auras fugari latex queat, miscela ebulliat, atque calor idem sic producat, donec liquidum omne difflatum fuerit, remanet demum fundo vasis adhaerens massa pulverulenta, alba, ponderosa, saporis ingratisissimi, simul rodentis, metallici. Adfuso pulveri huic, in mortario contrito, calenti adhuc, vigecuplo aquae calidae, totum illico tingitu colore flavo, citreo, atque sic enatum simul est ita dictum *Turbith*, aut *turpethum*



mineralis. Haec generalia solutionis mercurii in acido vitriolico.

§. 871.

NOTUM est, ait Cl. MONNET, ad solutionem mercurii vitriolicam acidum hoc requiri concentratum, ac ebulliens; sub ipsa solutione spiritum sulphureum volatilem ascendere, quem nonnulli ab unione principii phlogistici mercurii cum acore vitriolico deduxerunt. Huic phaenomeno unice innixi Chemici quidam adferere non dubitarunt, mercurium calcinationis esse capacem; multum tamen abest, quin calcinatio mercurii vera confici exin queat. Dubium potius hodie videtur, an ad formationem spiritus volatilis sulphurei phlogiston quid faciat: instantiae in praecedentibus solutionibus datae jam aliquae fuerunt, quibus conjectura haec ipsa firmari videtur. Praesens insuper phaenomenon novum argumentum subpeditare videtur, quum mercurius, acore vitriolico solutus, abs ullo addito in mercurium currentem reduci queat. Mercurius, qui *turbith mineralis* nomine venit, à mercurio currente in eo solum differre videtur, quod interrupta ejus sit adgregatio, ac ab aëre suo privatus sit fixo, qui metallis essentialis non minus, ac vegetabilibus, & animalibus esse videtur.

§. 872.

PRAEPARATIO turpethi mineralis antiquissimis quidem chemicis operationibus adnumeranda venit, interim tamen KUNCKELIUS omnium primo eam prae reliquis melius descripsit. Iubet, ut quatuor solum unciae acidi vitriolici aequali copiae mercurii adjiciantur, plus enim non requiri ad plenariam femimetalli hujus



ius resolutionem. Verum quidem hoc est; verumtamen operatio diu nimis protrahi deberet; dum autem olei vitrioli dupla portio additur, mercurius apte ac celeriter dissolvitur. Ob eandem hanc rationem KUNCKELIUS exiguam solum spiritus volatilis copiam ex solutione sua obtinuit; acore etiam exiguo solum praedita illa fuit, etsi caeterum foret fortissima. In examine massae salinae obtentae, diligenter elotae, KUNCKELIUS nil nisi calcem mercurii obtinuit, quae semuncia aucta foret pondere pro quatuor uncis mercurii ad experimentum sumti.

§. 873.

EXAMINI subjecit KUNCKELIUS & aquam omnem, qua massam illam abluerat; evaporationi illam primo exposuit, atque sic mercurium exin obtinuit eadem ratione, uti ex massa illa alba, post solutionem remanente. Dum requisita solum ad solutionem quantitas acidi vitriolici adjicitur, minima non nisi pars mercurii aquam subit; nam acidi unice excedentis intervntu mercurius resolutus persistere valet. Observavit sane KUNCKELIUS ipsemet, majorem longe copiam mercurii solutam fuisse, dum parva solum copia aquae massam salinam perfunderet, ac phlegma simul adderet acidum, quod destillatione obtinuerat. Sed & totum mercurium solubilem, & in liquorem redactum, sic obtinere possumus, dummodo acidi sufficiens addatur copia. Solutio haec spissa est, unde &, inproprie licet, *oleum mercurii* dictum fuit.

§. 874.

AUGMENTUM ponderis in turbith probe eloto non ab acore vitriolico delitescente, sed ab aqua mercurio



pertinaciter adhaerente deduci debere, ait *Cl. Mon-*
NET, tum & ab indole cognita substantiarum metal-
 licarum extra adgregationem positarum, quae tum
 ponderosiores nunquam non sunt, quam ubi forma
 donabantur adhuc dum metallica. In turpetho nec
 atomum contineri salinum, dum exacte elotum fuit,
 ex eo demonstrari monet, quod in aqua solubile non
 fit, ex integro vero solvatur in spiritu nitri; omnes
 vero chemicos magnum errasse errorem, qui turpe-
 thum inter salium tribum reposuerunt; convincens
 prae reliquis argumentum, quod turpethum calx mer-
 curialis sit, ex eo formari, quum nec micula obtineat
 tur mercurii sublimati corrosivi, dum turpethum cau-
 te lotum, sali muriatico remissum, sublimationi ex-
 ponitur.

S. 875.

OMNES, demum subjungit, Chemici probe sciunt,
 salia cuncta, acidum vitriolicum reeludentia, cum so-
 lutione mercurii mista, decomponi; acidum vitrioli
 agere sic in mercurium, acidum vero nitrosum, quod
 mercurium prius tenuerat solutum, adgredi basin, cui
 nupserat olim calchanti acor. Non omnibus autem
 aequae notum est, turpethum minerale, ex operatione
 hac eadem exurgens, calcem puram adeo mercurii ef-
 fe, uti alia est, quae ex immediata mercurii in acido
 vitriolico solutione enascitur; interim tamen verissi-
 mum omnino hoc ipsum est. Videtur hinc, solutio-
 nem eam nonnisi momentaneam esse; ac acidum vi-
 triolicum, dum mercurium nunc referavit, illico
 denuo abscedere. Facta miscela solutionis tarta-
 ri vitriolati ac mercurii, separato inde praecipita-
 to enascente, liquidum ad siccitatem evaporari po-
 terit, ac residuum in retorta igni exponi, si quis
 evoca-



evocare velit nitrosum acidum, ac restituere denuo tartarum vitriolatum.

§. 876.

PATET hinc ex adductis nunc *Monnerianis* tentaminibus, de turpetho non probe eloto loquutum fuisse *Cl. WALLERIUM*, dum praeparato huic saporem acrem causticum inesse, in aqua illud partim solvi, hinc pro specie vitrioli haberi posse, cum sale communi mercurium sublimatum corrosivum largiri, fundi in igne, ac fluere colore tinctum sanguineo &c. dixerat.

§. 877.

Ex aqua, cujus ope elotum turpethum fuit, evaporationi exposita, crysalli enascuntur, uti *KVNCKELIUS* jam observarat, quae verum vitriolum mercuriale constituunt.

§. 878.

OLEUM mercurii, ab antea descripto vix diversum, obtinetur, dum crysalli nunc dictae deliquio exponuntur in patina vitrea, aut murrhyna, causticum rodentissimum usu externo; interne sumtum inmane ac horridum venenum.

§. 879.

TARTARI oleum per deliquium specie turpethinaerosum mercurium exin deturbat.



§. 880.

Ex praeparatione turpethi universalis ope salis cujusdam vitriolici, v. c. salis mirabilis Glauberi, arcani duplicati, tartarive vitriolati, aqua prius resoluti, ac solutioni mercurii nitrosae instillati, defumitur solutio problematis à STAHLIO propositi: ut acidum vitriolicum abs ignis accessu divellatur ab alkalino fixo sale.

§. 881.

SOLUTIONIS nitrosae mercurialis beneficio praesentia acidi vitriolici sat facile detegi valet. Diluitur hunc in finem solutio meraca mercurii in acido nitroso facta copia anatica aquae pluviae, aut nivalis destillatae; exsurgit sic illico praecipitatum flavum, turpethinum.

§. 882.

RATIONEM decompositionis salium vitriolicorum per solutionem mercurialem nitrosam *Cl. WEIGEL* inde repetiit, quod productum, ex unione mercurii cum acido vitriolico natum, ab aqua maximam partem in solutione difficulter retineatur; seu, quod plurimum insolubile sit, fieri hic vix non idem, quod, solutione aluminis cum solutione cretae in acido nitroso facta, commista evenire adsolet. Id vero intelligi solum valet de mercurio acido vitriolico adhucdum remisto.

§. 883.

COLLEGIUM regale Medicorum Londinensium turpethi mineralis nomen vocem nonnisi imaginariam, atque



atque praeparatum hoc ipsum nomine *mercurii emetici flavi* donandum potius esse monuit. CROLLIUS, abs ullo addito, *mercurium praecipitatum* illud dixit; ac si nullum aliud mercuriale praecipitatum daretur. HARTMANNUS vocavit *catharticum minerale*, & *mercurium laxativum*. Caeterum praeparata varia mercurialia turpethum vocarunt Auctores inprimis *alchemici*: & *Celeberrimus* CARTHEUSERUS adfert praeparationem *turpethi mineralis rubri*, quae sequentibus absolvitur: misceantur invicem partes anaticae mercurii praecipitati rubri, & solutionis per deliquium factae salis tartari; exponantur digestioni, tum repetita viceedulcorentur, massa residua calcinetur, ac tandem super eam deflagret alkohol; quae praeparatio ad confectionem *mercurii* sic dicti *corallini*, mox latius exponendi, satis accedit.

§. 384.

CONTINENTUR in *Commentario pulchro*, quem *Anonymus Auctor* addidit *versioni gallicae Pharmaciae Londinensis* à Cl. PEMBERTON *anglico idiomate* editae, observationes bonae circa praeparatum hactenus expositum, quae ad illustrationem antea adlatorum facere omnino poterunt: adferam ex iis praecipua.

§. 385.

MONSTRATUM, *Auctor* illico adductus ait, prius fuit, speciem *vitrioli mercurialis*, quae ex unione aeidi vitriolici cum mercurio nascitur, decomponi adfusione aquae calidae; acidum aquae nunc immersum recedere à mercurio, eum hinc non amplius in statu salino esse constitutum, sed speciem calcis induere: an vero per omnes massae partes decompositio haec ipsa obti-



obtinet? An non pars quaedam acidi adhaerescit firmitus mercurio, quae, ablutionibus, saltim vulgaribus, auferri ab illo nequeat? Vis emetica, quam exferit turpethum minerale in usum internum adhibitum, confirmare videretur suspicionem hancce. Ex utraque vero parte plurium Auctorum cernuntur sententiae, quarum haec acidum in turpetho negant omne, illae quamdam ejus partem admittunt denuo. Argumenta eorum, qui turpethum minerale post repetitas crebro ablutiones residuum calcem nudam mercurialem dicunt, ope aquae copiosissime adfusae sale omni privatam, sunt sequentia:

§. 886.

1) Ne minima quidem pars mercurii sublimati corrosivi obtinetur ex miscela salis marini cum turpetho sic eloto *). 2) Turpethum minerale amalgama constituit cum stanno; effectus vero hic, ut ajunt, pro decompositione haberi nequit; in hac instantia acidum vitriolicum à mercurio non recedit, ut adoriatur stannum, quum stannum non inminuatur; ac praeterea constat, acidum vitriolicum debile non nisi in illud agere. 3) Dissolvi ex integro valet turpethum minerale in acido nitroso; qua ratione autem fieri hoc ipsum posset, si mercurio intricata adhucdum foret portio quaedam acoris vitriolici, quum notum sit, mercurium majorem cum acido vitriolico, quam cum nitroso, adfinitatem colere; & dum adfunditur oleum vitrioli in solutionem mercurialem nitrosam, acidum nitri ab illo expelli ex amplexibus mercurii?

§. 887.

*) ARGUMENTUM hoc ipsum paulo ante, dum de observatis Cl. MONNET sermo erat, ex illo adtuli.



§. 887.

CIRCA Chemicos autem, qui obpositam nunc di-
ctae sequuntur sententiam, tenendum omnium primo
est, maximam eorum partem in ea esse opinione, in
decompositione mistionis per aquam calidam, binas
novas oriri combinationes salinas, quarum tamen una
ab altera recedat. Prior quidem, in qua excessus fo-
ret acidi, tolleretur ablutionibus magis minusve ex-
acte institutis, aut paucioribus, copiosioribusve vici-
bus repetitis: in altera vero minima omnium adforet
acidi quantitas, atque haec quidem ipsum constitue-
ret *turpethum minerale*. Pars haec, uti jam obser-
vavit *Celeberrimus* ROUELLE, tingit syrupum coeru-
leum illico quidem colore rubro, mox tamen color
hic in cyaneum vertitur. Salia alkalia, tam fixa,
quam volatilia, mercurium exin dejiciunt, atque prae-
cipitata haecce nigricantia evadunt, dum prius scalam
diversorum colorum emensa fuerunt.

§. 888.

TERTIA superest Auctorum tribus. Hi vero tur-
pethum minerale pro sale medio quidem non adsu-
munt; autumant vero nihilofecius, inhaerere eidem
copiam majorem minoremve acidi calchanti; laxius
tamen solummodo particulis quibusdam mercuriali-
bus adhaerentem: videretur hinc, diversitatem, quae
inter sententias hasce obtinet, versari imprimis circa
quaestionem; an ablutiones aptae natae sint aufe-
rendo acido omni; & an non in massa determinata tur-
pethi mineralis (saltim ratione ad posteriorem senten-
tiam habita) non superstes maneat tantilla portio mer-
curii acido unita. Quaestionis hujus accuratissimum
examen exigeret magnam copiam tentaminum subti-
lium,



lium, ac frequenter reiteratorum: observasse tamen interea liceat, in turpetho vulgari, quale in usus medicos confici solet, mediante ablutione crebriori aqua, subinde solum tepente, suspicione vero maxime simili, retineri adhuc partem quamdam acidi. *Celeberrimus* BAUME, qui inter primos erat, qui turpethum minerale calcem mercurialem dixerunt, acido omnino privatam, ipsemet fatetur, requiri ad hoc, ut turpethum crebrius decoquatur in maxima quantitate aquae destillatae: quae tamen encheiresis passim non, sed in specialibus solum operationibus, chemiam potius, quam Pharmaceuticam concernentibus, adhibetur. Negare saltem non possumus, in turpetho, utut sufficienter methodo vulgari abluto, occurrere adhuc indicia acidi vitriolici. Inmisit *Cl. GEOFFROY* in retortam drachmam unam turpethi; triginta tamen solum & unicum granum mercurii sub forma fluida elicere potuit, etsi vas ad candescentiam usque igne vexatum fuerit: invenit veram paucam dosin sulphuris citrini sublimati in collum retortae, una cum materie alba, compacta, in aqua non resolventa, quam KUNCKELIUS pro sale habuit in oleo vitrioli contento; interventu mercurii sursum evecto. Monet *Cl. SPIELMANNUS*, didicisse se ex analysi turpethi mineralis, praeparatum hoc, congrue edulcoratum componi parte una acidi vitriolici, partibusque quatuor mercurii. *) Optandum foret, ut *Inlustri viro* placuisset indicare methodum, qua confecerat primum tur-

*) ADPONERE lubuit ipsa *Cl. SPIELMANNI* verba ex *Diff. de hydrargyri praeparatorum effectibus Et. §. V.* excerpta: In hoc praeparato, ait, decenter edulcorato, acidum vitriolicum unam, mercurium quatuor partes absolvere, ex ejus analysi nobis patuit.

turpethum, analysi dein subiectum; tum & encheiresin, qua analysin hanc eandem perfecit, ut sic repetere possemus experimenta, quorum interventu copiam hanc acidi, sane satis notabilem, in turpetho deprehendit.

§. 389.

UT vero & meam circa turpethum minerale aperiam sententiam, adserere hic possum, deprehendisse me in turpetho, quod in diversarum regionum officinis venale prostabat, maiorem jam minoremve aciditatem; scio tamen & parari id ipsum posse, quin ullum adhaereat acidum, etsi mercurii simul quoddam obtineat, sed levius, dispendium. Tentamina circa hanc rem capta referam in *Medicinisch - physischen Merkwürdigkeiten*; cui operi & tentamina diversa alia, quorum prolixa nimis hic foret enumeratio, inseram.

§. 390.

OBSERVARE demum hic liceat, per trasennam, CL. MONNET ex illo ipso BAUME, de quo in *Traité de la dissolution des métaux* dixerat (*un apoticaire renommé par la grosseur de ses livres, & par les misères, qu'il y insère*), ex illo ipso, inquam, firmissima sententiae suae praesidia depromisse. Obiecit etiam BAUME *Clarissimo* ROVELLE, quod male pronuntiavit, turpethum minerale salinae indolis esse, quum debite elotum puram putam calcem mercurii, sale omni destitutam deprehenderit; eandem objectionem, quasi nunc prima vice, ROVELLIO MONNET facit: interim scire juvat BAUMEI *Chymie expérimentale & raisonnée* pluribus annis ante MONNET *Traité*



zé sur la dissolution &c. editum fuisse; praeterea BAUME, etsi in pluribus lapsus, ac sententiam optimam saepius adsequutus haud fuerit, uti passim ostendi; meliora tamen meruit à MONNET, Chemico docto simul & arroganti, uti tum ex adducto nunc loco, tum & ex contumeliosa crisi patet, quam de *chemicis Germanis* tulit, quibus ipsi *Galli* tanta debent, & se se debere, aequi ac prudentes lubenter fatentur. Nec MONNET omnia acu tetigit, aut chemiae omnem ambitum emensus fuit, alias non dubius haereret circa res, quas demonstratas dudum novimus; alias v. c. methodum reducendi lunam corneam KUNCKELIANAM optimam vocare non potuisset, quum III. MARGGRAVIUS meliorem longe ante tot annos publicarit, & *Kunkeliana*e methodi defectus aperte demonstrarit. Vide caput de *Argento*.

§. 891.

FACILIOR vero longe ac impetuosior per *acidum nitrosum* mercurii fit solutio. Vas, in quo hoc peragitur, incalescit, & vapores ruberrimi copiosi exploduntur: mercurius ingenti bullularum exiguarum copia obsidetur; caeterum vero, dum movetur, nitentem semper obfert superficiem, ac in unum globum, aut placentam, collectus, minorem sensim sensimque reddendam per fundum vasis moti volutatur: solutio ipsa excolor est, ac diaphana, dum purissimum receptum fuerit hydrargyrum, uti ex antea dictis, dum de puritatis mercurii notis sermo erat, patet.

§. 892.



§. 892.

INTER ea, quae circa solutionem mercurii in acore nitroso adferre voluit nova *Cl. MONNET*, inprimis occurrunt sequentia. *)

§. 893.

MERCURIUS ab acido nitri eadem fere ratione, uti ab acido vitriolico, divelli valet. Dum solutio, ait, mercurii nitrosa meraca magnae aquae copiae admiscetur, praecipitatum ad fundum ruit flavum, quod, si lubet, *turpethum nitrosum* adpellari poterit. Collegit praecipitatum hoc, filtro inposuit, & aqua plurima eluit; invenit sic calcem esse mercurialem acido adeo privatam, uti turpethum minerale, ope acidi vitriolici confectum, elotum, acido privatum deprehenditur. **) Praecipitatum hoc ipsum ab acido nitroso aequae, ac ab acido vitriolico ex integro dissolutum fuit. Simile turpethum exsurgit, dum crystalli nitri mercurialis (de quibus mox agam) aut massa salina, post evaporationem solutionis hujus ejusdem remanens, aqua copiosa eluuntur. Diversa tamen nonnihil methodus adhibenda est, quam in confectio-
ne turpethi mineralis genuini, ope acidi vitriolici parandi.

§. 894.

*) EGIT vero jam de hac eadem re in *Act. Taurinens.* Tom. IV. p. 103. sqq.

**) Si scilicet subponatur, elotione saepissime repetita, aut decoctione ipsa, acidum omne inhaerens à mercurio per vitriolicum acorem soluto divelli; de quibus antea satis dictum fuit.



§. 894.

SAL hoc in mortario terendum est, tumque lente adfusa aqua calida solvendum. Nisi nimius ei adhaereat acidi excessus, momentanee fere in pulverem vertetur coloris citrei; semper tamen portio quaedam in aqua soluta remanebit interventu acidi excedentis extricati è parte salis decomposita. Actio aquae in sal hoc notabilis adeo est, ut in aqua solvi nequeat, nisi fiat magna portio simul decomponatur, atque in formam calcis abeat. Si vel madescant aqua crystalli, colore jam tinguntur flavo, atque decomponuntur. Quae quidem observatio factu facilis chemico omni erat. Si quis vero evitare velit decompositionem di-
 Et salis, guttis paucis acidi nitrosi illud adspergat; atque tum ex integro in aqua dissolvi poterit.

§. 895.

¶ MONET, hac occasione, *Cl. VIR*, examinatores aquarum in errorem nonnunquam induci, si hunc in scopum solutionem saturatam valde mercurii in acido nitri adhibeant: ad fundum etenim ruens praecipitatum flavum acido vitriolico incassum tribuitur, quum solum secessui portionis cujusdam ipsius hydrargyri foret tribuendum.

§. 896.

ACIDUM demum nitrosum, in mercurium ipsum violente adeo agens, ac minerarum textum probe penetrans, in cinnabarin, seu unitum sulphuri mercurium, vim nullam exferit. Haec *Cl. MONNET* debentur.

§. 897.



§. 897.

PULVIS albus, ex solutione mercurii nitrosa ope muriæ falis dejectus, calida crebro elotus, sub nomine *mercurii præcipitati albi*, seu *mercurii cosmetici*, aut *lactis mercurii* &c. notus est. Est mercurius acido muriatico nuptus, acerrimus obtinendus, si, more *Monnetiano*, præcipitatio acidi muriatici nudi ope fiat.

§. 898.

CIRCA pulverem hunc notanda potissimum sunt sequentia: ordiar hic ab observatis *Cl. WALLERII*.

§. 899.

VIM ignis non sustinet.

§. 900.

SI sublimationi exponatur, sal exsurgit, magis minusve causticum, pro diverso gradu præviæ edulcorationis, ad mercurium dulcem, aut sublimatum propius, aut remotius accedens.

§. 901.

SI laminae politae, & calefactae cupreae quid adfricetur, macula argentea quasi lamina notatur, denuo tamen evanida; si vero laminae cupreae politae quid injiciatur, atque hæc inponatur accensis carbonibus, macula remanet pulchre rubra, si lamina in aquam frigidam cito immergatur.



§. 902.

Ex pulveris hujus cum sale tartari ac limatura ferri miscela destillationi exposita obtinetur mercurius revivificatus.

§. 903.

Ut vero praecipitatio bene succedat, solutio saturata probe sit; muria salis meraca & calida; dejecto omni, per muriam dejiciendo, reliquum praecipitatur sale alkalino volatili, aqua resoluta. Muria vero vix quartam partem dejicit.

§. 904.

PRÆCIPITATUR etiam mercurius solutione salis ammoniaci, aut salis hujus spiritu, aut acido salis (uti paulo prius ex Cl. MONNET retuli); si vero calor accedat in praecipitatione per acidum salis, praecipitatum denuo solvitur, nisi liquidum, ex unione acidi nitri cum acido salis in aquam regiam versum, decantetur. Bene caeterum ex majori adfinitate mercurii cum acido salis, quam cum acido nitroso, praecipitationem hanc Cl. WALLERIUS deduxit; quod simul & in praecipitatione per solutionem salis ammoniaci partim obtinet, quum in alia, per alkali volatile facta, sola acidi major cum alkalino sale, quam cum mercurio adfinitas rei exponendae sufficiat.

§. 905.

PER sal alkali fixum mercurius etiam ex acido nitroso dejicitur, sed colore flavo, unde *mercurius praecipitatus flavus* exurgit: idem & per aquam cal-

eis

cis evenit, ubi tamen *praecipitatum aurantium* magis acquiritur; urina mercurium sub colore *incarnato*, aut *roseo* dejicit; hepar sulphuris dat *praecipitatum nigrum*; spiritus sulphureus ammoniacus BEGUINI *praecipitatum cinnabarinum*; mediante lixivio phlogificato obtinetur *coeruleum*; mediante solutione auri in aqua regis, solutioni nitrosae mercurii admista *aureum*; *argenteum* vero, si solutio lunae remisceatur cum solutione mercurii in aqua forti facta, atque haec denuo inde abstrahatur. *Mercurius praecipitatus viridis*, aut *lacerta viridis alchemicorum* paratur, si solvatur pars una mercurii in binis partibus aquae fortis, atque pars una cupri denuo in eadem quantitate nunc dicti menstrui, confundatur solutio utraque, evocetur liquidum ignis intensioris ope, residuum conteratur in pulverem, cum aceto forti digeratur per 144. horas, decoquatur dein diutius, acetum decantetur, demum totum evaporationi ad siccitatem usque exponatur. Citius idipsum fiet, si miscetur solutio nitrosa mercurialis cum solutione veneris acetosa, atque dein menstruum simul & semel abstrahatur.

§. 906.

NOMINE vero *mercurii praecipitati albi* diversa praeparata, tum ratione methodi parandi, tum & indolis propriae Auctores designarunt; instantia hujus habetur in sequenti compositione *Pharmaciae Londinensis*: recipe salis ammoniaci, mercurii sublimati corrosivi ana partes aequales, solvantur in aqua, solutio mittatur per chartam emporeticam, atque deji- ciatur solutione alia salis alkalini: pulvis ad fundum ruens eluatur tamdiu, donec acre omne ablatum, atque ille insipidus ex integro factus fuerit. Monuit circa praeparationem hanc *celeberrimus* PEMBERTON:



Medicos Anglos ad normam *Pharmaciae* praescribendam seculos (*le Comité*) concepisse primum pro hoc eodem praeparato priorem methodum, qua mercurius ex solutione sua nitrosa per sal marinum dejectur; facilius tamen perfici rem posse, si sequamur praescriptum nunc dicto substitutum, ope miscelae salis ammoniaci, atque mercurii sublimati corrosivi. In *Commentariis* vero subjunxit his jam prius adductus *Auctor Anonymus*, qui opus illud in gallicam linguam traduxit, falli eos, qui crederent, unum idemque esse praeparatum à *Medicis Anglis* praescriptum, atque aliud, quod in *Dispensatoriis* passim occurrit sub nomine *praecipitati albi*: facile siquidem perspicui posse, primum absolvi sola praecipitatione mercurii per acidum muriaticum soluti, atque hac encheiresi maxime divisi, ac adtenuati; posterius vero, quod usu magis receptum est, simulque notius, veram sistere unionem salinam, ex connubio acidi salis cum mercurio factam. Mirum potius jure videri, *Celeberrimum* PEMBERTON in addita nota indicare quasi, diversitatem hanc sibi non esse cognitam; atque pro commendatione formulae solam adducere majorem facilitatem encheireseos, qua moti *Medici* antea adducti *Angli* illam praetulerint. Varia hisce subjungit circa miscelam mercurii sublimati corrosivi cum sale ammoniaco, quae ab *Antiquis chemicis & alchemicis* sub nomine *salis Alembroth*, aut *salis sapientum*, seu *sapientiae* descripta fuit. Intactis his adferam ex hoc eodem sequentia, notatu magis digna.

§ 907.

OBSERVATIO essentialis maxime est in praeparatione mercurii praecipitati albi per additionem muriae salis, ut acidum nitrosum mercurio eatenus sit saturatum,

ratum, ut solvi amplius nil queat: si enim excessus liberi, & semimetallo non prorsum onusti adsit acidi, nullum enaturum foret praecipitatum. Etsi in *Dispensatoriis* vix non omnibus definiatur dosis mercurii, & acoris nitrosi, facile tamen perspicitur, defini-ri hic pro certo nil posse, quum acor hic jam fortior, jam & debilior esse queat; optimum erit, si punctum saturationis acidi à mercurio hic observetur, quo fa-cto aequalis ubique obtinebitur effectus. Solutio ve-ro salis communis debilis tantummodo sit, adeo, ut in septem octove partibus aquae lateat pars unica sa-lis. Observavit jam *celeberrimus* LEMERY, mercurium quasi suspensum teneri, atque praecipitatum non ruere, si magna nimis salis recepta fuerit copia. Quam-primum una commiscantur solutiones binae, mercurii scilicet in acido nitri, & salis communis in aqua, acidum nitrosum adgreditur basin alkalinam salis com-munis, acidum vero salis invehitur in mercurium, aliunde jam adtenuatissimum. Si vero magna portio acidi muriatici adsit, una cum acido nitroso aquam constituet regiam, quae magnam partem mercurii suspensam tenet, ejusque praecipitationem impedit. Mercurius etiam jam praecipitatus, elapso solum quo-dam temporis decursu, resolvitur in enata aqua regia supernatante. Hanc ob rationem, illico, dum prae-cipitatum ad fundum descendit, totum injiciendum est filtro, atque verum praecipitatum ab adhaerente aqua regia liberandum, antequam solutio incipe-re adhucdum queat.

§. 908.

Quodsi loco salis communis sal receptum fuerit ammoniacum, basi solum alkalina volatili à sale com-muni diversum, praecipitatum pariter obtinetur. Acidum muriaticum & hic adhaerescit mercurio; quin &



praecipitatum hac ratione obtinetur & album magis, & levius; quod, ut *Auctor Anonymus* recte observat, ab ipso alkalino volatili sale dependere videtur, hac operatione liberato, quum sane alia nulla phaenomeni in conspectum prodeat ratio. Quin & si per ipsum sal commune fiat dejectio, LEMERY, aliique Auctores nonnulli consuluerunt, ut spiritus salis ammoniaci adjiciatur, ne praecipitatum cito adeo flavescat; aut potius adhuc, ut dulcificetur sic magis.

§. 909.

IN aquis ablutionum praecipitati albi salia varia occurrunt, prout variae substantiae ad dejectionem fuerint adhibitae. Praeter sal mercuriale continebitur in iis nitrum cubicum, si ad praecipitationem receptum fuerit sal muriaticum, uniente se acido nitroso solutionis mercurialis cum basi alkalina minerali salis muriatici; si sal ammoniacum fuerit receptum, aut adjectum alkali volatile, salia enascentur ammoniacalia. In crySTALLIFICATIONE primas tenebit sal mercuriale, subsequetur hoc nitrum cubicum: operae tamen vix videtur pretium, ut ex tanta copia aquae salia haec quis accuratius conquirat: mercurius vero, ibi delitescens, adfusione salis alkalini ad concentratius fluidum dejici poterit.

§. 910.

SUB finem demum *Auctor* saepe citatus monet, edulcorandum repetita nimis ablutione praecipitatum album non esse, etsi *Recentiores* quoque *Auctores* nonnulli id ipsum expetant, quum sic totum praeparatum solveretur demum, atque ex integro

gro decomponeretur: publice hoc *Cl. ROVELLE* dudum monuit.

§. 911.

Ut vero quis sciat, quam actuosum medicamentum hoc sit, optimum fuerit, si ubique eadem conficiatur norma; ablutio vero hic non semper scopum omnem explet; uti & aliae id ipsum docent instantiae. Sic obtinui v. c. ex quibusdam officinis magnesiā nitri purā inspidā; obtinui ex aliis magnesiā, ex qua, per crystallisationem sat notabilem nitri adhaerentis copiam elicere poteram, & quae linguam sapore nitroso manifestissime adficeret. Videtur hinc, cur ab eodem medicamento tam diversi saepenumero observentur effectus, qui ex peculiari fumentis idiosyncrasia parum concinne tum exponuntur. Notandum hoc ipsum inprimis est circa *tartarum emeticum*, *Kermes minerale*, *saliaque varia media*, quorum vires toties à praeparatione, aut subsequa edulcoratione, aut ablutione mirum quantum dependent. Haec per transennam.

§. 912.

Ex praecipitati albi unciis binis, sublimationi ter expositis, obtinuit *Cl. LEMERY* sublimatum satis blandum, emesin non excitans, drachmas quinque cum dimidia exaequans: in fundo vasis deprehendit pulverem levem, flavum, salinum, drachmam unam adpendentem.

§. 913.

CELEBERRIMUS *BARON* mercurium praecipitatum album medio loco reposuit inter mercurium sic dictum dulcem, & aquilam albam.



§. 914.

CUR vero dixit Cl. FALCK in *a treatise on the medical qualities &c.* praecipitatum album Calomelano, vel turpetho minerali esse maxime analogum? Calomelano seu mercurio dulci sexies sublimato acrius certe est: qua ratione autem à turpetho minerali distet, ex antea circa substantiam hanc dictis, facile patere poterit.

§. 915.

Ex praecipitati albi parte una mista cum partibus tribus sacchari confecit BOERHAAVIUS *panaceam suam mercurialem.*

§. 916.

MERCURIUS autem *praecipitatus fuscus Felicis WUERZII*, seu *Turpethum rubrum PARACELSI* conficitur, si mercurius in aqua forti solutus dejiciatur per instillatum sal alkali fixum vegetabile, sive oleum tartari per deliquium, quod optimum, sive solutio depurata cinerum clavellatorum hunc in scopum fuerit adhibita. Dixi & de hoc paulo prius, praecipitata varia mercurialia recensens.

§. 917.

MERCURIUS *praecipitatus albus dulcis* in antiquioribus *Dispensatorii Edinburgensis* Editionibus vocatur *Mercurius per sal alkali volatile ex acido muriatico expulsus.*

§. 918.



§. 918.

ORDO me ducit à *mercurio*, jure sic dicto *praecipitato albo* (hic etenim vera obtinet praecipitatio) ad inproprie vocatum *mercurium praecipitatum rubrum* (ubi nullum plane praecipitans adhibetur.) Recensebo primum ejus praeparationem verbis BOERHAAVII.

§. 919.

SOLUTIONIS, ait, mercurii nitrosae saturatae adeo, ut nullum amplius mercurium resolvere valeat, liquidae sesquilibram, inmitte retortae vitreae, dupli capaci; tum, adplicato recipiente, destillare fac ex furnulo ligneo tam leni igne, ut nunquam ebulliat, sed ad siccitatem fere usque. Haerebit massa solida, alba, ponderosa in fundo, quae rodentissima, ignea, intractabilis prorsus. Ad latera retortae hinc inde quid rubri, flavi, aut albi natum cernitur, ex mercurio ibidem jam incipiente exsiccare, non ingrato spectaculo. Liquor expulsus est spiritus debilis nitri satis purus, vitris purificandis aptus, aut & ad alia servandus. Haec igitur est soluti mercurii quaedam coactio in vitriolum.

§. 920.

TUM ponatur retorta in furno arenae, adplicetur recipiens amplum, adglutinatum. Fiat destillatio igne leni, exstillet liquor, ut guttae cadant ita, ut quatuor, vel quinque, moderate numerare possis; perge sic, donec fumi rubri incipiunt adscendere. Tum statim adplica aliud, purum recipiens, amplum. Liquor egressus est spiritus nitri fortior, bonusque, in usus suos servandus. Residuum ure igne
sensim



sensim aucto, pergent fumi rubri, tandem ruberrimi ignei replere excipulum. Tum ignem intende arenae maximum, per duas, tresve horas. Erit in excipulo spiritus nitri flavus, fortissimus, fumos aureos dans vel post annos, si statim vase vitreo purissimo coërcetur: ut hic modus sit spiritum nitri fortissimi comparandi, sive quaedam ejusdem rectificatio. Tamen mutavit quodammodo naturam suam: nam minus recte cum oleis stillatitiis flammam excitat. Frigefactis sponte omnibus, erit in fundo retortae massa solida, coccineo fulgore splendens; inter hanc, & collum, & in collo, varii admodum pulchrique coloris multiplex diversitas, alba, flavesceps, flava, viridescens, rubra, ruberrima, materies. Fracta prudenter retorta, exime rubrum, quod in ventre ampullae, inde separa caute id, quod in superficie haeret minus coccineum. Nam illud valde rodens est. Massam rubram seorsim serva titulo suo praescripto *mercurii praecipitati rubri*. Chemici, admirati fulgentis mercurii speciem, hancque illius, prius volatilis, insignem fixitatem, credidere, se geminato opere in aurum hunc convertere posse fixatum. Igitur praecipitato huic adfudere novos nitri spiritus, iterum abstraxere, idque repetendo saepius, putarunt aurum nasci. Quod sic factum SYLVIVS in *Posthumis* adseruit. Sed incredibile id sanis. PARACELsus ipse jubet, in praeparatione sui praecipitati, spiritum nitri saepe abstrahi à mercurio. Haecenus BOERHAAVIUS.

§. 921.

PRAEPARATUM hoc plerumque sub nomine *mercurii praecipitati rubri Ioh. VIGONIS* notum est: *praecipitatum* vero vocari apte non posse, jam prius monui. Mercurium hunc esse *aurum horizontale* PARACELSI



CELSI & HELMONTII MARGGRAVIUS in *collectaneis chemicis Leydensibus* testatus fuit, cui, (*celeberrimus SPIELMANNUS Diss. de hydrargyri praeparatorum effectibus* &c. ait) quoque PENICHER accedit: ZWOELFER idem praeparatum *turpethum minerale* appellat, nostratibus, si aliquoties spiritus vini inde deflagratus fuerit, praecunte LEMERY, *arcanum corallinum* PARACELSI dicitur; idem *Herculem BOVIZ* constituere, & *aurum vitae* HARTMANNI quoque adpellari, adferunt SCHROEDERUS, & HOFFMANNUS; e. f. p.

§. 922.

CIRCA hoc ipsum vero praeparatum non eandem Auctores ingressi denuo fuerunt viam. Plurima quidem pars à mercurio in acido nitri prius resoluta partem aquosam, & superfluum abigendam, reliquam vi ignis in illo concentrandam magis, ac figendam, atque tum vel sic adservandum obtentum corpus usui, vel alkohol super id comburendum retulerunt, quod quidem ultimo in casu *arcani corallini* vel & *mercurii corallini* singulare etymion illi tributum fuit. In *Pharmacopée de Londres* autem, ubi probo consilio non *mercurius praecipitatus ruber*, sed *mercurius corrosivus ruber* dicitur, quod nomen omnino aptissime congruum est, sequens formula praescribitur; recipe mercurii depurati, aquae fortis compositae *) vel aquae regiae

*) *Aqua fortis composita* Anglis vocatur aqua regia satis debilis, composita ex unciis sexdecim aquae fortis, cui inditur drachma unica salis communis, totamque ad siccitatem usque dein abstrahitur: facile patet, aquam hanc melius adhuc fieri posse, dum distillat



regiae partes aequales: infundantur in vas vitreum, fundo latiori donatum: committatur hoc ipsum calori balnei arenae, atque tamdiu ibi relinquatur, donec humidum omne difflatum sit, & massa tota colorem rubrum indepta fuerit. In adjecta adnotatione Cl. PEMBERTON monet, in libris chemicis praecipi, ut acidum nitrosum simplex hunc in scopum recipiatur, tum & artifices quosdam Anglos eandem normam nunc sequi, chirurgos autem fateri, mercurium corrosivum rubrum sic enatum non adeo bonum esse, & hinc praeferre alium ex terris extraneis adlatum.

§. 923.

OBSERVAVIT Celeberrimus FALCK in adducto saepius libello *on the medical qualities of mercury &c.* sub praeparatione mercurii corrosivi rubri varia eodem tempore confici medicamina, in codicibus medicamentariis sub diversis nominibus caeterum obvia. Solutio etenim mercurii in aqua forti largitur *solutionem mercurialem Dispensatorii Edinburgensis*, seu ab aliis sic dictam *aquam mercurialem*, etsi nomen hoc denuo inconcinnum sit, ac in errorem notabilem incautos inducere posset. Solutio haec supra ignem leniorem evaporationi tamdiu exposita, donec massa remaneat sicca albaque, *calcem* sinit *mercurii albam*, etsi nil certe minus quam *calx* vocari proprie queat. Psev-

Etae quantitati acidi nitrosi drachma circiter acidi muriatici immediate admiscetur; ubi saltem destillatione supersedere possumus, & nitrum nullum cubicum, ex unione acidi nitrosi cum basi alkalina minerali salis communis adjecti enatum, in latice continetur. ---

Pseudocalx haec, igne diutius torta, largitur demum *mercurium praecipitatum rubrum*; quodsi supra hoc alkohol deflagraverit, exurgit *mercurius corallinus Pharmaciae Londinensis*, vel, si spiritus vini tartarizatus supra illud aliquoties abstrahatur, *arcanum corallinum*. Si autem mercurius corrosivus ruber digeratur saepius cum aqua & spiritu vini, atque teratur dein cum sale alkalino fixo, paratur *pulvis* sic dictus *principis*; sique tinctura sulphuris super illum incendatur, nec teratur cum sale alkalino, conficitur *panacea mercurii rubra c. l. p.*

§. 924.

CELEBERRIMUS *Anonymus Traductor*, *Pharmacopoeae Londinensis* à Cl. PEMBERTON editae in Gallicum, varia denuo pulchra circa praeparatum hoc adtulit, ex quibus vero praecipua solum delibabo. Praecipitatum rubrum, seu potius *mercurius corrosivus ruber*, verum est nitrum mercuriale, sal scilicet metallicum, ex unione acidi nitrosi & mercurii enatum, sed per calcinationem subsequam maximam partem decompositum; quum constet, salia metallica, ex unione acidi nitrosi enata, mediante ignis actione decomponi posse; avolante acido volatili, remanente metallo in calcem eroso: dum vapores ruberrimi acidi nitrosi concentratissimi non amplius adscendunt, & massa coccineum jam induit colorem, ab igne tollenda est, quum alias mercurius ipse demum in altum elevaretur. Corrosivus hicce mercurius sub specie pulchriori longe, & aciculari obtineri potest, si, methodo *Lemeryana*, massa remanens ab evaporatione solutionis mercurialis nitrosae indatur in minores phialas medicas, phialae hae reponantur super balneum arenae, quin tamen obturentur, atque ignis per



per gradus administretur iatensior, donec vasa can-
deant. Circa praescriptum *Pharmacopoeae Berolinensis*,
quae jubet, ut, ad mentem Auctorum quorum-
dam antiquorum massae jam siccatae denuo adfunda-
tur nitrosum acidum, atque id vel ter repetatur, le-
gitime monetur, hac encheiresi operatorem plane nil
lucrari, acidum nitrosum gratis perdi, atque ex *Le-
meryanis* observatis constare, totam hanc, repetitam
saepius, operationem plane esse inutilem.

§. 925.

CIRCA diversam indolem mercurii corrosivi ru-
bri, ab majori minorive, in eo adhuc latitantis,
acidi nitrosi portione dependentem, alio sub res-
pectu teneri poterunt eadem, quae antea circa praeci-
pitatum album fuerunt adlata. Dixit *Cl. SPIELMAN-
NUS* in *Dissertatione* antea adducta, perspexisse se ex
resolutione praeparati hujus, acidum in eo ad mer-
curium esse : 1 : 5; *Celeberrimus* GEOFFROY ex ejus
drachma una grana sex vel septem acidi obtinuit; *Cl.*
WESTENDORF ne vestigium quidem acidi nitri in mer-
curio praecipitato rubro se animadvertisse scripsit; un-
de simul monet, quodsi differentia quaedam inter
mercurium hunc, & *mercurium calcinatum* dictum
per se, de quo antea satis egimus, intercedat, eam
fors consistere tantum in eo, quod ille majorem sui
phlogisti copiam amiserit, quam hic, indeque mayo-
rem causticitatis gradum obtinuerit; &, quodsi in
mercurio praecipitato rubro salini quid animadverta-
tur, eandem esse rationem, ac si ex calce viva cum
aqua sal acquirere autumes; observationes demum sa-
tis jam docere, quod, quo magis corpora phlogisto
orbata sint, eo magis per ignem caustica, & statui sa-
lino propiora reddantur. Nullum in praeparato
hoc, legitime facto, adesse acidum *Cl. Cl. WIEGLEB,*
&

& BUCHHOLZ pariter statuerunt. Cl. demum BAUME sequens instituit experimentum, quod simul respon- sionem, seu illustrationem praebet pro sententia eo- rum, qui, mercurium praecipitatum rubrum abs ul- la interveniente substantia in verum mercurium revi- vificari posse adserunt. Portionem quamdam substan- tiae hujus abs ullo addito inmisit retortae vitreae, at- que sic destillationi exposuit: in excipulum transcen- derunt vapores rubicundi acidi nitrosi, atque in sub- limato conspiciebantur globuli quamplurimi mercurii currentis. Dum vero ejusdem mercurialis praeparati partem aliam per mensem unum in pluribus matra- ciis caloris gradui exposuerat, quo vasa obscure can- descerent, acidum nitrosum omne ex integro avola- vit; mercurius perfecte calcinatus fuit, atque, igne fortiori demum admoto, adscendit in grumos ex ru- bro fuscis, compositos crystallis elegantibus intense rubris, rubinum aemulantibus, cubicis, quin tamen vel atomus mercurii ullius currentis conspiceretur. Sub- limatum hoc ipsum in retorta denuo sublimari valet, nec in currens hydrargyrum abit, nisi phlogistici quid adjiciatur: saporem acrem, vel causticum, non exferit, quam acidum omne ablatum sit *); simile prorsum est mercurio praecipitato per se; & verbo, nil nisi vera calx mercurii est. Haec BAUMEUS, qui sub fi- nem adhuc adjicit, sublimatum illico dictum ab aci- do nitroso probe denuo solvi, ad morem calcium va- riarum metallicarum aliarum, quae sub calcinatione sufficientem phlogisti retinent copiam, mediante qua
ab

*) DIXIT autem, ut prius vidimus, Boerhaavius, pul- verem illum rubrum, qui sane nullam umbram acidi recludere potuit, saporis fuisse horrendi exedentis, metallici.



ab acidis solvi queant; solutionem autem illam a solutione vulgari mercurii in acido nitroso nil plane differre.

§. 926.

PATERE ex his poterit, quid circa indolem præparati hujus acidam, aut non acidam, tenendum sit.

§. 927.

OBSERVAVIT *Cl. WALLERIUS*, (Auctorem observati non addidit) mercurium corrosivum rubrum in igne aperto quidem avolare sub specie vaporum, inclusum vero cucurbitae vitreae, atque igne admoto valido adscendere in sublimatum album; nunquam vero non aliquid remanere, quod fixum in igne videatur.

§. 928.

COLOREM rubrum tam ab acido salis, quam & ab spiritu volatili alkalino tolli, *LEMERY*, & *Mauritius HOFFMANNUS* testati fuerunt.

§. 929.

SATIS vero absurda videtur subposititia dulcificatio mercurii corrosivi rubri per deflagrationem alcoholis supra illud; quum nec acidum, mercurio arte nexum, & ingenti solum calore ab eo avellendum, sic liberetur, nec dulcificatio illa, quam expectant, acidi per alcohol hic obtineat, ob rationem illico dictam.

§. 930.

§. 930.

PROPOSUIT quidem *Cl. BARON*, incommodum hoc sublaturus, ut praecipitatum corrosivum miscetur cum alkohole, atque per aliquod tempus digestioni binae substantiae exponantur, quo demum facto alkohol aut decantatione, aut destillatione foret tollendum. Optimum tamen erit, si quis nullum plane acidum in praeparato hoc habere velit, ut calcinationem, methodo prius dicta, tamdiu protrahat, donec, vi ignis, fugatum omne fuerit; vel vero terere poterit eum sale alkalino fixo, quod jam *PARACELSUS* suavit, atque sic *mercurium* suum *diaphoreticum* confecit. Tum vero non video, quid pulvis residuus agere adeo queat, nisi scopo interno cicuratio facta fuerit; externum enim in scopum semper praestat, ut acidi quid adhuc adhaereat, dummodo attendatur, ne nimis magna portio illa sit, quod vero versatus in opere *Chemicus* determinare non adeo difficulter poterit.

§. 931.

EVENTUS autem funesti, qui ab incauto diversorum praeparatorum mercurialium usu in *Aëti* Medicorum adnotati habentur, haud raro ipsi mercurio adtenustissimo, & ad indolem rodentem, qualis v. c. in mercurio praecipitato per se animadvertitur, qui nullis maritatus est salibus, deduci debebunt; etsi lubens fatear, accessu salium quorumcunque, inprimis vero acidorum, rodentem illam, escharoticam, & causticam dotem longe actuosiorem reddi.

§. 932.

ADFERENDA adhuc varia sunt circa solutionem mercurii in acido nitroso, quae nunc in compendio collecta recensabo.



§. 933.

SOLUTIO haec cutim humanam macula tingit, ex purpureo in nigrum colorem tendente, pilos autem, lanam, ebur, & lignum nigra potius reddit; si cum pulvere gallarum misceatur, pulverem flavicantem subsidere *Cl. WALLERIUS* retulit.

§. 934.

MERCURIUS *liquidus*, aut *aqua mercurialis Pharmacinae parisiensis* est solutio haec cum magna copia aquae purae remissa; vocatur etiam *essentia mercurialis Moysis CHARAS*, atque talis in *Codice medicamentario parisiensi* ejus existat formula: recipe mercurii unciam unam, solve in sufficiente quantitate spiritus nitri; adfunde huic tum uncias triginta aquae destillatae, dentur per aliquot horas quieti, tum filtretur liquidum per chartam emporeticam. Sub hoc labore, *Cl. SPIELMANNUS* ait, acidum per aquam valde dilutum non paucam mercurii quantitatem sub albi pulveris forma dimittit, eam ejusdem dimidiam partem aequare, experimento curiosius instituto, vidimus.

§. 935.

SOLUTIO nitrosa mercurii, debite ad crystallisationem disposita, concrescit in crystallos pulchros exiguas, quae sub nomine *crystallorum mineralium*, vel *vitrioli mercurii* denotantur inconcinno utrinque etymo; proprie vero *nitrum mercuriale*, aut *crystalli mercuriales nitrosae* vocandae sunt.

§. 936.

FIGURAM harum cryfallorum cubicam descripsit *Cl. WALLERIUS*, quales nunquam vidi; *Cl. BAUME* circa falhoc fequentia retulit, quae etiam cum obfervatis propriis coincidunt: fal, inquit, ex unione mercurii cum acido nitrofo enatum, componitur aciculis, feu lanceolis oblongis, parallelis: dumolutio in balneo arenae lente refrigerata fuit, lanceolae omnes omnino erectae ftant, fi veroolutio, ex balneo tepido exenta, refrigerio expofita fuit, horizontaliter omnes procumbunt: carbonibus ardentibus injectum fal hoc leniter detonat (*fuſe*) aquam ex atmofphaera non adtrahit. Solutio tota in nitrum tale mercuriale verti poteft; dummodo pars laticis, cryftallis jam-enatis incumbentis, effundatur in patinam vitream evaporatorium, atque in ea evaporationi committatur; obtinebuntur ex refrigerato fimiles plane, uti prius, quoad figuram & indolem, cryftalli. Quodfi una vel altera cryftallorum harum meſſis facta fuerit, liquidum reſiduum pro vera quidem haberi adhuc poteft ſolutione mercuriali: interim tamen ſatis differt à ſolutione alia, quae cryſtallos largita nullas adhuc fuit; nam primo colore vini tingitur, dum ſolutio integra excolor eſt, diaphana ac limpida; ſecundo, ſpecies haec lixivii matris partem mercurii dimittit, ſi aqua pura adfuſa fuerit, praecipitatum ad fundum ruens colore flavo turpethino tingitur, (de quo jam antea ex *Cl. MONNET* dixi) à turpetho minerali non differt, ſed verum turpethum eſt, quod vero non quidem acido vitriolico, ſed nitroſo, conſtat.

§. 826.

CELEBERRIMUS *ROUELLE* figuram cryſtallorum niri mercurialis ſequentem tradidit. Conſtat acicr'is



oblongis, planis, acutis, aut prismatibus nonnihil planis, lateribus parallelis; in superficie solutionis crystalli enascuntur pyramidales.

§. 938.

CRYSTALLI, quas *Cl. ROME DE L' ISLE* apud *Cl. SAGE* viderat, componi videbantur pyramidibus binis tetragonis, prope basin, tum & in angulis quatuor, ex conjunctione pyramidum illarum ambarum orientibus, truncatis; figura harum cerni potest in *Cl. DE L' ISLE Crystallographia Tab. VI. Fig. II.*

§. 939.

TENTAVIT *Cl. BAUME*, an acidum superfluum ex nitro mercuriali extricare posset, quum salis haec species caeterum sit prae multis aliis caustica, & ingenti copia acidi nitrosi concentratissimi dives. Mitius re vera illud minusque causticum reddidit sequenti methodo: portionem quamdam inposuit chartae emporeticae, solvit tum denuo in aqua destillata, evaporatione concentratam crystallisationi exposuit; obtinuit demum crystallos cubicas apicibus truncatis; & has inposuit chartae emporeticae, eandemque, ut prius, operationem aliquoties repetiit. Adquisivit demum operatione ultima nitrum mercuriale, linguam acrimonia levi solum adiciens, in aqua difficulter solubile, atque eadem vix non ratione, uti vitriolum mercuriale, in ea decomponendum, pulverem dimittentem, qui verum turpethum fere exhibuit. *)

§. 940.

*) CITIUS rem hanc perficere poteris, inponendo sal hoc ipsum tabulae, ex tereta factae, charta emporetica

§. 940.

IN T. 1. *Theatri Chemicæ* p. 654. sequens descripta habetur operatio, ubi mercurius ope *acidi nitrosi* primum resolvitur; atque tum primum actioni *aceti* obijcitur; quamque vel ideo inferere non superfluum fore duxi, quod in aliis chemicorum libris nondum notatam invenerim. Mercurii, Auctor hujus formulæ PEROTUS ait, optima præparatio ad luem veneream, & alios morbos hæc est: recipe argenti vivi libram unam, dissolve in aqua forti, ut fiat præcipitatum; deinde accipe acetum destillatum, in eo autem præcipitatum dissolve bulliendo per quatuor horas; postea adfunde, quod dissolutum est, in vas vitreum, & iterum infunde de alio aceto. Repete, donec acetum dissolverit totum mercurium; tunc destilla totum acetum in balneo Mariæ, & in fundo manebit massa inftar salis, cui adfunde aquam pluvialem quater destillatam; & clauso vitro coquatur per dimidium diem, postea sine residere; quod clarum erit effunde, & illud per balneum destilla, & habebis massam claram e. s. p.

§. 941.

FACILE patet, operationem hanc totam eo imprimis consilio fuisse excogitatam, ut sic acrimonia excedens nitri mercurialis infringeretur; quod vero faciliiori & meliori modo fieri potest, quam si acetum adhibeatur, ad mitiganda salia parum sane idoneum.

F 4

§. 942.

retica duplici superne tectam, ubi acidum citius extrahi videtur amplexibus salis, & chartæ emporeticæ, & subjæctæ cretæ substantiam subiens.



NECTI ad finem hujus sectionis, circa actionem acidi nitrosi in mercurium, merentur verba *Cl. Viri SPIELMANNI* ex *Dissert. saepe cit. de hydrargyri praeparatorum effectibus* §. 6. petita. Quum, ait, *PARACELsus de curat. inpostur. in curat. luis Gallic. cap. 9.* stannum mercurio uniendum docuerit, *MAETS*, eum imitaturus in *collect. Leidens: pag. 261. & Chem. ration. p. 83.* stannum mercurio in acido nitri dissolvendo adjecit *), hunc modum suum fecit *HOFFMANN* in *notis ad POTERIUM &c.*; describit quoque *Mauritius*

*) FORMULA, quam proposuit *MAETS*, ex *Collect. chemic. Leidens. pag. 299. editionis*, qua ego utor, *Lugd. Batav. 1693.* petita, haec est: recipe stanni anglici optimi, mercurii à nigredine loti, ana unciam unam; fiat secundum artem amalgama, quod dissolvatur in bonae notae aquae fortis uncis quatuor; solutione peracta, calcem per repetitas edulcorationes, quantum fieri poterit, ab omni acrimonia liberato, & cum alkohole vini per inflammationem figito; hoc repetendo per sex, decemve vices. Praestantiores adhuc credidit methodum sequentem: recipe mercurii purificati, stanni anglici optimi ana partes aequales; dissolvito in aquae fortis duplo absque amalgamatione. Solutionem à faecibus claram & limpidam, si quidem sint, decanta, & aquam fortem ad remanentiam dimidii evaporato; ita enim sua sponte praecipitabitur calx, quam edulcorato, & fige, ut dictum prius: & sic obtinebis *mercurium diaphoreticum*, quem, si interius exhibere volueris, misce cum theriaca, mithridatio, vel alio quovis sudorifero adpropriato.

rius HOFFMANN *Act. Laborat. Chym. Proc.* 154. Alia quoque metalla mercurio, sub ejus in acido nitri solutione, adjecta fuisse, apud compilatores laborum chemicorum SCHROEDERUM, UNZERUM, LUNGKENIUM &c. legimus; tentarunt autem Auctores his metallis id obtinere, ut vires mercurii ad cutim determinantur, hincque avertantur noxae, quas ejus in alia organa, glandulas salivales maxime, & intestina, effectus excitant; hinc talia praeparata *Mercurii dia-phoretici* titulo insigniverunt, *quam injuste autem hoc encomio condecorentur, & castum ex chemia peti-tum ratiocinium, & experientia evincunt evidenter.*

§. 943.

VIDEAMUS jam, quae *acidi muriatici* in mercurio sit actio. In genere tenendum hic est, mercurium depuratissimum ab acido hoc nondum resolvi, si lege consueta in illud inmissus fuerit, & caloris etiam admoveatur auxilium, digestioque instituat. Solvitur autem optime, si in formam calcis prius fuerit redactus, aut si operatio sic instituat, ut acidi concentratissimi halitus semimetallum hoc adtenuatum ferire cogantur.

§. 944.

NOTANDUM praeterea, acidum muriaticum conjungi cum mercurio posse duplici inprimis modo, aut per *sublimationem*, dum ambae substantiae, calore sursum actae, vaporum sub forma sibi veniunt obviam, aut per *praecipitationem*, dum acidum mercurio ruenti accedens intricatur.



§. 945.

DEFINITUR vero praeparatum hoc mercurius acido muriatico concentratissimo in substantiam albam, salinam, maxime causticam redactus.

§. 946.

REFERAM hic inprimis varias encheireses, quibus perfici mercurius sublimatus corrosivus queat; tum proprietates ejus, aliaque, circa ipsum notanda adjungam.

§. 947.

DESCRIPSIT Otto TACHENIUS in *Hippocrate chemico* p. 215. Sc. methodum, qua suo aevo *Veneti & Batavi*, praeparatum hoc magna copia parare solebant, sequentem: mercurii, TACHENIUS ait, seu argenti vivi libras ducentas octoginta, (tantum pendet sarcina unica, ut in ovinis pellibus ex *Hidria* advehuntur) mercurii sublimati libras viginti, salis communis, salis petrae ana libras ducentas, capitis mortui reservati libras quinquaginta, vitrioli rubificati libras quadringentas; omnia separatim debent in pulverem reduci, sub lapide molari, qui caleat. Mistio fit hoc modo: mercurius vivus, & sublimatus, portioque salis communis, & salis petrae prius debent commisceri; &, quantumvis salia sint arida facta, ab hac mistura tamen madescunt, sic mercurius, miscendo cum dictis speciebus, moritur; tunc adde reliquam partem salium; perge miscere, ligone ferreo, donec mercurius nullibi vivus adpareat. Haec mistura est humidissima, cui, si addere velles vitriolum rubificatum, quod est valde aridum, absorbit humidum in
momen-

momento, & simul faxi duritiem induunt: oportet itaque, loco dicti vitrioli, addere caput mortuum, aut reservatum de prima sublimatione, aut de aqua forti, perinde est; sic modice siccatur mistura, quam nunc debes per cribrum agitare; cribratum pulverem postea commode miscere potes vitriolo rubificato. Iam habes misturam, quacum inpleto sexdecim vasa vitrea magna (quarta pars sit vacua) quae locentur in capitellos, & sublimabis mercurium ex cineribus (minime vero aperto igne, ut nugatur *Reformator*) in quatuor furnellis, quorum quilibet contineat quatuor vasa; vasibus adpone alembica, negliger saltem, cum suis receptaculis. Ignis per viginti quatuor horas sit lentus, in illo tempore salia dissolvunt mercurium, spiratque in illa actione odorem aquae fortis, qui pulmoni nocet, imo inspirantem fere suffocat, sicut cryptae odor *Puteolis* prope *Neapolin* canem. Post viginti quatuor horas odor periit, & tunc sublimari incipit mercurius (aquam fortem collige, quae fortificatur aliis speciebus, & inservit praecipitationi mercurii) cum illo calore persevera, donec mercurium in forma placetae, à suo capite mortuo separatum, in summo videas, quod sit plerumque quinto die, si bene operatus fueris. Frigefactis rebus, propter grave pondus sublimati, sponte crepant vasa vitrea (fragmenta separatim collige, habent enim aliquid sublimati, quod abraide, quocum alia vice mercurius currens mortificari debet) cave cinerem, ne per rimas decadat, super placentas, quas curiose ambabus manibusprehendunt, ac seponunt, *panes* vocant, quorum quilibet pendeat circiter viginti quinque libras, plus minus, juxta capacitatem vasis, quod plus vel minus de mistura capiebat, ita ut ex ducentis octoginta pondo mercurii vivi & viginti sublimati colligas sublimati ter centum & octoginta. Crevit itaque in pondere mercurius vivus octoginta libris,

non



non quidem ex acido vitrioli rubificati, ut existimat *Reformator*, quod ob id caute calcinandum docet; sed solo sale communi, quod sic probo: sublimatur idem mercurius, eadem proportionem nitri & vitrioli rubificati, absque sale communi, tunc adscendit mercurius rubens, nilque ponderis, neque corrosivi adquisivit. Sic quoque, si idem mercurius praecipitatur aqua forti ex nitro & vitriolo, tunc splens rubescit, nilque acquirit ponderis. Haecenus TACHENIUS.

§. 948.

FIERI vero potest mercurii sublimati corrosivi compositio aliis longe rationibus, quam nunc exposita: generatur etenim, quotiescunque acidum salis concentratum ei applicatur; id vero non una methodo perfici posse, facile patet. *Cl. WALLERIUS* collegit duodecim methodos; en singulas:

§. 949.

1) *CHEMICI* nonnulli anaticam dosin calcis mercurialis, salis communis decrepitati, & vitrioli calcinati adhibent.

§. 950.

2) *ALII* recipiunt partes duas mercurii, solvunt hoc in aqua forti, obtentam mercurialem calcem remiscunt cum triplo salis communis decrepitati, & anatica dosi vitrioli calcinati.

§. 951.

3) *ALII* solvunt partem unam hydrargyri in partibus tribus aut quatuor aquae fortis, obtentam calcem

Gem miscent cum parte una vitrioli calcinati, parteque una salis communis decrepitati.

§. 952.

4) ALII mercurium non solvunt, sed terunt cum mercurio sublimato, antea jam parato, donec extinctum omnino sit; tum recipiunt ad partes quadraginta mercurii, partes triginta duas salis communis, partes viginti octo nitri, & partes sexaginta sex vitrioli calcinati, admiscunt haec mercurio per sublimatum corrosivum extincto ea ratione, ut ordiantur à nitro, tumque terant cum sale communi, ultimo loco vitriolum adjiciant.

§. 953.

5) ALII nitrum non adhibent, nec mercurium solvunt, sed cum argilla agitant, donec extinctus sit; admiscunt exin sal commune, & vitriolum calcinatum ea ratione, ut anatica dosi mercurio admisceantur.

§. 954.

6) ALII vitriolum omittunt, & calcem mercurialem, ex solutione mercurii in acido nitri paratam, cum aequali dosi salis communis miscent.

§. 955.

7) OBINETUR etiam mercurius sublimatus corrosivus, si mercurius teratur cum sale, tumque addatur acidum nitri, seu aqua fortis vulgaris.

§. 956.



§. 956.

8) *OBTINETUR* ex calce mercuriali, post abstractionem aquae fortis residua, cum acido muriatico mista.

§. 957.

9) *TUM* & ex mercurio puro, cum salis acido oleoque vitrioli misto.

§. 958.

10) *OPTIMA* methodus est, si conficiatur ex turpetho minerali, quod, edulcoratum prius, cum acido salis, si vero edulcoratum non sit, cum sale communi misceri poterit.

§. 959.

11) *PARARI* etiam posse, si praecipitatum rubrum cum sale communi, vitrioloque calcinato, aut oleo vitrioli misceatur, sponte patet.

§. 960.

12) *CL. MALOUIN* in *Chymie médicale* refert, *Sinenfes* ad parandum sublimatum corrosivum miscere partem unam mercurii cum partibus binis aluminis, parteque una salis communis, quae invicem miscent, terunt, atque sublimationem demum in vase ferreo instituunt.

§. 961.

CL. VOGEL methodum aliam descripsit, quae requirit, ut mercurius in aqua forti solutus, & per solum



lutum tartarum vitriolatum praecipitatus, cum sale communi sublimetur.

§. 962.

OPERATIO vero, quam bene succedere novi, ne in infinitum excurrat oratio, ex eodem *Cl. VOGEL* petita, sequens est: SUMANTUR mercurii vivi pars una, salis decrepitati, & vitrioli ad albedinem calcinati, aut hujus loco, capitis mortui vitrioli, singulorum partes duae; vel singulorum ingredientium portiones aequales. Misceantur ea in mortario vitreo, aut marmoreo *) exacte; sed nares & os sub tritura linteo communiantur, ne pulvis acerrimus tenerrimusque eo ingrediatur, & tussim concitet periculosam, fortemque sternutationem. Inpleatur misto vitrum portionibus medicis destinatum, tantae capacitatis, ut duae vel tres partes vacuae relinquuntur; idque nunc in crucibulum arena repletum demittatur, cumque eo intra carbones in furno anemio. Orificium vitri in principio apertum relinquatur, ut aquei vapores, primum ascendentes, libere exire queant; hisce vero expulsi, obturetur illud leviter charta convoluta. Ignis adhibitus primo lenis, per gradus augeatur, dum omnis mercurius elevatus sit, quod intra aliquot horas contingit. Vitrum refrigeratum diffringatur, & mercurius sublimatus parietibus ejus, sub massae candidae salinae, maximam partem densioris, ex aliqua autem rarioris, pulverulentae forma, adhaerescens, eximatur, & in vase vitreo adservetur. Est ita mercurius in minimis suis moleculis cinctus partibus acidis salis communis, indeque ita est armatus, ut omnium fortissimum venenum exhibeat. Quod adsumtum est ad praeparationem vitriolum, illud non ingreditur ipsius

*) In vitreo praestare, tenendum.



ipſius miſtionem, ſed eo tantum nomine adjicitur, ut acidum ſalis communis ab alkalina ſua parte copioſius ſeparet, quo id cum mercurio ſeſe combinare, & cum ipſo adſcendere poſſit. Ex reſiduo habetur itaque ſal mirabile Glauberi. *) Si vitriolum non admixtum eſt, habetur aequè mercurius ſublimateſ, verum in minori copia, neque ita corroſivus.

§. 963.

RATIONEM acidi ad mercurium in ſublimato corroſivo, vulgari modo parato, uti unum ad tria fecit L. MORT; multo tamen propius, (L. SPIELMANNO teſte, ad veritatem accedit MEAD, qui acido duas, mercurio unam partem tribuit; docet enim, ait, cauta analyſis, triplam quoque ſuperare illam, quae hic obtinet inter acidum & hydrargyrum, rationem.

§. 964.

CALCULO inſtituto præparationis, quam antea ex TACHENIO adtuli, patet, contineri in illa ſeptem partes mercurii, duasque partes acidi ſalis; quodſi enim maſſa mercurii ad operationem hanc adhibiti ducentas octoginta libras aequat, & facta ſublimatione, maſſa trecentarum ſexaginta librarum obtineatur, pondus excedens librarum octoginta erit, obſervante CL. VAN HORNE in *examen des principales methodes & adminiſtrer le mercure &c.*

§. 965.

*) OCHRAE martis inmiſtum; unde & totum caput mortuum ex fulco rubet.

§. 965.

KNOEFFELIUS, ut *Frid. Hoffmannus* refert, ex libra una mercurii sublimati corrosivi uncias septem mercurii vivi elicuit; ut adeo uncias novem constituisset acidum muriaticum, in illo sublimato cum mercurio conjunctum. Hoffmannus ipsemet ex unciiis quatuor sublimati corrosivi uncias tres, & fere drachmam integram mercurii revivificati obtinuit, quo sane in casu exigua satis fuisset acidi copia: *Celeberrimus* GEOFFROY ex granis centum octo sublimati corrosivi adeptus est grana septuaginta mercurii vivi.

§. 966.

AUCTOR *Anonymus translationis gallicae Pharmaciae Londinensis* miscuit uncias duas mercurii sublimati corrosivi cum uncia una & dimidia salis tartari, unciaque una limaturae ferri; miscela indita fuit in retortam, haec inposita balneo arenae, ignis per gradus administratus auctior, atque operatio per tres circiter horas producta; nil adhuc transierat in excipulum, retortae applicatum: refrigerato adparatu fracta fuit retorta; fornix interior obducta cernebatur crusta salina, cui plurimum inhaerebat mercurii revivificati: fundum vasis tegebat materies nigra. Abluta omnia exacte, & globuli mercuriales in unum collecti; siccatorum pondus unciam unam aequabat: inhaerebant tamen nonnulli adhuc limaturae ferri, quae ob rationes quasdam extraneas non fuerunt extractae. Concludit exin, multum abesse, ut acidum muriaticum tanta copia in corrosivo sublimato adsit, prout Auctores varii edixerunt; etsi caeterum negari nequeat, adesse in illo per excessum, inprimis ratione ad missionem salinam habita.



§. 967.

FACERE huc videtur observatio, quam *Cl. MONNET* in *Traité de la dissolution des métaux* inseruit; praejudicium scilicet plerorumque Chemicorum esse, dotem rodentem & causticam sublimati corrosivi acido unice deberi muriatico: factum id fuisse ex eo, quod subposuerint in substantia hac excessum acidi, indeque exponere voluerint dictam rationem. Praetervideri simul, illo admissio, principium certissimum, quodque axiomatis instar in Chemicis haberi queat; substantias, dum sese invicem uniunt, adquirere dotes relativas ad conjunctionem corporum, quae constituunt; atque corpus hoc vel illud nullatenus participes esse proprietatum particularium singularum substantiarum, ex quarum unione enascitur. Objici posse, si hoc non foret, naturae sumtus gratis factos; quum substantiae simpliciter mixtae omnes dotes habiturae forent compositorum genuinorum.

§. 968.

Quum praeter ea, quae prius ex *Cl. VOGEL* circa operationis Theoriam adtuli, pauca dicenda sint, quumque facile quivis videat, cur addatur vitriolum; recensebo nunc sparsas illas observationes, quae mercurium sublimatum corrosivum concernunt.

§. 969.

ADDITIO nitri superflua est, quum ad sublimatum corrosivum requiratur, ut acidum muriaticum & maxima quantitate, & concentratissimum cum mercurio uniatur; hoc vero pulchre fiat, dum tres solum substantiae, mercurius in sal redigendus metallicum, sal



sal commune, acidum, menstrui vices obiens, in se se recludens, & vitriolum, acidum muriaticum ex basi alkalina minerali ope acidi proprii expellens, in usum vocantur.

§. 970.

DIXIT LEMERY Junior, bolum, aut argillam substitui posse vitriolo; etsi quidem, ob acidum vitriolicum in terris illis contentum, operatio succedat; melius tamen, si ipsum adhibeatur vitriolum, actuosum minori sub mole recondens.

§. 971.

QUI, mercurium sublimatum facturi, formulam à Cl. BOULDU in *Mem. de l'Acad. des sciences de Paris 1730.* traditam sequi voluerint, illi sciant, sub nomine turpethi mineralis ibi loci designari sal metallicum, ex unione acidi vitriolici & mercurii ortum; non vero turpethum vulgare, creberrima elotione acido inhaerente omni privatum, quod incassum miscellae adderetur.

§. 972.

PROSTAT in Chemicorum quorundam libris methodus, mercurium sublimatum corrosivum conficiendi, quae tamen, ut bene monuit Cl. ANONYMUS saepe citatus, curiositati magis, quam utilitati inservit. Inmittitur hunc in finem mercurius in retortam; in aliam vero, eamque tubulatam, inmittitur sal commune decrepitatum, siccissimum; quaevis inponitur furno hunc in finem adaptato, atque è regione alterius polito; nimium etiam furni hi ab invicem remoti non




sint, ut in medio poni queat excipulum magnum (*bal-lon*) cui inmittuntur rostra ambarum retortarum; jun-cturae vasorum luto exacte claudantur, atque calefiat omnium primo retorta mercurium continens; dum satis jam calet, & suspicari possumus, mercurium, in vapores resolutum, nunc adscendere, adfunditur oleum vitrioli concentratum per tubulum retortae alterius, in qua sal muriaticum continetur. Notum vero est, illico, dum oleum vitrioli sal commune tangit, spiritum salis sub forma vaporum copiosorum prorumperet; dum itaque vapores hi acidi muriatici obviam fiunt vaporibus mercurii in ipso excipulo, uniuntur mutuo; sub specie fumi albi conspicui fiunt, & lateribus vasis adhaerescunt. Sublimatum, hac encheiresi dispendiosa & difficili obtentum, farinam refert, aut pulverem. Adtentio praeterea multa requiritur, ut vapores mercurii eadem sub proportione sursum eleventur, ac vapores acidi muriatici, alias etenim informis solum miscela sublimati corrosivi acidique muriatici obtinebitur.

§. 973.

DIXIT quidem PECHLINUS in diatriba *de purgantium medicamentorum facultatibus*, in mercurio sublimato corrosivo microscopii ope detegi posse miculas mercurii vivi, aciculis salinis interceptas, ab iisque maxime splendorem salis enasci: verumtamen & miculae illae aliis non occurrerunt, & diversae aliae salium splendentium dantur species, in quibus massularum mercurialium adsumi nil potest.

§. 974.

FORMA vero salis hujus metallici, uti in *Crysallographia Ch. ROMÉ DE L'ISLE* describitur, laminis con-



constat tenuibus, acuminatis; *Cl. BUCQUET* vero crystallos pulchras, regulares, prismata obliquangula tetraëdra, apicibus oblique truncatis, vidit. *Cl. BERGMANN* prismata tetraëdra, pyramidibus diedris descripsit. Textus vero radiatus, qui in frustis majoribus conspicitur, non sublimato corrosivo unice proprius est, sed & in aliis sublimatis firmioribus conspicitur. Si legitimus caloris gradus adhibitus fuit, *Cl. BAUME* ait, qui ad sublimationem falis hujus præcise requiritur, aciculæ pulchrae enascuntur, quæ, singulatim sumtae, pollices quatuor fere aequant, crassitie varia donantur, & pennas corvorum ad speciem referunt, sese invicem decussantes, transversimque interfecantes. Figura hæc genuina crystallorum mercurii sublimati corrosivi est, quæ in apicibus præterea, lanceolarum in morem, cuspidatae sunt. Si vero ignis nimium intenditur, crystallisatio tota destruitur; crystalli funduntur, corruunt, contrahuntur (*se ratatirent*) & massam demum constituunt densam, aciculis infinitis exiguis, arctissime ad invicem positis, constantem.

§. 975.

SUBLIMATUM hoc vim ignis sustinere nequit, sed dum ejus actioni denuo subjicitur, in auras avolat, si tentamen in aëre libero instituatur, vapor adscendens albicans est, pulmonibus attractus maxime noxius, deleterius, corrosivus; unde simul patet, quam maxime cavendum esse, ne sub ipsa operatione, aut vasis casu ruptis infortunium enascatur.

§. 976.

IN aëre libero ficans perstat.



§. 977.

IN *aqua* solvitur, magnam tamen satis copiam illius requirit, et si *Cl. BAUME* dixerit, solutionem facile succedere; melius etiam ab aqua bulliente, quam à frigida solvitur, unde à sale communi discrepat. *Cl. SPIELMANNUS* triginta sublimati grana ab uncia una aquae, ad gradum quinquagesimum *Fahrenbeitianae* scalae calente, soluta vidit; hinc uncia dimidia aquae $\frac{1}{16}$ sui ponderis partem incirca solveret. In tentaminibus *Cl. BAUME* aquae purae unciae quatuor drachmas duas, granaque duodecim salis hujus solverunt, scala thermometri gradum decimum octavum supra congelationis punctum designante. *Cl. ANONYMUS* monuit, viginti circiter uncias aquae requiri, ut solvatur, solutione frigida, uncia una salis hujus metallici, quod & cum tentaminibus *Cl. MACQUER* concordat. Adjecit simul, viginti quatuor aquae partibus opus esse, si sal hoc non in pulverem tritum fuerit, sed aciculae, quibus componitur, spatula, aliove instrumento diffingantur. Notandum vero, et si ab aqua bulliente major copia resolvatur, determinatam tamen solummodo quantitatem in refrigerata teneri, reliquum denuo sensim exenti, quod pariter *Cl. MACQUERUS* in tentaminibus suis deprehendit. Major tamen portio in solutione aquosa remanet, si adjiciatur sal ammoniacum, cujus interventu sublimatum corrosivum suspensum facilius quoque tenetur. Vidit *Cl. MACQUERUS*, uncias tres sale ammoniaco saturatae aquae uncias quinque sublimati corrosivi solvere, oriente simul calore sex septemve graduum. In refrigerata solutione portio quaedam excutitur; evitari tamen & hoc poterit, si sublimatum non simul & semel, sed sensim injiciatur, atque tamdiu expectetur, donec prior portio soluta sit, quo simul in casu calor non increscit. Unio haec salis ammoniaci & mer-

mercurii sublimati corrosivi arctissima est, & *sal* sic dictum *alembroth* constituit, de quo mox recurret sermo.

§. 978.

FACILE fatis mercurius sublimatus corrosivus in *alkohole* solvitur; vidit *Cl. MACQUERUS* in uncia una spiritus vini rectificati solutione frigida solvi drachmas fere tres nostri falis. Observavit *Cl. ANONYMUS*, spiritum vini vulgarem (*l'eau-de-vie*) ratione partis, quam continet, aquosae, majorem, quam aqua solvere dosin, atque solutionem ipsam facilius longe succedere; intimiorem etiam esse solutionem sublimati corrosivi in spiritu vini, quam salium quorundam aliorum mercurialium in hoc eodem menstruo: advertit sane jam *Cl. POTT*, sublimatum hoc ex integro in spiritu vini evanescere, quum tamen mercurius acido nitri referatus admistione spiritus ardentis demum revivificetur. Duplum denuo solvitur, si alkohol sale ammoniaco saturatum prius fuerit. Notavit *Cl. MACQUERUS*, alkohol tum accensum sub initium deflagrare flamma, ab ea, quae in accenso hoc spiritu observari solet, haud diversa, sub finem vero flavescente, demum vero stellulas displodente, & crepitante.

§. 979.

SOLUTIO sublimati corrosivi in *spiritu frumenti* constituit celebre illud *remedium antisypiliticum Ill. L. B. VAN SWIETEN*, de quo tot bona, totque mala dicta fuerunt. Methodus, qua solutio haec fieri debet, optime describetur ipsis *Ill. Viri* verbis; in *epistola* (quae, ut hic referatur integra, utique meretur) ad *Cl. Iosephum BENVENUTUM* haec scripsit *Van*



SWIETEN: opusculum tuum accepi, libenter legi, & gratias debitas tibi ago. Mercurii usum magni facio, sed multa hic opus prudentia est, imprimis quum crudus datur, vel adfricatur cuti. Non omnibus bene cessisse haec tentamina scio. Si Mercurius sublimatus corrosivus solvatur in spiritu frumenti rectificato hac lege, ut in singulis unciiis spiritus haereat medicum granum, & deinde hujus detur mane ac vesperti cochlear adultis, vel ad summum duo cochlearia, potando simul largam copiam decocti hordei, vel alterius cujusque emollientis, mira efficacia observatur in lue venerea, & aliis morbis difficillimis. Trecentos lue laborantes in nosocomium collegi praeterito anno, & absque salivatione omnes exiverunt sani, hoc solo remedio usi. Parum argenti vivi, & multa liquidi copia diluti, vidi profuisse quam maxime. Vale, & me ama.

§. 980.

Non referam vero hic disceputationem, utrum *Van Swieten* remedii hujus inventor dici queat: illud saltem certum est, chemicos antiquos, qui sub nomine *RAYMONDI LULLII*, & *BASILII VALENTINI* latitare volebant, mercurii sublimati, in spiritu vini soluti, mentionem injecisse, etsi quidem non tam scopo medico, quam alchemico miscelam hanc, quam *TRISMESIRUS ignem gebennae* dixerat, instituerint. *Celeberr. SPIELMANNUS* de inventione medicamenti curiosus, rogavit *Exper. D. D. de MERTENS, Sere-niss. Ducis de GALLITZIN* Archiatrum, quem *Celeb. SANCHEZ*, acutissimus ingeniorum aestimator, singulari favore fovet, (& cui me quoque multum debere nunc publice gratus fateor,) ut ex Patrono, quomodo ejus notitiam acceperit, quaerat; (*SANCHEZ* etenim sese mercurium sublimatum plane eadem, qua *Van Swieten* ratio-



ratione, plus quam vices in lue venerea usurpasse adferuit in epistola ad Cl. GMELINUM data); respondit, ait Cl. SPIELMANNUS, humanissime SANCHEZIUS, se suspicari, illud à Suecis ex Sibiria, quo captivi post praelium ad Pultavam deducti fuerunt, adlatum fuisse. Inter eos, qui funestos de remedio Swieteniano adnotarunt effectus, Cl. BRAMBILLA, in tractatu de Phlegmone, & Cl. PIERAC in Mem. sur l'usage, du sublimé corrosif, quod insertum fuit in T. IV. des Memoires de l'Academie de Chirurgie p. 153. &c. inprimis eminent; atque Cl. BRAMBILLA quidem Van SWIETEN ab hominibus, quæ tentaminum cum remedio hoc ipso curam injunxerat, foede deceptum fuisse, apertis verbis indicavit. Scio quidem & ipse, non faustos eventus à mercurio sublimato corrosivo fuisse excitatos; verumtamen fateri simul debeo, effectus ab eo fuisse curationes, quæ remediis aliis effici non poterant; ac inter alia curatum in facie carcinoma syphyliticum annosum, pro conclamato dudum declaratum: v. quæ in versione germanica libelli Plenckiani de morbis cutaneis circa rem hanc adnotavi.

§. 981.

CIRCA solutionem mercurii sublimati corrosivi in diversis menstruis acidis aliisque, referri inprimis merentur tentamina, quæ Cl. Torbern BERGMANN descripsit in diatribæ de unione mercurii cum acido salis, Actis Acad. reg. scient. suec. 1770. inserta.

§. 982.

ACIDUM salis, Cl. BERGMANN ait, mercurium sublimatum corrosivum facile resolvit, si majori co-

G 5.

pia



pis adsit, crystalli nullae enascuntur; alias lanceolae exiguae concresecunt.

§. 983.

DUM sufficiens copia *acidi nitrosi* adfunditur, vapores adscendunt, uti ab aqua regis (quae & hic revera generatur) quod jam ex observatis *Cl. POTT* constat; fluere hinc videtur, ab acido addito mercurii quid fuisse referatum. Accessu caloris sal omne solvitur; facta evaporatione, eadem copia, & immutatum cristallifatur, ut *Cl. MACQUERUS* advertit.

§. 984.

SOLVITUR & ab *acido vitriolico*, si calor accedat; in solutione refrigerata denuo excutitur. Observat *Cl. POTT*, oriri praecipitatum, si addatur acidum vitriolicum solutioni mercurii sublimati corrosivi. Certum hoc omnino est, inferri tamen exin nequit, factam fuisse salis decompositionem, uti credidit *Cl. MARHERR*; dum enim praecipitato huic aquam calidam adfudi, solutum cito ex integro fuit, quin turpethum ullum minerale reliquerit. Hinc patet, non vitriolum mercuriale tum ad fundum ruere, sed ipsum sublimatum corrosivum, interventu acris olei vitrioli ab aqua partim sejunctum. Adnotavit etiam *Cl. POTT*, mercurium, ab acido vitriolico solutum, deijci superaddito sale muriatico; atque fieri hoc ex eo videretur, quod acidum muriaticum semimetallum in amplexus suos rapiat.

§. 985.

SI sublimatum corrosivum ope vitrioli & nitri paratum sit, *acetum*, cum illo digestionis expositum, colore

lore flavo tingitur; facta evaporatione pulvis ruber remanet. Crediderunt nonnulli, pulverem hunc sulphur mercuriale esse; LUNCKERUS vero ortum ejus à terra martiali repetit, facta volatili; quum pulvis hic idem in conspectum manifeste prodeat, dum sublimatum corrosivum, repetitis vicibus una cum capite suo mortuo sublimationi exponitur, vel & recens nitrum, ac vitriolum additur. *)

§. 986.

SAL *alkali fixum* solutioni sublimati corrosivi additum, praecipitatum subrubrum producit. Quo major acidi adest copia, eo pallidior praecipitati color; si vero excedens illius adsit quantitas, color hujus prorsum albet. Et si autem excessus magnus acidi adsit, illico tamen, ab adjecto alkalino sale, praecipitatum ruit, elapsis vero paucis minutis denuo resolvendum. Colorem rubrum CL. PETERMANN à vitriolo ferri oriri dixit, TEICHMEYERUS à particulis sulphureis vitrioli deduxit. In contrarium monendum nil venit, nisi quod sublimati corrosivi praeparatio fieri queat, quin ipsum adhibeatur martiale vitriolum.

§. 987.

SAL *alkali volatile* mercurium sublimatum colore albo dejicit; si vero pinguedo nimia illi adhaereat, color praecipitati griseus est; atque talis à spiritu salis ammoniaci vinoso producitur, uti ZIMMERMANUS, & CL. BERGMANN viderunt. Eadem ratio subesse

*) VERO id eo magis simile videtur, quum nota sit acidi salis actio, in volatilisatione metallicarum calcium.



esse videtur phaenomeni, quod praecipitatum nonnunquam colore obscuro, aut nigro tinctum in conspectum prodeat.

§. 988.

UNCIA una aquae calcis, ex tentaminibus Cl. MEYER duo circiter grana mercurii sublimati corrosivi sub colore dilute flavo dejicit. *) Pulvis hic siccatus, externe solum, colore obscuriori tingitur.

§. 989.

*) PRAECIPITATIONEM hanc Cl. MEYER, v. *chemische Versuche zur nähern Erkenntniß des ungelöschten Kalks &c. S. 121.* &c. sequenti ratione instituit: infudit libras octo (ponderis civilis) aquae calcis recentis, limpidae, in vas magnum vitreum cylindricum; admiscuit huic sensim unciam dimidiam mercurii sublimati, in uncis septem cum dimidia aquae destillatae soluti; ad fundum lapsus est pulvis colore intense flavo (*hochgelb*) tinctus. Quum adverteret, ab libris illis octo aquae calcis majorem adhuc copiam mercurii praecipitari posse, solvit in eadem, ut prius, aquae dosi unciam adhuc dimidiam sublimati corrosivi; tribus vero solum drachmis cum dimidia solutionis hujus secundae indiguit ad perfectam mercurii praecipitationem, his enim adfusus, aqua calcis, sub continuata solutionis mercurialis instillatione limpida mansit, nec pulveris quid ulterius ad fundum dimisit; hinc uncia dimidia cum quindecim granis mercurii sublimati aquam calcis subiit, atque haec illius quantitas ab libris octo aquae calcis dejici valet; ut adeo

§. 989.

CIRCA docimasiam salium alkalinorum in latice quodam contentorum, ad quam mercurius sublimatus corrosivus adhiberi solet, monuit *Cl. BERGMANN*, scopum hunc tuto aequè ac commodius obtineri posse, si in liquidum, quod examinare volumus, portio solum exigua salis hujus ejusdem injiciatur, illico enim aut rubrum, aut flavum, aut pulvere albo obductum, aut prorsus immutatum, pro ratione diversa circumstantiarum, cernitur. Ab infusione gallarum sal hoc sub colore fuscescente dejici vidit; praecipitatum siccarum colorem umbraceum maximam partem exhibuit.

§. 990.

adeo pro uncia una aquae generosae calcis grana bina sublimati veniant. Separavit liquorem limpium à pulvere, ac filtro inhaerentem illum siccavit. Siccus colore dilute aurantio tinctus cernebatur, in aëre vero libero, umbrae adinstar, colore fuscescente externe obducebatur: grumuli tamen in interiori substantia ultra annum integrum colorem suum adhuc retinuerunt. Pulvis totus drachmas tres cum granis viginti sex aequavit; si vero filtro adhaerens in computum simul ducatur, praecipitati totius pondus ad drachmas integras tres cum dimidia extendi omnino valet. Ex liquore limpidò, ex quo per aquam calcis superadditam dejici nil ultra poterat, excussa tamen fuit portio adhuc quaedam praecipitati albi, drachmas duas cum granis quatuor aequantis, mediante solutione crystallorum sodae; praecipitatum hoc absolvebatur
terra



§. 990.

CIRCA *metallorum* in mercurium sublimatum corrosivum actionem sequentia *Auctor* nunc citatus adnotavit. A metallis, ait, plerisque sal hoc decomponitur. STAHLIUS jam observavit, deliquesce-re illud, si super stannum aut ferrum reponatur, metallis ab acido salis in-pugnatis. LUNCKERUS retulit, solutionem sublimati vasa ferrea, in quibus decocta fuerit, adrodere, ac mercurium currentem purum excussum remanere. Cupro aut aurichalco in solutionem immisso, metalla haec pellicula mercuriali illico obducuntur, ut inargentata videantur. Per Zincum mercurius ab acido salis etiam divellitur; amalgama vero cum mercurio excussum constituit, referente *Cl. POTT*.

§. 991.

terra calcarea aquae calcis inhaerente. Instillatus dein spiritus salis ammoniaci deiecit adhuc grana viginti & unum mercurii praecipitati albi. Observationes alias, tum circa praecipitationem ipsam, tum & pulverem dejectum, à *Cl. MEYER* fulissime expositas praeterire hic debeo; illud saltem adhuc addens, quod si solutio mercurii nitrosa instilletur in aquam calcis, mercurium tum ruere tinctum primo colore sulphureo, dein vero aurantio; miscela agitata, ut praecipitatum ab aqua calcis undique tangatur exactius, colorem umbrae hoc acquirere, fieri tamen denuo flavum, majori addita solutionis mercurialis copia. Mercurius vero praecipitatus ruber, aquae calcis injectus, coloris mutationem non experitur.



§. 991.

SUBLIMATO hoc eodem cum metallis variis destillationi exposito, enascuntur saepe sic dicta *butyra*, aut liquores spissi, acido salis, majori aut minori metallorum dosi onusto, compositi. Evenit hoc cum galena plurbi, stanno, bismutho, zinco, & regulo antimonii, referente *Cl. POTT*; argentum vero & plumbum, uti *Cl. BRANDT*, tum cuprum, uti *Cl. POTT* observat, mercurium revivificatum dimitunt.

§. 991.

GRAVITAS specifica sublimati varia à Variis Autoribus assignata fuit. In *Leçons sur la Physique expérimentale* *Cl. COTES* ratio illius ad aquam assignatur uti 6, 325 : 1, 000. *Cl. MUSCHENBROECKIUS* ad 8, 000. usque progressus est.

§. 992.

DISQUISITIONEM fusiorem quaestionis: an mercurius sublimatus corrosivus *arsenico* adulterari queat, & qua potissimum ratione id ipsum detegendum sit, hic intactam relinquo: illud saltem adjiciens, & mangonium illud, uti experimenta *Cl. Cl. POTT*, *GMELIN*, *SPIELMANN*, & *BERGMANN* docuerunt, fieri posse, & odorem alliaceum, ab injecta carbonibus ardentibus tantilla salis illius portione ascendentem, arsenicum, si tamen adsit, facile prodere.

§. 993.

Cum *sale ammoniaco* mistus unitus corrosivus mercurius, ea inprimis proportionem, ut ad partem unam salis



salis ammoniaci partes duae sublimati recipiantur, *sal* sic dictum *alernbroth* constituit; sal huic insignes vires in resolvendis metallis adtribuerunt Alchemici, atque ejus opē fincturam singularem, seu ut loquuntur, *animam metalli* extrahi posse rati fuerunt.

S. 994.

REFERENDA adhuc est methodus, parandi sal mercuriale, mercurio sublimato corrosivo dotibus suis plane analogum, proposita in *Act. Suec. T. XXXII.* à Cl. MONNET, sub titulo: *praeparationis mercurii corrosivi abs interventu ignis.* Solvit hunc in finem Cl. VIR libram unam mercurii in sufficienti quantitate acidi nitrosi, accedente simul leniori calore; solutioni adhucdum tepidae admiscuit solutionem librae unius salis muriatici. Ortus illico motus intestinus in liquido, sursum elati vapores rubri, ad fundum vero dejectum praecipitatum copiosum, illico tamen resolvendum. Elapso aliquo temporis intervallo enata crystallorum exiguarum, lanceolarum triquetrarum sub forma, magna seges: crystalli hae flexiles erant, & crystallis, quae ex solutione mercurii sublimati corrosivi vulgaris obtinentur, simillimae; filtro inhaeserunt, per quod latex missus fuit, nec ratione ulla alia separari potuerunt. Siccatarum partem dimidiam sublimationi in cucurbita mediante calore balnei arenae exposuit; sublimatio facile processit, quin magnus adeo requisitus foret aestus. Partem alteram trivit in mortario vitreo cum mercurio corrente; disparuerunt sic unciae duae mercurii interventu unciarum trium crystallorum, quae proportio à *Pharmacopoea Parisiensi* pro dulcificatione mercurii sublimati corrosivi praescribitur. Miscelam sublimationi dein subjecit; ut adeo manifestum exin fiat, via humida mer-



mercurium tantam acidi muriatici copiam in sese rapere posse, quanta, ut sublimatum corrosivum exsurgat, requiritur.

§. 995.

Quo vero majorem adhuc acidi dosin mercurio conciliaret, sequens instituit tentamen. Solvit libras duas mercurii in tanta acidi nitrosi copia, ut punctum saturationis non ex integro foret obtentum. Admisit libras tres salis muriatici, aqua prius resoluti. Motus denuo enatus intestinus validus, vapores rubri ascenderunt copiosi, latex vix albescens redditus, illico ad limpiditatem rediit; &, quod mirum, colore pulchro dilute coeruleo tinctus oculos feriit. Sal muriaticum in ea solum aquae copia solutum fuerat, quae praecise requirebatur, hinc & mox enatae crystalli copiosae, antea descriptis exacte similes. Demtis crystallis his liquidum inposuit balneo arenae, atque quartam partem evaporatione abegit: concrevit sic magna denuo crystallorum copia. Siccatae hae, eandem, uti priores, receperunt mercurii copiam, ut mercurius exsurgeret dulcis.

§. 996.

ADMISCUIT etiam CL. MONNET solutioni unciarum octo mercurii anaticam dosin acidi salis. Ad fundum deturbatum fuit praecipitatum copiosum album, etsi solutio notabilem caloris gradum experta fuerit. Praecipitatum hoc ipsum, aqua calida elotum, a praecipitato vulgari albo non diversum deprehendit. In latice, evaporatione praemissa, crystalli pulchrae, satque magnae mercurii corrosivi concreverunt.



§. 997.

UT videret, an solvatur mercurius, salis alkalini ope ex menstruo nitroso dejectus, per acidum salis, quod ex tentaminibus *Marggrafianis* vero videbatur simile, quum & ab acidis vegetabilium praecipitata talia resolvantur; adfudit praecipitati unciae uni uncias quatuor acidi muriatici debilioris, ac miscelam hanc balnei arenae calori exposuit. Calore vixdum agente, totum jam praecipitatum solutum disparuit: adfudit copiam quamdam aquae, laticemque evaporationi dein commisit; nullae tamen enatae fuerunt crystalli, sed magma salinum sub finem remansit. Quum videret, oriri hoc ab acido superfluo, adfudit aquam, praecipitatum adhuc adjecit, vas calori exposuit, liquidum per filtrum misit, &, saturato sic acido, crystallos elegantes nasci vidit, antea descriptis per omnia similes.

§. 998.

PATET ex his omnibus, mercurium corrosivum *via humida* parari etiam posse; tum & errare illos, qui adferunt, in mercurio sublimato corrosivo adesse debere acidum superfluum; nam etsi solvatur in acido salis tanta praecipitati copia, quanta in eo resolvi potest, nullum tamen aliud exin sal generatur, quam mercurius verus corrosivus, unde satis adparet, partium sublimati corrosivi superfluam nullam esse, sed constare illud acido salis, & mercurio, invicem saturatis; unde praeterea videtur, quod jam alio loco dictum fuit, dotem causticam mercurii sublimati corrosivi non ab acido unice repetendam esse salino, sed à compositione salis hujus tota.

§. 999.



§. 999.

MONUIT vero & Cl. MACQUERUS in *Dictionaire de chymie*, voce *sublimé corrosif*, mercurium sublimatum corrosivum esse compositum corpus proportionis exactae ac fixae acidi salis & mercurii; sal hoc metallicum, legitime factum, seu causticitate, quam recipere aptum natum est, maxima donatum, altera vice cum novo salis acido unitum, ac sublimationi expositum, majorem acidi hujus dosin, quam prius adsumserat, non ultra recipere.

§. 1000.

HIS tamen non obstantibus pergit Cl. MACQUERUS, dotes mercurii sublimati corrosivi singulares, quod scilicet sal sit maxime causticum, atque hinc inter venena atrocissima locum obtinens, quod & majorem longe recipere insuper queat mercurii vivi copiam, ut in mercurium dulcem, sal metallicum fere insipidum, in aqua vix solubile, & ad salia media specie fere sola externa accedens abeat; dotes hae, inquam, dubium nullum relinquunt, multum adhuc abesse, ut acidum muriaticum, etsi magnae satis copiae mercurii, at intima unione in mercurio sublimato corrosivo jam unitum, saturatum semimetallo ex integro sit: duplici itaque sub conditione, aliquatenus obposita, acidum muriaticum hic considerandum erit: plures siquidem sublimati corrosivi dotes demonstrant, acidum hic perfecte adeo, uti in salibus neutris perfectissimis, esse saturatum; dum interim aliae evincunt, multum adhuc à vera saturatione illud abesse.



§. 1001.

UT idea exacta status hujus singularis acidi muriatici concipi queat, attendendum primo est, malam omnino de conditione acidi, in sale quodam neutro contenti, judicium formari, si quis dotes hujus salis, seu ab acido unice dependentes, considerare vellet; corpora enim non salina, acidis in salibus mediis unita, actione sua propria, aequae ac acida haec eadem, gaudent, atque dotes horum salium nunquam non pro confectario haberi debent actionis tum acidi, tum baseos, invicem unitorum.

§. 1002.

PROBE insuper distinguendum est inter *saturationem relativam*, & *saturationem absolutam*, seu *perfectam*, salium mediorum: hae enim res ab invicem diversissimae sunt, quum revera in quamplurimis miscelis (*combinaisons*) principium earum constitutionum unum versetur in saturatione relativa perfecta, respectu habito ad principium quoddam alterum; seu quod principium illud unitum sit quantitati toti principii secundi, quam resolvere aptum natum est; etsi tamen multum remotum sit ab saturatione absoluta, seu, etsi multum absit, quin actio illius in principium idem secundum adeo exhausta sit, ut nulla amplius gaudeat, quam exserere in substantiam quamcunque alteram posset; quodsi enim hoc non ita obtineret, evidens est, fore, ut nullam decompositionem ope substantiae cujusdam intermediae facere possemus. Fieri hinc in corporibus, ex principiorum binorum unione coalitis, qualia v. c. salia neutra sunt, potest, ut unum principiorum, ex quibus constant, versetur in saturatione relativa perfecta, quin tamen reciproce prin-

principium alterum in saturatione eadem relativa constitutum sit. Fieri etiam potest, ut aut unum illorum principiorum, aut ambo simul versentur in saturatione exacta relativa, etsi unum eorum, aut ambo simul, multum ab saturatione absoluta remota sint.

§. 1003.

HIS praesuppositis, *Cl. MACQUERUS* prosequitur, & ad dotes mercurii sublimati corrosivi facto respectu, facile adparebit, 1) acidum muriaticum unitum esse non posse copiae mercurii vivi adeo magnae, uti ea est, quae in sale hoc continetur, nisi manifestius accedat ad statum saturationis absolutae; fuit ex hinc, cur mercurius sublimatus corrosivus colores coeruleos substantiarum vegetabilium colore rubro non tingat, acido sapore praeditus non sit, cum salibus alkalinis non effervescat, humiditatem ex aëre non adtrahat, ad crystallisationem pronissimus, ac in aqua vix solubilis sit: verbo, patet exin, cur sal hoc in eodem vix non statu, hoc sub respectu, versetur, uti salia plura neutra, v. c. tartarus vitriolatus, aliaque, quorum acidum probe saturatum adsumitur.

§. 1004.

FACILE 2) patebit, acidum muriaticum, in mercurio sublimato corrosivo contentum, etsi ad saturationem absolutam adeo accedat, prout dotes illico dictae indicant, plurimum tamen abesse adhuc à statu suo saturationis relativae, respectu ad hydrargyrum habito, quum evictum sit, unionem illud contrahere posse cum quantitate multo majori mercurii vivi, quam quae in sublimato corrosivo continetur; uti id ipsum evincitur ex metamorphosi sublimati corrosivi in mer-

H 3

curium



curium dulcem; conclusio ex his facillime fluet, acidum muriaticum aptum natum esse contrahendae unioni cum quantitate mercurii adeo magna, ut saturari ex integro nequeat haec eadem substantia, quin actionem suam fere omnem, qua gaudet, exhausterit, & saturationi absolutae sit vicinissimum; videmus etiam reipsa, proprietates hujus acidi insensibiles evadere, & prorsum fere deleri in mercurio dulci.

§. 1005.

PATEBIT 3) etsi multum absit, ut acidum in sublimato corrosivo saturatum sit mercurio currente, uti statim dictum fuit, versari tamen in sale hoc eodem mercurium in statu saturationis relativae, respectu ad acidum habito; quum, ex tentaminibus Cl. ROUELLE, sal hoc unionem cum majori quantitate acidi nullo plane pacto contrahere valet. Si vero simul attendamus ad quantitatem mercurii in sublimato corrosivo contenti, vero videbitur simillimum, etsi mercurius hic saturatus sit acidi ea copia, quam recipere valet, atque ideo, hoc respectu, versetur in statu saturationis relativae perfectae, multum tamen abesse, quin nifum ad unionem contrahendam in genere sumtum, quo gaudet, in acidum hoc exhausterit, & in statu saturationis absolutae constitutus sit. Infracta sane ex una parte est aggregatio mercurii in sublimato corrosivo, hinc partes illius *integrantes* omnes fruuntur nifu suo generali in unionem contrahendam; ex altera vero parte partes hae eadem mercurii exiguae solum dosi acidi unitae sunt; exin itaque probabile maxime videtur, gaudere eos nifu adhuc multo, quem explere non poterant, hinc autem conjectura saltim, quae vero maxime consentanea videtur, est, indolem causti-

causticam substantiae hujus salinae à statu hoc mercurii in sublimato corrosivo dependere.

§. 1006.

PAULO post *Cl. MACQUERUS* ita pergit: mercurium, in sublimato corrosivo contentum, causticum maxime esse, atque, ut adparet, ipsum acidum muriaticum hac dote superare, facilius concipietur, si naturam sublimati corrosivi bene perpendamus, ubi simul patebit, impossibile vix non esse, ut alia causticitatis ratio assignetur. Inficias omnium primo ire non possumus, à sale hoc metallico ipsum acidum muriaticum purum dote caustica longe superari; certum siquidem est, drachmam v. c. acidi muriatici, quin & majorem longe dosin, aqua dilui ita posse, ut nec minimum exin sentiamus incommodum; si vero in eadem vel & in multo majori quantitate aquae drachmam solum dimidiam sublimati corrosivi diluamus, homo, qui aquam illam biberet, absque dubio fato cedere deberet. Qua itaque ratione, si subponeremus, causticitatem hujus salis unice ab acido muriatico dependere, quod in illo continetur; qua, inquam, ratione concipere possemus, acidum hoc magis multo corrosivum esse, quam si liberum & purum fuerit, quum tamen in mercurio sublimato corrosivo non solum liberum non sit, & acore suo omni non gaudeat, sed majori mercurii copiae, quam quae triplo ponderis proprii absolvitur, unitum haereat, ac in statum salis medii eatenus redactum sit, ut sal nunc formet in crystallisationem pronissimum, in aqua parum solubile, colores coeruleos; vegetabilium non ultra rubefaciens, nec acidi notam ullam exferens. Si sententiam illam adsumere vellemus, idem fere foret, ac si quis diceret, acidum vitriolicum in tartaro vitrio-



lato contentum multo magis causticum esse, quam dum purum est: omnes enim mercurii sublimati corrosivi dotes testantur, acidum salis, in eo contentum, in eadem fere saturatione absoluta versari, uti acidum vitriolicum contentum in tartaro vitriolato. Mercurio itaque, ceu parti salis illius praecipuae (*parte dominante*) ac minime saturatae adtribui potissimum debet causticitas, qua sublimatum corrosivum instruitur. Mercurius in sublimato corrosivo contentus in eodem vix non statu versari videtur, ac principium terreum in salibus alkalinis fixis; destructa scilicet ejus, magnam saltem partem, est adgregatio; praeterea majori multo copia, quam principium salinum, adest. Sublimatum sane corrosivum colores coeruleos non solum rubros non reddit, sed in viride potius, ex observatis *Cl. ROUELLE*, illos vertit: prout etiam salia alkalina causticitatem suam debere inprimis videntur proportioni, ac statui singulari terrae suae; sic & sublimatum corrosivum debet suam dotem causticam solummodo quantitati ac statui sui mercurii; causticitas hic potius obtinet alkalina, quam indoles corrosiva acida.

§. 1007.

OBJICI posset, quodsi causticitas sublimati corrosivi revera ab mercurio, cum acido salis unito, dependeret, augeri illam deberi, si proportio mercurii in dicto sale augeatur; quum tamen, obposita plane ratione, sublimatum eo mitius evadat, quo major mercurii vivi copia illi additur, uti ex instantia mercurii dulcis manifeste adparet.

§. 1008.

FACILIS autem ad hoc est responsio: etsi causticitas sublimati corrosivi à mercurio magis quam ab acido

do dependeat, dubium nullum superest, ad dotem illam facere quoque ipsum acidum, ex lege illa generali, vi cujus principia corporum omnia concurrunt plus minusve ad corporum illorum proprietates; jam acidum in sublimato corrosivo contentum ad saturationem absolutam satis omnino accedit, ac etsi in statum neutrum deductum videatur, aptum tamen natum est, ut gradum quemdam actionis exferat: dum itaque ex integro mercurio saturatur, deducitur in saturationis absolutae fere perfectae statum, quum acidum hoc ipsum unionem inire queat cum magna adeo mercurii quantitate, ut, si jungatur cum substantia hac metallica, saturatio illius relativa, & saturatio absoluta eodem fere redeant; hinc vero mirum non videtur, hoc respectu causticitatem manifeste minui; praeterea vero, dum copia mercurii multo major est proportionem, quae in sublimato corrosivo requiritur, facile adparet, particulas illius magis magisque ad invicem accedentes, magis etiam magisque sese conjungere, ac ad statum adgregationis accedere, in quo mercurius causticitatem nullam amplius exferere valet. Hactenus *Cl. MACQUERUS.*

§. 1009.

MERCURIJ corrosivi genesis via humida observatione fortuita, tum vero tentamine instituto demonstravit quoque *Cl. RETZIUS*: observatio subjuncta prostat, in *Act. Acad. reg. Succ. vol. XXXII., Monnetianae*, antea expositae descriptioni encheireseos sal hoc dicta methodo parandi. En ejus compendium: mercurio depurato ea adfusa fuit aquae fortis copia, quae circiter ad ejus solutionem requirebatur. Aqua fortis talis fuit, qualis in commercio habetur, notabili salis communis copia inquinata. Solutio, quum



nil urgeret, frigide absolvebatur. Septem octove elapsis minutis, *Cl. RETZIUS* in vase vidit moleculas salinas, globulos mercuriales ambientes. Increverunt moleculae magnitudine, quamdiu bullae in superficiem aquae fortis adhuc adscendebant; his vero evanescentibus, salis quoque terminabatur incrementum. Decantato caute liquido, sal, ut siccesceret, chartae emporeticae inpositum fuit. Album erat, radiatum, flexile, uti sal à *Cl. MONNET* antea descriptum, cum sublimato corrosivo per omnia conveniens, nisi quod facilius ab aqua resolveretur. In alio tentamine idem observavit phaenomenon; moleculae tamen salinae tum minores erant. Sal in aqua solutum, solutione lente postea evaporata, irregulariter ad latera vasis interiora concrebuit: pars in fundo vasis formabat massam radiatam, compactam, fragilem.

§. 1010.

DUM *Cl. VIR* quadam vice majorem receperat mercurii dosin, quam quae ab aqua forti adhibita solvi poterat, vegetatio enata fuit in medio vase, corallia referens dendritica, globulis mercurialibus apices arbusculae obsidentibus.

§. 1011.

ADDI hic meretur *methodus detegendi mercurii sublimati corrosivi praesentiam, in quodam liquido contenti*, quae habetur in *Journal des Savans* 1776. T. VII. p. 271. *sqq.* Si in liquido quodam adsit mercurius sublimatus corrosivus, sapor acerbus & metallicus miscelam hanc prodit; sed & indicia subpe-
runt alia, quibus detegi idem possit. Methodus optima, cujus ope de praesentia salis dicti certiores fieri possi-

possimus, exigit, ut aqua calcis recens parata hunc in finem utamur. Miscentur bina liquida, &, si mercurius corrosivus adfuerit, illico ad fundum dejicietur praecipitatum coloris lateritii *). In hac unione, quae aquam format phagaedenicam, acidum salis, mercurio prius unitum, substantiam hanc metallicam deferit, ut jungi possit calci, quacum majorem fovet adfinitatem; mercurius liber redditus, illico sub forma pulveris colore lateritio donati dejicitur. Methodus haec explorandi certior est altera, quae cum sale alkalino fixo vulgari institui solet, quum sal hoc metallum solvere denuo posset.

§. 1012.

Quodsi mercurius, cum sale alkalino fixo, vel cum limatura martis aut antimonii regulo &c. mistus, destillationi exponatur, atque excipulum adplicetur aqua partim repletum, mercurius prodit currens, sub forma nitida metallica, *mercurius revivificatus* speciali termino dictus, quum, uti antea fuerat, sit mobilissimus; metalla siquidem alia ex forma calcis in metallicam deducta, non *revivificari*, sed *reduci*, proprie dicuntur.

§. 1013.

RESIDUA post revivificationes obtinentur varia, prout variae ad operationem receptae fuerint substantiae: sic si antimonii regulum adhibeas, butyrum enascitur antimonii, quod in *capite de ANTIMONIO* latius describitur; si limaturam ferri, liquor generatur

*) V. quae antea dicta fuerunt, ubi de miscela mercurii cum aqua calcis sermo erat.



etur accedens ad illum, qui post sublimationem florum salis ammoniaci martialium obtinetur; si plumbum, saturnus habebitur corneus, ex unione acidi salis cum plumbo concretus, *v. caput de PLUMBO*; si calcem vivam, sal sic dictum remanebit ammoniacum fixum.

§. 1014.

THEORIA harum revivificationum facilis est: absolvitur majori adfinitate substantiarum, ad revivificationem abhibitarum, cum acido muriatico, quam acidi hujus cum mercurio. Patet simul, acidum salis sat lubenter ab hydrargyro, quocum prius unitum fuerat, recedere.

§. 1015.

VIDEAMUS nunc, quid accidat, si mercurio sublimato corrosivo, aut more vulgari, via sicca, aut *Monnetiano*, via humida, parato, major adhuc jungatur mercurii currentis copia, seu sal hoc metallicum mercurii vivi copia, quam recipere potest, maxima faturetur.

§. 1016.

MASSA hac encheiresi obtenta, prout repetitis vicibus instituta sublimatio fuerit, *mercurius dulcis*, *aquila alba*, *draco mitigatus*, *panacea mercurialis*, *panchymagogum mercuriale*, *manna metallorum*, *aquila mitigata*, aut, inprimis dum sexies sublimatio, more *Anglorum*, repetita fuerit, *Calomel* dicitur.

§. 1017.

§. 1017.

METHODUS mercurium dulcem parandi, observante C. BERGMANN in *examine mercurii dulcis*, *Act. Acad. regiae scient. Holm. T. XXXIV. sqq.* inserto, arcana habita fuit ad initium usque prioris saeculi: CROLLIUS mysteriose adhuc de praeparato hoc in *Basilica Chymica anno 1608.* edita loquutus fuit: Sunt duo, ait, secretissimi modi tractandi mercurium pro medicina corporis — — — In secundo mortificantur corrosivi spiritus vitrioli *) & salis in mercurio sublimato, e quo miro & simplici artificio homogeneo fit pulvis crystallinus, plane insipidus. Eodem vero anno REGIUS *tyrocinium suum chemicum* edidit, in quo sub nomine *sublimati dulcis purgantis*, seu *draconis mitigati* sequens praescribitur praeparatum hoc conficiendi ratio: recipe mercurii purgati, vel mercurii cinnabaris revivificati uncias sex, mercurii sublimati uncias octo. Tere simul & tamdiu, donec nullum mercurii vivi granum adpareat. Post adde salis praeparati **), ad mercurii impuritates reti-

*) CROLLIUS enim crediderat, non solum acidum muriaticum, sed & acidum vitriolicum mercurii sublimati corrosivi compagem subire.

**) MONUIT vero jam recte GLUECKRADTIUS in nota adjecta: ad sublimatum hoc dulce conficiendum non opus esse ulla salis, vel colcotharis additione; in eo tamen peccans, quod, praeter acidum muriaticum, calchanthi etiam acorem mercurii dulcis compagem intrare tennerit. Correcturus operationem à BEGUINO praescriptam subdidit: si velis dextre operari, binos mercurios junctos per se in matracio sublima, more solito, idque tertio repetendo,



retinendas, duas aut tres uncias & simul rursus trita pone in matrarium, quod ad dimidiam tantummodo partem reple. Hinc sublima, in cineribus vel arena, per quinque aut sex horas; quumque matrarium refrigerit, disscinde illud ferro ignito, ea parte, quae media est inter sublimatum & sal, quod in fundo remansit, ac rursus sublimatum redige in pulverem: & secundo sublima absque additione. Ita sufficienter praeparatus erit, ad felicem ejus usum, tam internum, quam externum. Sublimatum hoc *panacea* erat QUERCETANI, quam in pilulas redigebat, quae tum temporis, à nomine ipsius *pilulae de Monsieur DE LA VIOLETTE* dicebantur, & plurimis, praesertim lue venerea infectis, in usu erant &c. Haec BEGUINUS.

§. 1018.

QUERCETANUS, seu ut vero nomine vocatur, *Joseph DU CHESNE, Sieur DE LA VIOLETTE*, qui famam inprimis mercurio dulci sub titulo *panchymagogi* conciliavit, alchemicam sequentem encheiresin Principem quemdam Germanicum, seu pro arcano docuit, referente BARTHIO, quam hic infero, ut adpareat, quanto molimine Chemici priorum saeculorum inania saepe adeo sectati fuerint: recipe antimonii crudi libras duas, jovis, saturni ana uncias tres. Fundantur prius metalla; quibus fufis adde paullatim antimonium, & omnia fundantur. His fufis adde tartari pulverisati uncias duodecim; salis petrae uncias octo, misce. Projice hos pulveres, simul mistos, sensim supra materiem fufam, quam deinde

tendo, semper adjecto mercurio crudo, qui in extrema parte interdum simul vivus surgit, rejectis fecibus, in fundo matrarii resitantibus.

deinde ex igne exime, & invenies in fundo uncias octo vel decem reguli: hunc seorsim funde; habebis regulum, saturni & jovis qualitatibus inpraegnatum. Loco jovis & saturni addere poteris lunam, venerem, & etiam parum solis. Huic regulò addatur mercurii sublimati duplum, & per retortam expellatur mercurius currens, pro sua panacea; egredietur etiam axungiosa quaedam materia, quae plurimum confert ad mercurium vitae parandum.

§. 1019.

FACILE patet, operationem hanc revivificatione absurde instituta mercurii ex sublimato corrosivo absolvi. Vide quae antea de *revivificatione sublimati corrosivi* dicta fuere.

§. 1020.

METHODUM parandi mercurium sublimatum dulcem *Cl. VOGEL* praescripsit sequentem, sat bonam; ex mercurio sublimato, ait, fit mercurius dulcis, instillando ipsi inter terendum tantum successive mercurii vivi, quantum ab ipso hauriri, & sub cinerei forma pulveris occultari potest; deinde, ut in praeparatione sublimati corrosivi, sublimando, hancque sublimationem, si placet, praemissa trituratione, bis terve repetendo; sed tum semper aliquid mercurii vivi commiscendo. Excendit ita mercurius dulcis splendens, crystallinus, densus, albus; sed cum eo simul excendit semper nonnihil mercurii sub forma currente, atque insuper pulvisculus quidam griseus, non splendens: quem studiosè à dulci crystallino separabis, siquidem acerrimum constituit venenum, quo canes & feles brevi tempore enecari possunt, si aliquot



quot ejus grana ipsis exhibeas. In superiori vitti parte adpositus is reperitur, una cum mercurio currente.

§. 1021.

PRAESCRIPSERUNT quidem Chemici plures determinatam dosin, tum mercurii currentis, tum sublimati corrosivi, quae pro mercurio dulci parando foret recipienda: interim tamen attendendum simul est, quod & *Cl. BERGMANN* bene monuit, & sublimatum corrosivum non in omni casu esse prorsus idem, & operationem ipsam non semper aequè bene ac exactè peragi.

§. 1022.

IN *Pharmacopoea Londinensi* praescribitur, ut libra una sublimati corrosivi, in pulverem redacti, misceatur cum unciiis novem mercurii vivi depurati, miscelaque in matraccio vitreo exponatur digestioni, mediante calore moderato balnei arenae, vas saepius agitando, ut eo perfectior fiat unio. Iudicio vero adnotavit *Cl. ANONYMUS*, saepe citatus, insufficientem esse digestionem illam, quum sic mercurius non satis adtenuetur, & imperfectè solum cum sublimato corrosivo uniatur. Dixit quidem *Cl. PEMBERTON*, evitari sic pulverem, qui inter terendum adsurgit, ac effectus perniciosos in sanitatem exserere aptus natus est, verumtamen evitari hoc incommodum poterit, si nares & os linteis obvolvuntur, ac inprimis, si humectetur parum, suadente *Cl. BERGMANN*, massa. *Cl. BAUME* ad libras quatuor sublimati corrosivi, librasque tres mercurii vivi, unciam unam cum aqua adiciendam dixit.

§. 1023.



§. 1023.

CIRCA quantitatem mercurii, quam recipere sublimatum corrosivum valet, ut in mercurium dulcem abeat, non consentientes Auctorum sunt sententiae: actum de hac re jam prius partim fuit, dum de tentaminibus *Cl. MONNET*, sublimatum corrosivum via humida parandi sermo erat: *Cl. POTT* anaticam dolin mercurii vivi recipere illud posse dixit; in *Pharmacopoea Londinensi*, uti paulo ante vidimus, tum & in *Pharmacopoea Parisina*, *Lugdunensi Batava*, *Edinburgensi*, & *Cursu Chemico Lemeryano* tres quartae partes mercurii vivi praescribuntur; quodsi loco sublimati corrosivi adhibeatur praecipitatum album, minor copia, ac uti notavit *Cl. BERGMANN*, nil plane mercurii vivi requiritur; quum *LEMERY* sustinuerit, solam tum sublimationem pro dulcificatione sufficere; quin *NEUMANNUS* dulcificatum jam satis ex sua dote propria esse, etsi sublimatio non accesserit: non firmo tamen talo hanc sententiam inniti, *Cl. VOGEL* bene observavit, & praecipitatum album pro mercurio dulci habendum non esse, hinc & ad internum usum sine noxa trahi non posse, nisi recens mercurius currens admistus fuerit, subjunxit.

§. 1024.

MISCELA in mortario marmoreo, aut metallico fieri nunquam debet; agente enim acido salis in marmor, aut metallum, praeparatum partim decomponetur, tum & reddetur noxium.

§. 1025.

SUBLIMATIO in cucurbita plerumque institui solet; suavit tamen *STAHLIUS*, ut fiat in retorta, ne
Part II. I dispen-



dispendium portionis enascatur mercurii vivi excedentis. Monuit *Cl. BERGMANN*, ignem majorem quidem nonnihil, quam pro sublimando mercurio corrosivo, esse adhibendum; interim tamen, si calor admoveatur nimius, enasci sublimatum, notante jam *Cl. WILSON* in *a Course of chymistry*, colore nigrescente tinctum, qui color sublimatione subsequa non semper ex facili adeo avellitur.

§. 1026.

PULVEREM gryseum aut flaventem, cujus grana pauca feles & canes mox enecare *Cl. VOGEL* dixerat, pro sublimato corrosivo, nondum mitigato *Cl. BERGMANN* jure, ut videtur, declaravit; pulvis namque hic, mercurii vivi dosi sufficienti junctus, mercurium dulcem largitur. Massam residuam in fundo, saepius rubentem, idem *Cl. VIR* absolvi dixit reliquis heterogeneis substantiarum ad confectionem mercurii dulcis adhibitarum; quo & *Cl. BAUME* accedit sententia.

§. 1027.

QUODAD numerum sublimationum ex ordine sese excipientium Auctores non conveniunt. Plures ex illis binas aut tres absolute requiri dixerunt, alii, more *Anglorum & Gallorum*, ad sex usque adscenderunt, quin *la BRUNE* novies omnino praeparatum hoc sublimavit, & in fine cum spiritu vini aromatico contrivit, ac digessit sub titulo *panaceae mercurialis*. *Sueci* ad summum bis sublimationem instituunt. Quaesivit vero *Cl. ANONYMUS* in *Commentariis ad Pharmacopoeam Londinensem*, an sublimationes, saepe adeo repetitae, plane inutiles sint, & nil faciant ad ex-
actio-

actiorem unionem binarum substantiarum, ex quarum miscela mercurius dulcis enascitur? Admitti sane debere, diversitatem intercedere inter mercurium dulcem, & panaceam sic dictam mercurialem: an, pergit, diversitas haec ex eo enascitur, uti chemicus quidam versatus autumat, quod sub quavis sublimatione acidi marini quid abscedat? an vero in dubium revocari non posset hoc, si adtendamus, probabile parum esse, acidum muriaticum, quod tanto nisu in unionem cum mercurio fertur, & avide adeo illum adoritur, sub hac operatione liberum avolare posse, dum mercurius in vapores resolutus adscendit. Constat caeterum, mercurium dulcem, repetitis vicibus in sublime actum, ulterius tamen adscendere, & facile adeo, uti prima omnium vice, sublime petere; si vero sub quavis sublimatione partem acidi sui deperderet, volatilitas mercurii dulcis pro ratione hujus decrementi minui deberet.

§. 1028.

Dum vero aut una, aut pluribus vicibus mercurius dulcis novae sublimationi subicitur, liberari nunquam non prius debet ab adhaerente pulvere antea dicto, gryseo aut flavente, ac à materie fundum vasis occupante.

§. 1029.

CL. SPIELMANNUS in diatribe de *hydrargyri praeparatorum effectibus in sanguinem* dixit: se haud videre, quid iteratae sublimationes in evehendis mercurii dulcis viribus queant praestare, atque etiam mirari, chemicos hydrargyrum, quod dulce desiderant, demum ex corrosivo parare, & non statim acido salis adicere omnem mercurii quantitatem, quam pot-



est recipere. Dubium vero non inmerito superest, an, si hac methodo operari velis, geauinus mercurius dulcis unquam proditurus sit, quod dubium & *Cl. ANONYMUS*, antea adductus, pariter movit.

§. 1030.

REFERAM nunc dotes praecipuas mercurii dulcis, ex variis Chemicorum scriptis, inprimis ex *Cl. EDITORE Pharmacopoeae Londinensis*, *Cl. Cl. BERGMANN*, *WALLERIO*, *BAUMEO*, *MACQUERO* &c. petitas.

§. 1031.

SPECIES externa mercurii dulcis subcrystallina est, plus minusve alba, aut flavescens, semidiaphana, externe, ubi vitro adhaesit, splendida, politissima, & vasis formam exprimens. Quaesivit *Cl. ROME DE L' ISLE*, quae in substantia hac particularum minimarum figura sit?

§. 1032.

Ut colorem flaventem evitaret, quo sal hoc metallicum, inprimis in pulverem redactum, nonnunquam tingitur, suavit *LEMERY*, ut sublimationi exponeretur in retorta, atque florum albissimorum sub forma pelleretur in excipulum; quum tamen color ille non adeo multum obsit, & mercurius talis dulcis caeterum aequae bonus sit, encheiresi *Lemeryana* supersedere possumus.

§. 1033.

§. 1033.

MASSAE majores mercurii dulcis, etsi candidae extrinsecus sint, interne tamen venis flavicantibus notatae plerumque occurrunt.

§. 1034.

GRAVITAS ejus insignis est; experimentisprehendit *Cl. MUSCHENBROECKIUS*, decrescere eam post quamvis sublimationem; dum enim post alteram acquaverat 12, 353; post tertiam 9, 882., post quartam vero 8, 235. adpendit; singulare satis est, ratione ad pondus habita, mercurium dulcem post quamvis sublimationem ad sublimatum corrosivum magis accedere, dum tamen, aliis omnibus dotibus, ab eo magis removetur. Ponderis hoc decrementum ab recessu acidi muriatici minus recte repetitur: dixit vero *Cl. BAUME*, binas sublimationes mercurii dulcis ad exactam substantiae hujus unionem quidem requiri; à scopo autem recedere illos, qui frequentiori sublimationi illam subjiciunt; quum sub quavis pars illius decomponatur, & portio quaedam mercurii dissipetur, simul vero sublimati corrosivi quid enascatur, quod sub forma pulveris albi collum vasorum obsidet, & tum acrimonia sua, tum dotibus multis aliis indolem corrosivam patefacit. Experimento rem eo magis confirmaturus, mercurium dulcem, legitime paratum, nec minima atomo mercurii vivi infectum, sublimationi in retorta exposuit; vidit tum jam acidi muriatici quid, jam & globulos quosdam mercuriales transire in excipulum. An itaque ex his non posset repeti ratio observatorum *MUSCHENBROECKIANORUM*?



§. 1035.

RADIIS solaribus expositus mercurius dulcis colore obscuriori notatur, (quod & in sublimato corrosivo notavi, à radiis solaribus aestivis fusco colore tincto.)

§. 1036.

DOTEM phosphorescendi exferit, si in loco obscuriori tritus fuerit; dotem tamen hanc post unam alteramve sublimationem denuo evanescere, *Cl. SCHEELE* observavit; atque hinc docimasian haberi, quot vicibus in sublime actus fuerit, *Cl. BERGMANN* adjecit.

§. 1037.

As mercurio dulci, auro adfrito, nunc citatus AUCTOR ait, aurum non dealbari, extra controversiam positum est; gradus tamen perfectionis dulcificationis eo minus exin dijudicari valet, quum & ipse sublimatus corrosivus mercurius, purus, & legitime paratus, auri colorem non adficiat. Praejudicium tamen illud vix non universim receptum, nusquam adhuc refutatum vidi; ortum forsan ex eo fuerit, quod corrosivum sublimatum, excessu mercurii onustum, post primam sublimationem haud raro guttulis exiguis mercurialibus impurum sit. Adfritum itaque auro sublimatum tale lineam albam mercurialem mox producit, amalgamatis quidem auri cum mercurio, non vero gradus dulcificationis, indicem.

§. 1038.

Non purissimus itaque, aut potius non adaequatissime unitus mercurius ille dulcis fuerit, de quo *Di-*

CTE-

CTERIUS in *Commerc. litterario Norimb. 1735. f. 99.* notavit, aurum ab eo non quidem album, sed pallidum tamen redditum fuisse.

§. 1039.

SAPOR mercurio dulci, legitime facto, nullus est; nec acidum, nec acre, nec substantiam metallicam prodens; adeo ut, notante *Cl. WALLERIO*, hoc respectu ad terram calcaream mercurius, dulcis accedat.

§. 1040.

SOLUBILITAS mercurii dulcis in aqua exigua est. Notavit *Cl. ROUELLE*, ad unam ejus partem resolvendam requiri partes mille centum quinquaginta & unam, etsi tritus fuisset in subtilem pulverem, & decoctio insuper accessisset; ut adeo pro solutione grani unius unciae binae aquae requirantur. Solubilitas haec exigua adeo medium subpeditat, quo adhaerens fors sublimati corrosivi portio avelli à mercurio dulci queat; quam encheirefin, à *ZWELFERO* propositam *), & à *Cl. CARTHEUSERO* commendatam, *Cl. BAUME*, ceu sufficientem in praefixum scopum, deprehendit.

§. 1041.

SOLUTIO haec aquosa mercurii dulcis syrupum coeruleum ex coeruleo virentem (verd-bleu) observante *Cl. ROUELLE* & *BERGMANN*, reddit. Sal al-

I 4

kali

*) QUI mercurium dulcem sic elotum *mannam mercurii* aut *metallorum* dixit; quo nomine, uti antea vidimus, & *praecipitatum album* à nonnullis Auctoribus notatum fuit.



kali fixum solutionem hanc turbidam, sal alkali volatile colore opalino tinctam reddit, nulla tamen oriente effervescencia; praecipitatio lente adeo succedit, ut dies integra requiratur, donec demum ad fundum quid ruat.

§. 1042.

NOTAVIT *Cl. BERGMANN*, turbiditatem solutionis nunc dictae per sal alkali fixum, aut aquam calcis, aut spiritum salis ammoniaci aquosum, pro signo characteristico legitimae dulcificationis à nonnullis haberi; non exquisitissimum tamen illud esse, quum & in mercurio praecipitato albo eadem oriantur phaenomena.

§. 1043.

Si pars una mercurii dulcis pulverisati decoquatur cum partibus tribus olei olivarum, massa exurgit speciem emplastri referens: quodsi haec misceatur cum melle, confici exin remedium egregium adversus maculas faciem deturpantes, *Cl. WALLERIUS* habet.

§. 1044.

ALCOHOLI in solvendum mercurium dulcem nullam vim esse, *Auctor* nunc citatus retulit.

§. 1045.

DICRUM antea, sublimatum corrosivum cum sale ammoniaco jungi, atque tunc sal sic dictum *alem-broth* constituere, in aqua sat bene solubile. Visurus, an & idem cum mercurio dulci obtineat, solvit *Cl.*



Cl. BAUME drachmas duas salis ammoniaci in quatuor uncias aquae, iniecit his drachmas duas mercurii dulcis in pulverem triti, atque miscelam hanc decoctioni exposuit: soluta sic fuerunt grana solum sex mercurii dulcis; pars haec soluta colorem exhibuit subgryseum, quem à calore fundi vasis, cui semper ponderosus inhaesit, *Cl. BAUME* deduxit. Solutio ipsa calens limpida, refrigerata colore opalino tincta: linguam sapore salis ammoniaci, in recessu metallico adfecit. Per instillatum sal alkali fixum pulvis albus dejectus fuit.

§. 1046.

INSTITUIT vero *Cl. BAUME* tentamina plura alia cum mercurio dulci, quae nunc ex ordine referam.

§. 1047.

PARATURUS sublimatum, quod majori copia mercurii, quam sublimatum corrosivum, minori vero, quam mercurius dulcis, instructum foret, uncias octo sublimati corrosivi, unciasque duas mercurii vivi sublimationi exposuit. Calore mediocri sublimati corrosivi quid elevatum fuit, tum vero ignis augeri debuit. Quum eo ignis gradu, qui, ut operatio ad finem perducatur, admovendus est, sublimatum primimo adcretum prorsum avolet, laborem circa illud temporis punctum plerumque subflaminavit, & pulverem illum, calore minori sursum actum, seorsim adservavit, albißimum, uncias quinque cum drachmis quinque granisque duodecim aequantem. Sublimatum alterum, calore majori pellendum, uncias tres adpendit, cum drachmis sex. Sublimatum primum, tritum, colorem non mutat; in aqua facile solvitur, acre, caustikotaton est, & sublimato fere solo corro-



fivo puro absolvitur, paucum nonnisi mercurium dulcem recludente, secum non unitum, nec in aqua solubilem. Sublimatum vero alterum sub tritu flavens, uti cum mercurio dulci nunquam non evenit, vix acrimoniam exseruit, in aqua fere insolubile jacuit, paucum sublimatum corrosivum inmixtum tenuit.

S. 1048.

Miscuit supra porphyritem tritu exactissime bina sublimata in pulverem homogeneous. Uncias hujus octo indidit matraccio chemico, adfudit sextarios octo aquae ebullientis: sublimatum corrosivum solutum fuit, relicto mercurio dulci integro. Solutione decantata, aquae quamdam copiam adfudit pulveri filtro inhaerenti, atque exsiccationi hunc exposuit: Uncias dein tres cum drachmis septem & duodecim granis mercurii dulcis optimi nulla plane acrimonia infecti obtinuit.

S. 1049.

IDEM tentamen repetiit cum miscela unciarum octo sublimati corrosivi, unciarumque trium mercurii vivi, exactissime invicem tritarum. Sed & hic mercurius dulcis recessit à sublimato corrosivo, quum sublimatum primum, corrosivum, multo minori caloris gradu, quam mercurius subsequens dulcis summa petierit. Sublimatum primum uncias adpendit tres, mercurium dulcem paucum tenuit, tritum colorem album retinuit. Sublimatum alterum, uncias sex cum drachmis binis & dimidia exaequans, ratione priori obposita reclusit sublimati corrosivi quid; tritum colore flavo, uti mercurius dulcis omnis, tinctum fuit. Miscuit ambo sublimata Cl. BAUME tendo

rendo supra porphyritem, atque pulveris hujus uncias octo mediantibus sextariis octo aquae ebullientis edulcoravit. Solutum fuit sublimatum corrosivum, remanserunt irresolutae unciae quinque, drachmae tres, granaque quinquaginta mercurii dulcis legitimi.

§. 1050.

SUBLIMATIONI exponens uncias octo sublimati corrosivi, unciasque quatuor mercurii vivi, prima statim sublimatione obtinuit massam homogeneam; quum hic proportio ingredientium magis multo accesserit ad proportionem pro mercurii dulcis praeparatione requisitam: ponderabat sublimatum hoc uncias undecim, cum drachmis sex & dimidia; tritum colore flavo tinctum fuit; in aqua ex integro fere insolubile. Uncias ejus octo indidit matraccio, adfuditque sextarios octo aquae ebullientis. Solutum sic fuit sublimatum corrosivum adhucdum adhaerens; remanserunt unciae sex, cum drachmis binis, & granis octo-decim mercurii dulcis perfecti.

§. 1051.

VISURUS demum, anne parari posset sublimatum, inter mercurium dulceem, & sublimatum corrosivum medio loco positum, miscuit uncias binas mercurii dulcis cum anatica dosi sublimati corrosivi terendo exactissime; miscelam sublimationi exposuit in matraccio: calore admoto liquatum, & fufum omnino fuit, globulis multis mercurialibus in conspectum simul prodeuntibus. Operationem interrupit, ut tolleret sublimatum primo adscendens, paucio tamen mercurio dulci inpraegnatum. Sublimatum insequens mercurio



curio absolvebatur dulci cum adhaerente tantillo sublimati corrosivi: aequarunt ambo uncias tres cum drachmis sex. Edulcoravit has mediantibus sextariis octo aquae bullientis. Solutum & hic fuit sublimatum corrosivum; remansit uncia una cum drachmis septem, granisque quadraginta duobus mercurii dulcis ex albo gryfei, insipidi, in aqua non facilius, quam mercurius dulcis vulgaris, resolvendi.

§. 1052.

ADPARET, ait, ex his omnibus, mercurium dulcem & sublimatum corrosivum ope sublimationis necesse invicem non posse; tum & misto sublimato corrosivo cum mercurio vivo, mercurium dulcem proportionem adjecti mercurii vivi produci, reliquum vero sublimati corrosivi manere tum inmutatum; ut adeo salia haec ambo metallica adjecta aqua ebulliente divelli ab invicem queant. Sublimatum corrosivum ab aqua facile, respectu saltem ad mercurium dulcem habito, solvitur, hinc posterior purissimus, & in usum internum aptissimus remanet: quae observatio in praxi quoque medica maximam meretur attentionem, quum mercurius dulcis, vulgari more paratus, sublimato corrosivo inquinatus nunquam non fit &c.

§. 1053.

ULTIMUM demum tentamen *Cl. BAUME* instituit, ut videret, an possibile foret, sublimationis ope indolem propriam mercurii dulcis mutare, ac, adjecto acido muriatico, sublimatum corrosivum ex eo producere. Miscuit hunc in finem mercurium dulcem, sal commune decrepitatum, & vitriolum ad albedinem calcinatum ea proportionem, ut cujusvis reciperentur



rentur unciae tres; trivit haec omnia invicem supra porphyritem, miscelam sublimationi exposuit; obtinuit sic uncias tres cum drachma una sublimati corrosivi, paucam tamen quantitatem mercurii dulcis, nondum decompositi, recludentis. Sublimati hujus drachmas quatuor solvit in unciis octo aquae: solum sic totum fere fuit, remanentibus solum granis quatuor mercurii dulcis.

§. 1054.

Alta vero, circa eandem hanc quaestionem, tentamina adtulit *Cl. BERGMANN*; quae, ut inferantur, utique merentur: Metamorphosin, *Cl. VIR* ait, mercurii dulcis in sublimatum corrosivum, chemici pauci tentarunt. Varia tamen pulchra circa hanc rem tentamina inveni in adnotatis *Cl. SCHEFFER*, quorum ab ipso revisorum editio à *Cl. Patrick ALSTROEMER* injuncta mihi fuit. Tentavit *Cl. ALSTROEMER*, an, ex praescripto *Cl. SCHEFFER*, mercurius dulcis decoctione in acido salis solvi queat; incassum tamen instituta fuerunt tentamina. Dum mercurius dulcis cum acido hoc eodem contritus, tumque sublimationi expositus fuerat, enatum sublimatum acido muriatico impurum quidem fuit, indolem tamen mitigatam retinuit. Mistus cum anatica dosi salis muriatici decrepitati, & vitrioli ad albedinem calcinati, atque deinde sublimatus, dulcis tamen nihilominus mansit: adjecta, & denuo abstracta ea acidi nitrosi quantitate, quae ad solvendum in mercurio dulci contentum hydrargyrum foret requisita, residua dein massa cum dupla quantitate salis muriatici decrepitati tritu conjuncta, multum adhuc sublimatum summa petiit.



§. 1055.

MISTIS vero partibus binis salis muriatici cum parte una vitrioli non calcinati, atque miscela hac una cum parte una mercurii dulcis sublimationi exposita, sublimatum obtentum fuit prorsum corrosivum. Ut eo certius de eventu constaret, sublimatum hoc ipsum more vulgari dulce, dein vero, dicta statim methodo, corrosivum denuo factum fuit. Ut adeo ex his pateat, acidum nitrosum ad sublimatum corrosivum obtinendum non esse absolute requisitum; tum &, si miscela sicca tractetur, substantias non adeo in sese invicem agere posse, quam dum determinata aquae quantitas adjecta fuerit. Haec *Cl. BERGMANN*.

§. 1056.

Ut demum certissime constaret, in mercurio dulci nil amplius acris, nil rodentis contineri, Chemici varias iniverunt vias. Antea jam dixi, praeter *ZWELFERUM* & alios, *Cl. BAUME* elotionem ope aquae ebullientis ceu sufficientem in hunc scopum praedicasse, quum sic solvatur solubilius corrosivum sublimatum, remanente insoluto mercurio dulci: ubi tamen necessarium omnino foret, ut mercurius dulcis in pulverem subtilissimum redigatur, atque sic maxima, quae obtineri potest, ejus superficies actioni menstrui aquosi objiciatur. Alio vero loco monuit idem *Cl. VIR*, ut hunc in finem adhiberetur sal ammoniacum, solvendo nempe drachmas duas salis hujus in sextario aquae ebullientis, qua dein eluitur, ab adhaerente sublimato corrosivo, mercurius dulcis. *Cl. vero PORT* proposuit, ut decoqueretur in spiritu vini rectificato.

§. 1057.

§. 1057.

Meo iudicio sufficit, si legitime, ac debita sub proportionē facta fuerit unio substantiarum, mercurium dulcem constituentium, si sublimatio non nimium repetatur, si demum obtentum sublimatum mitigatum ratione paulo ante dicta, aqua fervida eluatur. Haec vero de mercurio dulci sufficiant.

§. 1058.

VIDEAMUS nunc actionem aliorum quorundam menstruorum in mercurium. Inter haec primo loco occurrit *acidum aceti*.

§. 1059.

BKNE monuit Cl. de HORNE in *Examen des principales methodes* &c. jam antea citato, solutionem mercurii in acetoso menstruo triplici imprimis methodo perfici posse; aut ope tritus, aut digestionē, aut solutionē demum semimetalli, in alio menstruo prius resoluti. Prima, ait, harum methodorum absolvitur motu continuato mercurii in vase, aqua aut aceto sufficienter repleto; laceratur sic unio particularum integrantium (*parties intégrantes, ou formelles*) mercurii; infringitur earum cohaesio, & adgregatio, atque mutatur sic fere ex integro in pulverem gryseum *) qui tum ab aceto facillime resolvitur.

§. 1060.

*) VIDE, quae circa hanc rem dicta fuerunt, dum de actione aquae in mercurium erat sermo.



§. 1060.

IN altera operatione mercurius exponitur digestionem diu protrahat supra ignem satis vegetum; obtinemus hac encheiresi, quae speciem calcinationis refert, pulverem rubentem in aceto ex aequo solubilem. *)

§. 1061.

TERTIA denique methodo solvitur mercurius in acido nitri, & per sal alkali exin deiecitur: edulcorato satis ope aquae ebullientis destillatae praecipitato, securi esse possumus, obtinuisse nos praeparatum mercuriale purissimum; etsi enim praecipitatis hisce plerumque adhaereant partim dotes menstrui, ac substantiae ad praecipitationem adhibitae; pro nihilo tamen haberi poterit exigua pars acidi nitrosi, salisque alkalini, quae eidem fors admista haeret; si nempe subponamus adhaerere ullam post repetitas saepe adeo elutiones, quae passim praescribuntur, & in usum vocari plane debent. Praecipitatum tale ab aceto facile dein resolvitur. Operationum vero harum una vel altera solutionem mercurii in aceto praecedere omnino debet; dum enim in unam adhuc collectus massam haeret, ab acido hoc eodem non attingitur, quod utique solvere eum per se solum nequit, nisi particulae mercuriales formam suam primaevam exuant, earumque superficies, ac, si ita dicere liceret, porositas augeatur, quo sic major spiculorum menstrui in eas agere queat copia.

§. 1062.

*) IN utroque horum casuum mercurius sic dictus praecipitatus per se actioni menstrui acetosi obijcitur.

§. 1062.

DUDUM jam cognitam fuisse methodum solvendi mercurium in acido nitroso prius resolutum atque dejectum, ex adducto loco PENOTI, ubi de actione acidi nitrosi in mercurium sermo erat, patuit.

§. 1063.

CIRCA solutionem mercurii in aceto CL. MONNET in *Traité de la dissolution des métaux* observationes paucas adduxit, quae tamen, uti simul monet, antea non fuerunt adnotatae. Chemici omnes, ait, post experimenta CL. MARGGRAFII nunc probe sciunt, praecipitata omnia mercurialia plus minusve solubilia in acido acetoso esse. Praecipitatum ex solutione nitrosa dejectum prae reliquis tamen sic dissolvi idem CL. VIX adnotavit. Monet simul, obtinuisse se ex solutione hac sal pulchre crystallisatum, quum vero demonstrare solum voluerit, solutionem hanc possibilem esse, salis huius singularis dores non latius persequutus est. Plures tamen post illum chemici observarunt, sal hoc crystallisari in lamellas talcosas, ad instar selenitis, tum in aqua aegre resolvi. Notatu vero dignissimum, & ab CL. MARGGRAFIO non adnotatum illud est, quod sal hoc speciem decompositionis ab aqua experiat, fere adinstar salium ex solutione mercurii ope acidi nitrosi aut vitriolici facta enascentium. Quodsi sal hoc in marmoreo mortario una cum aqua calida teratur, sensim acidum exin separavi, atque sal in pulverem flaventem redegei, veram scilicet calcem mercurialem. Observavi hac occasione, ut sal hoc perfectum obtineatur, requiri solutionem excessu acidi acetosi praeditam, nec solvi illud in aqua perfecte posse, nisi cum acido hoc eodem mistum fuerit. Excessus

Part II.

K



hic acidi decompositioni salis resistit; uti antea vidimus, guttam unam alteramve acidi nitrosi efficere, quo minus nitrum mercuriale decomponatur.

§. 1064.

Si drachmae sex terrae foliatae tartari misceantur cum drachmis tribus solutionis mercurialis, duplex decompositio, inde nascens, illico succedit. Acidum acetii adgreditur mercurium, acidum vero nitrosum adoritur basin alkalinae terrae foliatae tartari, ab acido suo nunc derelictam. Quum sal mercuriale celeriter in crystallos concreseat, obtineri hae commodè poterunt, antequam nitrum ipsum adhuc formetur. Methodo hac obtinui sal hoc pulcherrime crystallisatum in lamellas seu foliola talcosa, albissima. Notandum tamen venit, tum inprimis hoc accidisse, dum solutionem mercurialem, & terrae foliatae tartari factis concentratam invicem commiscui, ut sal mercuriale decomponi non potuerit. Latius de sale hoc egit *Cl. MONNET* in *Actorum Taurinensium* tomo quarto pag. 100. &c.

§. 1065.

MELIUS egisset *Cl. Auctor* nunc citatus, si tritum salis mercurialis acetosi cum aqua instituisset in mortario vitreo; sic saltem suspicio omnis ablata fuisset, an non decompositio illa acido acetii in marmor agenti tribuenda partim sit; quum utique constet, tritum mercurii sublimati corrosivi, aliorumque salium metallicorum in mortario marmoreo fieri nunquam debere, nisi sal magis minusve mutatum, aut decompositum habere velis.

§. 1066.

§. 1066.

NOTANDUM vero ex *III.* MARGGRAFIO & illud est, praecipitatum flavum antea expositum ab aceto probe solvi.

§. 1067.

QUUM MARGGRAFIUS notabilem fatis dosin mercurii sic dicti praecipitati per se ab aceto solutam viderit, *Cl.* vero MANGOLD in *Actorum Academiae Montguntinensis T. I. p. 247.* retulerit, ope unciae unius aceti destillati ex drachma una mercurii tritu cum aqua in pulverem mutati pauca solum grana sese extrahere potuisse, per sal alkali fixum dein deijcienda, etsi miscela per aliquot dies calori exposita fuisset, ac residuo adfusa denuo uncia una aceti destillati elapso aliquo tempore colorem flavum demum obtulerit; *Cl.* WALLERIUS, ut sententias, aut experimenta potius haec invicem conciliet, proposuit, videri, calcem mercurialem, ignis & praecipitationis ope obtentam, & facilius & majori copia resolvi ab acido vegetabili, quam quidem aliam tritu solo mechanico paratam. Sed observavit denuo *Cl.* WEIGEL in *Obs. chem. mineralog. P. II. p. 10.* mercurium calcinatum per se ab aceto destillato bene solutum fuisse, etsi caloris antea non accessisset auxilium.

§. 1068.

REFERENDA circa rem hanc eandem, ac solutiones tum mercurii, tum ejus praeparatorum, sunt & tentamina *Cl.* WESTENDORF, quae in dissertatione *de optima acetum concentratum, ejusdemque naphtham conficiendi ratione &c.* exposuit. Mercurius sive nullo modo ab aceto concentrato mutatur, si vero multum diu



& diligenter concutitur, in pulverem nigrum tandem ille transformatur, huncque statum etiam aceto demto conservat. Pulvis hic actione ignis in statum currentem reducitur, remanente in retorta terrae albican-
tis fixaeque portiuncula.

§. 1069.

MERCURII cum alkali fixo sale praecipitati ex solutione nitrosa scrupuli quatuor in aceti concentrati uncis duabus cum effervescencia solvuntur: in refrigerata solutione crystalli, sal sedativum referentes, copiosae tum fundum petunt, tum liquido innant; tactu, dum siccatae fuerint, pingues; leves, calida solvendae, tum vero pristina sua forma concre-
scentes.

§. 1070.

SAL, acidumve muriaticum ex solutione hac mercurium albo, alkali fixum subflavo, lixivium sanguinis coeruleo colore dejiciunt: tartarus vitriolatus, acorve vitriolicus illam non turbant. Lixivium mater destillationi expositum, acetum ad siccitatem ferme usque purum dimisit; tum subito rubri spiritus nitri vapores oriebantur, quaedamque ejus guttulae decidebant; residuum sublimatum in flores albos, levissimos, nulla relicta macula. Adjicit in scholio *Cl. Auctor* acidum nitri praecipitato mercurii cum alkali fixo semper inhaerens, propter majorem aceti adfinitatem cum calce mercurii expelli, parti cuidam aceti inflammabili se jungere cum impetu, efficereque, ut in retorta nulla relinquatur terra inflammabilis, quod tamen in aliis omnibus experimentis, ubi nil acidi nitrosi adest, cum solutione illa accidit. Crystalli ve-

ro antea dictae nullum acidi nitrosi vestigium obtulerunt.

§. 1071.

MERCURII praecipitati per se drachma semis in aceti concentrati drachmis tribus solvitur; praecipitati rubri scrupuli quatuor aceti unciam dimidiam requirunt. Ex utraque solutione habentur pulchrae crystalli. Solutiones ambae per sal, acidumve muriaticum dejiuntur colore albo, per alkali fixum flavo, per alkali urinosum nigro, per lixivium sanguinis coeruleo. Mistra solutione hac (non vero additum quam ex his binis) cum solutione lunae nitrosa, acetum una cum mercurio & luna sub exilium crystallorum forma partim excutitur.

§. 1072.

MERCURII calcinati rubri (nunc denuo ait) drachmae duae in aceti concentrati uncia solutionem admittunt, retorta mediante arena calefacta. Aceto ad dimidium fere evocato sal remanens in superficie lamellas formabat splendentes, terrae foliatae tartari ad instar, protracta destillatione massa alba, igne fortiori denuo facta fluida. Sal hoc refrigeratum, exemptum, compactae albaeque massae prae se tulit speciem, tactu subpingue, ex aceto scrupulos quatuor retinens; leni sat igne fundendum; in aëre humido demum deliquescens. Drachmae ejus duae, retortae inmissae, igne leniori fusae: eodem ignis gradu aceti quid transiit, partem vehens mercurii, flores sequuti in vasis collum levissimi; igne fortiori globuli mercuriales. In fundo retortae exigua nigrae spongiosaeque terrae remanuit quantitas, accessu acris accendenda, in pulverem usque tum abiens subflavum, levissimum, post intensiorem cal-



cinationem albam nitidamque speciem, adinstar asbesti, referentem.

§. 1073.

SEPARATI flores sapore subdulces, levissimi, nitidi, floribus benzoës similes, minimo candelae calore denuo sublimandi in cucullum chartaceum.

§. 1074.

MERCURI per se calcinati drachma dimidia cum aceti concentrati drachmis sex eadem fere dedit phaenomena, uti solutio praecipitati rubri: major tamen requisita acidi copia, minor obtenta crystallorum seges.

§. 1075.

MERCURI praecipitati albi drachma semis soluta aceti uncia dimidia. Ex solutione, limpida licet, ruens terra vitro arcte adeo adcrevit, ut hujus inde sublata pelluciditas, nullis tamen ortis crystallis. Mediantesale alkalino inde pariter dejectum praecipitatum; non mutantibus illam acido salis, tartaro vitriolato, & solutionibus quibusdam vitriolorum.

§. 1076.

TURPETHUM minerale prae reliquis solutu difficilimum, necessariis drachmis novem acidi ad solvendam ejus drachmam dimidiam: flavum suum colorem retinuit, donec solutio absoluta clara & limpida redderetur; quum tamen calcibus mercurii rubris color protinus exutus fuerit: crystalli nullae, terra alba in vasis latera deposita. Spiritus salis parum solutionem hanc

hanc mutavit, terrae coloris crocei quid dejectum. Alkalia solitos ediderunt effectus. Liqueore per retortam evocato omni sublimatum levissimum subflavum, mercurii vivi parca dosi. Acetum prodiens non mutatum. Terra hic copiosior, calcinatione, igne aperto pallide roseo tingenda colore. Haecenus experimenta *Westendorfi*ana.

§. 1077.

VISURUS *Cl. BAUME*, an mercurius currens ab aceto foret solubilis, per dies quatuordecim teri curavit ambas hasce substantias ope pistilli lignei, ea ratione, ut singulis diebus acetum decantaret, recensque adfunderet. Acetum hoc omne infudit excipulo majori. Agitatione hac producta magna satis mercurii dosi, mutata in pulverem gryseum adeo subtilem, ut per plures dies in aceto fluctuaret suspensus. Deposito demum illo, acetum per filtrum misit, examini subiecit, nil mercurii in eo contineri vidit, per alkali fixum nullo etiam dejecto praecipitato, laminis cupreis ac argenteis inmerlis nullo mercurio obductis. Evaporationi exposuit multos aceti talis sextarios, nec minimum tamen in residuo hydrargyriprehendit vestigium. Circa solutionem vero calcium mercurialium, aut igni, aut per se, & ope acidorum mineralium factarum in aceto, edixit, rem ubique eodem redire, sal nasci ubique idem, dotibus suis nullatenus ab invicem diversum.

§. 1078.

FIGURAM salis ex solutione unciae dimidia mercurii per sal alkali fixum ex solutione nitrosa dejecti ope sextariorum trium vel & quatuor aceti destillati



enascens ad sal sedativum accedere pariter observavit, monuitque, eas argenti ad instar splendere, ac in aëre vaporibus phlogisticis referto mox obnubilari, ac obscuro colore foedari. Crystalli ficcatae invicem cohaereant in lamellas tenues levesque. Praeterea didicit BAUME, praecipitatum recens paratum facilius longe ab aceto solvi, hinc & optime hunc in scopum recipi massam pultaceam adhuc, quum particulae minimae omnes menstrui actioni facillime tum & pateant, & cedant; quod in praecipitato jam sicco & indurato aegrius succedit: elui tamen prius ab adhaerente tum solvente menstruo, tum sale dejectore exactissime debet. Adtendendum insuper est, ne, dum solutionis gratia menstruum cum pulvere solvendo calori exponitur in cucurbita, ne, inquam, pulvis ille in fundo diu nimis haereat inmotus; agente siquidem in eum immediate caloris actione, ab ita pulverem gryseum mercurialem, ab aceto jam non resolvendum; agitandum itaque vas repetitis vicibus erit. Deprehendisse se dixit J. BAUME, melius rem fieri, si cucurbita manu supra carbones ardentes teneatur, aut acetum prius calefiat, tumque demum praecipitatum mercuriale injiciatur; caute tamen id fiat ob ebullitionem validam, quae materiem totam facile extra vas expellere posset. Notavit praeterea, sal enatum melius in vase vitreo crystallisationi exponi; quum in vase argillaceo, aut ex argilla lapidescente (*grès*) facile mox decomponatur, ac in pulverem flavum, turpetho minerali similem, mutetur, ob acidum forsan vitriolicum in argilla haerens. Scio tamen, & ab terris absorbentibus sal idem facile decomponi, unde prius, in recensione tentaminum *Monsaetianorum*, mortarium vitreum adhibendum prae marmoreo dixi.

§. 1079.

TROCHISCOS D. KEYSER, (*Dragées antiveneriennes du Sieur KEYSER*, in *Galliis* inprimis ad curandam luem veneream celebratos mercurii solutionem concentratissimam acetosam ingredi, ex tentaminibus *Cl. Cl. PIAT*, *CADET*, & *SPIELMANN* demonstratur. Videri circa hanc rem & poterit *Cl. de HORNE Examen des principales methodes &c.* saepe citatum, & *Cl. THOMAS preservatif sur les dragées antiveneriennes du Sieur KEYSER &c.*

§. 1080.

QUUM *Cl. MARGGRAFIUS* dixerit, praecipitatum mercuriale à succis acerbis plurium vinorum tartari majorem copiam continentium resolvi, *Cl. MONNET* tentamina instituit, visurus, quaenam relatio foret mercurii ad tartarum. Latius haec descripta habentur in *Actorum Taurinensium Tomo quarto*. Praecipua vero solutionis ipsius complexus est in nuper edito *traité de la dissolution des métaux*: optimam encheiresin deprehendit sequentem: sumsit unciam dimidiam praecipitati mercurialis ex acido nitroso per sal alkali fixum dejecti. Remiscuit cum tribus uncis cremoris tartari in subtilem pulverem redacti. Miscelam in quatuor aequales partes divisit. Ex ordine has injecit in pintas duas aquae bullientis. Ebullitione per quadrantem horae producta liquidum per filtrum misit. Residuo pintam adhuc unam bullientis aquae adfudit, laticem per filtrum denuo misit; solutiones has omnes invicem miscuit, & sal demum legitima methodo crystallisationi exposuit.

§. 1081.

MONET dein, quod & in ampliori Dissertatione jam adnotavit, tartarum mercurialem, aequae ac sal



mercuriale acetosum ab aqua decomponi; facile praeterea videri posse, unionem hanc eandem solum esse superficiariam; mercurius enim ope aquae fortis eripi facile potest: decomponitur & facili negotio ab sale alkalino fixo, dejecto ad fundum hydrargyro. Miscuit *Cl. MONNET* solutionem mercurialem, & solutionem salis *Segnette* ea proportionem, ut ad uncias binas solutionis uncias tres salis dicti adderet. Miscela haec praecipitatum copiosum album producit, quod vero tartaro mercuriali absoluitur, qui aqua non solvendus est, si eum exacte neutrum habere velis.

S. 1082.

CIRCA operationem in libello *alchymistische Briefe*, *Cl. MEYER* adscripto, traditam, notat, diversa longe ratione rem hanc ibidem praecipi, quum pro decompositione salis vegetabilis non quidem solutio mercurialis, sed sublimatum corrosivum adhibeatur; fieri vero hanc decompositionem multo difficilius, quum acidum muriaticum arctius multo, quam acidum nitrosum, mercurio adhaereat: unde & operationis hujus Descriptor praecipitatum lentissime non nisi ruens vidit; tum tartarum sic enatum mercurialem non esse semper purissimum. Absurdam, & arrogantiae plenam crisin, quam hac occasione *MONNET* in operationis hujus Auctorem, & *chemicos* praeterea *Germanos*, queis tamen *Galli* tanta debent, evomit, lubens reticeo: addere vero utique convenit, *MONNET* false ob crisin hanc exceptum fuisse à pie nuper defuncto *Cl. ERXLEBEN* in *Physikalische Bibliothek dritt. B. erst. St. S. 109.*

§. 1083.

RELATIONEM mercurii ad acida dulcificata *Cl.* WALLERIUS sequentibus exposuit: dum, ait, mercurii minor quantitas cum naphtha vitrioli digeritur, saepeque vas concutitur, naphtha odorem gratum, saporem vero metallicum, subadstringentem indispiscitur; si naphtha decantetur, & adhaerens adhuc calore ex integro fugetur, remanet massa ex fusco rubra, saporis non ingrati, aliquantum tamen caustica, quum linteamina corrodat. Dum mercurius teritur in mortario cum naphtha vitrioli, haec colore gryseo donatur, & spissescit; si tum decantetur, ac evaporationis ope abigatur, grysea remanet massa, copiosior multo, quam in priori operatione; saporem obfert sub initium acerbum, acidiusculum, mox evanescentem, tum praedominante adstringente.

§. 1084.

OLEUM sic dictum vini cum mercurio agitatam, sapore mutatur, aliumque ingratissimum, resinofum acquirit; latice decantato manet massa resinosa, subrubra, grati saporis.

§. 1085.

DEPREHENDIT *Cl. de HORNE*, celebre illud medicamentum *Syrop mercuriel pour la guérison des maladies vénériennes* pro basi sua habere mercurium spiritu nitri dulci resolutum; examen totum videri poterit in libello *Cl. VIRI* paulo ante adducto; constat hinc, praeceps nimium & arrogans fuisse elogium, quod *Cl. BELLET* de eo sequentibus tulerat: *cette découverte est capable de nous dédommager de celle*
 1 du



du Nouveau-Monde: v. SYROP MERCURIEL, certifi-
cat p. 126.

§. 1086.

MISCUIT *Cl.* MONNET mercurium in tartarum mercurialem prius redactum & cum borrace, & cum sale sedativo. Unionem salia haec contrahere, massasque salinas singulares inde nasci vidit. Circa conubium vero mercurii cum sale sedativo directum frequentia retulit: sumsit solutionem mercurialem nitrosam, remiscuit hanc cum solutione borracis depurata. Sub ipsa miscela ortum fuit copiosum praecipitatum flavum. Filtratum liquidum evaporationi commisit. Concrevit mox in superficie illius pellicula tenuis, splendens insigniter, varios colores iridis adinstar exhibens, adinstar solutionum metallicarum plerarumque. Dubium hinc *viro Cl.* non videbatur, pelliculam hanc deberi unioni salis sedativi ac mercurii: ut vero hujus eo fieret certior, adfricuit illam cupro, quod revera macula alba notatum exin fuit. Conjunctio haec mercurii sedativique salis in aqua parum adeo erat solubilis, ut plus quam viginti unciae liquidi pauca solum grana largitae fuerint. Remansit demum nitrum cubicum ex unione acidi nitrosi, baseosque alkalinae mineralis borracis enatum. Examinans praecipitatum filtro inhaerens vidit, sat notabilem ejus partem salina hacce substantia absolvi: et si sub initium flavum fuerat, siccescens in colorem virentem mutatum nunc fuit. Adfudit illi pintas tres aquae bullientis, quae & notabilem copiam inde solverunt. In aqua, tum evaporatione praemissa, tum & sponte sua in aëre libero nascebantur similes antea dictae pelliculae.

§. 1087.

§. 1087.

ADFUSA his solutio salis ammoniaci, prompte eas resolvit, exsurrexit hinc sal supracompositum (*Supracomposé*) salinum, facile in crystallos abiens, difficulter adeo, ac sal alembroth, denuo decomponendum.

§. 1088.

COMPOSITUM hoc salis sedativi ac mercurii jungebatur cum sale alkalino fixo, quin ullum inde rueret praecipitatum. Nata hinc denuo fuit massa salina peculiaris, quae ceu species borrae cum mercurio unitae haberi posset.

§. 1089.

DIXIT quidem HOMBERGIUS, mercurium ab aqua regia esse solubilem; quum vero adsertum CL. BAUME quadantenus falsum videretur & paradoxum, rem ipse examini subjecit. Adhibuit nempe HOMBERGIUS aquam regiam compositam aut ex acido nitroso, saleque ammoniaco: vidit simul, mercurium solvi, semper vero praecipitari solutum, denuoque tum in liquido evanescere. MONET jam circa haec phaenomena BAUMEUS, mercurium solvi primum ab acido nitroso, altero aquae regiae principio, tum adoriri illum acidum muriaticum, formaeque, more solito, praecipitatum sic dictum album, hoc vero solvi ab aquosa illa parte, quae in menstruo continetur, ut adeo mercurius cum acido nitroso conjunctus non sit. Dum solutio talis crystallisationi exponitur, crystalli enatae constant mercurio & acido muriatico, nullatenus eas ingrediente acido nitroso. Exactius, sub finem jungit, ex-

men



men mereretur solutio mercurii in aqua regia sal ammoniacum tenente, quum sal hoc dote illa gaudeat, unionem contrahendi cum mercurio in acido muriatico contento; non tamen videtur in crystallis prodituris inhaesurum acorem nitrosum.

§. 1090.

Nunc ad solutionem mercurii ope salium alkalinarum, substantiarumque aliarum quarundam nondum adlatarum. Referam primo statim loco observata *Cl. WESTENDORF* circa solutionem hydrargyri per sal alkali fixum causticum, quae in paulo prius citata dissertatione retulit.

§. 1091.

DUM *Cl. WESTENDORF* de solutionibus praeparatorum mercurialium in aceto concentrato egerat, (quae tentamina prius ex ordine retuli) subiungit: hac occasione quaedam de calcinatione & solutione mercurii cum alkali caustico in medium proferre non alienum existimo, siquidem, quantum mihi constat, hujus rei apud Auctores nulla fiat mentio. Nam quae *LUDOLF* in *Siegender Chemie letzter Abschn.* proposuit, ea mentione fere indigna sunt, non solum quod laborem admodum taediosum requirant, sed etiam quod promissum eventum, ut plura alia ejus experimenta, haud quam edant. Ita autem res optime succedit: salis alkali caustici unciae duae in igne liqueant; sali fuso adjiciantur una vice mercurii vivi, antea fervere facti, uncia una atque dimidia, quod fit magna cum ebullitione; tunc crucibulum ab igne removeatur, mistum virga ferrea probe agitetur, inque ferreum mortarium immittatur. Mercurius quidem in hoc processu detri-

men-

mentum quoddam facit, quod tamen sub legitima dexteritate & agilitate operatoris admodum exiguum est. Massa aëris ope in deliquium redacta maximam mercurii partem solutam tenet; aqua autem soluta, modica ejus pars in forma calcis fuscae praecipitatur. Dum alkali fixum purum loco caustici adhibetur, hoc experimentum quoque succedit; interim jactura, quam mercurius facit, majoris momenti hic est, quoniam hoc sal majorem ignis intensitatem ad liquandum requirit.

§. 1092.

INGENIOSA fane haec à *Cl. AUCTORE* proposita methodus est; interim tamen, si ad facillimam ferri atendamus solutionem, dubium oriri posset, an non metalli hujus quid resolvatur, dum massa, antea descripta, virga ferrea movetur, atque deinde in mortarium ferreum tundenda inmittitur; quod vero sola jam externa species & color indicare poterunt.

§. 1093.

TERI curavit *Cl. BAUME* mercurium vivum, adjecto sale alkalino fixo, in vase vitreo ope pistilli lignei per dies integros quatuordecim. Mutata sic fuit pars in pulverem tenuissimum gryseum, diu in latice alkalino suspensum. Separato vero hoc filtratione per chartam emporeticam, atque ad examen vocato, adparuit, nil plane mercurii in eodem latitare.

§. 1094.

PROPOSUIT vero *Cl. WALLERIUS* methodum, qua sola, ut simul addit, resolvatur mercurius ab alkali-



no fixo sale. Funditur hunc in finem alkali sal in crucibulo, donec probe fluat: mercurius ope cochlearis ferrei supra ignem teneatur, ut bene incalescat, ac ad ebullitionem fere deducatur; tum sali fufo injiciatur simul & semel; solvetur sic, ait *Cl. VIR*, pars mercurii ab alkalino sale, magna tamen in auras avolante portione. In adjecta nota monet, non cum omni mercurio tentamen aequè bene succedere, quin tamen sciat, quaenam rei hujus vera sit ratio.

§. 1095.

NOTUM praeterea est, *Cl. MARGGRAFIUM* docuisse rationem solvendi mercurium mediante sale alkalino fixo: dum enim substantia haec semimetallica, in acido nitroso prius resoluta, interventu lixivii alkalini phlogisticati dejicitur, adfuso sale hoc majori copia praecipitatum denuo solvitur: notavit vero simul *Vir Celeberrimus*, solutionis hanc speciem cum sale alkalino fixo vulgari alio haud succedere.

§. 1096.

SAL alkali volatile in mercurium currentem actionem nullam exferere videtur, *Cl. BAUME* dixit.

§. 1097.

CONTRARIA vero sententiae huic *Cl. WALLERIUS* proposuit. Si, ait, mercurius in mortario vitreo teratur, addito sale alkalino volatili, aut spiritu salis ammoniaci generoso, saturato, salis alkalini fixi ope parato, hydrargyrum prorsum solvitur, ac solutionem subpeditat lac referentem, sapore tamen acri, pungente, ac rodente quasi donatum. Adfusa aqua
prae-



præcipitatum non illico quidem ruit, elapso tamen aliquo tempore mercurius omnis fundo inhaerens conspicitur. Solutio hæc cum acidis mineralibus omnibus, etiamsi aqua diluta fuerit, fervet. Si spiritus, salis ammoniaci calce paratus, adhibeatur, operatio non succedit.

§. 1098.

MERCURIUS tritus cum oleis pinguibus discerpitur in atomos minimas, pingui latici intricatus tamen potius, quam ab eo vere solutus. Retulit quidem LUNCKERUS, quodsi mercurius calefiat in tigillo, cochleari, aut vase quopiam terreo tamdiu, donec ad ebullitionem deducatur, ac vapores eructet, tumque illico effundatur in oleum lini, factò hoc separetur ab oleo, atque operatio prior aliquoties ex ordine repetatur, fieri demum illum firmum, sub malleo ductilem, calore plumbi instar fusilem, remanente tamen volatilitate in igne, unde &, quamprimum fusus sit, tolli ab igne debeat: tentanti tamen hoc sæpius CL. WALLERIO nunquam successit; nec ego firmitatem conciliare mercurio hæc ratione unquam potui.

§. 1099.

TRITUS cum pinguedine animali mercurius, eadem fere ratione, uti mistus cum oleo pressò, sed melius adhuc, vertitur in pulverem subtilem gryseum, ac proprio termino *extinguitur*; qua ex unione celebre exurgit *unguentum neapolitanum*, ad curandam luem voluptuosam, & enecanda insecta commendatum.



§. 1100.

EXAMINI microscopico subjecit *Cl. BAUME* unguentum mercuriale recens paratum, ac aliud ante viginti annos jam confectum; in utroque multas quidem vidit mercuriales sphaerulas, in unguento tamen vetusto minores multo hae erant: subjungit autem, inferri exin non posse, mercurium à pinguedine, aut eidem inhaerente acido fuisse solutum, phaenomenon tamen exactius mereri examen. Etsi ultimum hoc inficias non iverim, quaestionem tamen oriri posse crederem, an aequali exactissime diligentia, ac per idem praecise temporis spatium tritus mercurii cum pinguedine factus fuerit; hoc enim insignem utique adferre poterit disparitatem & globulorum mercurialium diversam adtenuationem.

§. 1101.

OLEA aetherea cum mercurio pariter coeunt, ac tincturam subviolaceam plerumque, dum saturatori scilicet colore tincta non sunt, constituunt.

§. 1102.

MERCURIUM cum saccharo tritum abire in massam aqua solubilem, homogineam, atque hinc ratione hac mercurium, usu interno adhibendum, optime extinguui posse *Cl. WALLERIUS* dixit: vera haec deprehendi: quodsi vero aquosa haec solutio diu adservetur, saccharum à mercurio recedit, ac in crystallos con crescit, mercurium non recludentes, uti adcuratissime circa rem hanc instituta me docuerunt tentamina: Sapor solutioni tali dulcis quidem, ob inmixtum saccharum, est, in recessu tamen subacer ac metallicus,

ex quo versatus, & qui talia saepissime gustavit, praesentiam mercurii detegere sat facile possit.

§. 1103.

Ex unione mercurii cum variis substantiis, tritu plerumque solo accedente mechanico, varia exsurrexerunt medicamina. Sic v. c. *pilulae mercuriales laxantes* ANGLORUM componuntur ex argenti vivi uncia una cum dimidia, mellisque quantum satis ad subigendum & extinguendum; quibus tum adduntur: massae pilularum ephracticarum purgantium, & saponis hispanici ana uncia una. *Pilulae mercuriales Pharmacopoeae pauperum Edinburgensis* componuntur sequenti modo: recipe argenti vivi unciam unam, mellis liquidi quantum satis; tere ad extinctionem & adde gummi ammoniaci, saponis hispanici ana unciam unam, misce. *Injectio mercurialis Disp. ejusdem* oritur, si sumatur argenti vivi, balsami copaivae ana uncia semis, subactis addatur vitellus ovi, & optime committis adjiciatur demum aquae fontanae libra semis. In *bolo coeruleo* jungitur mercurius cum conserva rosarum; in *pilulis mercurialibus* ab antea dictis diversis cum pane; in *mercurio saccharato* cum saccharo; in *mercurio alkalifato* cum terris absorbentibus; in *unguento coeruleo fortiori & mitiori Disp. Londin.* cum terebinthina; & sic porro.

§. 1104.

ADDUCI circa misceas tales mercuriales meretur textus Cl. SPIELMANN ex *dissert. de hydrargyri praeparatorum effectibus* §. IV. depromptus. Primum, ait, mercurium farina frumenti subactum intus exhibuisse Medicos, valde est probabile: pilulae, quarum



BAYRUS de doloribus musculorum mentionem facit, (& quas anno 1537. primum inter Christianos fuisse usurpatas testatus fuit) eandem recipiunt; eas ex Turcia adlatas fuisse testatur idem, à BARBAROSSA deinde nomen accepisse RONDELETIUS monet de morbo gallico; qui suo jam tempore varias earumdem circumlatas fuisse formulas meminit, & farinae frumenti substituit terebinthinam; quippe quae egregie & facis cito globularem hydrargyro formam exuit, ejus adgregationem hinc penetrat, & idem in liquoribus saponaceis, quales nostros humores chylopœticos esse nemo ignorat, solubile reddit: his pilulis adjecerunt, juvantium loco, cathartica, quorum ope virus è corpore ejiceretur, & nervina, quae corrigentium munere fungerentur, quum hydrargyrum nervis inimicum esse unanimi consensu adsumserint. Hujus generis pilulae per longam annorum seriem à BARBAROSSA denominatae, à Medicis in usum trahebantur, & quivis se meliorem reliquis earum compositionem tenere gloriabatur, usque dum BELLOSTE Chirurgo fortuna faverit, ut talis commatis pilulas, tanquam novum quoddam, quodque sibi uni & soli debeatur, & quod omnia hactenus cognita ad morbos venereos medicamenta superet, hominibus persuadere potuerit: eas in tractatu de mercurio, prima vice Parisiis 1724. edito, stylo, qui omnibus, qui sua arcana commendant, proprius est, ebuccinavit, & ea felicitate fruitus est, ut non tantum ipse & sui haeredes non mediocrem inde perceperint quaestum, sed & Medici, illi maxime, qui, dum solidiore morborum & medicamentorum cognitione carent, anxie specificis inbiant, & faciles fabellis, quae circa haec circumferuntur, aures praebent, se eo feliciores reputarint, quo magis genuinam earum compositionem se habere putabant &c.

§. 1105.

MERCURIUS ab fale communi non solvitur, etsi, cum eo diu tritus, more solito in pulverem calciformem abeat, quod vero, quum abs omni fale addito pariter fiat, substantiae huic adtribuendum non erit. Mercurium sublimatum corrosivum sola miscela mercurii cum fale communi, etsi subsequa tentetur sublimatio, non enasci, ex antea dictis patet.

§. 1106.

Ex miscela mercurii cum fale ammoniaco *tinctura mercurialis*, seu *tinctura* sic dicta *mercurialis Garayana* exsurgit, si operatio sequenti ratione, uti in *Mem. de l' Acad. Royale des sc. 1755. p. 28. sqq.* praescribitur, instituatur. Uncia una mercurii vivi immittitur in mortarium lapideum, adduntur unciae quatuor salis ammoniaci in pulverem tusi; teruntur invicem substantiae hae, donec mercurius prorsum disparuerit; si miscela sicca nimium sit, tantillum aquae additur: enascitur hac ratione pulvis mercurialis gryseus. Exponitur hic per quinque aut sex hebdomadas aëri libero, interea temporis aliquoties agitandus, atque sub finem denuo terendus. Injicitur postea in cucurbitam, adfunditur ad duorum circiter digitorum eminentiam generosum alkohol, vasque balneo arenae committitur. Ignis per gradus administratur, donec ebullire incipiat spiritus, qui colore aurantio inde tingitur: refrigeratus filtretur, ac in lagena probe clausa adservetur. In *tinctura* hac notabilem contineri mercurii copiam, ex eo patet, quod lamina cuprea, illa obducta, macula alba notetur.



§. 1107.

DEPREHENDIT VERO Cl. MACQUERUS, operationem hanc breviorē multo reddi posse; quum sufficiat, si miscela per bina nycthemera balneo arenae committatur: quin & alkoholi aqua pura substitui potest, una cum miscela mercurii salisque ammoniaci decoctioni subjicienda.

§. 1108.

As hepate sulphuris mercurius pariter adficitur; recenseri circa negotium hoc inprimis merentur tentamina Cl. BAUME, quae in *tomo secundo operis Chymie expérimentale & raisonnée* exposuit. Inmisit omnium primo mercurium currentem in lagenulam crystallinam; adfudit huic duplum fere, ratione ad pondus habita, hepatis sulphuris volatilis; concussit vas valide; mutatus sic fuit mercurius in pulverem nigrum, verum aethiopem mineralem; elapsis diebus tribus pulvis hic eleganter rubuit, mutatus in legitimam cinnabarin, crystallisatam sub forma acicularum brevium, crassarum.

§. 1109.

MISCELAM similem diluit aqua copiosa, quamprimum hydrargyrum abierat in aethiopem; pulvis nunc persistit niger. Decantavit aquam; color tamen ruber non rediit, etsi additum denuo fuerit hepar sulphuris: elapsis tamen mensibus octodecim & hic ruber color enatus fuit.

§. 1110.

§. IIII.

VITRIOLUM mercuriale cum hepate sulphuris volatili multum incalescit; oritur ebullitio, explo-
duntur vapores copiosi albi, & mercurius illico ni-
grescit. Elapsis tribus diebus aquam decantavit, ad-
fudit recens hepar sulphuris volatile: bidui spatio
pulvis pulchre rubuit, mutatus in cinnabarin opti-
mam.

§. IIII.

EXPERIMENTUM repetiit cum turpetho minerali
probe edulcorato; vapores & hic enati copiosi, albi;
calor idem, eadem quoque ebullitio. Post biduum
decantavit laticem, adfudit recens hepar; elapsis die-
bus quatuor mercurius abiit in cinnabarin ruber-
rimam.

§. IIII.

INFUDIT & solutioni mercuriali, nitrosi acidi ope
factae, hepatis volatilis quid: ad fundum ruit prae-
cipitatum nigerrimum; miscela multum incaluit.
Sex diebus elapsis pulvis dejectus, colore lateritio
tinctus, in conspectum prodiit; decantato liquido ad-
fudit recens hepar; post paucas horas enatus color
vivacissime scarlatinus. Cinnabaris hac ratione ena-
ta priori longe elegantior.

§. IIII.

INMISIT praecipitatum mercuriale rubrum una
cum copia quadam hepatis volatilis in lagenulam:
solutum fuit maximam partem praecipitatum: solu-
L 4 tio



tio colore nigro tincta; post dies aliquot color lateritius accessit.

§. III4.

INMISIT dein mercurium sublimatum corrosivum in vas vitreum, adfudit volatile hepar; ruit ad fundum illico pulvis niger, colore hoc eodem diu tinctus, etsi recens adfusum fuerit hepar: elapso decursu anni unius integri color demum exurrexit lateritius.

§. III5.

FUDIT una quatuor uncias florum sulphuris, unciasque sexdecim mercurii vivi: unione ad determinatum gradum producta, incensum, more solito, mistum sponte sua fuit. Flammam aliquoties *CL. BAUME* extinxit, diu tamen satis totum arsit. Massam demum frigefactam in pulverem redegit. Partem hujus, una cum hepate sulphuris volatili, inmisit in lagenulam. Pulvis intra dimidiam horam abiit in elegantem cinnabarin.

§. III6.

REPETIIT tentaminum haecenus adlatorum varia cum hepate sulphuris vulgari, ex unione sulphuris cum sale alkalino fixo vegetabili enato: color ruber tum quidem cito adeo non ortus fuit: elapso tamen anno uno praecipitata omnia in pulchram genuinamque cinnabarin abierunt.

§. III7.

TENTAVIT insuper, an spiritus volatilis salis ammoniaci miscelas varias mercurii cum sulphure in

in cinnabarin foret mutaturus: adfudit itaque spiritum hunc, calcis vivae ope paratum, aethiopi minerali sine igne facto; mansit aethiops niger; nec intra annum integrum colorem mutavit: elapso tamen temporis hoc intervallo induit colorem lateritium.

§. 1118.

EODEM tentamine cum aethiope, ignis ope facto, repetito idem enatus fuit effectus; etsi in aethiope hoc minor multo, quam in priori sulphuris contineatur copia.

§. 1119.

AGENDUM vero nunc est de connubio mercurii currentis cum ipso sulphure; ex qua unione massa ob colorem suum nigrum *aethiops mineralis* (ut distinguatur scilicet ab *aethiope* alio *vegetabili*, ac ab *aethiope martiali*, & *antimoniali*) dicta fuit.

§. 1120.

IN genere circa praeparatum hoc tenendum est, parari illud duplici imprimis methodo posse; aut miscela solum mechanica mercurii cum sulphure, aut ignis simul accedente actione; unde discrimen enascitur inter *aethiopem mineralem*; *mediante igne*, & *sine igne* paratum.

§. 1121.

UT *aethiops mineralis* *mediante igne* paretur, fluat libra una sulphuris depurati in vase non vitrato terreo latiori, eo solum ignis gradu, qui, ut

L 5

ful-



fulphur liquefcere poffit, requiritur. Praefto fit libra una mercurii currentis, alutae in faccum formatae, extremitatibus undique unitis & funiculo firmitissime revinctis, inclufa. Comprimatur jam aluta, ut mercurius pluviae argenteae ad inftar ftillet in fubpofitum fulphur; maffa nunquam non agitur fpatula, ut mercurius cum fulphure optime coeat. Dum unio facta eft, vas ab igne removeatur; mifcela vero fubigatur tamdiu, donee frigeat, & in grumulos ruat. Frigida teratur in pulverem fubtiliffimum, trajiciendum per fetaceum, ac in lagena probe claufa adfervandum.

§. 1122.

AETHIOPS mineralis fine igne fit, dum unciae quatuor mercurii vivi teruntur in mortario lapideo cum unciis octo florum fulphuris. Tritus tamdiu protrahi debet, donec globulus mercurialis nullus amplius adpareat, & mercurius exftinctus ex integro fit, pulveremque nigerrimum referat. Pulverem hunc lapfu temporis nigrum magis fieri, *Cl. BAUME* adnotavit.

§. 1123.

MISCELA mercurii cum fulphure in aethiope fine igne parato eo celerius perficitur, fi vas eam continens calori leniffimo exponatur.

§. 1124.

FIT quidem, uti antea dixi, adtenuatio mercurii in fubtiliffimas, calciformes atomos adtenuatio, dum fubftantia haec femimetallica una cum diverfis aliis,

v. c. cum farina, aut terris absorbentibus, aut saccharo &c. teritur, quin & motui soli diu producto mechanico diversa ratione subjicitur; in miscela vero cum sulphure non nuda illa adtenuatio, ac interpositio particularum substantiae, cum qua hydrargyrum teritur, inter particulas ipsius hydrargyri obtinet; sed vera fit unio, & penetratio tum sulphuris, tum mercurii inter se invicem; quod quidem vel ex eo satis conficitur, quod divelli connubium hoc jam non queat; nisi accedat tertium corpus, illa sejungens, uti mox patebit, dum de revivificatione mercurii ex cinnabari sermo erit.

§. 1125.

ETSI in utraque operatione eadem substantiae inter sese conjungantur, diversa tamen nonnihil ratio unionis intercedit, ac, uti bene monuit *Cl. MACQUERUS*, connubium mercurii cum sulphure in aethiope mediante igne parato intimius videtur, quam tritu solo mechanico obtineri queat.

§. 1126.

OBSERVAVIT *Cl. BAUME*, miscelam nunc dictarum substantiarum, quae mediante igne fit, saepius exardescere, etsi vas ab igne jam remotum fuerit, quod quidem ab actione & reactione illarum reciproca, & à calore extrinsecus jam communicato, nec velociter adeo recedente fluere, videtur. Etsi *Auctor* nunc citatus superfluum judicaverit encheiresin, quam prius adtuli, ut mercurius per alutam prematur in fusum sulphur, experimentis tamen didici, illam esse praefereendam alteri, ubi mercurius simul & semel sulphuri injicitur.

§. 1127.



§. 1127.

TENENDUM vero est, in aethiope, ignis ope parato, minorem esse proportionem sulphuris ad mercurium, quam in altero: ex ratione hac, tum & ex connubio antea dicto substantiarum componentium exactiori in aethiope, mediante igne facto, dependent phaenomena quaedam, quibus ambae aethiopis species ab invicem aliquatenus distinguuntur: en eas ex *Cl. WALLERIO* depromtas!

§. 1128.

AETHIOPS tritu mechanico paratus auro adfrictus illud dealbat, parte mercurii libera amalgama cum sole constituenta. 2) Microscopii interventu distinguuntur in eo molecule minimae mercuriales oblongatae, particulis reliquis aethiopis interpositae. 3) Si digeratur, ac per brevius temporis intervallum decoquatur cum oleo tartari per deliquium, aut lixivio saturato alkalino, pellicula in lixivio enascitur nigra, sulphurea; si humidum dein omne abstrahatur, remanet massa rubra cinnabarina; aqua huic adfusa pura, rubro haec tingitur colore, tum & saporem odoremque hepatis sulphuris acquirit.

§. 1129.

IN aethiope vero ignis ope facto 1) minor dosis continetur sulphuris, quum pars illius destruaturs actione ignis, à mercurio relicta libera, qui vix majorem, quam qua ad saturationem opus habet, sulphuris copiam recipit. 2) Aurum macula alba non tingit. 3) In fractura, si per microscopium examinatur, obfert particulas minimas mercuriales, splenden-

dentes, ac radiantes; ut adeo mineram obscuriore colore notatam referat. 4) Cum oleo tartari, aut lixivio alkalino digestas ac decoctus, pelliculam antea dictam non subpeditat; abstracto humido remanet massa partim rubra, partim virens; aquam adfusam subviridi colore tingens, & sapore odoreque hepatis sulphuris, non tamen intense adeo, uti à priori aethiope fit, inficiens.

§. 1130.

METHODUS à LUDOLFO olim proposita, aethiopem via humida parandi, mediante decoctione partis unius sulphuris, partiumque quatuor calcis vivae, miscelaque solutionis hepatis hujus sulphuris calcarei cum mercurio ea ratione juncta, ut solutionis partes binae addantur mercurii parti uni, & subsequa ad siccitatem massae evaporatione, methodus haec, inquam, rejicienda est, quum purus aethiops inde non enascatur.

§. 1131.

Ex aethiope minerali exsurgit praeparatum, colore eleganter rubro tinctum, sub *cinnabaris*, & quum sic arte fiat, quod alias & natura ipsa operatur, *cinnabaris artificialis* titulo notum. Methodum eam conficiendi Cl. VOGEL tradidit sequentem non malam. Connectantur florum sulphuris parti uni in mortario ferreo aut serpentino liquandorum *), mercurii vivi per pannum successive transpressi partes septem, fortiori trituratione. Massa inmittatur in vitrum pro potionibus, quod vocant, hocque intra crucibulum
are-

*) MELIUS operatio haec in vase terreo, firmo, non vitrato fit.



arena repletum, in furnum anemium, aut saltim, si portio exigua est, in foculum. Ignis admoveatur primo lenis, deinde acerrimus, dum omne mistum, relicto pauxillo ejus, quod grysei est coloris, & terrestre, in altum emicuerit. Eximatur illud, diffracto vase, & diutius teratur. Ita pulcherrime rubra & coccinea cinnabaris habetur, elegantior colore nativa illa, & eo semper quoque pulchrior, quo vehementiore igne elevata fuerit, quoque diutius contrita, & quo major portio mercurii ad sulphur adsumta.

§. 1132.

NATURA, pergit, elaborat cinnabarin è sulphure & mercurio, miscendo ea in ipsis mineris invicem. Hanc igitur ars ita optime imitatur, servando simul in commistione eam partium constituentium proportionem, quam ipsa eadem natura servavit, quemadmodum analysis nativæ ostendit. Quum ita autem verissime constet, ex sulphure vero & mercurio currente cinnabarin procreari; scire etiam licet, exurgere talem, si mercurius cum tali corpore, quod verum sulphur in se habet, copuletur, sublimeturque. Iam vero constat per experimenta, haerere verum sulphur in antimonio, haerere etiam in auripigmento; hinc ex utroque corpore conficere poteris cinnabarin, si ipsis debitam mercurii jungas portionem, & utrumque mistum ignis decenti gradu, supra sub præparatione cinnabaris factitiæ comprehenso, tractatum sublimes. Haec C. VOGEL.

§. 1133.

AUCTORES alii, ad sublimationem aethiopis in cinnabarin cucurbitam terream, aut vitream loricatam adhibendam esse, melius præcipiunt.

§. 1134.

§. 1134.

REFERTI sublimatio altera adhuc vice poterit; etsi requisitum id plerumque non fit, & superfluum plane ac inutilem operationem illi faciant, qui sexies vel & septies illam instituendam esse dicunt; etsi ipse *Cl. MACQUERUS* id ipsum suaserit. Discrimen circa haec maxime adfert diversa proportio sulphuris ad aethiopem mineralem, unde cinnabaris conficitur, adhibiti: non conveniunt enim circa hoc Auctorum sententiae; uti & non concordant circa proportionem sulphuris ad mercurium, in cinnabari jam facta invicem unitorum; sic *v. c. LEMERY* eam uti unum ad duo, *CARTHEUSERUS* uti unum ad septem cum duabus tertiis, *MENDERUS* uti unum ad triginta, *MACQUERUS* uti unum ad septem vel octo &c. aestimavit: in cinnabari naturali sulphur ad mercurium uti unum ad septem vel ad octo se habere per experimenta innotuit.

§. 1135.

ENUMERABO nunc dotes cinnabaris in unum collectas, praecipuas.

AERI exposita non mutatur, humidum nil attrahit.

IGNI subjecta in vase clauso adtollitur denus, nec sedimen post se relinquit: connubium mercurii & sulphuris tum eo arctius fit.

IGNI vero subjecta in vase aperto aliter sese habet; sulphur namque sic consumitur actione ignis, avolat mercurius in moleculas minimas vaporum sub forma resolutus.

SPIRITUS MINDERERI, notante *Cl. WALLERIO*, aqua regia, spiritus terebinthinac, solutio salis ammoniacalis.



moniaci fixi, magis adhuc spiritus nitri dulcis, & *Eau de luce* cinnabarin adficiunt, solvunt, digestionem in quibusdam accedente, aut decoctione.

RELATIONEM aliarum quarundam substantiarum ad cinnabarin mox, de revivificatione mercurii ex ea agens, enumerabo.

§. 1136.

UTI ad sublimationem cinnabaris ignem vegetum, & eo, qui ad sublimandum mercurium requisitus foret, majorem necessarium esse deprehensum fuit, sic & eo adhuc majorem illum esse debere, quo saepius eadem cinnabaris sublimationi subjecta fuerit, patuit.

§. 1137.

ACIDA cinnabarin non referant.

§. 1138.

DIFFERENTIAS *cinnabaris nativae ac artificiales* Cl. WALLERIUS enumeravit sequentes:

- 1) CINNABARIS nativa colore vividiori nunquam non instructa est.
- 2) IN cinnabari nativa minor, quam in artificiali sulphuris continetur copia.
- 3) CINNABARIS nativa ad fumigationem in curatione luis venereae, tum & ad alios usus medicos aptior deprehenditur; quum experientia constet, vires mercurii ab admisto, majori copia, sulphure infringi, ac debiliores reddi.

§. 1139.



§. 1139.

ADDI his & poterit, monente *Cl. WEIGEL*, texturam internam in cinnabari artificiali radiatam, seu spicularem, adinstar antimonii, in nativa autem foliaceam magis esse; unde deducit, videri cinnabarin à natura alia methodo, quam à chemicis fieri solet, confici.

§. 1140.

TEXTURAM vero cinnabaris artificialis spicularem ex eo derivavit *Cl. WALLERIUS*, quod productum hoc pro specie quadam salis metallici, ex unione acidi vitriolici cum mercurio enati, non tamen corroivi, sed ab admisto copioso phlogisto sulphuris mitigati, haberi queat. An vero illustratur adfertum hoc instantia antimonii crudi, quod ex connubio sulphuris cum regulina parte coalescit, & eandem fere texturam, uti cinnabaris, obfert?

§. 1141.

CINNABARIN tum artificialem, tum nativam *GALLI Cinabre*, tritam vero in pulverem subtilissimum, inpalpabilem, speciali termino *Vermillon* dicunt; quod scire convenit, quum voces hae in commercio passim adhiberi soleant. Cinnabari tritae adjicitur aquae purae major portio, ut species pultis exsurgat (sub ipsa enim tritura aqua jam additur); dum pulvis grossior fundum petiit, latex atomis cinnabaris adtenuatissimis gravidus mox decantatur, atque pars haec subtilior exsiccata inprimis *Vermillon* vocatur. Pars grossior eadem ratione in pulverem redigitur.



§. 1142.

Non vero opus unquam est, ut cinnabari in pulverem terendae aut alkohol, aut lac, aut lotium, aut amygdalarum oleum, aut amygdalae ipsae &c. adjiciantur; etsi Auctores nonnulli haec, ceu pro arcana methodo, cinnabarin elegantem obtinendi, suaserint.

§. 1143.

Quum & in nativa, & in artificiali cinnabari sulphur ipsum cum mercurio junctum sit; cinnabarin, quae in Chemicorum laboratoris conficitur, mineram artificialem mercurii adpellari quoque tuto posse, lapsus vero *Cl. Vogel*, qui cinnabarin calcem mercurialem acore vitriolico erosam esse credidit; lapsus & ante illum *LEMERY*, in cinnabari acidum inprimis vitriolicum mercurio jungi adferentem, facile patet.

§. 1144.

METHODUS cinnabarin antimonii obtinendi in capite de ANTIMONIO habetur exposita.

§. 1145.

Quum & ex antea adductis *Cl. BAUME* tentaminibus satis manifestum sit, cinnabarin via humida obtineri non minus posse; encheireses id ipsum perficiendi plures, quae tum alibi, tum & in diversis *Diariis Gallicis*, inprimis in *Journal encyclopédique*, & *Gazette salulaire* elapsis nuper annis habentur expositas, negligi in hoc opere posse, ratus fui.

§. 1146.

§. 1146.

DUM cinnabaris miscetur cum talibus substantiis, quae majorem adfinitatem colunt cum sulphure, altero cinnabaris principio, quam ea est, cujus ope sulphur adhaeret mercurio, cinnabaris decomponitur; sulphur cum illis substantiis coit, ac mercurium, sub forma currente pristina, derelinquit; qui tum *revivificari*, ac operatio, qua hoc perficimus, *revivificatio*, speciali voce, dicitur.

§. 1147.

CORPORA vero hunc in finem apta salia sunt alkalina fixa, calx, terrae calcareae, ferrum, cuprum, stannum, plumbum, argentum, bismuthum, regulus antimonii: maximam tamen partem ferri limatura adhiberi solet. En operationem in compendio ex Cl. MACQUERO excerptam.

§. 1148.

RECIPIANTUR partes anaticae limaturae ferri, & cinnabaris (conminutae); misceantur probe invicem; immittatur miscela retortae, aut igni nudo, aut balneo arenae exponendae, ea ratione, ut ignis sat fortis ei applicari possit: jungatur retortae rostro excipulum, aquam continens, atque instituatur demum destillatio. Coëunte jam cum ferro sulphure liber evadit mercurius, & calore actus ascendit vaporum sub forma, qui in excipulum transeunt maximam partem, aquae ope condensandi in sphaerulas, formaturas majorem massam; pars tamen mercurii, nimium adtenuata, divisa colligitur in superficie aquae sub specie pelliculae pulverulentae, nigrescentis, facile tamen



mercurium fluentem sub forma metallica subeuntis. Mercurius, per linteum (melius per alutam) dein agendus, purissimus est, atque *mercurius ex cinnabari revivificatus*, operatio ipsa *revivificatio mercurii ex cinnabari*, dicitur. In retorta haeret mistum ex ferro ad revivificationem adhibito, & sulphure, cum mercurio cinnabarin antea constituyente: dum autem ferri loco alia substantia usi fuimus, haerebit ea pariter sulphuri unita; sic si terra calcarca, aut sal alkalinum fixum adhibitum fuit, reperiemus hepar sulphuris terrestre, aut vulgare; (*v. caput de SULPHURE*) & sic porro. *)

§. 1149.

MONUIT CL. BAUME, sub revivificatione mercurii per limaturam ferri, rapere mercurium partem martis exiguam secum in excipulum, quae tamen sola pressione semimetalli per densum linteum, (aut, quae densior omnino est, alutam) separari denuo abs negotio queat. Methodus alia, eidem scopo satisfaciens, exigit, ut pulvis mercurialis gryseus, aquae superficiei inhaerens, inmittatur cochleari ferreo fusorio, adjiciatur aquae tantillum, tumque cochlear exponatur carbonibus ardentibus, ubi mercurius omnis in unam colligetur massam, recedens à martiali pulverisculo.

§. 1150.

DEPREHENDIT praeterea BAUME, quod si librae tres cinnabaris revivificentur ope adjectarum viginti qua-

*) VIDEANTUR & hic, quae sub initium capitis hujus circa methodum, mercurium depuratissimum obtinendi ope substantiarum diversarum intermediarum, fuerunt adlata.

quatuor unciarum limaturae ferri, transire in excipulum libras duas, unciasque duas mercurii currentis, miscelamque ferri ac sulphuris in retorta haerentem aequare libras duas, cum unciis quatuor & dimidia sulphuris adtraxerit, uncia vero una cum dimidia in universum deperdita sit.

§. 1151.

SINGULARE sub revivificatione mercurii per limaturam ferri phaenomenon observatur illud, quod excipulum totum repleatur odore salis alkalini volatilis; etsi vas apertum reponatur, per plures tamen dies non recedente. Quum autumaret BAUME, latitare fors alkalini fixi aut volatilis salis quid in cinnabari factitia vulgari, ipse cinnabarin purissimam, mediante unionem mercurii ac sulphuris paravit; revivificavit hanc; odorem tamen alkalinum volatilem nihiloscius percepit. Inferri posse ex hoc phaenomeno credidit, haerere, quod Alchemici priorum saeculorum fere omnes tenuerant, haerere, inquam, inter elementa substantiarum metallicarum salini quid; ratio vero alia, quam problematice proposuit: an non odor ille enascatur ab admista in ferro terra, nondum ex integro in metallum mutata, cum sulphure dein coeunte, ac vi ignis volatili reddita, parum ad expositionem facere videtur; quum, si terra martialis phlogisto omni exuta, ac in statum terrae metallicaе crudae deducta, misceatur cum sulphure, ac igni subjiciatur ope adparatus congrui, non idem, quod sub revivificatione mercurii ex cinnabari per limaturam ferri observatur, eveniat phaenomenon.



§. 1152.

EXPERIMENTI à *Cl. RUEDIGERO* circa decompositionem cinnabaris via humida per sal alkali fixum ignarus *BAUME*, experimentum sequens instituit, quod à nemine adhuc institutum fuisse credidit. Inmisit libram unam pulveris subtilis cinnabarini in lebetem ferreum, adfudit libras duas salis alkalini fixi in liquamen resoluti, miscelam decoctioni, & subsequae evaporationi ad siccitatem usque, ignis tamen lenioris ope exposuit: antequam sicca ex integro foret massa, magna jam globulorum mercurialium recessit copia; dum vero ad siccitatem perfectam deducta fuit, mercurius omnis coit, ut cochleari tolli potuerit: ex quo manifeste adparet, decomponi cinnabarin, & ex ea revivificari mercurium via quoque humida, ope salis alkalini fixi, posse.

§. 1153.

BENE vero monuit *Cl. GEHLER*, tentamen vix non idem à *Cl. RUEDIGERO* propositum, *Cl. VOGEL*, cui non successit, abs ratione in dubium revocasse; quum, dummodo massa ad siccitatem (quae tamen in *Baumeano* experimento ne quidem necessaria, ad demonstrandam rei veritatem, fuerat) perducatur, eventus expectationi semper respondeat.

§. 1154.

MERCURIUS VIVUS in *acido formicarum*, uti *Cl. BERGMANN* retulit in *eleganti Dissertatione de acido formicarum*, sub digestionem manet intactus. Calx hydrargyri, quae vulgo *mercurius praecipitatus ruber* audit, referente eodem *Cl. VIRO*, adjuvante calore

lore, acidum avide haurit, sensim albescit, & metallicam recuperat formam; sed perparum solvitur & tennes exhibet aciculas crystallicas, quales ab hydrargyri purificati calce frustra quaesivit; itaque hoc metallum, prosequitur, saltim directe, vix copulari potest cum acido formicarum, nec in ipso praecipitationis momento fieri videtur.

§. 1155.

PERTRACTATIS haecenus, quae circa *historiam chemicam mercurii* TYRONIBUS MEDICIS scitu necessaria videbantur ac utilia, indicandae adhuc fucincte supersunt relationes semimetalli hujus ad substantias alias metallicas & semimetallicas.

§. 1156.

RELATIONEM mercurii ad *aurum* vide in *capite de AURO*.

§. 1157.

RELATIONEM mercurii ad *argentum* vide in *capite de ARGENTO*.

§. 1158.

RELATIONEM mercurii ad *ferrum* vide in *capite de FERRO*.

§. 1159.

RELATIONEM mercurii ad *cuprum* vide in *capite de CUPRO*.

§. 1160.

RELATIONEM mercurii ad *stannum* vide in
capite de STANNO.

§. 1161.

RELATIONEM mercurii ad *plumbum* vide in
capite de PLUMBO.

§. 1162.

RELATIONEM mercurii ad *antimonium* quod
concernit, potissima circa eam tenenda nexu gratia
in *capite de ANTIMONIO* exponuntur.

§. 1163.

RELATIO mercurii ad *Zincum*. Curatius relationem hanc examinavit Cl. MALOUIN. Miscela sexdecim partium Zinci uniusque partis mercurii subpeditavit massam Zinci puro magis albam, duriores, adhuc tamen stridentem. Partes octo Zinci parsque una mercurii dederunt massam metallicam albissimam, duram, non stridentem, fragilissimam, prorsus inductilem. Caloris gradum, qui pro miscela mercurii cum Zinci requiritur, cum esse optimum apprehendit MALOUIN, quo chartula immersa fusca fit, quin tamen accendatur.

§. 1164.

AMALGAMA mercurii cum Zinci caloris accessum exigere Cl. BAUME dixit.

§. 1165.

§. 1165.

CONTRARIA tamen proposuit *Cl. POTT* in *Dissert. de Zinco* p. 26. &c. ait enim: promatam quoque cum mercurio unionem Zincum subit, qualem ordinario amalgamationem adpellant, dummodo calide vel frigide limatum vel granulatum conteratur; & citius quidem in mortario calefacto, superfusa aqua; nec non si una pars reguli antimonii cum duabus partibus Zinci colliquetur, pulverisetur, & tum cum mercurio teratur; sic Zincum in sui consortium recipit mercurium, ejecto pulvere antimonii. Ex hac mistione nonnulli quaerunt citiorem mercurii animationem quod quidem suo relinquimus pretio: hoc interim certum est, sub hac operatione Zinci partem inflammabilem, quae ipsi ingressum in mercurium conciliat, evanescere, & Zincum sensim sensimque in calcem converti, quae ablutione separari potest; an haec pars inflammabilis mercurio adhaerescat, vel an à digestionem exuratur, harum rerum curiosi inquirere poterunt. Notabilis interim est effervescencia quasi & spumescencia, quae sub digestionem hujus amalgamatis, praecipue in initio, occurrit, qua vitrum multum inplet, & valde intumescit, ut & quod sub digestionem, sed calida, sonorum strepitum edit.

§. 1166.

POTIORES interim, nunc citatus AUCTOR pergit, quae circa amalgamationem Zinci occurrunt circumstantiae sequentibus notis includantur: amalgama Zinci, licet in principio perquam molle existat, tamen, si per aliquod tempus steterit, multum indurescit, Mercurius magnam Zinci portionem in se recipit, quod & ad partem dimidiam se extendit, tantoque

M 5

plus



plus, quo magis tractatur. Amalgama intensiori igne tractatum sonitum & strepitum edit, qualem aqua vel acetum cum butyro vel oleo in igne formare solet. Ablutione decenti Zincum exustum instar calcis fecedit, sed pauxillum mercurii secum rapit, quod destillatio monstrat. Ablutae calces, praemissa in occluso candefactione differunt colore, nam prior est ex flavo viridis, secunda est grysea, & tertia ad nigredinem inclinat; solutione vero in aqua forti utraeque copiam pulveris nigri primo supernatantis, demum vero subsidentis, ejiciunt; & vitrificatione cum borrae utraeque vitrum bruneum producant. Ita quoque differunt ponderositate, dum priores leviores existunt sequentibus, praecipue tertia; sic quoque reductione, dum prior facili negotio per inflammabile reducit in pristinam figuram, secunda vero difficilior; tertia autem per ignem adauctum coit in pristinum Zincum, quodammodo tamen mutatum; nam eo igne, quo Zincum ordinario facile incendi solet, haec nullo modo inflammatur, sed diu & longe mediocri igne fluit, absque inflammatione, & absque floribus; unde hac ratione cum quibusdam etiam diutius coagitari potest: quodsi vero intensiori igne urgeatur, tum demum etiam in flammam & flores erumpit, quod etiam visitur, si idem fluenti cupro injiciatur, eodem prodeunte & effectu & colore; — — — Mercurius sublimatus, in aqua solutus & cum Zinco digestus, praecipitatur in forma pulveris tenerrimi, simul tamen cum Zinco amalgama constituit; sed mercurius in aqua forti solutus, & cum Zinco digestus, mox praecipitatur in forma currente, & acidum nitri cum Zinco superius in crystallos concrevit.

§. 1167.

NEGAVIT vero partim adsertum *Pottianum Cl.* WALLERIUS, & Zincum, à mercurio non, ut vulgo adferitur, in calcem verti dixit, sed retinere formam suam metallicam, ac in amalgama denuo verti posse; operatione, si opus sit, triginta quoque vicibus ex ordine repetita, quin ulla Zinci calcinatio exin eveniat; mutari vero in calcem Zincum, si calor accedat, & tritus.

§. 1168.

DUM pars una plumbi funditur cum parte una Zinci, atque miscela haec cum partibus sex mercurii in amalgama redigitur, enascitur amalgama molle, consistentiae butyraceae; tritum hoc cum aqua Zincum calcinatum sub forma pulveris ex amplexibus dimittit.

§. 1169.

RELATIO mercurii ad *bismuthum*. Referenda hic denuo primo loco veniunt observata *Cl. POTT* circa miscelam hanc metallicam. Excerptam ex iis potissima. Mercurius, ait, *Dissert. de bismutho*, quae continetur in *observationum & animadversionum chemicarum collectione prima, pag. 150. sqq.* cum bismutho in amalgama redigitur, si cum aqua terantur, quamvis non ita cito ut cum Zinco: vel citius fit amalgama, si uni parti fluentis bismuthi adjiciantur duae partes mercurii calefacti; sic subpeditat in principio amalgama satis fluidum, etiam ad sigilla imprimenda usurpabile (unde frustra hoc à *ROTHIO* in sua *Chymia* negatur) sed cum tempore sensim sensimque recedit mercurius, & bismuthum in forma pulverulenta remanet. — — — Adhibetur quoque



que amalgama ex mercurio, bismutho, & plumbo, vel stanno paratum ad obducenda interius specula rotunda, ubi tamen notandum, omnia haec sufficienter calida operi huic admovenda esse.

§. 1170.

MERCURIUS cum *bismutho* in amalgamate arte adeo unitur, ut bismuthum illum per corium transpressum sequatur.

§. 1171.

RELATIO mercurii ad *regulum cobalti*. Trivit *Cl. BAUME* regulum cobalti & mercurium per horam integram in mortario ferreo calido; amalgama tamen nullum inde enatum fuit.

§. 1172.

RELATIO mercurii ad *arsenicum*. Dixit *Cl. LEHMANN* in libello: *Abhandlung von den Metallmüttern*, pag. 9. *sqq.* arsenicum crystallinum tritu producto eum anatica dosi mercurii, eatenus substantiae huic semimetallicae jungi, ut facta destillatione pars arsenici, parsque ipsius mercurii sub forma pulveris grysei fundum retortae tegat; pulverem similem remanere, si arsenicum sublimatum cum mercurio destillatione prolecto denuo conteratur, ac novae destillationi subjiciatur.

§. 1173.

AN arsenicum cum mercurio in amalgama verti queat, nondum constare, *Cl. WALLERIUS* dixit:
&



&, actionem harum substantiarum reciprocam parum haecenus cognitam esse, *Cl. BAUME* adiecit.

§. 1174.

Pro depurando arsenico mercurium, salis alkali fixi loco, quod alias adhiberi solet, probe substitui posse, *Cl. HENCKEL* in *Pyritologia* p. 559. & pag. 562. monuit.

§. 1175.

MINIME vero reticenda sunt observata circa relationem arsenici ad mercurium vivum, & mercurium sublimatum corrosivum proposita, à *Cl. Viro Torbern BERGMANN* in *dissertatione chemica de arsenico, Upsaliae a. 1777.* edita, &, dum haec scribo, ex *Suecia* ad me adlata. Hydrargyrus, *Cl. VIR* ait, plurimum horarum sufficiente calore & motu arsenicum regulinum revera suscipit, in gryseum abiens amalgama. Ope ignis arsenicum iterum expelli potest; sed avolans secum partes quasdam sodalis *) plerumque abripit, ne quidem auro & argento exceptis, si vehemens & subitaneus adhibetur ignis gradus; platina tamen perfecte resistit, immo ejusdem portioneulam retinet.

§. 1176.

Cum sublimato corrosivo regulus in destillatione butyrum fumans, paullum mercurii duleis, & hydrargyrum currentem exhibet. Mediante duplici adtractione heic principia commutantur invicem: regulus suum phlogiston basi porrigit sublimati corrosivi,
quo

*) Non solius mercurii, uti illico patebit.



quo haec vere calcinata in hydrargyrum perfectum reducitur; acidum autem salis calcem arsenici suscipit.

§. 1177.

REGULUS arsenici mercurium & argentum ex acido tam vitriolico, quam nitroso praecipitat.

§. 1178.

MERCURIUS *sublimatus corrosivus* cum arsenico albo destillatus, inmutatus adscendit, quaecunque adhibeantur proportionēs. *Cel.* POTT dudum observavit, quod heic nullum oriatur butyrum arsenici, & certe oriri nequit, quum calx arsenici acidum salis debilius, quam calx hydrargyri adtrahat. Destilletur butyrum arsenici, cui calx hydrargyri est admixta; initio quidem, antequam omne decomponi potuit, paullum butyri elevatur, mox vero mercurius sublimatus corrosivus, tandemque arsenicum album prodeunt.

§. 1179.

AURIPIGMENTUM cum duplo vel triplo mercurii sublimati corrosivi in destillatione duo praebet liquida, quae commisceri nequeunt. Tandem aucto igne cinnabaris adscendit. In recipiente butyrum arsenici fundum petit, pellucidum, ferrugineofuscum, in aëre aperto initio fumum visibilem albumque copiose evomens; humidum adtrahit aëreum, quo sensim praecipitatur. Notatu est dignissimum, quod cum acido salis adeo tarde jungatur, ut se invicem repellere videantur, nec ultra certum terminum unio habet locum. Aqua destillata, butyro addita, pulverem album deji-

dejecit, qui vel optime lotus, quidquam acidi retinet, quum in destillatione portiunculam butyri praebeat, quod etiam valet de *pulvere Algerotti*. Fumus peculiari, penetrante, & acidum vitrioli phlogisticatum quodammodo referente odore organon olfactus addicit, floresque albos deponit.

§. 1180.

Liquor supernatans, quem oleo comparant Auctores, flavescit pellucidus, cum aqua & spiritu vini pulverem album arsenicalem mox secer nit; cum acidis fortioribus non turbatur; cum alkalibus effervesceit, & praecipitatur. Si in cucurbita longioris colli fervatur, nullo cohibitus obturaculo, circa orificium flores albi sensim concresecunt, laxi & nonnunquam crystallinam sectantes figuram. Tandem sub spontanea evaporatione in fundo liquoris crystalli nascuntur pellucidae, quae difficillime aqua ebulliente solvuntur, solutae vero, addito alkali, arsenicum dimitunt. In aqua calcis tarde alba nubecula eas circumdat. Igni expositae nec crepitant, nec pelluciditatem amittunt, sed totae quantae sunt sublimantur sine ullo arsenici odore, qui tamen mox prodit, si phlogiston ignitum eas tangit. Hydrargyri in eodem nulla comparent vestigia, nec alkali, nec cupro. Si adesset mercurius sublimatus, hic sine dubio in aqua restaret, postquam eadem arsenicum praecipitaverit. Terra ponderosa (quae C. BERGMANN primum curatius examinata, & pro singulari terrarum specie proposita fuit) acido salis soluta, & liquori nostro instillata, nullam, nelevissimam quidem, efficit congrumationem; hic itaque acido vitrioli penitus caret, v. *Nova Acta Upsal. vol. II. pag. 224.*

§. 1181.



§. 1181.

Ex adlatis patet, liquorem, prius dictum, supernatantem, nihil esse aliud, quam butyrum magis dilutum, quod ob aquam praesentem arsenicum parcius recipit. Butyrum continet acidum concentratissimum, majori ideo arsenici quantitate oneratum. Prius igitur liquidum copiosius obtinetur, si miscela mercurii sublimati & arsenici pernoctet in cella, vel etiam aqua humectetur, antequam destillationi subjiciatur. Quum acidum salis vulgare non nisi determinatam butyri quantitatem solvere queat; hinc sequitur, ut illud, quod saturatione completa superest, admistionem omnino respuat. Acidum salis nimis dilutum butyrum praecipitat, quo vero fortius, eo majorem ejusdem solvere potest quantitatem. Hactenus *Ch. BERGMANN.*

§. 1182.

RELATIO mercurii ad *Niccolum*. Niccolum cum mercurio nec frigide, nec adhibito calore *Ch. CRONSTAEDE* unire potuit. Mercurio vivo trituratione unire non potuimus regulum niccoli *Ch. BERGMANN* in *dissertatione chemica de Niccolo, Upsaliae a. 1775.* edita adseruit.

§. 1183.


ATQUE haec de mercurii *historia chemica* in *scopum praefixum* sufficere poterunt; numerosissima etenim, & multa expletura justae molis volumina, adferre potuissim, si, quae de mercurio in *CHEMICORUM* & *ALCHEMICORUM* scriptis prostant, vera, dubia, hieroglyphica, aenigmatica, & magno nimis numero, absurda, falsa, erronea, operi huic inserere voluissim.

luissem. Reticui studio & multa *nova*, quae (fateri hoc nunc debeo, ne eorum à Criticis adsumpta, ac mihi inputata ignorantia, pro crimine vertatur) quae, inquam, optime mihi nota fuerunt; tum, quod Medicis adeo non essent necessaria; tum, quod ad Physicem aptius referenda forent; tum, quod non extra controversiam omnem adhuc posita viderentur; tum & ob rationes alias, quas ex ordine hic recensere longum nimis foret & supervacuum. Reticui hinc v. c. resuscitationem spontaneam calcium nonnullarum sic dictarum mercurialium; reticui actionem fulminis electrici in easdem; reticui fustissima experimenta Cl. Cl. BAYER & CADET circa mercuriales calces, & praecipitata mercurialia sublimationi, reductioni &c. exposita, commentariis pulchris Cl. ROZIER inserta: reticui & ea omnia, quae circa mercurificationes, coagulationes, fixationes &c. mercurii, circa indolem principii mercurialis metallorum protoparentis; ejusdem maturationem, exaltationem &c. fuerunt preposita e. f. p.

ANTIMONIUM.

S. 1184.

ANTIMONIUM (‡) STIBIUM offic. *σίμμι* Dioscoridis, *σιβι*, *πλατυόφθαλμον*, *λαξεβατον*, *γυναικειον*, *ὀμματόγραφον*, *ἀλαβασρον*, GRAECORUM quorundam, forte, uti problematice quaerit Cl. GEORGEY Mat. Med. *τετραγωνον* HIPPOCRATIS, *Lapis spumae candidae nitentisque*, non tamen translucens
 Pars II. N centis



centis PLINII; *Aitmad*, seu *Atemed* ARABUM &c. substantia cernitur mineralis, compacta satis, coloris ex plumbeo subalbentis, aciculis aut lanceolis splendentibus composita, digitos colore nigrescente inquinans, fragilis, adeo ut vel digitis in pulverem teri partim queat, hinc omnino non malleabilis aut ductilis, sed vera minera, substantiam semimetallicam, sub nomine *reguli antimonii* notam, in subsequentibus latius describendam, sulphure mineralisatam, recludens. Reliqua circa historiam naturalem antimonii, quod, ut distinguatur à *regulina* parte, *antimonium crudum* dicitur, ex Mineralogicis inprimis, ac historiae naturalis Auctoribus erunt petenda.

S. 1185.

MONERE vero nunc statim debeo, circa Antimonium ab Auctoribus *Chemicis*, ac inprimis *Alchemicis* numerosa adeo fuisse scripta, ut volumina multa, eaque grandia exigerentur, si vel dimidiam earum partem quis vellet complecti. Antimonium seu primum artis chrysopoëticae objectum à quamplurimis habitum; in antimonio si in corpore metallico, (excepto solum mercurio) ullo alio, spem maximam collocarunt multi; antimonium etiam ingentem remedium subpeditat numerum, quae partim catholica, & panchresta, partim heroica, vel & deleteria in variis casibus, & diversis sub circumstantiis fuerunt deprehensa: hinc vero facile videtur, copiam eorum, quae de corpore hoc eodem scripta & consarcinata fuerunt, maximam sane futuram. Adferam vero in sectione hac ea inprimis, quae in rem medicam facere videntur, optima, ac recentissima; intactis prorsum, aut leviter solum, ac per transfennam indicatis aliis omnibus, quorum cognitio TYRONI MEDICO non adeo utilis est ac necessaria. Ratio hinc simul

ad-



adparet, eur & copiosa illa experimenta, quae in *Mem. & Hist. de l'Acad. des sciences de Paris* diversis Tomis descripta habentur, obiter hic pertransire voluerim; cur & ex *Theatro chemico*, ex *Basilio Valentino*, (non temnendo certe scriptore, & cujus observata haud pauci alia nonnihil sub veste pro suis inventis in publicum evulgare non erubuerunt), & ex opere *Lemeryano & Menderiano*, & infinitis aliis rationa sequentibus paginis inseram: nisi utilitatem in eos, quae opus hoc unice dicatum est, redundare exin posse, praevidero.

§. 1186.

Quum vero labores chemici tum cum *antimonio crudo*, regulinae substantiae minera, tum & cum regulo ipso instituantur, ubique discrimen intercedens exacte notabo, ne ulla oriri queat idearum perturbatio.

§. 1187.

INSERERE hic lubet, antequam ipsam antimonii ordiar historiam, *epitomen in tabulam redactam praeparatorum antimonialium*, quam *Cl. William SAUNDERS* observationibus suis de *Antimonio*, ejusque in morbis curandis usu, *Londini 1773.* inseruit, & quae, ut videtur, *Cl. CULLEN* debebitur.

§. 1188.

EX ANTIMONIO PARATA SUNT
IN QUIBUS

I. REGULUS NULLO ACIDO CONJUNCTUS.

- 1) *Regulus varia proportionem cum sulphure conjunctus.*



A. Antimonium crudum *Tablettes de KUNCKELII.*
Morsuli restaurantes KUNCKELII.

B. Regulus medicinalis.

Febrifugum Craanii.

Magnesia opalina.

Panacea Antimonii.

C. Kermes minerale.

Poudre des Chartreux.

Sulphur antimonii

— — — *fixum STABELII.*

Tinctura antimonii.

— — — tartarifata.

D. Sulphur antimonii auratum.

Sulphur praecipitatum.

— — — — Pharm. Lond.

2) Regulus sulphure privatus.

A. Regulus Antimonii simplex.

Regulus martialis.

3) Regulus calcinatus.

— — — — * *sine addito.*

A. Antimonium incineratum.

B. Vitrum antimonii.

a. vitrum antimonii ceratum.

— — — — — ** *addito nitro.*

A. Crocus antimonii mitis.

B. Crocus metallorum.

Crocus antimonii Pharm. Lond.*Hepar Antimonii.*

C. Emeticum mitius BOERHAAVE.

*Pulvis Iacobi dictus. *)**Pulvis febrifugus* Nosoc. Edinb.

D. Antimonium diaphoreticum.

Calx antimonii Pharm. Lond.*Cerussa antimonii.*

II. REGULUS ACIDO CONJUNCTUS.

1) Acido vitriolico.

A. Antimonium vitriolatum WERLHOFFII.

Mercurius vitae coelestis KLAUNIGII.

2) Acido nitroso.

A. Bezoardicum minerale.

3) Acido muriatico.

A. Butyrum antimonii.

*Oleum antimonii.**Causticum antimoniale.* Pharm. Lond.

B. Mercurius vitae.

Pulvis Algaroth.

4) Acidis vegetabilibus.

A. Sapa vomitoria SYLVII.

N 3

B.

*) James' s Powder. de W.



B. Vinum emeticum.

Vinum antimoniale. Pharm. Lond.
Essentia antimonii HUXHAMI.

C. Tartarum emeticum.

Tartarum stibiatum.

§. 1189.

OPTIME vero circa tabulam hanc monuit *Cl. TODT*, (*Medicinischchirurgische Bibliothek* 1. B. 2. St. S. 141. &c.), aut à *Cl. SAUNDERS* errore calami praeparatorum quorundam nomina linea fuisse subducta, aut proposuisse illum praeparata quaedam pro synonymis, inter quae tamen manifestior intercedat diversitas: sic metallorum croeus & hepar antimonii, Kermes etiam minerale & tinctura antimonii tartarifata diversa utique ab invicem sunt, etsi inter synonyma collocata in tabula cernantur.

§. 1190.

ANTIMONIUM CRUDUM, observante MENDERO, arsenico albo, ratione gravitatis specificae, analogum est; aestimarunt alii uti 4, 200, seu uti 4, 000 ad 1, 000 aquae pluviae; regulus antimonii balance hydrostatica examinatus $\frac{1}{7}$ ponderis sui deperdit: plura circa negotium hoc apud *III. MUSCHENBROECKIUM* videri poterunt.

§. 1191.

IN aëre libero antimonium crudum non mutatur; nec fatiscit, nec rubiginem contrahit, nec efflorescit.

florēſcentia obſidetur: *aqua* vix adficere illud videtur, ſi pura ſit.

§. 1192.

PROUT igni leniſſimo, fortiori, validiſſimo, ſolum, vel adjunctis aliis ſubſtantiis, expoſitum antimonium fuerit, varias admodum experitur mutationes, varia his encheireſibus obtinentur præparata; quorum omnium jam ex ordine, quantum fieri poterit, compendiarie tradenda venit hiſtoria. *)

§. 1193.

OCCURRUNT inter hæc omnium primo variae antimonii *toſtiones, uſtulationes, calcinationes, calciumque* validiori igni expoſitarum *uſiones.*

§. 1194.

ANTIMONIUM in pulverem tritum, (quod, cum friabile ſatis ſit, nec firmiter adeo, uti ſemimetalla alia cohaereat, levi opera perficitur,) atque carboni ardenti inſperſum vaporem ſuffocantem, manifeſte ſulphureum exhalat; flamma ſimul conſpicitur ſubcoeruleſcens, qualis ab ardente ſulphure naſci ſolet; carboni inhaeret calx magis minusve flavescens,

N 4 cujus

*) SEQUAR, quod monendum omnino erat, in hoc capite potiſſimum ſilum à Cl. WALLERIO propoſitum, ita ut antimonium crudum primo, dein ejus regulina pars revocetur ſub examen: adferam vero copioſa, quae cognitu neceſſaria videbuntur ac utilia, quorumque in opere Walleriano non facta ſuit mentio.



cujus in subsequētibz amplior occurrēt mentio: avolat vero pars nūc dictae calcis una cum vapore illico exposito in auras, in halitum subtilem, florum exilissimorum sub forma adtenuatum.

§. 1195.

CALX grysea antimonii paratur, operationem legitime describente Cl. BAUMEO, sequenti ratione: antimonii crudi portio quaedam contunditur in pulverem, inspergitur hic patinae majori planaeque terreae (*tegmine non obductae,*) inponitur patina baculis ferreis in furno firmatis, atque ignis ea intensitate subministratur, ut fumos eructet antimonium. Avolat sic calore ignis actum sulphur, regulinae parti in antimonio crudo prius junctum; quum vero in fluxum hac ratione sulphur facillime abeat, partis quoque semimetallicae antimonii fluxilitatem promovet, atque hanc ob rationem pulvis in grumulos coire incipit; protrahitur operatio tamdiu, donec vapores non ultra adscendant: teritur massa in pulverem, calcinationi denuo subjicitur, atque sic tostio producit tamdiu, quamdiu pulvis in grumulos concrevit, & naribus adnotus odorem sulphureum adhuc exhalat. Frigescit demum, tufus, colore subgryseo donatus cernitur, unde & nomen calcis gryseae antimonii eidem fuit inpositum; regulina pars in veram calcem sic mutata fuit; fugato, ignis actione, primum sulphure, quo redacta fuerat in antimonium crudum; fugato & simul phlogisto, cujus beneficio calx haec regulum metallicum constituerat. Monet simul Cl. BAUME, sub finem operationis pulverem saepius agitandum, ignemque intendendum esse, ut remissius candeat, quum sulphur arte satis cum semimetallo connexum sit; et si quidem nec hac encheiresi divelli omne queat, atque praec-



praesentia ejus sub confectione tartari emetici in conspectum denuo veniat.

§. 1196.

Dum operationi huic major simul antimonii quantitas subjicitur, vapores ascendententes tum sulphuris, tum principii phlogistici in unum juncti insigne fanitati adferre queunt detrimentum; unde satis adparet, caute operationem illam instituendam esse; minor tamen antimonii dosis, nisi laboratorium fuerit exiguum, & caminus libero aëri non optime pateat, vix quid incommodi excitabit.

§. 1197.

ANTIMONII vero calcinatio hac ipsa diversa ratione ab Auctoribus variis instituta fuit; quae tamen omnes eo solum tendere debent, ut & sulphuris, & phlogisti pars, quantum fieri queat, maxima abigatur. Methodus illa, qua, praeeunte primum, ni fallor, LEMERYO, antimonium ope radiorum solarium calcinari jubetur, nullam, uti facile conjici potest, praerogativam meretur, nisi fors eam excipias, quod operator oculorum destruat aciem.

§. 1198.

Ex uncia una cum dimidia antimonii unciam unam calcis gryseae obtineri, *Cl. WALLERIUS* monuit; calcem vero hanc igne diutius tortam ponderis incrementum capere, aliis observatis constat; quod augmentum ex iisdem causis, uti augmentum ponderis calcium plumbi, repeti debet; quae vero illae sint, disceptatum dudum, nondum evictum fuit; mihi sal-



tim ex adlatis theoriis omnibus sufficiens, visa fuit nulla. *V. caput de PLUMBO.*

§. 1199.

SUB calcinatione reguli antimonii libra hujus, notante HOMBERGIO, drachmis binis cum dimidia; notante Urbano HIAERNE unciis binis cum drachmis quinque, & scrupulo uno; notantibus aliis uncia circiter una aucta fuit: caeterum & magis minusve protracta calcinatio, adcurator sulphuris & phlogiston abstractio discrimen in calculo adferre queunt. Augmentum ponderis alii prorsum negarunt.

§. 1200.

IGNIS sub praeparatione calcis hujus gryseae antimonii, seu, ut alii vocarunt, *antimonii incinerati*, regendus ita est, ut nec remissus nec intensus nimium sit, quum alias vel sulphur & phlogiston magnam partem intricatum remaneat, vel vero antimonium in grumos, aut massam unicam confluat.

§. 1201.

ABSURDA satis observatio est, quam Io. Christ. RIEGER in *Introductione ad notitiam rerum naturalium & artificiarum*, T. I. v. ANTIMONIUM, pag. 659. adtulit: quum, ait, fundendo calcem gryseam antimonii cum addita aliqua materia inflammabili, v. g. tartaro, carbonibus, oleo lini, olivarum, illa redeat rursus in regulum antimonii, nonne hinc concludere liceret, partem alteram sulphuris, scilicet phlogiston, seu inflammabile, tantum inter calcinandum fuisse expulsam, non vero alteram, quae est acidum

dum vitriolicum; nam hoc non redditur, nec cum tartaro, nec cum carbonibus, aut oleo lini, vel olivarum. — Inepte hic adsumsit RIEGER, ad reproductionem semimetalli acidum vitrioli esse necessarium, quod tamen nec in metallo nec in semimetallo ullo unquam requiri, aut praesens demonstrari posse, ex antea dictis (*v. imprimis caput de METALLIS IN GENERE*) abunde patuit. Nec feliciora sunt quae subdidit: sed hinc, ait, forte poterit vero similis duci conjectura, quod acidum vitriolicum antimonii parti metallica adhaerens, nec calcinando expulsum, causa sit drasticarum virtutum in praeparationibus antimonialibus, post expulsum oleosum, quod spicula acidi illius irretierat in antimonio integro virulentiae experte.

§. 1202.

MISSIS his observationem inferere liceat tum volatilitatem, tum dotem colorantem antimonii satis evincentem. Dum *Proskovii Silesiae Borussicae* degebam, calcem antimonii gryseam paraturus, antimonium hungaricum quod unquam vidi optimum, in pulverem grossiorem tustum, patinae amplae terreae non loricatae inspersum exposui in summo furni, cui vasa psevdomurrhyna excoquenda committuntur, loco, ut sic experiretur calorem nec violentum nimis, nec remissiorem; exposui vero simul vasa bina, quibus pro excipiendo potu Coffeae utimur, tegmine albo (*weiße Glasur*) in pollinem subtilissimum laevigato, aqua in pastam molliorem redacto, inducta, ad sex vel septem pollicum ab illa patina distantiam. Ostium furni, more solito, lateribus obstructum dein fuit, atque ignis per legitimum, & pro vasorum excoctione requisitum tempus productus. Reserato, altera die, furno inveni antimonium meum in calcem gryseam



feam probe verfum, vasorum autem illorum ambo-
rum tegmen colore flavente undique penetratum, ac
si antimonium ipsi pastae admistum fuisset. Confir-
matur itaque tentamine hoc observatio *Cl. SAUNDERS*,
sub praeparatione antimonii incinerati, seu calcis gry-
seae partem quoque substantiae metallisae una cum
sulphure avolante discedere.

§. 1203.

ADDUXISSE hac occasione non oberit experimen-
ta alia, ad eandem rem facientia, quae in *Biblio-
thecae physico medicae Wratislav. 1776. edit. vol. I.
p. 80. sqq.* jam exposui. Paravi scilicet detonationis
ope ex parte una antimonii hungarici paulo antea
descripti, & partibus duabus cum dimidia nitri *cal-
cem albam antimonii*, seu *sibium* sic dictum *diapho-
reticum*, de quo in subsequen-
tibus agam latius. Li-
beravi hoc summa cura ab adhaerente omni vel levif-
simo salino. Massam niveam, prorsus inspidam,
siccatam, tritam, commiscui cum sufficiente quantita-
te fluxus, ex minio, borace, & crystallorum pul-
vere. Exposui miscelam in crucibulo accurate clau-
so igni furni anemii. Obtentum exin encaustum,
coloris ex albido, subflavente, virescente misti, in
pulverem comminui, hunc super vitream tabulam
cum pistillo vitreo in atomos inpalpabiles laeviga-
vi; induxi tum testis vasorum pseudomurrhynorum
(fayance) lorica alba munitis. Colorem sic obtinui
laete croceum; prout magis minusve spissae inductae
erant lineae, magis minusve dilutum.

§. 1204.

INSTITUI etiam tentamen cum eodem antimonio
diaphoretico, cui vero fluxum ante dictum, prius
seor-

Teoriam fufum, conminutum admifcui; (nam in coloribus encausticis non femper requiritur, ut massa colorans cum fluxu fundatur; quin in diverfis, v. c. in purpura minerali (*vide caput de AURO*) in colore rubro ex colcothare martiali educto, in colore violaceo ex solutionibus auri, argenti, stanni praecipitatis &c. id adlaturum effet noxam, uti numerosis hunc in finem institutis experimentis didici); eundem tamen & hic croceum obtinui colorem.

§. 1205.

OBTINUI pariter prorsum similem ex absurde sic dicta *cerussa antimonii*, seu *specifico stomachico POTERII*; ex *bezoardico minerali*, ex *materia perlata*, seu *sulphure fixato stibii*, & ex *stibio diaphoretico more Helmontiano* parato.

§. 1206.

CONSTAT ex hisce, tum ex observatione primum adlata, & ex eo, quod regulus antimonii, etsi quidem aegre, & cum dispendio ex antimonio diaphoretico reduci queat, constat, inquam, characterem antimonii in hac calce non omnem omnino esse deletum; uti nonnulli autumarunt.

§. 1207.

Non vero perspicio rationem, cur in recentissimo opere chemico: *Elémens de chymie théorique & pratique, rédigés dans un nouvel ordre &c. par Mrs. de MORTVEAU, MORET, & DURANDE, Dijon 1777. T. I. pag. 192.* cur, inquam, sub enumeratione substantiarum, ex quibus colores encaustici conficiuntur, anti-

antimonii non facta fuerit mentio, quum tamen colores flavi pulcherrimi exin habeantur, sed adductae solum terrae leviter ferrugineae. *)

§. 1208.

Dixi prius, sub ustulatione antimonii crudi vapores ascendere suffocantes sulphureos. Demonstratur vero his ipsis, praeter alia argumenta, quae in subsequenteribus occurrent sponte, jam partim compositio antimonii crudi ex sulphure, & parte regulina; reddito enim, per adjectas ad calcem gryseam substantias inflammabiles, principio phlogistico, regulus obtineri valet antimonii; misto hoc cum sulphure vulgari congrua encheiresi denuo obtineri valet antimonium crudum, nova ustulatione eosdem explosurum vapores, in eandem rediturum calcem gryseam: haec tamen alio loco exactius recensentur.

§. 1209.

CALX grysea antimonii terras lapidesque plures in scoriaceas massas, aut vitra magis minusve perfecte resolvit. Creta, Cl. WALLERIUS ait, cum calce hac fusio-

*) Les émaux qui servent à colorer ou à peindre différens ouvrages au grand feu, à former des desseins, des tableaux sur la porcelaine, sur des plaques de cuivre, d'or, ou d'argent, sont tous composés de l'émail (blanc) auquel on ajoute des terres métalliques, propres à fournir des couleurs différentes plus ou moins foncées: — — — on emploie pour les jaunes des terres légèrement ferrugineuses.

fusioni exposita vitrum opacum, splendens, arena flavum, gypsum flavescens praebet.

§. 1210.

Dum verò calx haec eadem abs ullo alio additamento igni furni anemii, aut follium ope animato in crucibulo exponitur, confluit in vitrum, quod, ob colorem suum, & substantiam, cui debet ortum, *vitrum antimonii*, *vitrum antimonii hyacinthinum*, *succinum antimonii*, vel *hyacinthus antimonialis* dictum fuit.

§. 1211.

ETSI vero sola calcis gryseae fusionem, quin aliud adjiciatur corpus, vitrum antimonii obtineri & possit, & debeat; adjicere tamen voluerunt Auctores nonnulli alia, quorum beneficio vitrificatio redderetur facilior: sic *vitri antimonii communis emetici* TEICHMEYERUS hanc adtulit formulam: recipe antimonii, inquit, pulverisati, quantum vis, extende pulverem hunc subtilem in patina terrea, non vitreata. Hoc facto, leni igne calcinandum, ita tamen, ne fluat. Hic labor valde taediosus est. Nam ignis debet esse valde moderatus, alias statim fluit antimonium. Porro pulvis constanter agitandus instrumeto terreo, fistula nempe tabaci, quo sulphur separetur, antimonium vero ipsum incineretur, & in pulverem gryseum commutetur. Quae calcinatio integrum fere diem exposcit. Calcinatum antimonium postea funditur cum borace veneta, & effunditur in tabulam planam metallicam *) ita inpetratur vitrum, rubinum colore aemulans.

§. 1212.

*) MELIUS vitrum hoc in tabulam marmoream effunditur, ob rationes non obscuras,



§. 1212.

Ad praeparationem vitri antimonii succinei mercurium vitae in crucibulo fundendum, praeter alios Auctores, idem TEICHMEYERUS voluit. Praeferri tamen debet vel antimonium incineratum, vel sale omni adhaerente adcuratissime orbatum antimonium diaphoreticum.

§. 1213.

PROPOSUIT *Cl. MACQUERUS*, ut, pro capiendo indicio protractae sufficienter vitrificationis hujus, virga ferrea inmittatur massae fusae; dum enim legitime peracta est operatio, apici virgae adhaerescit, atque, vitri vulgaris adinstar, in filum ducitur. *Cl. VIR* laminam denuo praescripsit cupream politam pro effusione vitri, circa quam illico dicta valeant.

§. 1214.

PROBE vero observat nunc citatus *Auctor*, vitra metallica pro substantiis habenda esse inter statum metallicum & terreum quasi ambiguis; atque hanc observationem vitrum antimonii, ad morem vitrorum metallicorum aliorum, eo saturationem obferre colorem, eo esse gravius, fusilius, minusque diaphanum, quo antimonium crudum, ad ejus confedionem adhibiturum, fuerit minus calcinatum.

§. 1215.

QUUM, subjungit, in usum imprimis medicum vitrum antimonii conficitur, quum & vis emeticae ad-

gradus ab exacta quantitate principii phlogistici, adhucdum inhaerentis, dependeat; vitrum hoc, legitime paratum, sequentibus instructum sit dotibus, fusilitate ac diaphaneitate gaudeat mediocri; color hyacinthinus sit, nec dilutior justo, nec saturatior; sub fusione demum nunquam non fumos eructare debet. Fumi hi, sub effusione massae in tabulam, condensantur partim in flores albos, superficiiei vitri tabulaeque adhaerescetes. Sequitur exin, ad parandum bonum & elegans antimonii vitrum requiri, ut optimus praecise & conveniens calcinationis praeviae gradus observetur; quod vero non facile adeo observatu semper est. Quodsi vero operatio tota non debite peracta fuerit, remedium tamen adhuc superest, sive protracta nimium, sive finita citius calcinatio sit. Dum enim calx fusilis justo magis est, ac in materiem fluidam, in fila non ductilem, nec diaphanam abeat, indicium habetur, calcem non satis diu calcinatam fuisse; minuendus tum ignis est, operculum à crucibulo tollendum, ac exitus relinquendus liber fumis avolantibus per aliquod tempus; facto hoc massa in igne validiori detineatur diutius, atque sic vitrum obtineri demum poterit bonum. Si vero, ex obposito, calx probam fusionem renuat, calcinationem fuisse nimis diu productam, denorat; injicienda itaque decima sexta circiter pars, ratione ad pondus massae totius habita, antimonii crudi, atque misceta haec citae fusioni illico subjienda. Largitur dosis illa exigua antimonii phlogiston exustae nimis calci, quae hinc fusilior fit, & in vitrificationem pronior, largitur praeterea & sulphuris partem, quod eundem effectum gignit, certum enim videtur, vitrum antimonii sulphuris partem nunquam non in amplexibus suis recondere.

CALX, confectioni vitri antimonii subijcienda, cuius indolem refractariam antea perspeximus, ignis gradui violentissimo abs ulla mora subijcienda est; diu enim in crucibulo haerens refractaria magis magisque fit, quum magis magisque denuo exuratur: ratio haec subin obtinet, cur vitrum legitimum non obtineatur, atque tum inmerito adsumitur, calcem ante vitrificationem jam nimis fuisse usam. *Hactenus Cl. MACQUERUS.*

CIRCA vitrum antimonii retulit *Cl. BAUME*, parari hoc magna copia in quibusdam officinis; contineri vero in tali vitro copiam sat magnam sulphuris; separari denuo id ab illo posse, si vitrum ope cremoris tartari solvatur, uti in confectione tartari emetici fieri solet. Suspiciatur simul, sulphur hoc adjectum consulto fuisse ab operatoribus, ut ejus interventu calx antimonii eo citius in fluorem deduceretur.

PROBE meminit *Cl. SAUNDERS*, vitrum antimonii, quum in antimonio incinerato, tum & in metallorum eroco calcinationis gradus plurimum diversus obtinere queat, vitrum, inquam, antimonii jure merito praeferri illis debere, quum indicia certa dentur, quibus, an legitime paratum sit, detegatur. Quo magis, ait, diaphanum, quo pallidius rubrum vitrum hoc, eo melius erit. Saturate vero rubrum, & partim opacum calcem antimonii non satis fuisse exustam demonstrat. Proorsum obscuro colore donatum, & lacte-

lactescens calcem nimis igne tortam, atque vitrum inde paratum irresolubile futurum menstruis evincit.

§. 1219.

CL. *Vir* HUXHAM dotem antimonii emeticam ex figura substantiae hujus aciculari, lanceolata, mechanice exponere voluit, qua nimirum partium figura ventriculus irritatus in contractionem ciceretur, atque flo contenta fursum demum ejicere deberet. Quum vero & vitrum antimonii emeticum validum sit, indagavit, an & hic spicula illa demonstrari possent. Difficilius multo, ait, praesentia spiculorum regulinorum in antimonii vitro demonstratur, ea potissimum forma, quae, uti ego opinor, ad emesin excitandam requiritur, quum tamen vitrum hoc inter praeparata antimonialia sit validissimum. Spicula illa, seu aciculae in vitro ipso quidem oculis cerni sane non possunt; visibiles tamen redduntur, si vitrum cum vino ad solutionem digeratur, tumque guttula solutionis fragmini vitri communis instillata microscopio subjiciatur. Vitrum praeterea antimonii una cum tantillo sulphuris in regulum fusum, formam acicularem manifeste refert. Antimonium in calcem versum, igne moderato fusum, massam exhibet, regulo semistriato vitroque compositam; ut adeo exiguum inter haec intercedat discrimen.

§. 1220.

VITRUM, prosequitur HUXHAM, antimonii ceratum (de quo mox agetur) pro sententia mea pariter militare videtur; cera enim fors particulas regulinas acuminatas solummodo obvolvitur: tum demum & copia major sulphuris cum arsenico albo fusa, cuspidem



arsenicales obducit, & arsenici vim noxiam plurimum infringit: atque sulphure ipso vitrum antimonii in speciem reguli longe mitioris vertitur.

§. 1221.

SENTENTIA haec HUXHAM ingeniose quidem satis excogitata est, interim tamen adsumpta magis, quam demonstrata abs dubio dici debet; atque hoc quidem de virium medicamentorum per figuram determinatam particularum minimarum expositione in universum statuendum videtur; exceptis solum illis substantiis, quae vi manifeste mechanica agunt, atque, uti v. c. vitrum grossiuscule tufum, *venenorum mechanicorum* classi optime inferuntur.

§. 1222.

PROPOSUIT Cl. VOGEL 1757., defendente Frid. Iust. MUELLERO, *analecta chemica de vitro antimonii*, eaque in *opuseulis medicis selectis* &c. 1768. recognita & aucta excudi fecit. Adtulisse juverit ex illis praecipua.

§. 1223.

SUA initium analectorum horum Cl. VOGEL fusius evincit, vitri antimonialis primam descriptionem altius, quam quidem vulgo solet, repetendam esse; conveniunt quidem in eo omnes, quod seculo sexto & decimo propalatum fuerit; monente CAESALPINO, anno 1596. nuper ex antimonio parasse lapillos translucidos, rubentes ac flavos, hyacintho aemulos, quod *antimonium praecipitatum* vocarent, quam sen-

sententiam & MATTHIOLUS, & WEDELIUS & alii fuerunt sequuti.

§. 1224.

ENIMVERO, *Cl. Vir* prosequitur, antiquioris esse originis hoc vitrum, ex *BASILII VALENTINI*, aut quisquis hoc nomine latere voluerit, monumentis probari posse videtur. Is enim mentionem vitri ejusque praeparationis non aequae tantum luculenter, ac *MATTHIOLUS* jamjam fecit, sed hoc quoque, quod maxime e re nostra est, addidit, se tyrones solummodo confectionem ejus in praesenti edocere velle, quum apud magistros artis ea satis superque jam pervulgata sit; jam vero inter omnes constat, circa exitum seculi decimi quinti *BASILIIUM* floruisse; manifestum est ergo, vitrum nostrum seculo minimum esse antiquius, ac abs supra memoratis viris fuit habitum &c.

§. 1225.

IAM ad ipsam vitrum hoc conficiendi methodum. Quum ea satis intricata sit, nec semper vel exercitatissimis artificibus aequae succedat, uti ex ipsis eorum testimoniis conficitur, *Cl. Auctor*, qua illud perfecit, rationem sequentibus exponit.

§. 1226.

ACCEPIMUS, ait, antimonii crudi subtiliter triti, libram dimidiam, eamque mediocri igne in vase terreo plano, intus vitro obducto, calcinavimus, hac cautione, ut stibium haud liquaretur, sed fumum duntaxat spargeret. Idem fistula tabaci assidue agitavimus, ut aequaliter calefieret, neque conresceret.



Elapſa horula, in vapores demum ſulphureos anti-
 monium reſolvi, eodemque paulatim copioſiores
 denſioresque eruſtare coepit, nares ſubinde propter
 acrimoniam ad ſternutandum concitantes. Altera ho-
 rula in grumos paulatim concrevit pulvis, continuo
 licet fiſtula conmotus, exitu vaporum ſub hac con-
 cretione paulliſper inminuto. Ob quam cauſam exem-
 tum eundem e vaſe ſubtiliter in mortario aurichaleo
 contrivimus, calcinationem poſtea ante dicto modo
 per integram horam & dimidiam reiterantes. Quum
 ſic copioſum fumum pulvis denuo ſpargeret, iterum-
 que tamen, ut priori vice ſucceſſive conglobaretur,
 hora circiter elapſa ſecundum contrivimus eundem,
 & binis horis poſt, tertium. Eo intervallo, quod
 ſecundam inter atque tertiam conminutionem interpo-
 ſitum erat, hoc eſt, hora circiter quinta, egregium
 ſpectaculum ſeſe manifeſtavit, dum pulvis flammu-
 lam coeruleam, rudiculæ motum ſequentem, primo
 in obſcuro tantum loco viſendam, poſtea vero etiam
 in lucido, admota candela, eruſtabat. Protracta
 demum laborioſa illa atque taediōſa uſtione per ſex in-
 tegras horas, quoad materia tertium contrita, rudi-
 culaque perpetuo conmotæ, neque amplius in grumos
 denſaretur, neque vaporis quidquam ſulphurei am-
 plius ſpargeret, ex toto licet igneſcente fundo vaſis,
 calcem in cinereum pulverem mutatam exemimus,
 eandemque protinus crucibulo inmiſſam, per tres ho-
 ras igne fuſorio uſſimus, ſic, ut crucibulum tegulo
 conſectum multis prunis non modo cinſum eſſet, ſed
 & in ſuperiori parte iſdem obrutum. Quo tempore
 elapſo, materiem in mortarium aurichalceum effun-
 dentes, fragilem quidem eam ac ſplendentem, at non-
 dum hyacinthini coloris, ſed nigri deprehendebamus,
 pondere quinque unciarum; crucibulum autem intus
 pulvere tenaciter adhaerente (flores antimoni vocant;)
 & vix ſeparando obductum. Ejusdem ergo vitri ni-
 gri,

gri, hoc est, nondum satis percocti, uncias quatuor cum dimidia secundum in novo crucibulo tres horas liquavimus. Quibus elapsis eam, quum tenacior adpareret, ferreoque bacillo inhaerens in filum duci se pateretur, in mortarium calefactum effudimus. Monstrabat ea quidem à refrigeratione, sub qua successive dissiluerat, subrubicundum ac pellucidum colorem in superiori superficie ad densi cultri crassitudinem; reliquum vero nondum erat diaphanum, nec rubinei coloris, sed pallide subviridis. Interior crucibuli superficies iterum obducta visebatur albicante pulvisculo, tenaciter adhaerente. Hujus ergo vitri, quod sub hac liquatione sesquiunciae pondere decreverat, uncias duas iterum horam eodem igne, qualem antea adhibueramus, liquavimus; qua elapsa illud rubini lapidis & colorem & pelluciditatem nunc optime referebat, unciam unam cum duabus drachmis & triginta septem granis pendens.

§. 1227.

ILL. STAHLIUS optime monuit, in legitima vitri rubinei praeparatione uno oculo ad calcinationem, ad fusionem altero respiciendum esse, quum calcinatio aut protracta nimis, aut citius justo subflaminata ex aequo obsit; quum & in fusione excedens calor obsit legitimae vitrificationi, uti non sat vegetus; de quo vero jam antea satis egi. Adjecit his CL. VOGEL, non impetrari calcem, ex qua vitrum dein conficitur, si commotio stibii fuerit omissa, quum alias in grumulos cogatur, ac sulphur debita non queat ignis actione fugari; omitti tamen illam posse tentaminibus didici, si in pulverem subtilem tufum stibium in ampliori patina, ita ut stratum tenuissimum nonnisi eadem inhaereat, unctioni exponatur.



§. 1228.

TEMPUS, *Cl. AUCTOR* pergit, ustioni inpendendum numeris definiri non potest, octo fere horarum spatio eandem perfecit *SALA*; integro pene die *TEICHMEYERUS* opus habuit, *LEMERY* quindecim horas consumpsit; Nos sex horis eam absolvimus. Discrimen hac in re facit diversa vis ignis adhibita — *ZWELFERUS* monuit, ne diu post peractam calcinationem antimonium adservetur, quum ab aëre adtracto alteretur, ac aegre postea perspicuitatem vitream nanciscatur.

§. 1229.

VAS, in quo perficitur haec operatio, gleba martiali omni sit immune, quale est illud, quod ex argilla pura in *Hassia* confiatur. Vasa cellensia si adhibeantur, vitrum pellucidum neutiquam obtinetur, sed massa, regulo obscuro, vel scoriis simillima.

§. 1230.

DECENTI igne adhibito haud difficulter pollen liquatur, diversos colores successivos adsumens, primo nigrum, splendentem, dein subflavum, subpellucidum, tum magis pellucens cum dilutiori rubore, denique prorsus rubicundum ac diaphanum, cumque eo densiorem acquabilioremque, quo diutius igne coquatur. Et eo usque quoque fusio protrahenda est. Temporis vero mensuram aequae parum hic ac in calcinatione determinare licet, ut vel ideo Auctorum praecepta magnopere inter se discrepent. *BASILIVS VALENTINVS* ac *LEMERY* nil prorsus definiverunt; *ANGELVS SALA* tres circiter horas requirit; *BOHNIVS* unam saltem, *MALQVINVS* dimidiam, *ZWELFERVS* qua-

quadrantem, & tantumdem etiam *MACQUERUS*; *BOERHAAVIUS* semiquadrantem duntaxat; qui vero, ut ipse fatetur, tantillo tempore non pellucidum vitrum, multo minus rubineum, sed obscure flavens ac subpellucens est consequutus. Pro fornacis enim capacitate, pro pabuli ignis copia, pro impetu ejusdem, quem alia ipsi adminicula dant, figura inprimis furni atque follis, modo longiore, modo breviori tempore opus est. Aërem serenum Antiqui requirebant ad vitrum pellucidum consequendum, quod dudum nunc explosum; unico *MALOUINO* excepto, qui superstitiose adhuc coelum serenum pro feliciore ejus conflatione desiderat.

§. 1231.

MONUIT praeterea *Cl. VOGEL* contra *MACQUERUM*, obscuritatem vitri non à calcinatione praemature finita, ut nec è diverso à majori ejus vi pelluciditatem dependere; utrumque potius unum & solum ignem fusorium praestare, illic moderatum nimis, hic satis validum; adeo ut, fide *SCHROEDERI*, rubicundus vitri color repetita fusione elegantior reddatur. Haec vero cautio, quam *MALOUINUS* tradit, servanda est, ut ne plus simplici vice eodem catillo utamur; quum antimonium perinde, ac vitrum saturninum, materiem vasis adgrediatur, posteaque per eam penetret. *)

O 5

§. 1232.

*) *DOTEM* hanc antimonii, terras exedendi ac resolvendi, validam adeo saepenumero sub fusione colorum encausticorum, ad quae antimonium receperam, deprehendi, ut unica vice ad duarum vel trium linearum profunditatem per ambitum forent
exca-



§. 1232.

CALX antimonii vi ignis non aequabiliter ac semel in vitrum mutatur. Pedetentim potius haec mutatio fit, ab inferiori parte incipiens. Haec vero, quum sic levior reddatur, in superiorem locum nunc transit, & totam pene superficiem occupat, ea tamen ratione, ut majori copia ad latera, quam super centro colligatur.

§. 1233.

DEXIT quidem *Cl. NEUMANNUS*, ex calce antimonii vitrum fieri non posse, conficitur tamen id ex illa indies optime; ratio vero, cur *NEUMANNUS* ex calce stibii vitrum non obtinuerit, a *Cl. VOGEL* assignatur ea, quod antimonium ille nimium exusserit, adeo ut in calcem albam prorsus verteretur; quod quidem ex eo magis adhuc elucescit, quum *NEUMANNUS* boracem, aut sulphur, aut antimonium crudum addiendum dixerit; quibus certe additamentis phlogiston, iusto magis antea abactum, restituere denuo habebat necessum.

§. 1234.

MULTO recentior, *Cl. VOGEL* profequitur, est vitri ex simplici regulo calcinato confectio, quam ex anti-

excavata, vel & foraminibus penetrata. Colores quoque tales, dum nunc violentissimo igni, qui hic omnino requiritur, haerent expositi, ebullire magis solent; quod in aliis coloribus, quae v. c. smalta, veneris calx, aut ferri, aut vitriariorum magnesia &c. ingreditur, non adeo observatur. Vidi quoque ab antimonii vitro magis adhuc quam ab ipso saturnino tigilla subin fuisse erosa.



antimonio. Nec BASILIUS VALENTINUS, nec MATTHIOLUS, nec LIBAVIUS ejus fecerunt mentionem, sed ANGELUS SALA, sub initium seculi decimi septimi florens, primum illud perfecisse videtur.

§. 1235.

MONET Cl. VOGEL, multum abesse, ut ex toto regulus in vitrum mutetur, sed partim solum in illud transire. Experimenti causa detinuit pulveris reguli quatuor uncias super fornace anemia in patina, versans subin rudicula eundem, igne jam subposito fumos eructantem, donec fundus patellae canderet. Pulverem satis calcinatum ac refrigeratum examinavit, an pondere foret auctus, uti KUNCKELIUS, STAHLIUS, FREINDIUS sqq. fieri monuerunt, atque pondere quatuor scrupulorum cum aliquot granis gravio-rem vidit. Quum vero pulveris à Pharmacopoeo missi librationem ipse non instituerat, neque adeo certus esse poterat, numne pondus assignatum extra omnem positum foret controversiam, dubius haesit, an explorationi posset fidere. *) Inmissum pulverem in cruci-

*) In addita vero nota retulit sequentia: Panno accuratius librationem repetivimus, quum in meis olim experimentis nullum incrementum, quin decrementum potius animadvertissem. *vid. Programm. de increment. ponderis corp. calcinat. &c.* Totidem igitur uncias, quas exacte antea ponderaveramus, super prunis per horam & quod excurrit, denuo calcinavimus, versando subin pulverem bacillo, quoad patella ignesceret. Qua ratione omnino duos scrupulos cum dimidio supra pristinum reguli pondus sumus assecuti, Ut studioso



crucibulum intra prunas posuit, ignem paulatim augendo, catinumque operculo tegendo, & prunis etiam obruendo, ut ad puritatem vitri percoqueretur. Finita hora prima à fusione nonnihil vitri rubinei, demisso ferreo filo, jam obtinuit; & postquam per tres horas fusio continuata esset, quartam circiter partem reguli in vitrum rubrum ac pellucens conversam vidit, quem protinus effudit, persuasus, nil ultra reguli vitrificatum iri. Ut vero certior rei hujus redderetur, aliam portionem reguli calcinati, ejusdem ponderis, in furnum folle instructum immisit, adhibita antea fornace anemia, per sescui horam debite liquavit, sicque primae jam dimidio horae nonnihil vitri rubinei pellucens, quod fistulae demissae adhaerens in longum filum ducebatur, consequutus fuit. Sperans fore, ut, si folle ulterius ignis intenderetur, totus regulus paulatim in vitrum commutaretur, per integram horam eundem quidem adhuc agitavit, nil tamen ultra adeptus fuit: vitrum adeo viscosum erat, ut nihil ejus è crucibulo efflueret; regulus autem, qui immutatus manserat, tres uncias ponderavit.

§. 1236.

diose vero experimenta mea olim institueram, neque tamen non superpondium in praesens deprehendi, scrupulose circumspicere jam incepti causam, quae istam diversitatem efficeret, & deprehendi, in calcinationis modo unice eam esse positam, quum illic regulum in catino fusorio ussifsem, & agitationem utpote supervacuum omissem. Nolui ideo necessearium hoc monitum dissimulare, ut quisque advertat, quanta circumspectione & prudentia vel in levissimis laboribus opus sit, quum & adparatus & levis encheiresis omisa totum nonnunquam opus moretur.

§. 1236.

CONCLUSIT *Cl. Vogel* ex tentaminibus hisce, perfectam reguli vitrificationem esse impossibilem; in cuius rei demonstrationem & illud adfert, vitrificationem antimonii proprie sulphurei solum substantiae hujus partibus, non omnibus quidem illis, sed determinatae saltem quantitati deberi, quum antimonium nimis exustum aegerrime fluat; nunc vero regulum per se minorem multo copiam partium sulphurearum possidere, quam antimonium in calcem albam conversum, sequi hinc omnino, ἀδύνατον esse, ut ex toto regulus in vitrum convertatur, sed tantum ejus saltem, quantum à pauxillo phlogisti, ipsi inhaerente, disponi possit; his tamen non obstantibus, reguli calcinationem pro vitrificatione ejus partiali adeo esse necessariam, ut abs ea ne miculam quidem vitri adsequaris, sed totus regulus fusione paulatim in fumum resolvatur.

§. 1237.

ETSI veto *vitrum antimonii* nomine cum vitro omni alio conveniat, dotibus tamen propriis non parum ab illo recedit. Neque ita fixum est, probe movente Auctore statim dicto, ac vulgare vitrum, neque ita inmutabile. Multo facilius quoque igne liquefcit, & fuliginem emittit, quae in vitro communi non observatur, utpote fixo in igne, ac non resolubili in principia: tum & in formam metallicam reduci ex facili valet, ac permultis liquoribus, è minerali aequae, ac vegetabili regno adficitur, iisque simul emeticam conciliat proprietatem.

§. 1238.



§. 1238.

ADJICIUNT aliqui, ut vitrum hoc obtineant rubicundius, & limpidius, vel tantillum sulphuris, vel ad calcis antimonii uncias tres antimonii crudi drachmas duas &c. Deprehendit vero *Cl. VOGEL*, in suis laboribus contrarium potius obtigisse, ita ut vel rubineum vitrum nigerrimum inde factum sit adjecto sulphure, neque vitrum adhuc nigrum pelluciditatem cum rubore adsequutum, sed pristinum potius nigrorem retinuerit, quin multo nigricantius compa-ruerit; quod experimentis hunc in finem institutis fufius evincit. Circa antimonium crudum, quod *MATTHIOLUS* pro depuratione vitri nigri commendavit, veritus jam est *SCHROEDERUS*, ne pelluciditati potius obesset.

§. 1239.

ENARRATIS his recenset *Cl. VOGEL* tentamina varia, quae circa solubilitatem vitri antimonii in diversis menstruis instituit; quorum compendium nunc adferam.

§. 1240.

ACETUM, ait, *vini destillatum*, quum ad coctionem super vitro antimonii contuso redigitur, tantam subit cum ipso ebullitionem, ut explosivam eam diceres. *) Ascendunt nempe de fundo copiosae bullulae cum

*) AGNOSCERE itaque videtur *Cl. AUCTOR*, praeter motum a decoctione oriundum, & alium quemdam effervescentem; quum tamen paucas ante lineas dixerat, in universum quidem nullum ex menstruis vitro adfusis effervescentiam movere.

eum fragore haud exiguo, eademque liquorem illum, qui circumdat eas, ad digitum fere supra superficiem adtollunt, deindeque paullo altius adhuc dispergunt. Acetum autem deponit naturalem suum colorem, & prorsus album (excolor) aquae instar, redditur. Etiam pulvisculus in fundo subsidens colorem suum sublavum mutat, & gryseus adparet. Illud vero aliquot diebus post colorem suum naturalem recuperat, & praeterlapsis aliquot hebdomadibus cuticulam tamen in superficie monstrat, hinc inde disruptam, & variis pictam coloribus. Oleum tartari per deliquium nil inde praecipitat.

§. 1241.

Utrum hoc aquae forti immersum super prunis incalcescit, granula quasi quaedam ipsius ad superficiem protruduntur, membranulam efformantes albicantem, cremoris calcarei similem; quae vero, protracto calore ad ebullitionem usque, iterum dispareret. Ipse liquor autem, quousque ebullit, lateum prae se fert calorem. Finita coctione, omnis pulvis protinus ad fundum descendit, albicantis coloris, protinusque in membranulas concretus, & majus aliquando volumen prae se ferens. Paullo post etiam spiritus colorem suum naturalem monstrat, totus limpidus & purus, sic, ut etiam a salis tartari liquore nihil turbetur.

§. 1242.

SALIS communis spiritus, accedente coctione, valde bullit super vitro, & nonnihil ejus, membranulae forma, impetu adtollitur, huc illuc in liquore agitatum. In fundo quidpiam simul dissolvi
vide-



videtur; reliqua vero portio spongiosa & albicans adparet. Ipse spiritus nullo modo inde tingitur, sed perdit potius colorem suum naturalem, subflavescentem, & albicans fit instar aquae. Altero vero die post dimidia ejus pars superior illum iterum consequitur, & successive quoque inferior. In fundo autem visuntur multa spicula salina, teretia, dimidium fere pollicem longa, & plumosa parum; aliqua etiam ex ipso vitro quasi efflorescunt; quae cuncta, calore admoto, adtolluntur, liquido innatantia. Frigido loco crescit eorundem copia, sic ut se mutuo, inordinate tamen, adtingant, & à fundo vitri usque in medium & paullo supra eleventur, struem quasi quamdam columnularum salinarum repraesentantia. Aliquamdiu, admoto calore, eadem, quotiescunque lubet, dissolvuntur, postmodum vero minus; tuncque figuram suam crystallinam prorsus exuunt, ac in mucum resolvuntur, nubeculam laxam albicantem repraesentantem. Ex superstante & filtrato liquore limpido oleum tartari per deliquium, perinde atque aqua & spiritus vini tartarificatus, particulas albas regulinas, mercurio vitae similes, extrudit; ea tamen diversitate, ut spiritus vini actio longe debilior sit, neque, quod decedit, adeo flocculentum, quam quod aqua fuit dejectum, sed multo tenerius adpareat.

§. 1243.

Dixit olim LEMERY, vidisse se vitrum antimoni maximo impetu, adeo ut ebullitio accesserit, solutum fuisse ab aqua regia, orta ex unione spiritus nitri, quocum vitrum antea digestionem exposuerat, cum dimidia portione spiritus salis: repetens experimentum Cl. VOGEL, nullam prorsus ebullitionem, multo minus fervorem se observasse, testatur. Neque quid-

quidquam aut aqua, aut spiritus vini tartarizatus inde ad fundum deiecere: quae quidem diversitas ex diversa methodo parato vitro antimoniali partim dependere poterit.

§. 1244.

QUEMADMODUM, saepe citatus Auctor pergit, hi memorati liquores plus mutant vitrum, quam ut ab ipso mutantur; ita *vitrioli oleum*, de quo nobis adhuc dicendum restat, magis à vitro alteratur, quam hoc ab illo. Observavimus enim, postquam oleum cum vitro coxeramus, illud refrigeratum grumosum inde factum esse, & melleam quasi consistentiam adsequutum, omni licet vitro antimonii ad fundum haerente: neque fuscus olei color, qui alias coctione perire consuevit, sic dissipatus fuit. *)

§. 1245.

NITRUM praeterea admiscuit antimonii vitro optime percocto, seu rubro, pari portione, miscelam in crucibulum intra carbones positum candefactumque coniecit, exploraturus, an detonatio aliqua contingeret, quam fieri *Cl. HUPHENSUS* adseruit. Nil tamen detonationis animadvertit. Experimento dein adhibens

*) SINGULARE vero hoc adeo non videtur, quum, phlogisto in antimonii vitro antea contento olei vitriolici amplexus subeunte, color limpidus redire in liquido minus certe potuerit; quod vero sit, dum phlogiston in acore hoc alias latens vi ignis sub decoctione destruitur, non accedente nova illius dosi, v. caput de VITRIOLO.



bens vitrum nigrum, seu crudum adhuc & majori phlogisti copia scatens, ea ratione, ut nitrum antea liquaretur, posteaque vitrum contritum injiceretur, nihilominus tamen ne sic quidem ullam detonationem percepit.

§. 1246.

Quum vero, non obstante nunc dicto tentamine, partium sulphurearum, uti eas vocat, seu potius phlogisticarum praesentia in vitro antimonii aliunde nota sit, & abstractione olei vitrioli super antimonii vitrum genuinum sulphur generetur; monuit, à detonationis defectu minus recte vulgo conclusionem fieri ad defectum phlogisti in corporibus. Quae sententia *Vogeliana* tum illis, quae in *capite de Nicolo* adferentur, tum, praeter alia, & experimento singulari, hunc in finem à me excogitato, confirmari videtur, dum antimonium vi detonantis nitri phlogisto omni orbatum, seu antimonium sic dictum diaphoreticum (de quo mox agetur) post detonationem longae calcinationi expositum colorem tamen flavum probe dedisse vidi.

§. 1247.

Dixit cum LEMERYO STAHLIUS, vitrum antimonii cum duplo triploque *nitri* fusum in antimonium diaphoreticum transire. Contrarium denuo statuit *Cl. Vogel*, quum nitrum, detonationem cum antimonii vitro non subiens, in textura sua prorsus non alteretur, neque adeo vitrum in calcem regulinam queat mutari. Testatus praeterea de compositione hac fuit LEMERY, eam ad quatuor vel quinque grana vomitionem eiere, & alvum dejicere, quae dotes

dotes ab antimonio diaphoretico sunt omnino alienae.

§. 1248.

HIS vero admissis omnibus per experimenta scio, vitrum antimonii in stibium diaphoreticum verti sane posse, etsi non accedat detonatio, dummodo exigua prioris dosi multo majori dosi posterioris admisceatur, atque totum violentioris diuque protracti ignis ope calcinationi exponatur. Interim tamen lubens fateor, methodum hanc pro parando antimonio diaphoretico utique non fore adaequatissimam. Unde *Cl. VOGEL* facti possibilitatem non ex integro negare debuisset.

§. 1249.

FLORES regulini, sub vitri fusione adscendentes, vasique adhaerescences, in tigillum candens cum nitro coniecti, detonationem non excitarunt, neque in altum amplius adscenderunt.

§. 1250.

SI quid, sub finem dissertationis *Cl. VOGEL* ait, unquam rationi ut cum maxime consentaneum videatur, certe hoc puto erit, quod antimonii vitrum permixtum *mercurio sublimato*, ab hoc in butyrum, ut vocant, admoto igne dissolvatur, utique quum id *STAHLIUS*, cui plenam fidem plerique habent, profiteatur. At nihil magis esse, quam hoc, falsum, experimenta nostra bis repetita nos docuere. Haud adgreditur sal vitrum nostrum, uti quidem regulum adgreditur, quem frigido loco adeo ad deliquescentiam disponit; neque vicissim vitrum ipsius mistio-



nem igne disjungit; sed id totum quantum iterum in altum fertur, relicto omni vitro. Videtur equidem STAHLIUS errorem suum postliminio agnovisse, quum alicubi contrarium testetur, nempe antimonii vitrum mistione cum mercurio sublimato atque destillatione in butyrum haud secedere. At loquitur tamen hoc loco duntaxat de vitro illo, quod ex regulo paratur, eoque repetita calcinatione destructo, ex sua quidem sententia.

§. 1251.

VIRORUM demum Cl. fide constat, *vitrum antimonii* parari certis encheiresibus posse ex *cerussa antimonii*, *bezoardico minerali*, *antimonio diaphoretico*, *hepate antimonii elixiviato*, seu *croco metallorum*, *antimonii regulo medicinali*, *residuo Kermetis mineralis*, ac *mercurio vitae*.

§. 1252.

CIRCA vitrificationem *mercurii vitae* pro coronide Cl. VOGEL adtulit sequens tentamen. Liquatur mercurius vitae paucio intervallo, magnamque vim vaporum eructat, qui suscepti iaverso crucibulo in tenerrimas crystallos concresecunt. Ipsa vero calx quo plus fumat, tanto magis successive indurescit, ita, ut omni fumo cessante vix fortiori igne liquetur. Quapropter, quum pene vapores non amplius efferri videas, materiem protinus effundito. Vitrum sic obtentum erat fragile, coloris ex flavo albicantis, & ad marginem succinei ac pellucidi: idemque diffractum in medio quasi globulum reguli continebat, hac fusione reducti. Ratus quidem Cl. AUCTOR fuit, dilucide confirmari tentamine hoc ipso adsertum suum
restit-



restitui aliquando calces metallicas, liquoribus acidis paratas, sola fusione, absque adjecto corpore alkali-
no; ast, praeter alia, quae hic in considerationem ve-
nire queant, non adtendisse videtur, mercurium vi-
tae non omni phlogisto esse orbatum ex integro, uti
certis demonstratur instantiis.

§. 1253.

DESCRIPSIT in *dissertatione inaugurali*, Vindo-
bonae a. 1767. sub titulo: *diff. inaug. chem. medica
de solutione reguli & vitri antimonii in diversis vi-
nis hic loci cognitis*, Cl. Ioan. Petr. Xav. FAUCKEN
experimenta varia, quorum ea, quae solutionem vi-
tri antimonialis concernunt, nunc, reliqua vero, ubi
de regulo antimonii sermo erit, adferre volui. Ad-
ductus ad examen hoc Cl. VIR imprimis ea ratione
fuit, quod videret, saepius in Pharmaciis *aquam sic
dictam benedictam Rulandi*, nec non *syrupum eme-
ticum* ex hac praeparatum, in formulis praescribi,
quin tamen dosi vitri antimonii in his praeparatis
praesens ipsis esset cognita, quum interim sine co-
gnita dosi hac maximum instet periculum tale quid
exhibendi.

§. 1254.

EXPERIMENTIS adhibuit vitrum antimonii hya-
cinthinum minutissimum in pulverem tritum, ad
praescriptum Dispensatorii Vindobonensis factum;
vina praeterea sincerissima; tockaviense, hispanicum,
champaniense, burgundicum, rhenanum, mosella-
num, budense, austriacum.



§. 1255.

SILENTIO hic praeterire debeo, quae Cl. Auctor adnotavit circa cautelas ratione vasorum, filtri, examinis per stateram &c. ipsorum tentaminum nunc relaturus eventum, ordine quo in libello cernuntur exposita.

§. 1256.

VINI *austriaci* uncia una stetit cum vitri antimonii hyacinthini granis quatuor in digestionem frigida per 24. horas; soluta sic fuerunt grana duo cum una quarta parte grani unius.

VINI *champaniensis* unc. 1. digest. frigide, (quod per omnia reliqua experimenta dictum sit,) cum vitri antim. gr. 4. per 24. horas; soluta gr. 3. cum $\frac{1}{8}$ gr. 1.

VINI *rhenani* unc. 1. digest. cum vitri antim. gr. 4. per 24. hor.; soluta gr. 2.

VINI *mosellani* unc. 1. digest. cum vitri antim. gr. 4. per 24. horas; solutum gr. 1. cum semisse.

VINI *burgund.* unc. 1. digest. cum vitri antim. gr. 4. per 24. horas; solutae $\frac{3}{4}$ gr. 1.

VINI *budensis* unc. 1. digest. cum vitri antim. gr. 4. per 24. horas; solutae $\frac{10}{16}$ gr. 1.

VINI *hispanici* unc. 1. digest. cum vitri antim. gr. 4. per 24. horas; solutum gr. dimidium.

VINI *tockaviensis* unc. 1. digest. cum vitri antim. gr. 4. per 24. horas; solutum aliquanto plus $\frac{1}{16}$ parte gr. 1.

§. 1257.



§. 1257.

INSTITUIT praeterea *Cl. FAUCKEN* tentamina alia cum vinis vitroque antimonii iisdem; adhibendo tamen majorem vitri dosin; ea ratione, ut vitri gr. 30. digesta fuerint cum cujusvis vini uncia una per 24. horas; atque tum sequentes adnotavit effectus.

§. 1258.

VINUM *austriacum* solvit vitri antimonii grana 4.

VINUM *champaniense* solvit vitri gr. 4. minus $\frac{1}{4}$ parte gr. 1.

VINUM *rhenanum* solvit gr. $3\frac{1}{2}$.

VINUM *mosellanum* solvit gr. 3.

VINUM *burgundicum* solvit gr. $1\frac{1}{2}$.

PRO sexto experimento vinum *budense* defuit, uti pro octavo *tockaviense*.

VINUM *hispanicum* solvit vitri gr. $1\frac{1}{2}$.

§. 1259.

ULTIMO demum sequuntur experimenta in binas, uti priora, classes divisa, solo dierum, quibus digestio protracta fuit, numero diversa.

§. 1260.

VINI *austriaci* unc. 1. digesta cum vitri antim. gr. 4. per 8. dies frigide; soluta gr. 3. minus $\frac{1}{4}$ parte.



VINUM *champaniense*, dicta nunc ratione solvit gr. $2\frac{1}{2}$.

VINUM *rhenanum* solvit gr. 2.

PRO quarto experimento vinum *mosellanum* defuit, uti & pro sexto *budense*.

VINUM *burgundicum* solvit gr. 1. & $\frac{3}{4}$. gr. 1.

VINUM *hispanicum* solvit gr. 1.

VINUM *tockaviense* solvit $\frac{6}{16}$. gr. 1.

§. 1261.

VINI *austriaci* uncia 1. digesta cum vitri antimonii gr. 30. per 8. dies frigide; soluta gr. 20. cum semisse.

VINUM *champaniense* hac methodo solvit gr. 21.

VINUM *rhenanum* solvit gr. 20.

VINUM *mosellanum* solvit gr. 19.

PRO experimento 5. 6. & 8. vinum *burgundicum*, *budense*, & *tockaviense* defuit.

VINUM *hispanicum* solvit gr. 4.

§. 1262.

SPIRITUS vini *alkoholisatus* nec vitrum nec regulum antimonii tetigit.

§. 1263.

VINA cum vitro aque ac cum regulo antimonii digesta medicatum quemdam habuere odorem, ac si cum resina *abietina* infusa fuissent.

§. 1264.



§. 1264.

MAJOR in omnibus vinis vitri antimonii hyacini soluta fuit quantitas, quam reguli antimonii vulgaris, *stellati* dicti; quod interim monuisse juvat, & ex adducendis inferius, ubi de solutione reguli sermo crit, experimentis patebit manifestius.

§. 1265.

IN quibusdam vinis solvitur vitrum, in quibus regulus non solvitur.

§. 1266.

Quo diuturnior digestio, eo & major ambarum substantiarum solutio.

§. 1267.

MAJORI quantitate tam vitri quam reguli adhibita, major quoque solvitur utriusque dosis.

§. 1268.

ENARRATIS hisce, vitri antimonii, tum & preparatorum, quae inde obtineri solent, historiam chemicam persequamur ulterius.

§. 1269.

IN genere nunc dictum sit, & ex adlatis patet experimentis, vitrum hoc debite paratum, ac recensitis prius gaudens dotibus, mensuris variis patere, atque hinc varia ex eo confici medicamina.



§. 1270.

OBSERVANTE Cl. MACQUERO, ab acidis, inprimis oleosis, facilius meliusque recluditur vitrum, quam antimonii regulus; unde & vim majorem emeticam substantiae hujus deduxit. Exceptionem vero ab hac MACQUERIANA thesi utique faciunt, quae (§. 1264. & 1265.) fuerunt dicta.

§. 1271.

INTER praeparata, quae vitrum hoc ingreditur, primo loco occurrit *tartarus* sic dictus *emeticus*, celeberrimum illud remedium emesin ciens, quod in manu ineptorum sycophantarum & tonsorum tot jam edidit strages, à Medico vero rationali, prudenti, doctrinaeque chemicae probe gnaro exhibitum pulcherrimos edit effectus; uti tum ex instantiis pluribus, in ANGLORUM inprimis Commentariis occurrentibus, tum & ex illis conficitur, quae circa vires egregias resolventes &c. tartari emetici Amicus omni laude major Cl. STOLL, *Praxeos medicae in Universitate Vindobonensi Professor* in *Rationis medendi tomo primo* nuper commentatus est.

§. 1272.

COPIOSISSIMAE quidem à longo retro tempore TARTARUM EMETICUM, seu *sibium tartarifatum emeticum* potius, parandi in Chemicorum scriptis occurrerunt formulae: selegi vero hic eam, ceu inprimis bonam, quam Cl. SAUNDERS in *tract. de Antimonio &c.* publici fecit juris. Recipiantur vitri antimonii optimi in alkohol redacti partes tres, crystallorum tartari partes duae. Adfundatur his aqua ea pro-

proportione, ut pro quavis uncia semis crystallorum veniat libra una aquae. Spatio duodecim horarum fieri debet decoctio, si tartari emetici libram unam aut ultra conficere velis. Liquor à decantatione residuus filtratur, per evaporationem ad siccitatem redigitur. Obtenantur sic ex unciis octo crystallorum tartari unciae duodecim tartari emetici, omni nota optimi, cujus dosin ad grana tria *CL. SAUNDERS* reduxit.

§. 1273.

OBSERVAVIT nunc citatus Auctor, tartarum emeticum ea solum ratione à sese invicem differre, quod jam major, jam minor antimonii dosis cum crystallis tartari jungatur. Evitabitur, ait, incommodum hoc, si nunquam non maxima, quae jungi queat, antimonii copia cum tartaro jungatur; seu si tartarus antimonio sufficienter saturetur. Notandum simul venit, vitrum antimonii & citius, & majori copia, quam crocum metallorum à tartaro solvi, ut adeo pro saturanda solutione vitrum hoc metallorum croco praeferrì debeat.

§. 1274.

NOTANDUM praeterea, *SAUNDERS* pergit, nec vitrum, nec crocum ex integro solvi, tum ab utroque prima vice majorem, quam in subsequenribus omnibus partem referari; unde sub confectioe tartari emetici major semper vitri antimonii, quam tartari copia recipienda venit. In *Pharmacia Edinburg.* tartari nimia dosis praescripta cernitur; *Londinenses Medici* proportionem eroci metallorum ad tartarum exactius determinarunt, minor tamen nihilofecius iusto videtur.

§. 1275.



§. 1275.

Sed non solum antimonii tartarique dosiſ exacte definienda eſt; aqua praeterea ſufficiens requiritur, & decoctio per longum ſatis temporis intervallum protrahenda eſt; facta ſimul obſervatione, à libra una aquae bullientis non niſi drachmas duas cremoris tartari ſolvi poſſe, ad actionem vero tartari in antimonium requiri praeviam illius ſolutionem. Si eam aquae copiam adfundere quis vellet, ut tartarus omnis illico ſolveretur, magnis opus foret vaſis; minor vero aquae portio ſufficere poterit, dummodo diu ſatis decoctio protrahatur, atque aquae evaporando fugatae in locum ſubſtituatur recens. Quid vero diuturnior decoctio valeat, vel ex eo ſatis patere poterit, quod tartarus per connexam ſibi regulinam partem antimonii, uti per ſalia alkalina, terramque calcaream, reddatur ſolubilior; adeo ut aqua, mediante qua tartarus primum ſolutus in tartarum emeticum verſus fuit, ſenſim majorem tartari crudi doſin reſolvere, ac ſolvendo antimonio aptam natam reddere queat; unde & diuturniori decoctione tartarus emeticus & commodius paratur, & melius.

§. 1276.

CONATI autem fuerunt Chemici, determinare doſin exactam regulinae partis in tartaro emetico per menſtrum hoc reſolutae. Adfuſa quidem ea aquae copia, quae pro ſolvendo tartaro requiritur, cauſiſſime praeterea ſolutione omni per filtrum acta, ex aucto tartari pondere reguli ſoluti copia determinari quadam ratione valet. Errores vero hic facile evenire queunt, atque iudicium exactius ab iis nonniſi ferri poterit, qui tartarum emeticum confecerunt ipſi.

§. 1277.

§. 1277.

CL. GEOFFROY tartarum emeticum quemvis additione substantiarum pinguium & alkalinarum fusioni exposuit, atque ex reducto sic antimonii regulo curatius evicit, quae hujus soluta fuerit quantitas. Chemicus quidem in arte versatus quivis analysin hanc instituere poterit; operosa tamen est, atque Pharmacopoeorum nostrorum pauci debite, ac abs errore conficere illam queunt. Hinc faciliorem & certiore methodum adferendam esse patet; atque hanc quidem solubilitas tartari ipsius emetici subpeditat. Notum enim est, solvi illum tanto facilius, quanto major reguli copia tartaro unita est; atque, facile solubilis, facile etiam vires suas in corpus humanum exferet.

§. 1278.

Quum itaque solutione tartari emetici non solum reguli in eo contenti dosis, sed & virium in corpus humanum ratio examini subjici queat; varia tentamina CL. SAUNDERS, quem hucusque loquentem induxi, suscepit, atque in libello antea citato exposuit.

§. 1279.

TARTARI emetici, methodo antea dicta facti, sub cujus praeparatione uncia quaevis crystallorum tartari tribus drachmis gravior reddita fuerat, soluta vidit in aqua frigida, aut calore solum atmosphaerae inbuta grana 52.

§. 1280.

§. 1280.

EADEM dosis aquae ex eadem quantitate tartari emetici Pharmaciae Londinensium solvit grana 38.

§. 1281.

EADEM demum dosis aquae ex eadem quantitate tartari emetici à Chemico quodam Londinensi parati solvit grana 32.

§. 1282.

MINOR adhuc quantitas tartari emetici, ab chemicis Londinensibus facti, ac in officinis Edinburgensibus venum prostantis, ab eadem aquae copia solvitur. Hactenus *Cl. SAUNDERS.*

§. 1283.

AMPLIORA observata egregia proposuit *Cl. MACQUERUS* in *Dictionnaire de Chymie*, *Art. tartre stibié, ou emetique*, quorum praecipua nunc traducta dabo.

§. 1284.

TARTARI *emetici*, *Cl. VIR* inquit, nomine unio venit acidi tartari cum parte semimetallica antimonii, parte sua inflammabili partim (*à demi*) spoliati. Inter praeparata antimonialia optima & in usum frequentissimum vocata hoc ipsum eminet; quum in eo portio metallica antimonii, cui soli vis emetica tribuenda venit, in statu salino, ac menstruis aquosis ex integro solubilis habeatur.

§. 1285.

§. 1285.

PRAEPARATUM hocce jure meritoque praelatum fuit *sulphuri aurato antimonii, regulo, hepatis, vitroque antimonii, & pulveri sic dicto algaroth;* praefereñtiam hanc ob rationes illico dictas omnino meretur; dolendum vero est, methodum illud parandi hactenus non eandem fuisse & fixam, & catholicam; etsi remedium ipsum magni adeo sit momenti. Si quis diversos circa hoc negotium adeat codices medicamentarios, inveniet, fere in omnibus diversas ab invicem praescribi encheireses; cremorem tartari omnes quidem adhibent; verumtamen hi volunt decoctionem illius cum solo hepate, alii cum solo vitro antimonii, alii denuo & hepar & vitrum simul adhibendum praecipiunt. Nec major obtinet sententiarum concordia circa dosin substantiarum, ex quibus tartarus emeticus conficitur; circa tempus, per quod decoctio protrahenda est; circa crystallisationem subsequam, aut evaporationem, solum ad ficcitatem usque massae obtentae salinae protraham. Verum quidem est, obtineri per quamcunque demum cremoris tartari cum antimonio unionem tartarum emeticum; sed & illud admittendum simul est, praeparatum hoc, prout diversa confectum fuerit ratione, diversa quoque emelin ciendi dote, jam majori, jam remissiori, fore instructum.

§. 1286.

ETSI regulus antimonii ex natura sua dote emetica gaudeat, minus tamen eandem exferit, quam hepar aut vitrum antimonii, quum minus sit solubilis. Praeparata vero haecce bina, quae nil nisi calx metallica antimonii sunt, parte phlogistica, ad regulinam
for-



formam necessaria, spoliata; eo ipso ex fundamento ab acidis facilius referantur, quam quidem regulus; atque hinc vires emeticas majores exerunt. Hepar vitro antimonii solubilitate cedit, quum illud, ratione ad copiam phlogisti habita, medio constituatur loco inter vitrum & regulum antimonii, ut adeo vitrum emeticum maxime & in acidis facillime solvendum inter omnia reliqua praeeparata antimonialia, ignis ope parata, sit.

§. 1287.

SUB tartari emetici confectione operator eo tendere debet, ut remedium acquirat emeticum antimoniale, in quo terra, seu calx, metallica unita sit acido, & hujus beneficio in aqua reddatur solubilis; hinc non obnoxia sit incommodis, quae premebantur antiqua illa emetica antimonialia, v. c. hepar antimonii, vitrum solum exhibitum, e. s. p. Maximum sane inter illa incommodum illud est, quod eventus talium remediorum nunquam non dubius maneat, ac incertus; jam enim nullum plane effectum exerunt; jam, ex obposito, violente nimis hominem, cui ingesta fuerunt, adficiunt.

§. 1288.

INCOMMODA omnia pulchre evitantur, si emetica antimonialia in statum redigantur salinum, uti sub unionem illorum cum acido tartari fit. Solubilia sic ex integro in aqua redduntur mediante hoc eodem acido; dosi exhibitae omnis eundem nunquam non producet effectum; diversitas nulla jam metuenda est, atque hanc ob causam tartarus emeticus remediis omnibus antimonialibus, quae salinae non sunt indolis, praefereendus utique erit.

§. 1289.

§. 1289.

His tamen non obstantibus evidens est, tartarum ipsum emeticum jam majori instructum fore, jam minori virtute emetica, prout major vel minor terrae regulinae tartaro unita fuerit dosi. Deprehendit *Cl. GEOFFROY* in tentaminibus suis, quae late exposita videri queunt in *Mem. de l'Academ. Sc. 1734. pag. 421.*, in tartari emetici debilissimi specierum uncia una latuisse octodecim grana reguli, validiores drachmam recludebant unam cum dimidia; fortissima vero drachmas duas integras cum granis decem.

§. 1290.

DIVERSITAS haec omnis non nisi à diversa substantiam hanc parandi methodo, ac à majori aut minori saturatione acidi tartarei per antimoniale terram poterit oriri. Evicit *Cl. BAUME* experimentis suis, facillime saturari ex integro posse acidum hoc terra regulina antimonii; quum vero inter praeparata, quae ignis ope fiunt, antimonialia omnia vitrum & emeticum maxime, & ab acido tartareo facillime solubile sit; praefendum vitrum hoc ipsum videtur in praeparatione tartari solubilis antimonialis perfecte neutrius. *)

§. 1291.

*) OMISI hic, quum jam antea ex *Cl. SAUNDERS* attulerim, descriptionem praeparationis tartari emetici, à *Cl. MACQUERO* sectioni huic insertam. Monuisse solum sufficiat, praescripsisse *Cl. AUCTOREM*, ut vitri antimonii in pulverem subtilissimum triti, & cremoris tartari partes aenae, aut, si lubeat, paulo demum major vitri copia invicem jungantur; decoctio vero per exiguum solummodo



§. 1291.

OBSERVAT, hac occasione, *Cl. MACQUER* ex *Cl. BAUME*, tartarum emeticum diuturniori decoctione sensim decomponi, si decoctio fiat in vase ferreo *) ubi sensim tinctura martis tartarizata enascitur. Vidit vero simul *BAUME*, decoqui per diuturnum tempus miscelam saepe dictam, quin ulla oriatur decompositio, in vase posse argenteo, aut vitreo; ut adeo *Cel. HOFFMANNUS* decompositionem tartari emetici spontaneam ex longiori decoctione orituram frustra metuerit.

§. 1292.

ETSI vero exacta proportio acidi tartarei ad vitrum antimonii observetur, etsi operatio tota summa cura instituat; securi tamen ex integro esse non possumus, tartarum emeticum nunquam non eadem vi emetica fore instructum; quum, ex antea dictis, varia esse queat indoles ipsius vitri antimonii, basin totius praeparati subpeditantis. Momenta haec, *Cl. MACQUERUS* pergit, me excitarunt ad disquisitionem, an non inter diversa praeparata antimonialia emetica occurreret unum, quod instructum foret omnibus

do temporis intervallum, donec solutus sit tartarus, & effervescencia cesset, juxta *Cl. MACQUERUM* protrahi deberet. Quae circa tempus decoctionis tenenda sint, ex illico dicendis patefcet.

*) NEC ferrea, nec cuprea, nec aurichalcea, & nec argillacea vulgaria, tegmine ex vitro saturnino inducta vasa pro operatione hac recipienda; sed vel purissima argentea, cupri nil recludentia; vel vitrea, vel murrhyna illis omnibus erunt substituenda, si operationem concinne perficere velis.

bus vitri antimonii praerogativis, ut acidum tartari mutare posset in tartarum solubilem antimoniale perfecte neutrum, quin tamen incerti quid illi adnexum foret ratione emeticae dotis jam majoris jam minoris, deprehendi demum pulverem sic dictum *Algaroth*, seu *mercurium vitae* scopo meo satisfacere prorsum posse.

§. 1293.

PRAEPARATUM hoc olim pro medicamento emetico adhibitum fuit adinstar praeparatorum aliorum antimonialium non salinorum; repudiatum vero dein jure una cum omnibus illis fuit, quum iisdem prorsum obnoxium sit incommodis, & symptomata excitaret terribilia adeo, ut Medici nonnulli egregii, iusta indignatione moti, non *mercurium vitae*, sed *mercurium mortis* adpellare idem non dubitarint. His tamen non obstantibus, remedium, quod male praeparatum, aut perversè exhibitum tragicos edidit effectus, egregium sane valet evadere, si, tum praeparandi, tum exhibendi ratio ex aequo fuerit legitima; uti ipsius antimonii optime evincitur instantia; remedium, quo tot ad orcum fuerunt missi; quo & tot mortis erepti faucibus.

§. 1294.

BINIS autem ex rationibus pulvis *Algaroth* medela est violenta, ac incertae fidei. Primam constituit ejus in aqua insolubilitas, quam quidem cum vitro antimonii, ac reliquis praeparatis antimonialibus emeticis, & non salinis communem habet: alteram absolvit portio quaedam acidi muriatici, quae adhaerescere valet aut ex indole propria, aut ob non sufficientem elotionem in aqua; unde pulvis dictus gradum quemdam causticitatis indipiscitur.



§. 1295.

VERUMENIMVERO facillime obviam ire possumus utrique incommodo secuta certaue methodo: addendum scilicet sub elotionibus tantillum salis alkalini fixi, quo & minima divellitur acidi muriatici atomus; praeterea deprehendit Cl. MACQUER institutis circa hoc negotium tentaminibus, pulverem dicta nunc methodo tractatum solubilem reddi ex integro in acore tartari ac in tartarum verti antimoniale solubilem, ex integro neutrius indolis: hunc in finem unice requiritur, ut, adinstar vitri antimonii, saturationem adusque una cum cremore tartari decoctioni subjiatur, totaque operatio ea ratione fiat, qua tartarus stibius basi vitri antimonii constans, antea descriptus, parari adsolet.

§. 1296.

ADPARET hinc, pulverem Algaroth exposita nunc ratione tractatum calcem sistere antimoniale emetica vi constante, ac nunquam non eadem prorsum donatam. Emetica vero est, quum regulus antimonii ab acido muriatico antea solutus, tumque ab acido hoc eodem liber redditus, copiam retineat phlogisti necessariam ad emeticam dotem calcium antimonialium; caeterum vero & copia restitantis in ea phlogisti, & quae exin promanat, vis emetica praecise esse debent eadem; quum acidum muriaticum *sublimati corrosivi*, (quod in subsequa operatione acidum fit *butyri antimonii*) & ratione quantitatis, & concentrationis exacte idem sit; quum hinc calx antimonii, ab illo sejuncta, constanti etiam gaudere debeat gradu *phlogificationis*, eoque ipso ex fundamento multis parasangis praeferrri mereatur vitro antimonii, in quo phlogisti copia varia est, & incerta nonnisi, uti antea vidimus, esse valet.

§. 1297.

§. 1297.

Dem itaque pulvis Algaroth, exposita praeparatus methodo, substituitur vitro antimonii, tartarus exurgit stibiatus uniformis maxime, ratione virium, quas in corpus humanum exerit, emeticarum certissimus, ac nunquam non idem. Respiciendum dein Medicis Practicis jam unice erit ad sensibilitatem, ac irritabilitatem temperamenti, quo quisque aegrotus praeditus est. Haecenus Cl. MACQUERUS.

§. 1298.

PRODIIT vero 1773. *Upsaliae Dissertatio*, Auctore Cl. VIRO, Chemico industri, Torbern BERGMANN *de Stibio tartarificato*. *) Continentur in ea experimenta pulcherrima, atque horum imprimis rationem dare hic constitui.

§. 1299.

MONET Cl. BERGMANN, *tartarum emeticum* majori jure *sibium*, seu *antimonium tartarificatum* vocandum esse; quod quidem verum omnino est, atque compositionem substantiae hujus magis designat: addi vero simul posset et *emeticum*, ut & virium medicatarum simul habeatur idea. Nomen tartari emetici à MYNSICHTO, Auctore *Armamentarii Medico-Chymici* 1631. primum editi, inductum fuit.

Q 3

§. 1300.

*) ADQUIRERE ex *Suecia* latinam hanc diatriben nondum potui; hinc usus fui *versione* ejus *germanica* quam Cl. WEIGEL inseri curavit in *Magazin vor Aerzte*, 7. Stück. S. 576–597. Feci hoc eo lubentius, quum *Translator* additamenta acceperit à Cl. BERGMANN in *dissertatione* latina non contenta, *versionem* germanicam augentia.



§. 1300.

REFERT dein rationes tartarum emeticum componendi varias, quae in *Codice medicamentario Augustano novo*, *Ultrajectensi novo*, *Württembergensi*, *Edinburgensi*, *Brandenburgensi*, *Londinensi*, *Holmiensi*, *Ratisbonensi*, *Parisiensi* continentur; atque ex illis omnibus deducit fontes effectuum adeo diverforum, qui circa tartarum emeticum fuerunt adnotati; speciebus praeparati hujus debilioribus vix $\frac{5}{100}$, fortioribus vero $\frac{27}{100}$ & ultra regulinae partis recludentibus.

§. 1301.

PRO parando tartaro emetico *hepar antimonii*, *crocus metallorum*, & *vitrum antimonii* dudum fuerunt adhibita — *Hepar antimonii*, prout major aut minor copia nitri fuerit addita, sub calcinatione minorem aut majorem dosin phlogisti retinet: tum methodus, qua operatio aut in crucibulo candente perficitur, aut miscela in mortario frigido accenditur, discrimen non leve adfert; nec ignis semper idem exacte observatur gradus, nec miscela exactissime semper fit, unde & regulus non ejusdem per omnia tentamina obtinetur indolis, & *crocus metallorum* discrimen experitur.

§. 1302.

VITRUM etiam antimonii ex calce antimoniali, jam majori jam minori parte phlogisti divite, conflatur; ignis actio non eadem in omni fusione est; hinc jam terra vix in vitrum reducibilis obtinetur, jam hepar potius quam vitrum prodit. — Rejiciendus itaque tum metallorum crocus, tum hepar, tum vitrum antimonii, si alia tartari stibiati basis haberi queat.

§. 1303.

§. 1303.

REGULUS vero antimonii incommodo eo premittitur, quod non ejusdem semper indolis reducat; tum scala deest determinandi vires ac solventem doctem menstrui; examinandum demum per experimenta certissima, an liquidis acidis antimonii regulus vires emeticas largiatur.

§. 1304.

PULVIS *Algaroth à Cl. MACQUERO* pro basi maxime congrua tartari stibiati emetici declaratus maximam prae reliquis adtentionem meretur. — Acidum omne muriaticum pulveri huic non eripitur, etsi edulcoratio creberrima ope aquae bullientis perficiatur. Quodsi enim destillationi edulcoratus pulvis subjiatur, ignis violentia butyri antimonii quid in retortam transcendit. — Edulcoratum ope salis alkalini additi praecipitatum album est, subtile, ac aquae adfusione frequentiori sal alkalinum adhaerens tolli ab eo facile poterit. Praecipitatum hoc facilius quidem à cremore tartari solvitur, quam praecedens, aqua sola elotum: sed decompositionem perfectam (speciei salis, ex acore muriatico & regulina parte conflati) exigit, quae vix obtineri poterit in omni casu plane eadem; incuria saltem, aut fraudes committi queunt, quum methodus haec ipsa majores exigit sumtus, ac praeterea sit difficilior. — Praecipitatum aquae ope dejectum solvitur minori quidem copia, sed solvitur exacte, hinc praeferrì alteri meretur, quum non obnoxium adeo sit varietatibus, & fides unice requiratur operatoris.

§. 1305.

FLORES sic dicti argentinii antimonii praeparatis jure adnumerantur stibii optimis: interim tamen,



cti difficilius conficiantur, basin non adeo securam subpeditant, quam quidem pulvis nunc expositus.

§. 1306.

PRO menstruo vitri ad confectionem tartari emetici tartarus adhibitus vix non semper fuit, (& in *Pharmacia holmiensi* solum, monente ZWOELFERO, sal alkalinum praescriptum fuit) quum vero tartarus non sal solummodo acidum sit, sed, uti demonstratur experimentis chemicis, tartarus potius nominari queat tartarificatus acido supersaturatus; evictum nondum est, an in praeparato hoc eodem acidum solum vires exferat, an vero & reliqua tartari principia simul quid agant. Disquisitionis hujus ejusdem gratia *Cl. BERGMANN* varia instituit tentamina.

§. 1307.

IN usum vocavit primo acidum tartari purum, cujus gravitas specifica erat ad aquam uti 1, 230. ad 1, 000.

§. 1308.

A. ADHIBUIT hisce tentaminibus regulum antimonii ex praescripto *Pharmaciae Londinensis* paratum, in pulverem subtilissimum redactum. Pars hujus una decocta cum partibus viginti quinque disti paulo prius acidi per minuta viginti in phiala chemica vitrea; filtrata tum solutio, atque refrigerio exposita: requisita vero erat evaporatio ulterior, qua praemissa enati grumuli fulcati, & crustae salinae, quae igni expositae phaenomena acidi tartarei exhibuerunt, sine manifesto vapore antimoniali. Ut vero hoc ipsum eo melius perspici queat, exponendum venit, qua ratione acidum igni carbonum, ope

epe cannulae ferruminatoriae animato expositum se-
se gesserit.

§. 1309.

CRYSTALLI illius, lenta evaporatione prognatae,
laminas tenues, diaphanas, inaequaliter sibi invi-
cem adjacentes referunt, qua descriptione Mineralo-
gi nostri habitum cellularem designant. Quamprimum
pars flammae exterior crystallum talem lam-
bendo tangit, illico in fluxum illa, aquae adinstar
deducitur, ac nucleum coeruleum conoideum ad-
quirat, spumescens cum sufurro, fugata, ignis
actione, aqua nigrescentem, fumantem, flamma coe-
rulea exardescens, & scorias demum relinquentem
fufcas, spongiosas, igne fortiori colore albo pingen-
das. Residuum hoc ab acidis facile solvitur; succos
vegetabiles coeruleos, salium alkalinarum in morem,
colore viridi *) tingit, quod & de aliis partibus di-
ctum sit, quae carbonem non attigerunt. Videtur
exin semimetallum forma regulina praeditum ab aci-
do tartari parum adduci, quod simul conficitur pul-
vere in filtro residuo, pristino vix non pondere ad-
hucdum donato.

§. 1310.

B. HEPAR antimonii ex anatica dosi nitri para-
tum dicta paulo ante ratione per quindecim nonnisi
decoctum fuit minuta. Phaenomena vix non ea-
dem, nisi quod residuum carboni injectum colorem
ex rubro fuscum exhibuerit.

Q 5

§. 1311.

*) VITIO typi in versione germanica pro grün, rein
legitur.



§. 1311.

C. PARS una croci metallorum decocta cum partibus sex acidi, pauca aqua, ob evaporationem, diluti per binas horas; liquidum per filtrum missum: concrevit illud elapsis diebus quatuordecim in massam salinam radiatam, vasis fundum occupantem, ope cannulae ferruminatoriae vaporem antimoniale emittentem.

§. 1312.

D. PARS una vitri antimonii cum partibus viginti quinque acidi per minuta triginta decocta, filtrato ac evaporationi commisso liquido, dedit in superficie solutionis grana exigua crystallina; reliquum abiit in massam gelatinosam gummi ceraforum aemulam, sensim indurescentem. Ignis actioni exposita solutio haec non solum phaenomena omnia reliqua acidi tartarei exhibuit, sed & vaporem densum antimoniale dimisit, tum grana metallica plura largita fuit. Gelatina & grana crystallina eandem obtulerunt phaenomenorum syndromen.

§. 1313.

E. PARS una antimonii diaphoretici, decocta cum partibus viginti quinque acidi per minuta triginta, dein more saepe dicto examinata, dedit massam albam salinam, ex qua flamma ope cannulae ferruminatoriae adacta vaporem antimoniale elicit; remansit residuum subfuscum.

§. 1314.

F. PARS una materiae perlatae, cum partibus triginta acidi per minuta quindecim decocta &c. dedit crustam salinam, quae vaporem igni exposita dimisit



fit antimonialem; remansit massa ex flavo fusca, spongiosa.

§. 1315.

G. PARS una pulveris Algaroth, cum partibus novem acidi per minuta triginta decocta, solutione filtrata ac digestionis calori exposita, in gelatinosam abiit massam; enatae fuerunt ex hac in locum humentem reposita, humiditate atmosphaerica aucta, ramificationes variae pulchrae & aciculae. Flamma more dicto adaesta intumuit gelatina plurimum, vaporem densum emisit, grana metallica nulla reliquit. In alio tentamine pars una pulveris Algaroth, aquae interventu dejecti, decocta fuit cum partibus quinque acidi per horam integram; solutus sic pulvis ex integro; solutio lentae evaporationi commissa crystallisationem irregularem dedit.

§. 1316.

H. QUUM in praecedentibus solutionibus acidi excessus adfuerit manifestus, etsi facta decoctione pars potissima praeparatorum antimonialium manserit irrefoluta, tentatum fuit, an saturari posset acidum pulvere Algaroth. Hunc in finem pars una pulveris hujus decocta per tres horas cum partibus tribus acidi; remansit in fundo irrefoluti quid; solutio vero saporem nihilominus exhibuit acidum, & succos vegetabiles coeruleos rubro tinxit colore.

§. 1317.

DEMONSTRATUR tentaminibus hisce, acidum tartari nudum depuratum vix actionem manifestam excipere in substantiam hanc semimetallicam, quamdiu phlogistico principio inbuta haec adhucdum est; vires autem solventes incrementum, prout phlogiston magis avulsus fuerit; etsi quidem nec hoc abs exceptione



ptione admittendum sit, quum antimonium diaphoreticum absque dubio phlogisti copiam contineat minorem, quam vitrum antimonii *), sub solutione tamen utriusque substantiae notabilis intercedat diversitas.

§. 1318.

TARTARUM tartarifatum, utpote sal medium, aptum natum esse solvendis corporibus aliis metallicis, verosimile quidem sub initium non videtur; interim tamen experimenta sequentia docuerunt, tentari hoc ipsum cum successu posse.

§. 1319.

A. PARS una reguli antimonii, decocta cum partibus octo tartari tartarifati, aqua pura prius resoluti, per minuta quadraginta; solutio filtrata refrigerio exposita. Fundum vasis mox obsedit magna crystallo-
rum seges; igni objecta harum pars intumuit, nigro colore tincta fuit, tum albidum colorem induit, donec tandem massa, uti in tartaro tartarifato evenire solet, carbonem subiit, abs antimonii remanente vestigio.

§. 1320.

B. PARS una hepatis antimonii, decocta cum partibus octo tartari tartarifati per minuta triginta, dicta statim se ratione gessit.

§. 1321.

*) Sic utique legendum erit: in *versione* vero citata *germanica* sensus plane nullus est, dum sic sonat: indem der schweifestreibende Spießglaskalch zwar un-
streitig einer vom brennbaren ist, als das Spieß-
glas.

§. 1321.

C. PARS una croci metallorum, decocta cum partibus octo dicti salis per horas duas, leviter dedit antimonii indicia.

§. 1322.

D. PARS una vitri antimonii, decocta cum partibus octo tartari tartarifati per minuta quadraginta quinque; solutione evaporationi exposita massa enata fuit salina acicularis, carboni injecta plurimum intumescens, vaporem copiosum antimoniale, et grana plura regulina largiens.

§. 1323.

E. CALX antimonii diaphoretica eadem proportionem per minuta triginta quinque decocta, facta crystallisatione phaenomena monstravit eadem, uti antea (1322) fuerunt dicta.

§. 1324.

F. PULVERIS Algarothi pars una cum partibus quinque dicti salis per minuta viginti decocta; solutio per filtrum acta; enatae crystallorum binae species; una crystalli absolvebatur tetraëdri regularibus, atque hae vaporem densum antimoniale, & grana metallica copiosa dederunt; altera lanceolas referebat salinas, solo, uti videbatur, tartaro tartarifato compositas, a prioribus operose discretas vestigia antimonii subinhibuerunt. In alio tentamine partes tres cum dimidia tartari tartarifati, mediante decoctione per dimidiam horam protracta parte una pulveris Algarothi saturata, solutionem dedere ex fusco rubram.

§. 1325.

PATET exin, tartarum tartarifatum pro menstruo antimonii legitimo haberi posse, etsi sal hoc Cl.

BERG-



BERGMANN consulto ita paraverit, ut excessus alkalinis salis in eo adforet, ne in errorem inducere posset acidum superfluum. Notanda simul venit analogia insignis illius cum acido tartari puro, quum utrumque menstruum praeparata nonnulla antimonialia, ac utrumque eadem quidem, aut omnino non, aut parum, aut multum adgressum fuerit.

§. 1326.

Ex effectibus tum acidi tartarei puri, tum tartari tartarifati inferre quidem licet ad vires tartari ex illis principiis compositi; quum tamen conclusiones haud raro fallant, nisi experimentis nitantur certissimis, Cl. BERGMANN sequentia suscepit experimenta.

§. 1327.

A. PARTES duas hepatis antimonii decoxit cum parte una tartari; enatum post primam crystallisationem gummi insipidum, salinum *)

§. 1328.

B. PARS una croci metallorum, decocta cum partibus octo tartari, abiit in massam ex fusco flavam, gummosam.

§. 1329.

C. PARS una vitri antimonii minimum tribus partibus tartari indiguit, ut decoctione solveretur, ac crystallos largiretur.

§. 1330.

D. PARTES tres antimonii diaphoretici ex regule parati, mistae cum partibus binis tartari mediante decoctione

*) IN textu germanico legitur: *ein unschmackhaftes salziges gummi*; hinc selenitis v. e. adinitur, massam hanc salinam quidem, sed simul insipidam fuisse videtur; quum alias salinae substantiae simul sint sapidae.

coctione, praebent sub evaporatione prima cryſtallos nonnullas; reliquum vertitur in gummi fluidum, quod, probe exſiccatum, humiditatem non adtrahit.

§. 1331.

E. MATERIAM perlata tartarus vix adgreditur.

§. 1332.

F. PARTES decem pulveris Algaroth aquae ope parati, decoctioni ſubjectae, partes viginti tres fere tartari exigunt. Quodſi major menſtrui adſit copia, & requiſita portio aquae evaporando fugetur, tartarus excedens coit, antimonio non majori doſi onuſtus, quam quae ab aqua cryſtalliſationis poterat recipi. Connubium hoc in ſubſequentibus exponetur latius.

§. 1333.

G. PARTES duae ſorum argentinorum, decoctae cum parte una tartari, gummi quidem non praebent, ſed cryſtallos, partem quintam antimonii ad experimentum ſumti pondere aequantes.

§. 1334.

H. BEZOAR minerale non ſolvitur; ſed calx per ſal alkali fixum ex ſolutione antimoniali per aquam regiam facta praeceps data, in cryſtallos quoque coiens.

§. 1335.

GENERATIM & ſal alkali fixum, & borax faciliorem reddunt ſolutionem praeparatorum antimonialium. Flores argentini cum dimidio ſalis alkalini mineralis fuſi maſſam dederunt encauſtum flavum referentem, cruſta viridi obtectam. Maſſae hujus in pulverem



verem redactae partes fere tres a parte una tartari n gummi resolvuntur.

§. 1336.

MISCELA partis unius tartari partisque dimidiae salis sedativi partem unam vitri antimonii referat, si massae nunc dictae partes tres eidem adjungantur: exsurgit inde species gummi, quod caute exsiccatum in pulverem flavum dilabitur, tam ratione activitatis quam & solubilitatis tartaro emetico vulgari longe praefendum. Regulum vero antimonii, antimonium crudum, & flores argentarios tartarus hac ratione acutus non feliciter solvit, quam si recipiatur vulgaris.

§. 1337.

BORAX antea calcinata, & cum anatica dosi croci metallorum fusioni exposita, massam largitur coloris hepatici, cujus partes quinque, mistae cum partibus octo tartari aqua soluti, colore Kermetis mineralis mox tinguntur, remanentibus demum vix partibus binis irresolutis, eodem colore donatis. Evaporationis ope sal rubellum gummosum acquiritur,

§. 1338.

BORAX tartarifata antimonium crudum adgreditur, ac sal diaphanum gummosum, succinei coloris (*amberfarbenes*) producit, in quo pars una antimonii aupta est partibus octo antimonii. *)

§. 1339.

*) CITATUR hic loci & paulo antea a Cl. BERGMANN diatriba Cl. de LOSSONE ex *Mém. de Paris*. 1768. circa connubium diversorum praeparatorum antimonialium cum tartaro; quum vero totum hunc actorem justo tempore, adhibita licet omni opera, habere non potu-

§. 1339.

ADPARET jam ex adlatis tentaminibus duplici methodo parari posse tartarum emeticum, seu remedium antimoniale emeticum, successu certo gaudens. Basin subpeditare poterit pulvis Algaroth, eadem copia phlogisti nunquam non instructus, hinc scopo egregie satisfaciens; inprimis si adhibeatur aquae interventu dejectus, quum sic facilius ejusdem obtineatur indolis, quam dum sal alkali vocatur in auxilium. Adhaerens exigua acidi muriatici portio nil obest, dummodo eadem semper adhaereat proportione. Pro menstruo adhiberi poterit jam cremor tartari, jam tartarus tartarificatus. Salia haec in officinis habentur, atque eorum quodvis cum antimonio junctum sistere aptum natum est remedium ejusdem efficaciae; quum vero tam ratione indolis, tam & virium solventium ab invicem distincta sint; diversa quoque erit eorum actio, saltem respectu ad efficaciam habito. Praedictorum itaque erit, examinare, an necessarium sit utrumque, an vero unum, dosi sub varia, in omni casu esse queat sufficiens.

§. 1340.

DESCRIBIT jam Cl. BERGMANN operationes binas, quibus *stibium*, ut vocat *tartarificatum*, & *stibium tartaro-tartarificatum* praeparari legitime debeat. En primam. UNCIAE quinque cremoris tartari in subtilem pulverem triti, unciaeque duae cum binis drachmis pulveris Algaroth calida praecipitati, edulcorati, sicca-

potuerint, sed codex in locum inpressionis, remotiorem, transmittendus antea fuerit, nunc indicasse sufficiat fontem, ex quo plura hauriri queant; recentior nem ampliorem supplementis, quae opus hocce chemicum forsan subsequenter, inserturus.

Pars II.

R



siccataque decoquuntur lente in olla ex lapide steatite facta per dimidiam horam, adjectis sextariis binis (*eine halbe Kanne*) aquae. Remanere solet in vasis fundo pulvis nigricans parca copia. Ut saturationis punctum eo melius obtineatur, praestat, si nimium, quam si parum nimis de antimoniali pulvere recipias. Per filtrum dein mittitur solutio, atque in vase aperto non metallico ad cuticulam usque evaporationi exponitur; calore digestionis tamdiu dein fovetur, donec enascantur crystalli, caute separandae, & chartae emporeticae ope exsiccationi committendae. Splendentes illae sunt, ac pondere tartarum ad experimentum adhibitum aequant. Crustae vero salinae puriores vasis lateribus adnatae unciam circiter dimidiam adpendentes, aqua frigida abluendae, ac seorsim adfervandae. Lixivium mater residuum crassum ex fusco rubellum ceu inutile abjicitur.

§. 1341.

STIBIUM *tartaro-tartarifatum* sequenti paratur encheiresi: unciae novem tartari tartarifati, atque unciae tres minus drachma una pulveris Algaroth, eadem, uti ad praecedentem operationem, ratione confecti, decoquuntur per horam dimidiam in vase ex lapide steatite facto una cum aquae sextario uno (*mit einer Viertel Kanne Wasser*); solutio per filtrum agitur, lixivium ex fusco rubrum ad cuticulae adparationem usque evaporationi committitur, in calore digestionis dein retinendum: enatae crystalli tolluntur, ac supra chartam emporeticam exsiccantur. Omnes simul sumtae dimidium ponderis menstrui aequant. Crustae salinae, quae mediante ablutione depurari queunt, vix decimam partem tartari tartarifati pondere excedunt: reliquum, una cum lixivio matre, abiicitur.

§. 1342.

§. 1342.

TARTARUS hac ratione enatus stibiatus, dum crystallisatio tranquille procedit, crystallos exhibet octaedras, apicibus nonnihil longioribus, quam in crystallis aluminis esse solent. Crystalli colore nullo tinctae, sed aquae instar diaphanae, vel partim solum opacae. Antimonium in illis constituit $\frac{1}{3}$ partem. Aeri libero expositae nec fatiscunt, nec deliquio solvuntur; flammae, cannula ferruminatoria adactae subiectae decrepitant, deflagrant, vaporem antimonialelem explodunt, ac metallica relinquunt grana.

§. 1343.

Aqua destillata tartari hujus antimonialis ope caloris moderati, seu quindecim graduum dissolvit $\frac{1}{100}$ *) quin illius aut diaphaneitas turbetur, aut mutetur color. Coeruleam laccae tincturam vix rubentem reddit solutio haec. A sale alkalino tum fixo tum volatili, sive causticum sit, sive non sit, dejicitur pulvis subtilis niveus, vasi, in quo operatio instituitur, firmiter adhaerescens.

§. 1344.

LIXIVIUM per primam decoctionem (1341) obtentum ratione praecipitantis, quod in usum vocatur, notabilem obfert diversitatem: dum enim purissimum (causticum) **) est, pulvis subtilissimus, subspongiosus albus dejicitur, ad fundum ruens, ac inmutatus

R 2

rema-

*) Seu, uti in notula additur: *ein Loth $3\frac{1}{2}$ Aßz.*

**) CL. BERGMANNI enim sententia salia alkalia caustica pura, non caustica acido aëreo inpraegnata forent. Vid. *Abh. Acad. reg. scient. holm. 1773*, fusius de his alio loco agetur.



remanens; quodsi vero sal causticum non sit, sedimentum hocce elapsis nonnullis horis in crystallos radiatas adtollitur. Dum crystallisatio haec in calorem triginta graduum deportatur, tota in informe pulverulentum chaos relabitur.

§. 1345.

PRAECIPITATUM sale alkalino fixo vulgari dejectum, probe elotum, flamma cannulae ferruminatoriae ope tentatum, vix antimonii quid prodit; remanet substantia alba spongiosa, ab acido muriatico solvenda de integro; acido vero vitriolico non solum irrefolubilis prorsum, sed & ex solutione muriatica acidi illius ope praeceps danda.

§. 1346.

SAL alkali volatile vulgare simile praecipitatum generat. Ope salis alkalini volatilis caustici dejectum figuras seminiformes *) non producit, igni expositum vaporem non dimittit, sed in vitrum abit gryseum, fusibile, sed fixum. Aqua calcis etiam praecipitationi inservit; praecipitatum hocce agitando mox denuo solubile, nisi adfusa fuerit sub initium sufficiens aquae calcis copia. Hic oritur pariter antea dicta crystallisatio. Acidum vitriolicum magnam materiei albescentis copiam dejicit, agitatione denuo resolvendam; collecta haec, elota, & ignis ferruminatoria cannula adacti actioni objecta ex fusco rubescit, ac in massam fuscam coit, ex qua ignis vaporem antimoniale denuo expellit: consumitur demum ex integro, si actio ignis diutius producat. Colorem fuscum

*) *Saamenähnliche Gestalten.* Dixerat vero prius *Cl. Autor* formam crystallorum sedimenti radiatam; scire haud possum, an diversitas haec Traductori debeatur.

fascum ferro deberi, facile demonstratur mediante sale alkalino phlogificato, coeruleum berolinense mox generante.

§. 1347.

STIBIUM tartaro-tartarifaturn crysallos format, ni impedimentum interveniat, plerumque octoëdras, rarius tetraëdras. Quaedam ex illis diaphanae prorsum sunt, ac excolores; aliae opacae & lacteae. In aëre libero & igne se gerunt adinstar crysalloorum stibii tartarifati. Antimonium in illis $\frac{1}{2}$ efficit partem. Aquae destillatae uncia dimidia caloris moderati auxilio $\frac{1}{40}$ solvit; excedentis acidi superficiaria nonnisi adsunt indicia. Salia alkalina, & acidum vitriolicum, quae dicta fuerunt paulo prius, producunt phaenomena; lentius solum, ac minori sub massa succedunt; nec crysallosificatio seminiformis observatur.

§. 1348.

SOLUTIO decoctionis primae ex fusco rubet; saturatior color hic in lixivio matre notatur. Ut coloris huius ortum indagaret Cl. BERGMANN, aceti destillati tantillum adfudit, ac novem dein guttas lixivii phlogificati superaddidit; color coeruleus berolinensis confestim hac encheiresi productus. Probe monet, ferrum hic abs acido juncto latere, quum ad decompositionem salis alkalini phlogificati adfinitas requiratur duplex. Observat simul per transfennam, maximam partem lixiviorum matrum ex fusco rubrorum, viscidorum, & in crysallos aegerrime cogendorum dotes suas ferro, phlogisto suo spoliato, in acceptis referre. Ratio vero, qua ferrum nostro in casu admisceatur, evidens non est. Cineres clavellati inspissari quidem solent in vasis ferreis, tartarus vero depuratus in lebetibus cupreis. Quin & sal tartari

R 3

album



album prorsus cum pulvere Algarothi decoctum in vase vitreo tincturam sistebat ex rubro fusciscentem.

§. 1349.

EXPOSITA haftenus, prolixè satis, *tartari emetici*, seu *tartari sibiati emetici* historia, ceu praeparati, cujus basin dudum dederat vitrum antimoni, principis; recensenda nunc erunt compendiosiori sermone praeparata, quæ vitrum hoc ipsum adhiberi solet, reliqua. *)

§. 1350.

SAPA vomitoria, seu *sapa emetica*, aut *sapa sibiata emetica* paratur, si pars una vitri antimoni in subtilissimum pulverem triti digestionem exponatur per nycthemerum cum partibus duodecim musti generosioris, solutionis hæc species coletur & inspissetur lento igne, ne empyreuma contrahat, ad unam usque tertiam partem. Adservanda diutius hæc sapa emetica recondi debet vasis vitreis, superne angustioribus, tumque adfundendum recens amygdalarum, vel & olivarum, nobilioris speciei, oleum, ut sic æris

*) ORDINEM in subsequentiis hujus capituli nunc persequar a Cl. WALLERIO præfixum; plurimum tamen abest, quàm simplicem translationem capituli decimi noni sectionis tertiæ partis secundæ chemiæ physiciæ nunc adducti AUCTORIS listam. Nam etsi ample satis ac bene de *Antimonio* Cl. VIR egerit, (unde & illum inprimis ducem elegi) plurima tamen occurrunt aut prætermissa, aut obiter solum tacta; multa alia, quorum notitia utilis omnino est, ob novitatem tamen, aliasve rationes Cl. WALLERIUM latuit; vel demum quæ compendii gratia ab eo neglecta fuerunt.

ris arceatur accessus, & hunc excipiens mucor. Vidi in diu adservata hac sapa enatas crystallisationes, sapore subdulci nonnihil praeditas, atque, dum igni exponebantur, vaporem antimoniale dimittentes. Concretum hoc absolvitur tum tantillo antimonii, tum tartaro, & sale essentiali saccharato musto propriis. Dosis sapaemeticae ad drachmas duas vel & tres *Cl. WALLERIUS* extendit; hanc vero, in delicatioribus inprimis subjectis nimiam esse didici. Mirius nonnihil agere visa est, per aliquod tempus jam adservata, quum sic excussum fuerat quid antimonii.

§. 1351.

Aqua emetica, seu potius *vinum emeticum*, quod & alio nomine *aqua benedicta* *RULANDI* dicitur, absolvitur solutione vitri antimonii in vino. Digeri solet hunc in finem scrupulus dimidius cum uncis duabus vini per horas duodecim; vinum filtratum usui datur. Optimum hoc, quod ex antimonio parari queat, remedium censuit *Cel. HUXHAMUS*. *Aqua* haec *benedicta* *RULANDI* parari etiam consuevit ex unione *terrae aureae*, seu *benedictae*, seu *sanctae* *RULANDI*, (quae est ipsi *metallorum crocus*, seu *crocus antimonii*). De solutione vitri antimonii in vinis variis jam antea ex *Cl. FAUKEN* satis egi.

§. 1352.

QUUM vitri antimonii violenta nimis foret in corpus humanum actio, methodum excogitarunt celeberrimi Anglorum Medici, qua cicurari illud insigniter posset. Funditur hunc in finem cerae citrinae drachma una in cochleari ferreo lento igne, fusae insperguntur vitri antimonii in subtilissimum



ac inpalpabilem pulverem triti unciae duae; miscella haec agitur probe, ut moleculae omnes antimoniales cera, ceu cortice, undique obvolvantur, affunditur demum supra tabulam marmoream, ac in pulverem redigitur. Est *vitrum antimonii ceratum* a Cl. PRINGLE in *observat. Edinb. T. V.* primum descriptum: usus ejus ut a pluribus depraedicatus in variis morbis, imprimis in alvifluxibus, sic & ab aliis neglectus denuo fuit.

§. 1353.

DUM, calci antimonii gryseae, ex qua vitrum antimonii fusione demum enasci antea dictum fuit, fluxus niger, & saponis nigri debita admiscetur portio, atque totum in crucibulo fusioni traditur, pars metallica antimonii obtento sic phlogisto reducitur, atque sub forma reguli ad fundum crucibuli descendit. Monet Cl. BAUME, in fabricis, ubi reductio haec majori copia, exposita statim ratione, instituitur, sal alkali vilioris notae, tum & substantias phlogisto divites levis pretii adhiberi; quum aliunde sal alkali tegminis vices nonnisi gerat, ac antimonii calcinationem, arcendo aërem impediat. Salis alkalini vices & fel vitri, aut sal commune, aliave regulinam partem non adgredientia salia obire, & scoriae ex una operatione residuae pluribus subsequis adhiberi queunt.

§. 1354.

ANTIMONIUM crudum acidis objectum mensstruis varia offert phaenomena. *) Cl. BAUME quidem edixit, non constare, an *acidum vitriolicum* in antimonium &c. crudum plus quam in regulum antimonii possit: interim constat, acidum hoc antimonio crudo ad-

*) MONNETIANA huc spectantia tentamina ubi de solutione reguli sermo erit, simul adferam.



adufum nil solvere, sed colorem antimonii obnubilari. Dum vero decoctioni cum acido vitriolico antimonium crudum exponitur, aut acidum supra hoc ipsum ex retorta abstrahitur, vapor extricatur, *Cl.* WALLERIUS ait, sulphureus, quin & sulphur verum sublimē demum petit. Remanet in fundo calx grysea, ab antea dicta calce, si probe elixivietur, non diversa. Ut adeo acidum vitriolicum sulphur ab antimonio crudo avellere, partem regulinam non adeo adficere videatur.

§. 1355.

ACTIONEM *acidi nitrosi* in antimonium crudum pariter incognitam esse BAUME denuo protulit, nec eam nosse unico levique tentamine ipse voluit. Ab adfusa aqua forti generosa multas bullas aëreas adtolli, motum tamen hunc mox subsistere; solvi quid tum ex colore virente, quo aqua fortis tingitur, tum ex praecipitationibus aliisque momentis elucescere, sub solutionis actu formari in superficie liquidi pelliculam pinguem quasi (quam elegantes iridis colores reflectere vidi), ex residuo pulvere gryseo, praevia elixivatione calcem denuo obtineri, calci prius dictae gryseae analogam, majori tamen nonnihil, quam in priori tentamine sulphuris dosi praeditam, *Cl.* WALLERIUS habet.

§. 1356.

ACIDUM *salis* purum Antimonium languide nonnisi & parum adficit, diuturniori mora erodit. Operationes circa solutionem hanc institutas omnes nil certi evincere, quum non debita cura institutae fuerint, BAUME dixit; sed & ipse non meliora substituit.



§. 1357.



§. 1357.

AQUA vero *regia*, quod acido nitroso & muratico seorsim sumtis partim negatum videtur, perficit. Solutio antimonii crudi in aqua regia vivide succedit, calore, effervescencia, vaporibus rubris, mox tamen disparentibus denuo stipatur, fit mediante solutione hac antimonii crudi in principia sua diacrisis, avellitur sulphur a regulina parte, atque illud in materiem, seu pulverem albertem versa fundum petit. BAUMEANIS ex observatis antimonio crudo in pulverem grossiorem redacto quadruplum, ratione ad pondus habitae aquae addendum est, haec vero parata sit ex quatuor partibus acidi nitrosi, parteque una acidi muriatici. Pulvis albus, ad fundum ruens, elotus, verum purumque sulphur deprehenditur, atque colorem etiam sibi proprium demum acquirit. Venit sub nomine *sulphuris antimonii solutione praecipitati*. De sulphure hoc *alchemici* varia expectarunt, quae, quum a sulphure vulgari plane non diversum sit, dare nunquam poterat.

§. 1358.

FLORUM *antimonii albissimorum fixorum* sub nomine calx venit tenera ex aqua lactescente elotionis sensim fundum petens.

§. 1359.

ACETUM inter omnia reliqua menstrua in antimonium crudum languidissime agit.

§. 1360.

SAL *alkali vegetabile fixum* in antimonium crudum pulchre agit. Ratio operationum, quae cum hac miscela instituuntur, omnium eo recidit, quod sulphur, antimonii crudi principiorum alterum cum
sale

sal. alkalino in verum hepar sulphuris abeat, hoc vero, pro diverso gradu ac intensiōne ignis, pro varia ratione fusionis, vel majori minorive dosi alkalinis salis jam majorem jam minorem partem regulinae substantiae referet.

§. 1361.

EN nunc labores varios, unionem antimonii crudi cum sale alkalino fixo concernentes, a CL. WALLERIO in compendio propositos; additis tamen hinc inde ab ipso praetermissis.

§. 1362.

ANTIMONIUM crudum in subtilem pulverem tritum decoquitur cum lixivio acri probe concentrato per unam duasve horas, vel digestio solum instituitur, donec menstruum frigidiori atmosphaerae expositum colore ex flavo rubro tingatur: decantatur tum hoc, atque materies flava, aut ex flavo rubra ruit ad fundum, *sulphur antimonii* vocata.

§. 1363.

CL. BAUME circa praeparati hujus historiam varia adtulit, notatu non indigna. LEMERY *sulphur antimonii auratum* illud dixit atque methodum parandi in tractatu de antimonio 1707. edito, proposuit. Frater SIMON Monachorum carthusiensium Pharmacopoeus methodum *Lemeryanam* sequutus praeparato huic sub aenigmatico nomine *hermetis mineralis* 1714. magnam conciliavit famam: alias vero & nomine *pulveris carthusianorum* (*poudre des Chartreux*) passim dictum fuit, quod & nunc in Chemicorum quorundam scriptis retinuit. Frater SIMON fassus ipse fuit, sibi inventionem remedii hujus non deberi, sed didicisse illud a Chirurgo LA LIGERIE, qui



qui normam praeparationis acceperit a Locumtenente militari CHASTENAY, huic ipsi vero communicatam fuisse a Pharmacopoeo quodam, GLAUBERI discipulo. Conficta historia haec omnis fuit, ut inventionis gloria privaretur LEMERY. DODART, tum temporis Archiatrorum Regis Christianissimi comes persuasit Regi, ut ob egregias remedii hujus vires, praeparandi methodum arcanam emeret, atque publici juris faceret. Solutum pretium chirurgus LA LIGERIE, qui operationem totam 1720. latius descripsit.

§. 1364.

MUTAVIT verò chirurgus nunc dictus nonnihil normam praeparationis. *Kermetis mineralis* nomen a Pharmacopoeo Carthusiano ob colorem, uti videtur, obtinuit, quem cum granis chermes habet vix non eundem. LEMERY junior methodum a la LIGERIE expositam Patri suo deberi in diatribe, *Actis Parisiis* 1720. inserta, monuit.

§. 1365.

OPERATIO vero, uti LEMERY eam proposuit, sequens est *) Inmittuntur librae quinque aut sex salis alkalini deliquio resoluti, una cum tripla aut quadrupla dosi aquae fluviatilis purissimae lebeti ferreo. Subjicitur ignis, ac sub ipsa ebullitione unciae quatuor aut quinque antimonii in pulverem subtilissimum triti adjiciuntur. Ebulliat miscela tantisper, spatula ferrea agitanda. Lixivium, fervidum adhuc, per chartam mittatur emporeticam, refrigeratum pulverem dimissurum, sub nomine Kermetis mineralis notum

*) MONUIT Cl. BAUME, repetitis saepe vicibus praestantiam methodi Lemeryanae prae altera sese deprehendisse; mutavit in illa pauca, quae faciliorem solum redderent encheiresin.

notum; abluitur hic probe ab adhaerente lixivio alkalino, siccatur, & conminuitur.

§. 1366.

METHODUS vero *La Ligeriana*, uti eam *Cl. GEOFFROY* in *Mem. de l'Acad.* 1735. descripsit, sequens est. Recipiantur libra una antimonii crudi in fragmina minora contusi, unciae quatuor nitri per carbonem fixati, deliquio soluti, & pinta una aquae pluviae. Decoctioni miscela subjiçiat per horas binas, lixivium ebulliens filtretur; cadet ex refrigerato antea dictus pulvis. facto hoc idem antimonium decoquatur denuo cum unciis tribus nitri fixi ac pinta una aquae pluviae. Repetatur operatio & tertia vice, decoquendo lixivium binarum priorum, quæ adduntur unciae adhuc duae nitri fixi, ac pinta aquae pluviae. Dum Kermes omne ad fundum descendit, filtrentur lixivium omnia, sedimentum abluatur tandem, donec insipidum plane redeat; siccetur, alkohol una alterave vice supra illum deslagret; conteratur demum, in usum medicos adservandus. Deprehendit *Cl. GEOFFROY* secundum hanc normam drachmam solum unicam granaque sexaginta Kermes ex libra una antimonii ad experimentum summi obtineri.

§. 1367.

PATUIT per experimenta omni cura instituta, alkohol, quod secundum præscriptum statim dictum deslagrare supra pulverem kermesinum deberet, calorem sufficientem excitare, quo pars pulveris quaedam fundatur, & reductionis antimonii species producat.

§. 1368.

SI operatio *Lemeryano* fiat more, antimonii major longe superficies actioni salis alkalini objicitur;
ex-



exsurgit hinc & illico hepar sulphuris, quod regulinae parti exacte nubit. Antimonium vix non omne momento solvitur, in Kermes mutandum, remanente solum parte excedente regulina nimia, sub forma pulveris grysei ad fundum vasis ruente, ab additione ulla in regulum verum antimonii, non vero in antimonium crudum fundendum; ut ergo, sulphur omne abreptum esse, manifesto pateat. quod & altero conficitur tentamine, dum pulvis hieccum cum lixivio alkalino denuo decoctus Kermes nullum amplius generat.

§. 1369.

CONTRARIA vero longe obveniunt in operatione *La Ligeriana*: decoctio hic & diu protrahi, & saepius repeti, & unum idemque antimonium toties torqueri debent, ut exigua demum Kermetis obtineatur dosis. Repetit *Cl. GEOFFROY* decoctionem septuaginta & octo ex ordine vicibus; ne sic quidem sulphur omne absorptum ab alkalino sale fuit. Librae praeterea quinque antimonii libram nonnisi unam cum uncia dimidia Kermetis dederunt. Methodo vero *Lemeryana* librae singulae antimonii uncias duodecim vel & tredecim, idque unica operatione Kermetis gignunt.

§. 1370.

ALKALI pluribus operationibus adhiberi potest idem; & eodem lixivio *Cl. GEOFFROY* in decoctionibus septuaginta octo usus fuit. Observavit *Cl. BAUME*, decoctione diu nimis protracta hepar sulphuris, quo mediante Kermes exsurgit, sensim decomponi, phlogiston sulphuris avolare, acidum vitriolicum alkalino sali nubere, atque tartarum nunc exsurgere vitriolatum; idem fieri, dum lixivium per plures annos adservatum fuerit.

§. 1372.

§. 1371.

Ex tentaminibus *Cl. Cl. LEMERY & GEOFFROY* patet, sal alkali fixum omne, dummodo fuerit purissimum parando Kermeti inservire posse: mediante sale alkalino *debrecinensi* minerali factum legitimum ipse vidi.

§. 1372.

Qui cum antimonio plurima tentamina instituit *LEMERY* actionem lixivii saponariorum in illud etiam examinavit. Decoctioni subjecit antimonium crudum cum lixivio ex cineribus clavellatis, & calce viva parato. Liquidum colore flavo tinctum vidit. Decantavit illud, frigesactum gelatinae adinstar coagulatum fuit, rubroque colore donatum. Solvit gelatinam hanc aqua, solutioni filtratae acetum instillavit. Dejectum sic fuit sulphur antimonii auratum. Bene suspicatur *BAUME*, a sulphure aurato vulgari diversum hoc fuisse, quum id inquinaverit terra calcarea simul per instillatum acetum ad fundum deturbata. Haetenus *Cl. BAUME*.

§. 1373.

DIXIT *Cl. WALLERIUS*, ab adfusione acidorum ad sulphur antimonii ex lixivio alkalino ad fundum deturbato salia nasci media, pro diversa indole instillati acidi varia; hinc demonstrari, praecipitato huic salis alkalini quid haerere inmixtum, atque sulphur hoc antimonii esse hepar sulphuris antimoniale, metallicae substantiae partem solutam tenens. Verum creberrima elotione sal inhaerens alkali resolvi valet.

§. 1374.

MONUIT praeterea, ab adfusa majori copia aquae regiae genuinum sulphur sejungi; hoc verum esse,



esse, repetita docuerunt experimenta. Ipsum vero sulphur auratum non purum sulphur esse, sed partibus metallicis mistum, res est, extra omnem controversiam posita.

§. 1376.

IN *Dissertatione de variis sulphur antimonii auratum parandi methodis, ejusque usu medico* quae Erfordae 1775. Auctore Iob. Theoph. ERHARD prodiiit, variae collectae habentur methodi, quibus praecipitatum hoc antimoniale paratum a diversis chemicis fuerit. In genere quidem ad binas classes reduci omnes poterunt, quum aut fusione sicca, aut decoctione antimonium cum alkalino sale jungatur; reliqua tum proportionum varias, tum detectionis rationem concernunt.

§. 1377.

Dum, nunc citatus Auctor ait, salis alkalini pars una cum antimonii partibus quinque funditur, parum tantum sulphuris separatur, & in scoriā mutatur, sub qua erit massa chalybis laevigati speciem referens, quae maximam sulphuris partem & integrum regulum continet, ideoque parvam tantum vim emeticam exserit, nec in aëre humida fit; regulum antimonii medicinale vocant. Salis vero alkalini fixi quantitas multo largior, ut circiter duae partes ad unam antimonii, cum eo commista & fusa, sulphuream partem statim adripit, & penitus solvit, quo facto hepar sulphuris format, quod omnia fere metalla, ergo & regulum adgreditur, atque dissolvit, quapropter & nulla obtinetur partium antimonialium separatio, sed massa, quamprimum illa fuit in conum effusa, id praebet, quod hepar antimonii vocatur, nimirum sub-

stan-

stantiam unius formae semivitream, aëris humiditate facile deliquescentem.

§. 1377.

ALII aliam adhuc ingredientium rationem praescribunt: qui cum BASIL. VALENTINUM sequuntur, alkali & antimonii partes aequales recipiunt, & SPIELMANNUS adfirmat, quod quo major sit ratio salis alkali ad antimonium, eo altius, perfectius, plenius hoc dissolvatur, ita ut observaverit, a quatuor partibus salis alkali cum una antimonii fufis hoc ita fuisse penetratum, ut omne cum aqua per filtrum transferit.

§. 1378.

HAC itaque ratione, AUCTOR pergit, nulla reguli separatio inpetratur, quam tamen GEOFFROY inpetraffe multis & repetitis experimentis comprobat. Nam salis alkali & antimonii partes aequales, e. g. singulorum uncia una, invicem fufae, plerumque dederunt reguli grana 18-19, ejusdem salis uncia una cum dimidia & antimonii uncia una simili modo fufae grana 49. reguli praebuerunt; e contra expertus est, unam partem salis alkali duas antimonii in hepar vertere posse, & nullum inde regulum separari.

§. 1379.

HORUM autem phaenomenorum adeo inter se discrepantium ratio diversae ingredientium proportioni aut qualitati tribui nequit; ergo illam in procedendi modo quaerendam esse existimo, quod & experientia confirmat. Si enim mistum illud, ex duabus alkali partibus & una antimonii confiatum, vividiori & fortiori, ac pro conficiendo hepate fieri solet, igne urgetur, tum in fundo massae hepaticae in conum fu-

Pars II.

S

forium



forium effusae, reguli pars interdum major, interdum minor deprehenditur, quod & Huxhamus adfirmat.

§. 1380.

His itaque procedendi methodis sulphur quidem antimonio nuptum exacte solvitur, nulla tamen aut exigua reguli separatio fit, tum ob dotem solventem hepatis, tum quod regulus, vi ignis phlogisti sui portione aliqua privatus, in crocum seu calcis imperfectae speciem mutetur. Si ergo eo fine operatio instituat, ut quamplurimum reguli conservetur, antimonio & alkali additur materies, ignis ope in alkali quoque convertenda, simul vero copiosum largiens phlogiston, destructionem reguli inpediens; atque talis tartarus crudus deprehenditur.

§. 1381.

Dum nitrum antimonio crudo adjicitur, detonatio enascitur, qualis, dum nitrum una cum phlogisticis substantiis igni committitur, enasci semper solet. Acidum nitrosum una cum vaporibus phlogisticis in auras avolat, urgente insuper acido vitriolico, quod una cum phlogisto sulphur, partem regulinam in antimonium crudum mutans, constituit, acidum vitriolicum alkalinae viduae nitri nuptum basi sal sic dictum polychrestum; &, longius protracta ignis actione, phlogisto sensim destructo, arcanum duplicatum, seu, quod idem est, tartarum vitriolatum producit. Regulina vero antimonii portio vertitur in calcem albam, ex qua, elota, *antimonium diaphoreticum* obtinetur. Portio itaque sulphurea hoc modo etiam ab antimonio separari valet.



§. 1382.

SED effectus pro varia adsumtorum quantitate differt; nam si parum tantum nitri, una v. c. octava pars, cum antimonio detonationi subjiatur, massa a scoriis supernatantibus remota regulus erit antimonii medicinalis, uti prius jam dictum fuit. Aliter se habet nitri operatio, si largior ejus portio, partes nempe tres cum una antimonii crudi deflagrent; hic enim omne phlogiston, & sulphuris & reguli dissipatur, & in crucibulo nil remanet, nisi mera terra regulina in quovis acido insolubilis. Si vero antimonii & nitri partes aequales invicem detonent, multum quidem phlogisti comburitur, interim tamen in hac miscela quantitas nitri tanta non est, quanta ad plenariam phlogisti sulphuris & reguli combustionem requiritur: portio itaque sulphuris integra restat, quam nitrum nunc in alkali verum avide inbibit, adeoque cum ea hepar sulphuris efficit; regulus vero phlogisto suo aliquatenus, non penitus, orbatus in crocum mutatur, quem hepar dissolvit, ac secum conjungit. Exsurgit sub hac operatione massa semivitrea, sub hepatis antimonii nomine in Pharmacopoliis adservata: longe minori quantitate hac methodo adhibita inpetratur; nam ex unciiis octo nitri & antimonii vix tres unciae massae hepaticae prodeunt; quum ex obposito ex unciiis octo salis alkalini, & sex unciiis antimonii uncias ejus decem obtinuerim.

§. 1383.

NITRUM itaque per se cum antimonio tractatum separationi reguli, qua talis, non sufficit, quapropter ei, ob rationes antea dictas tartarus crudus jungitur, ea plerumque ratione, ut nitri pars una admisceatur tartari partibus duabus, totidemque antimonii, quae invicem mistae successively in tigillo, inter carbones jam



candefacto, detonationi subjiciuntur; vel tartarus crudus & nitrum antea in fluxum nigrum mutantur, qui postea cum aequali portione antimonii commistus in crucibulo liquatur; quam methodum *Dispensatorium borusso-brandeburgicum* praescribit. Massa vehementiori igne liquefacta, posteaque subito in conum fusorium effusa & refrigerata in duas partes divisa reperitur; nimirum regulum in fundo haerentem, & scoriā in superficie reguli, quae hepar quoddam sulphuris sistit, cui haud parva portio regulina sub croci antimonii forma adhuc innistum est.

§. 1384.

MASSAE hepaticae & scoriae, ex reguli antimonii simplicis fusione enatae, si sufficienti quantitati aquae injiciantur, & in ea coquantur, quoad maximam partem aquae ferventis calore solvuntur; refrigerante vero solutione partes crassiores croco metallorum similes ad fundum secedunt, quae a liquore superstante filtrationis ope separantur. Lixivio huic tenerioribus sulphureo-regulinis particulis adhuc scatenti acetum instillatur, quod pulverem obscure rubrum inde descendere facit, qui ope chartae bibulae a lixivio separatur, cui rursus acetum instillatur, atque sic inde pulvis exturbatur alius, aurantii coloris, idque tertio fit, & quarto, donec nihil amplius demittatur. Qui sub his ultimis praecipitationibus in inum fertur pulvis, pallidi aurantii coloris est, & sub nomine *sulphuris antimonii aurati tertiae praecipitationis* in officinis servatur. Ad repetitam hanc praecipitationem obtinendam, non nimium aceti statim sub initio simul adfundendum est.

§. 1385.

§. 1385.

SULPHUR antimonii primae praecipitationis diversum est a praecipitatis sequentibus, quod plures partes regulinas contineat, gravitate majori citius fundum petentes, adeo ut praecipitatum ultimum fere solo absolvatur sulphure. Certum sane est, illud primae praecipitationis sulphur a subsequenter ratione coloris & gravitatis specificae non parum differre; quod & simul comprobatur, partium regularum cum sulphureis cohaesionem tantummodo laxam esse, nec in fusione admodum firmiter uniri, sed potius, uti ex hepatis & scoriarum viribus, quas edunt, drasticis adparet, distrahi & regulinas denudari.

§. 1386.

EXPOSITA haecenus sulphur antimonii auratum praeparandi methodus communissima & usitatissima, & secundum hanc praeparatum istud nil nisi magisterium sulphuris stibialis est. *) Sed variae aliae adhuc ab auctoribus fuerunt proditae: GLAUBERUS calidam tartari solutionem pro praecipitante adhibuit; alii spiritum vitrioli, solutionem salis ammoniaci lixivio infundunt. Ait quidem pro epicrisi horum Cl. ERHARD, videri sibi, haec in sulphure aurato nil mutare valere, quum effectus eorum in eo consistat, ut cum alkali juncta sal medium forment, & eo ipso illius in dissolvendo sulphure facultatem auferant, qua fit, ut sulphur, salibus quoque gravius redditum, ad fundum secedat; interim tamen optima nunquam non est methodus, si pro praecipitante solum adhibeatur acetum; quum ex practicis quoque constet observatis, praecipitatum di-

S 3

versa

*) ADDENDUM vero fuisset antimonialibus partibus onustum; ne quis solum cum antimonio prius junctum sulphur dejici credat.



versa ratione factum non eosdem in omni casu exse-
ruisse effectus.

§. 1387.

DEIECTUM sulphur abluendum saepius nunquam
non est, etsi *Cl. ERHARD* non adeo necessarium id du-
cat. Superfedere tamen licet praecipitationibus aliis cum
alkali urinoso, vel urina ipsa &c. institutis.

§. 1388.

CIRCA methodum parandi Kermes minerale via
ficca, seu circa conjunctionem antimonii crudi cum
sale alkalino fixo fusionis ope sequentia hic notanda re-
stant, ex *Cl. BAUME chymie raisonnée* &c. in compendio
decerpta.

§. 1389.

IN pulverem conminuitur libra una antimonii crudi,
uncia una sulphuris, una cum libris binis salis alkali-
ni fixi vegetabilis purissimi. Fusioni exponitur miscela
harum substantiarum in crucibulo, fusa colore obscure
rubro donata injicitur mortario ferreo, frigesacta teri-
tur in pulverem grossiorem, pulvis decoquitur in aquae
sufficienti quantitate, obtenta solutio per filtrum mit-
titur emporeticum, liquidum transiens pellucidum cer-
nitur, colore aurantio pictum. Obnubilatur vero
magis magisque prout refrigerat, atque pulvis tum
ad fundum excutitur ex fusco rubens. Praecipitatum
hoc a liquido secernitur mediante filtratione; aqua pri-
mum frigida, tum saepius adfusa bullienti probe ab-
luitur ab adhaerente sale, edulcoratur; siccatum dein
redigitur in pulverem subtilissimum per setaceum traji-
ciendum, in lagena vitrea probe ea claudente adservan-
dum. Est *Kermes minerale fusionis ope paratum*.

§. 1390.

§. 1390.


OBTINETUR, BAUME pergit, labore hoc verum hepar antimonii, cum alio prorsum conveniens, quod exscoriis enatis sub praeparatione reguli antimonialis adquirimus. Alkali sal sulphuri nubit, cum eo hepar sulphuris constituit solvenda regulinae parti praecise sufficiens. Portio quaedam sulphuris durante operatione consumitur, atque hinc deducendum phaenomenon flammulae coerulescentis (ac vaporis suffocantis) ex crucibulo adscendentis. Ut itaque dosis haec refarciatur sulphuris, unciam unam adjiciendam miscelae alkalini salis ac antimonii BAUME suavit, quum alias copia sufficiens regule omni solvendo non esset enatura, atque hinc filtro pars inhaesura non mutata. — — Kermetis color elegantior multo exsurgit, si fluxu limpidio totum coeat, hinc & ab igne crucibulum tollendum antea non erit. Hepar obtentum, ad morem hepatis sulphuris vulgaris humidum aëreum avidè in sese rapit, ac ab aqua facillime resolvitur. Facta solutione per filtrum mittenda illa confestim est, ut a dosi quadam sejungatur pulveris regulo nondum ex integro referato compositi.

§. 1391.

Ex lixivio antea dicto hepatis acidorum adfusionem deijci adhuc valet pulveris dilutius Kermete rubentis non exigua dosis; pulvis hic cum sulphure aurato antimonii prius descripto, via humida parato, prorsum est idem.

§. 1392.

Nec inter ipsum Kermes minerale, via humida, vel sicca paratum, dummodo legitima ubique adhibeatur encheiresis, ac ingredientium proportio, discrimen intercedit.



§. 1393.

EXAMINAT jam *Cl. BAUME*, qua in re antimonium crudum a Kermete discriminetur. Componitur quidem utraque substantia & regulo antimonii & sulphure: sed major adest sulphuris copia in Kermete, minor in antimonio crudo, tum regulina pars alia longe sub facie latet in Kermete ac in antimonio crudo. In posteriori hocce corpore sulphur ac regulus intime mixta cohaerent, unde vini quoque non exferit emeticam, nisi major adsit quantitas acidi in ventriculo. Kermes vero, etsi non semper excitet emesin, frequentius tamen aut plerumque ventriculum subvertit; unde inferre licet, partem regulinam, etsi majori doli junctam sulphuris in Kermete quam in antimonio crudo, non tamen exacte adeo illi esse adnexam.

§. 1394.

SENTENTIAE huic robur addere videtur tentamen a *Cl. GEOFFROY* institutum. Depuraturus obtentum Kermes, drachmam ejus unam decoctioni exposuit cum libris quatuor aquae, adjectis simul drachmis binis cum dimidia nitri fixi; Kermetis dimidium sic resolutum fuit, ac una cum liquido filtrum transit. Inhaesit vero huic terra grysea, quam *GEOFFROY* partem reguli crudiores dixit.

§. 1395.

MONET nunc *BAUME* colorem gryseum proprium esse regulo tenuissime comminuto; quam vero semi-metallicum hoc, ad instar substantiarum metallicarum aliarum omnium textura componatur plane homogenea, partes subtiliores, aut crudiores in eo adsumi non posse, nisi fors *GEOFFROY* moleculas unice voluerit non exacte satis comminutas. Suspiciatur vero, in hoc ipso tentamine

mine non sufficientem satis receptam fuisse alkalini salis quantitatem, vel & dilutum sal hoc nimia aqua, quam ut in partes Kermetis agere omnes potuerit: adgressam hinc fuisse sulphur, facilius resolvendum, relicta parte regulina eodem in statu, quo in Kermete fuerat. Decompositum hinc fuisset Kermes mediante sale alkalino, uti decompositum fuit a GEOFFROY mediante aqua regia; quae partem solum adoritur regulinam, intacto sulphure.

§. 1396.

DEPREHENDIT GEOFFROY, qui Kermes minerale ampliori examini subiecit, in ejusdem drachma quavis contineri grana sexdecim aut septendecim reguli antimonii, grana tredecim aut quatuordecim alkalini salis, granaque quadraginta vel quadraginta & unum sulphuris; quum in antimonio crudo regulinam substantiam & sulphur anatica dosi mutuo juncta esse passim adsumatur. *) Monet vero BAUME, sal alkali, a GEOFFROY hunc in computum simul ductum non referendum esse inter principia constitutiva Kermetis, quum ablutione sola tolli queat, inmutata Kermetis indole, aucta solummodo nonnihil, ex observatis LEMERYANIS, dote emetica; cujus phaenomeni explicatio facile assignari poterit.

§. 1397.

Ad historiam unionis antimonii crudi cum sale alkalino fixo referenda adhuc est methodus parandi *regulum antimonii* (cujus latius examen in subsequen-
tibus recurret:) sic dictum *medicinalem & simplicem*; de quo quidem jam antea, sub recensione dissertationis Cl. ERHARD *de variis sulphur antimonii auratum parandi methodis* injecta mentio.

S 5

§. 1398.

*) In libra una antimonii crudi uncias decem substantiae semimetallicae latere Cl. VOGEL edixerat.



§. 1398.

REGULUS *antimonii medicinalis* obtinetur, praecipiente CL. WALLERIO, ex miscela partium quinque antimonii crudi cum parte una salis alkalini fixi, adjecto in superficie miscelae sale communi. Massa haec probe fusa effunditur in conum fusorium, refrigerata illa scoriae insidentes remouentur a partibus semimetallidis collectis in unam massam, quae sub nomine *reguli* fundum conii fusorii petierat.

§. 1399.

Non conveniunt autem auctores omnes circa methodum parandi regulum hunc medicinale antimonii. Sic, ut vel unicam adhuc adferam instantiam, BAUME misceri iussit uncias quindecim antimonii crudi, in tenuem pulverem tusi, cum unciis duodecim salis communis, ac unciis tribus tartari. Massa obtenta, ait, species est hepatis sulphuris antimonialis; colore nigro donati; splendentis, non metalli, sed vitri adinstar; non tamen diaphani, sed prorsum opaci. Monet simul, non opus esse, ut, quod auctores plerique volunt, miscela ante dicta cochleatim ingeratur in crucibulum, nec addatur recens dosis, antequam prior legitime fluxerit; quum nec incensio enascatur, nec detonatio, nec in miscela illa contentum quid sit, ex quo infortunium ullum produci queat.

§. 1400.

OBSERVAVIT CL. SAUNDERS, circa methodos regulum antimonii obtinendi, optimam esse, (quum & majori copia, & purior, quam ulla alia ratione, regulus obtineatur) si vel calci gryseae, vel vitro antimonii, antea descriptis, addantur substantiae phlogiston recludentes, atque sic vera perficiatur redu-
ctio

ctio *); ceterum vero additamenta, quibus obtinere volumus separationem partium antimonialium, differre ab invicem eo ex capite, quod nectantur aut cum parte semimetallica, aut cum sulphurea, & vel hanc vel illam secum uniant, expulsa altera: additamentis, quae cum parte sulphurea uniuntur, adnumeranda salia nonnulla (fixa scilicet) alkalia, ac metalla.

§. 1401.

OBSERVAVIT praeterea Cl. SAUNDERS optime, producta ex unito per fusionem cum antimonio crudo sale alkalino fixo redundantia differre ab invicem pro ratione variae doseos adjecti salis alkalini. Dum enim sexta circiter solum pars alkalini salis**) adjicitur, exigua solum portio sulphuris avellitur, & scorias intrat, remanente in fundo massa rubente, sulphuris maximam partem, regulum vero omnem continente; quae substantia in officinis pharmaceuticis regulus antimonii medicinalis dicitur. Dum vero sal alkali majori, ac solvendo toti sulphuri idonea copia adjicitur, ex integro hoc in scorias abit, regulo, sat depurato, fundum petente.

§. 1402.

METHODO nunc dicta pars metallica antimonii a sulphure, non tamen ex integro, liberatur; enascens etenim sub fusione hepar sulphuris regulum solvit, atque

*) De hac operatione, antea ubi de calce grysea & vitro antimonii sermo erat, per transennam egi.

**) In editione germanica opusculi Cl. SAUNDERS typi errore pro *Laugensalz*, *Spießglas* positum fuit. Non video cur errorem hunc, satis utique manifestum dissertationis cujusdam inauguralis auctor immutatum libello suo inferere possit.



atque sic pars illius una cum hepate in scorias ducitur. Methodo hac regulus sic dictus antimonii simplex in usum medicum sat bene conficitur; multo vero purior obrinetur regulus, dum, ad normam a *Cl. MARGRAFIO* traditam, altera vice, vel & frequentius cum adjecto alkalino sale funditur. Notandum demum, etsi metallica pars quid, inprimis ope methodi nunc expositae, a sulphure depuratum obtineri queat, non tamen tanta copia sic obtineri, uti aliis operationibus obtineri valet.

§. 1403.

In operationibus, ubi sal alkali fixum antimonio jungendum est, non solum sal alkali fixum vegetabile & minerale, sed & calcem vivam, salis alkalini fixi indole donatam, in usum vocari posse, atque inde nasci effectus, *Cl. SAUNDERS* protulit: calcem salis alkalini loco & *HUXHAMUS* adhibuit.

§. 1404.

In speciali capite de regulo antimonii medicinali *Auctor* nunc citatus monuit, regulum medicinale, Kermes minerale, sulphur auratum, & crocum mitem antimonii in eo inter sese convenire, quod cuius pars sulphuris, quo antimonium erudum gaudet, erepta sit, hinc differentiam omnem copia majori minorive sulphuris aut praesentis adhuc aut abrepti absolvi; ascendere copiam eodem proportionis ordine, quo praeparata nunc enumerata sese hic excipiunt, adeo, ut minima inhaereat regulo medicinali, maxima crocomiti antimonii; solvi, prout major aut minor dosis fuerit admitti adhuc sulphuris, praeparatum jam facilius, jam difficilior ab acidis, remedium exoriri magis minusve efficax & actuosum; pro parando regulo medicinali varias proflare formulas; hos velle, ut ab anti-

antimonio crudo avellatur sulphur, alios, absurdo sane consilio, praecipere, ut croco metallorum, vel & vitro antimonii sulphur adjiciatur, operose prius abstractum; sulphur ab regulina parte diversimode avelli posse, additione alkalini salis, aut nitri, aut salis alterius medii; parum referre, quodnam ex hisce corporibus fumatur, dummodo ea recipiatur dosi, quae separationi sulphuris apta nata sit; salis alkalini additionem inter reliqua videri optimam; nil vero referre, an adjiciatur, an omittatur sal muriaticum, esse recipi plerumque soleat; auctiores quosdam ad reguli medicinalis praeparationem exigere fusionem sulphuris aurarii; oriri quidem, hoc fuso, massam reguli dicto similem; retinere tamen illud vires dotesque pristinas, ac diversum omnino regulum, hac ratione exortum, esse a regulo medicinali proprie sic dicto, ac ad normam *Pharmaciae Londinensis* confecto.

§. 1405.

ADPARET jam ex dictis, cur medicinalis reguli dotes non eadem recenseantur ab auctoribus chemicis. Dixit *CL. WALLERIUS*, regulum hunc obscure fusco donari colore, inferius, apicem versus firmiter esse magisque ad metallicam accedere firmitatem, superiori vero parte cerni subsquamosum; aëri expolitum non deliquescere, ab aqua non resolvi, a mineralibus acidis non mutari; cum nitro detonare ad instar antimonii crudi; in calcem abire ex integro, si detonationi cum dupla dosi nitri subjiciatur; in pulverem comminutum, edulcoratum tingi rubro colore, adjecto fluxu nigro, vel nitro, ac tartaro simul unitis vel & limatura martis fusioni datum abire in regulum verum metallicum. *CL. SPIELMANNUS* circa reguli antimonii medicinalis historiam unice monuit, hepar antimonii enasci, dum salis alkalini dosi antimonio



monio crudo adjiciatur sufficiens, ut, facta fusione massa exin prodiens colore tingatur hepatico; quod si vero antimonium plurimum excedat alkalinum sal, adeo ut materies fusa humiditatem ex aëre in se non rapiat, ut nec nigra sit, nec emesia cieat, substantiam sic obtentam salutaris regulum antimonii medicinale, aut uti alii voluerunt, *magnesiam opalinam*. In adjecta experimento huic *ratione* inter alia ex HOFFMANNO retulit, salis muriatici additionem supervacuum omnino esse pro confectione medicinalis reguli, quum sal hoc simplici fusione cum antimonio non jungatur, ac reguli medicinalis inrater superficiei ceu scoriam inutilem; qua quidem crisi sententia, paulo ante adducta, Cl. SAUNDERS eo magis confirmatur. Observat praeterea Cl. SPIELMANN, regulos rubros antimonii, de quibus loquutus fuit MORLEY, merum esse hepar antimonii, minime vero regulum medicinale; *magnesiam opalinam* DIETERICI & MENDERI, quae partibus componitur octo antimonii, parteque una salis alkalini, magis adhuc remotam esse regulo medicinali ab hepate genuino antimonii, quum, ob minorem adhuc alkalini salis dosin, antimonium minus decompnatur. Vidit demum Cl. Vir, adjectis ad partem unam antimonii fusioni subijciendi quatuor salis alkalini partibus, resolutum illud eatenus fuisse, ut, facta solutione, filtrum transiret ex integro.

§. 1406.

UT *regulus antimonii, simplex* dictus conficiatur, recipi poterunt, praescribente Cl. BAUME *) unciae sex

*) VARIAE circa hanc quoque praeparationem ab auctoribus chemicis & Pharmaceuticis adlatae fuerunt formulae. Sic volunt nonnulli, ut antimonii librae duae jungantur cum tartari sesqui libra, & nitri libra una:

sex nitri, unciae duodecim tartari albi, & libra una antimonii crudi; quae singula, in pulverem antea redacta, per setaceum trajecta, probe mista, cochleatim crucibulo ingeruntur candenti. Post quamvis injectam dosin oritur semper detonatio major, quae nisi finita fuerit, portio nova inmittenda non est. Miscela tota ingesta ignis augetur, ut totum in fluxum perfectum, aequabilem, tenuiorem deducatur; fusa massa vel cono fusorio, sebo illito, infundi, vel & in crucibulo ipso refrigerio exponi poterit. Sub scoriis haeret regulus metallicus, pulcherrimus, purus, in superficie stella ornatus, uncias sex adpendens.

§. 1407.

alii miscent antimonii partes quatuor, cum tribus partibus tartari vini rhenani, & partibus binis nitri, quod omnino eodem redit: alii omnes substantias anatico pondere jungendas censent. Sed STAHLIUS jam bene observavit, majorem dosin tartari recipendam esse, quam nitri, si majorem copiam reguli velis obtinere; cujus quidem observati ratio in promptu est, si attendas, beneficio tartari phlogiston largientis reguli proventum imprimis adquiri. Cf. WALLERIUS regulum paraturus antimonii simplicem miscelam partis anaticae antimonii crudi & salis alkalini fusioni subjicit. Reductionem substantiae semimetallicae in regulum a solo phlogisto sulphuris, quod in antimonio crudo parti alteri nuptum est, expectat. Simul tamen ipse fatetur, ab exorto hepate sulphuris magnam satis quantitatem regulinae partis resolvi, ac scoriis inmisceri; quod vero additione tartari magis evitari potest. Sed & illud notandum, ab AUCTORE hoc eandem formulam pro *regulo simplici* p. 215. uti pro *hepate antimonii* p. 212. adferri,



§. 1407.

THEORIA operationis hujus sequens est. Antimonium crudum componitur parte regulina & sulphure, a sulphure vulgari plane non diverso, quum (uti alio loco dicetur) ex unione reguli cum sulphure antimonium crudum pristinum obtineri queat. Nitrum adjectum cum sulphure & tartaro, utpote substantiis phlogiston recondentibus, more solito detonat; vertitur sic expulso suo, & destructo acido in sal alkali; quae metamorphosis & tartaro, per ignis & nitri actionem phlogisto suo privato, accidit; sal hoc alkali coit cum portione sulphuris antimonii (*v. caput de SULPHURE*); ayulso sulphure substantia regulina quidem liberatur, verumtamen partim in calcem abit, avolante phlogisto, partim ab hepate sulphuris resolvitur, ac in scorias ducitur. Ut itaque hoc, quantum fieri queat, evitetur, adjicitur copia sufficiens tartari, substantiae phlogisti ditissimae, cujus ope substantia regulina reducitur, tum & conservatur in forma semimetallica. Acidum sulphuris, seu vitriolicum unitur parti cuidam salis alkalini, atque sic enascitur tartarus vitriolatus, seu arcanum duplicatum, vel & ob adhaerens acido inflammabile principium, sal polychrestum. Adquiratur ergo hac operatione in fundo crucibuli, vel coni fusorii regulus antimonii, huic insident scoriae compositae maximam partem hepate sulphuris, regulinam substantiam solutam tenente, sale polychresto, vel arcano duplicato, ac inprimis dum nitri major copia adsumta, & fusio non satis diu protracta fuit, minor dosis nitri nondum decompositi.

§. 1408.

OBSERVAVIT *Cl. BAUME* ab hepate enato sulphuris uncias plerumque binas reguli resolvi, si misce-
la

la prius (14) dicta instituatur sub proportionem; quod quidem exacte adeo non valet determinari, quum non praecise idem per omnes operationes retineatur caloris gradus, vel operatio non per idem exacte producat tempus, e. f. p.

§. 1409.

DUM fusa massa cono injicitur fusorio, calefieri hic primum, ac sebo illini debet, ut regulus una cum scoriis facile denuo eximi queat. Oleum sebi loco adhibendum non est, quum aqua, in oleo praesens, explosionem materiei candentis non sine manifesto periculo operatoris certo, certius excitaret.

§. 1410.

QUUM sub operatione nunc descripta verum enascatur hepar sulphuris, mirum non est, ab scoriis obtentis eadem produci phaenomena, quae a vulgari sulphuris hepate produci solent, (v. cap. de SULPHURE) foetorem ovorum putridorum, deliquium in aëre humido. e. f. p.

§. 1411.

SCORIAE hae eadem, dum calent adhuc contusae, in sufficiente quantitate aquae decoctae, facta solutionis calidae filtratione, dimittunt, frigescente illa pulverem obscure rubrum, cum antea descripto *Kermete minerali*, fusionis ope parato, eundem.

§. 1412.

SULPHUR praeterea antimonii auratum obtineri acidorum instillatione eadem ratione valet, uti sulphur antimonii auratum fieri vulgo solet; emeticas vires inliges exferit.



§. 1413.

QUUM, quod ex solutione hepatis sulphuris vulgaris obtinetur sulphureum praecipitatum colore albente, illico dictum vero rubente colore praeditum cernatur, color tamen hic ab admista in hepate sulphuris antimoniali regulina parte oriri vix queat, quum terra hujus, phlogisto prorsum privata, albiſſima sit *); colorem rubentem cum *Cl. BAUME* a phlogisto, & statu, in quo nexus hic sulphuris & reguli versatur, deducere tuto licet.

§. 1414.

OBSERVAVIT LEMERY, differentiam intercedere manifestam inter praecipitata varia, quae ex resolutis obtineri queunt scoriis. Primum decidens, maximam prae reliquis continet copiam reguli, etsi minori gaudet vi emetica; an unice, ob adhaerens, uti *BAUME* autumat, sal alkali dotem illam cicurans? Quo quidem admissio, facta crebriori edulcoratione ope aquae calentis emetica indoles insurgere deberet.

§. 1415.

DUM vero pulvis lixivio inhaerens acidi adfusione non simul & semel dejicitur, sed instillatio per exiguas nonnisi doses fit, & praecipitatum nunquam non tollitur, color hujus magis magisque diluitur, adeo ut sub finem flaveat solum, quum nunc solum fere sulphur ad fundum ruat: vis quoque emetica, ob rationem per se manifestam, una cum coloris intensitate in praecipitatis singulis decreſcit. -- Coloris etiam diver-

*) MANIFESTAM hujus adferti instantiam praebet inter alia antimonium diaphoreticum, vel & materia perlata, seu cerussa antimonii prorsum alba; de quibus omnibus mox latius agetur.

diversitas obtinet, dum vel varia acida, vel diversae aliae substantiae pro praecipitante in usum vocantur.

§. 1416.

HEPAR *antimonii* conficitur ex miscela anatica antimonii crudi & alkalini salis, fusioni exposita. Est verum hepar sulphuris, uti ex paulo ante dictis utique adparet, partem regulinam solutam tenens.

§. 1417.

CROCUM *metallorum* ficitur hepar antimonii, calidum adhuc in pulverem tritum, calida edulcoratum. Color, prout aqua calida aut frigida pro ablutione adhibetur, magis minusve intensus cernitur. Observavit CL. SPIELMANNUS partem post edulcorationes remanentem duas tertias massae totius aequare. Nomen *crocii metallorum* praeparato huic inepte valde inponi, in tanta chemiae hodiernae luce facile perspicitur.

§. 1418.

CROCUS metallorum a chemicis, antiquioribus imprimis, pro praeparatione variorum aliorum antimonialium remediorum v. c. *aqua benedicta* RULANDI, seu *aqua emetica*, *tartaro emetico*, *oxysaccharo emetico* &c. adhibitus fuit, de quibus jam antea satis egi.

§. 1419.

Ex scoriis antea descriptis antimonialibus regulina pars, per hepar sulphuris reserata, sub forma metallica obtineri denuo potest, si praecipitatum, acidorum ope ex illorum solutione, per decoctionem brevem facta, obtentum, edulcoratum, ficcatum, calcinationi, more, ubi de *calce gryseae* antimonii agebatur (§. 1195) dicto, subjectum cum duplo fluxus nigri, &



una quinta circiter parte *) saponis nigri fusioni exponitur. Obtinemus hac ratione regulum, a regulo antimonii vulgari prorsum non diversum.

§. 1420.

INGENS sane numerus est *incturarum*, quae tum antimonii crudi ope reguli medicinalis, tum scoria- rum, hepatisve antimonii parandas esse dixerunt chemici, & *Dispensatoriorum* variorum auctores. Adferam ex illis unam alteramve pro specimine.

§. 1421.

TINCTURA aurea, *Ephemerid. Nat. Curiosor. d. 3. ann. 5. p. 141.* paratur, dum antimonium in pulverem tritum, vel ejus sulphur in sale alkalino per deliquium soluto, donec sit massa sicca, cui adfunditur alcohol vini. Facile patet, hepatis sulphuris tincturam ex solutione alkalina sulphuris antimonii enaturam.

§. 1422.

CL. HOFFMANNUS, *Not. ad POTERIUM p. 562.* voluit, ut misceatur regulus antimonii medicinalis cum aequali dosi salis tartari, misturae adfundatur spiritus vini super scorias reguli antimonii simplicis abstractus, & fiat digestio. Vel ut scoriae reguli simplicis cum aequalibus partibus salis ammoniaci mistae ex retorta destillentur, tincturam daturae antimonii volatilem aurei coloris.

§. 1423.

TINCTURA antimonii acris simplex *Dispensat. Brandenburg.* fiebat ex scoris reguli antimonii martialis;

*) Dosin hanc, a BAUMEQ non expressam scopo probe satisfacere observavi.

lis; quibus, in fusione adhuc calentibus, spiritus vini adfunditur, ut extrahatur tinctura.

§. 1424.

TINCTURA *antimonii caustica* BOERHAAVII paratur ex *Cl. Viri* praescripto sequenti methodo. Sive adhibeatur regulus antimonii martialis, sive alter simplex dictus, & fundatur, tunc vero penitus fuso octava pars, respectu ponderis reguli, nitri purissimi, siccissimi, adjiciatur, & summo igne in fluorem adigatur, massa fusa in conum fusorium effusa specie placenta aureae habet supernatantes scorias salinas, alkalinas, acerrimas, ex quibus separatis adhuc siccis calidissimisque in alkohol vini injectis recipitur statim tinctura ruberrima caustica. *)

§. 1425.

TINCTURA *antimonii, tum tartarifata vulgaris, tum acris, sive spuria regulina*, *Cl. CARTHEUSER, Element. Chemiae, p. 124. edit. 1766.* Miscetur antimonii puri, optime pulverisati, pars una cum salis tartari extemporanei aut vulgaris partibus duabus, & mistura postmodum in crucibulo, inter carbones candent-

T 3

*) OBSERVARE vero convenit, tincturam colore ruberrimo donatam obtineri solo sale alkalino meracissimo, calido cum alkohole misto, agente in oleosam phlogisticam alcoholis partem; de qua re in regno vegetabili, ubi de *tinctura salis tartari* sermo erit, agetur latius. Vidit *Cl. SCHULZIUS, Eph. Nat. Curios. Vol. 1. p. 221.* ad tincturas antimonii aureo colore parandas, praestare, si sumatur spiritus vini rectificatissimus per se, non tartarificatus, quum posterior acer quidem evadat, sed colore rubente, seu subaureo careat.



dentes collocato, tamdiu igne adaequato funditur, donec in scorias rubro-flavas conversa sit. Scoriae hae eximuntur, ac protinus in mortario, nonnihil prius calefacto contunduntur, iisdemque in vitro aut cucurbita sufficiens spiritus vini rectificatissimi quantitas superfunditur, & tinctura deinde, fortis atque protrahae digestionis, vel etiam, si cucurbita recepta fuerit, coctionis beneficio, extrahitur. Spiritus, sub coctione per alembicum in receptaculum transstillans, massae in cucurbita readfundi debet, & extractio sola tandem digestionis absolvenda est.

§. 1426.

SI vero, *Cl. CARTHEUSER* prosequitur, loco tincturae antimonii vulgaris, sic dicta tinctura antimonii acris desideratur, primo massa pulverulenta, ex reguli antimonii martialis partibus duabus, & nitri puri parte una contusione & miscela parata, in crucibulo in scorias nonnihil flavescentes funditur, & haec fusio, adhibito igne fortiori, aliquoties, semper tamen modica nitri pulverisati quantitate addita, reiteratur, donec tota reguli moles in scorias conversa fuerit. Scoriis contulis, & adhuc calentibus spiritus vini rectificatissimus, ad aliquot digitorum eminentiam, superfunditur, & tinctura rubicunda, quae praecedentem sapore acri longe superat, beneficio fortioris atque protractionis digestionis, conficitur.

§. 1427.

ADDI his meretur aequa crisis, quam de tincturis antimonialibus in universum *Cl. VIR* protulit. Tincturae, ait, antimoniales, habita principii activatione, in regulinas, salino-alkalicas, & alkalico-sulphureas dividi merentur. Tincturae regulinae plerumque menstruo quodam acido ex vitro aut regulo anti-

antimonii solutionis ope parantur, vel corpora tamen memorata per acida corrodentia extractioni cum spiritu vini apta redduntur; quare hae tincturae solas etiam partes regulinas continent, & praeter diureticam ac sudoriferam virtutem, emeticam pariter, si majori nimirum dosi propinantur, exserunt. *) Tincturae

T 4

mere

*) MONUISSE hac occasione non oberit,prehendisse me per instituta omni cura, & saepe repetita tentamina, tum in proprio, tum in alieno corpore, vix ullam dari substantiam, vi emetica caeterum praeditam, quae refracta maxime dosi sub regimine, ut ajunt, calido non fiat diaphoretica, vel saltem diaproica; sub frigido, diuretica, subin vero & eccoprotica; ac, in subjectis praesertim delicatioribus, omnino catartica: sed in subjectis talibus alvum haud raro movent, quae in aliis ne umbram quidem irritamenti excitant; uti instantias habemus puellarum delicularum, quibus, tempore aestivo, per cubiculum nudis pedibus ambulantis mota alvus, ac si adsumsissent remedium purgans. Vidi praeterea, sudorifera, majori nonnihil dosi data, frigido sub regimine, totius profluvium majus excitasse, quod alii adnotarunt ante me Practici; & insequens haud raro fuisse tum nauseas & vomituritiones; tum, praesente potissimum in primis viis biliosa, aut pituitosa saburra, emeses; non quidem violentas, naturae tamen, morbi futuri fomitem ejecturae, conamina pulchre promoventes. Videtur ex his, non adeo miras, ut saepe fieri solet, actionis remediorum alium in scopum exhibitorum, alios vero longe effectus producentium conquiri debere expositiones, ac theorias;

dum-



mere alkalicae nil, nisi sal alkali fixum valde acre, atque igneum, in sinu foveat reconditum, & color rubicundus itaque particulis spiritus vini, per alkali expansis, unice adscribendus est. Tincturae denique alkalico-sulphureae, quae vulgo hepaticae vocantur, tum fixis & satis quoque acris partibus salinis, tum moleculis quibusdam sulphureis, tenerrime resolutis, vires suas debent. Multi quidem principii sulphurei praesentiam etiam in hisce postremis simpliciter negant, aut sine solido fundamento, & contra experientiae suffragia. Nam tinctura antimonii tartarizata satis fortem odorem sulphureum spirat, & accensa strias & maculas obscure flavas post deflagrationem in cochleari relinquit; immo si acetum eidem instillatur, moleculae quaedam sulphureae ad fundum dejiciuntur. Credibile quoque est, particulis sulphureis tenerrimas quasdam regulinas mistas esse, quoniam sub deflagratione & adhuc magis sub evaporatione in cochleari, carbonibus candentibus inposito, odor sulphureo-alliaceus per aërem diffunditur.

§. 1428.

TINCTURA antimonii sulphureo-alkalica etiam parari potest, quando loco antimonii crudi regulus ejus simplex in pulverem redactus cum parte anatica salis tartari miscetur, & fusio postmodum atque extractio praedicto modo instituuntur. Notari tamen debet, huic

dummodo attendatur, vires medicaminum insigniter determinari, inverti, hebetari, infringi, excitari, augeri tum ab ipsa, in quod agunt, corporis fabrica, indole, constitutione naturali, praeternaturali, atque adventitia, extranea, periodica, indeterminata, particulari (idiosyncrasia); tum & ab ipsa, qua exhibetur methodo.

huic tincturae valde parum sulphuris resoluti inhaerere, quoniam reguli mistionem exigua saltem sulphuris quantitas ingreditur. Haftenus *Cl. CARTHEUSERUS*.

§. 1429.

DIXIT *Cl. BAUME*, actionem *salis alkalini* volatilis in antimonium crudum plane ignotam (*sibi*) esse. Instituit vero tentamina *Cl. SAUNDERS*, ut actionem salis hujus in antimonium nosceret. Antimonii crudi in pulverem triti uncias binis adfudit uncias quatuor salis alkalini volatilis acerrimi. Vas exactissime clausum per quadrantem horae aquae ebullienti inposuit. Solutionem, calentem adhuc, per filtrum misit; ex refrigerata vero nil ad fundum descendere vidit; liquidum turbidum erat; acidi tribus guttis instillatis grana tria sulphuris aurati petierunt fundum.

§. 1430.

EXAMINEMUS nunc relationem antimonii crudi ad *sal ammoniacum*. Hanc vero inter reliquos omnes Chemicos optime persequutus fuit *Cl. VIR I. F. GMELIN* *Gottingensis Professor* (*Versuche über eine bessere Art das Spießglasöl zu machen* *) quare dissertationem ejus circa hanc praeparationem, hinc inde in compendium redactam, inferere placuit.

§. 1431.

AD *butyri*, seu *olei antimonii*, (quod magno HERMANNO vitam, plurimis aliis sanitatem irrevocabili damno eripuit) confectionem, *Cl. GMELIN* ait, plerumque recipitur antimonium crudum melioris notae, ponderosum, siccissimum, in pulverem subtilissi-

T 5

tilissi-

*) *Magazin vor Aerzte* 8. Stück. S. 665-682.



tilissimum tritum, ac mercurius sublimatus corrosivus *) pariter in tenuissimos atomos redactus; conmiscetur hae substantiae terendo in mortario vitreo ope pistilli vitrei; caute tamen, ne ascendens halitus noxam adferat operatori. Miscela legitime facta inmittitur retortae purissimae vitreae, siccae, ampliori brevique collo donatae, dupli aut tripli capacis. **) Retorta haec immergitur profundius balneo arenae, ea ratione, ut fundum fere tangat receptaculi, adplicatur excipulum, cujus collum exacte ambire debet rostrum retortae ***), munitur luto vaporibus acidis retinendis idoneo valorum nexus: ignis instruitur sub
initi-

*) PROPORTIO utriusque substantiae varia a nonnullis auctoribus traditur, & necesse omnino hoc est, quum antimonium non eandem semper reguli sulphurisque dosin recludat, & in sublimato etiam corrosivo non eadem semper adsit proportio mercurii acidique salis: CARTHEUSERUS, & MORLEY anaticam recipit dosin; LE MORT, BOERHAAVE, VOGEL, AUCTOR operis *New Dispensatory* duplam partem sublimati corrosivi; AUCTORES *Pharmacopoeae Württembergicae*, BAUME, Cl. ERXLEBEN partem unam antimonii partesque tres sublimati corrosivi; LEMERY tres partes antimonii, quatuor mercurii sublimati; Cl. MACQUER tres partes antimonii, & octo mercurii sublimati; Cl. denique SPIELMANNUS quinque partes antimonii ac duodecim sublimati corrosivi.

**) Sic saltem intelligo phrasin: *welche noch einmal so viel, oder drey mal mehr fassen kann.*

***) VITIOSE positum fuit: *Die Vorlage, die mit ihrem Hals genau in den Hals der Retorte passen muss;* non enim collum excipuli rostro retortae, sed hoc illi in omni operatione inseritur.

initium lenissimus, per gradus intendendus eo usque, donec nullus amplius latex depluat ex retortae rostro; augetur tum ignis denuo, donec materies, subpinguis adspectu, prodeat, sub adtactum fundi excipuli, vel citius adhuc congelascens: retinetur idem ignis gradus aliquamdiu; adscendet sic sensim major copia substantiae albae, glaciem saepe referentis, collum retortae occupans; liquatur haec admotis prudenter ad aliquam a superficie externa distantiam, carbonibus ardentibus, ut in excipulum stillare queat. Dum vero in conspectum veniunt vapores sulphurei, mutatur caute excipulum, alio purissimo, ignis ad summum usque intenditur: apparatus demum refrigerio spontaneo relinquitur, frige factus prorsum solvitur.

§. 1432.

Qui methodum hanc excogitarant artifices, in eo sibi inprimis gratulabantur, quod unica operatione bina producta, butyrum antimonii & cinnabarin obtinuissem, remedia inter primaria, eorum sententia, utique collocanda. Nondum enim, eheu! *Cl. Gmelin* ait, pertransiit tempus, quo vires miraculosae plane cinnabari-inerti, ac inprimis antimonii sulphur recondenti fuerunt tributae.

§. 1433.

VERUMTAMEN tunc jam temporis vires adeo decantatas cinnabaris revocarunt, ut aequum, in dubium, hinc superfluum crediderunt partem operationis, qua haec obtineretur; aut producta potius certo citiusque pura obtinere malebant, quod ratione recepta hactenus non nisi summa cura, & repetitis demum laboribus obtinere poterant. Adhibuerunt has ob rationes loco antimonii crudi ipsum regulum, seu partem metallicam, sulphure jam liberam. Sic *Morley* recepit



pit pro rosae mineralis confectione partes duas reguli antimonii martialis, partemque unam sublimati corrosivi; LEMERY, BAUME & MACQUER butyrum antimonii ex partibus tribus reguli antimonii & partibus octo mercurii sublimati corrosivi *), operationem caetera dicta prius encheiresi perficientes.

§. 1434.

OBTINUERUNT sic utique facilius multo antimonii butyrum, idque purius; interim tamen plurima adhuc remanebant incommoda: pretium remedii, usui chirurgico frequentissime adhibendi, auctum valde; periculum, quod incurrere operator valet, aequum magnum, siue regulum adhibeat, siue antimonium crudum, vapores horrende foetentes acidi salis sub ipsa jam miscela sublimati corrosivi cum antimonio, aut huius reguli in sublime elati, durante vero operatione luti fissuras minimas penetrantes, ac, dum denique aperitur adparatus, una cum vaporibus terris sulphureis nares pulmonesque illico adorientes, nisi summae adhibeantur cautelae: damna enascentia ex incuria operatorum, qui, prudentia artificum in arte versatissimorum monita insuper habentes, aut ignem iusto nimis illico intendunt, aut retortam adhibent collo longo angustoque instructam; quo facto colli retortae angusto orificio obstructo a butyro frigidiorum locum tangente vapores maxime elastici calore expulsi, magis magisque expansi, intercluso omni exitu vasa dispendunt, per atmosphaeram sparguntur, ac operatorem, una cum aëre illos inhalantem, inevitabili fato perimunt.

§. 1435.

*) PROPORTIONES hae omnes ab illis, quas CL. GMELIN antea (§. 1431.) in nota) adtulerat, denuo diversae sunt.



§. 1435.

SED & operatorem prudentissimum non omnem effugisse semper aleam, dum antea dicta utitur methodo, aequè certum est. Admovendi enim nunquam non utrinque sunt collo retortae ac excipuli carbonēs candentes, ut lique scat butyrum arcte adhaerens, & condensatum firmiter, agendum in excipulum; calor & admovendus ipsi est excipulo, ut huic inhaerens butyrum fundatur, vasi alteri, ac firmiter claudendo inmittendum. Sed pars vasorum, cui congelascens insidet butyrum, frigidior nunquam non est, utpote a fonte caloris remotior, ab aëris ambientis frigore; facillimo itaque negotio, carbonibus ardentibus propius nonnihil iusto admotis, aut vasa ipsa tangentibus, haec ob subitam caloris frigorisque vicissitudinem findi poterunt: quantum vero manet operatorem periculum, vaporibus maxime infectis catervatim, ac violentissimo impetu per vasorum fracturorum rimas prorumpentibus!

§. 1436.

NOVERUNT quidem probe & Medici & Chemicī incommoda omnia, quae, dum praeparatum hoc vulgari conficitur methodo, evitari plane nequeunt; noverunt, artifices in opere versatos & sanioris passos fuisse detrimentum, quin & infelici sorte necatos; plerique tamen idea speciei externae butyrum referentis praecooccupati, ac verum ejus usum non adeo respicientes piaculo duxerunt, si vel minimum a recepto deflecterent tramite.

§. 1437.

QUI nec Praedecessorum servili, ac inepta aestimatione, nec adsumta per praejudicium praerogativa



va solutionis hujus semimetallicae forma butyracea donatae, nec inertia inventorum olim producendi limites obcaecati fuerunt, ac praepediti, metuerunt nihilo fecius, ne encheiresi eadem, qua butyro antimonii sub ipsa jam operatione forma conciliatur fluida, & qua incommoda omnia prius dicta feliciter evitari possunt, metuerunt illi, inquam, ne encheiresi eadem vis caustica & corrosiva substantiae hujus nimium debilitetur, atque sic usui chirurgico ineptum illud evadat.

§. 1438.

CONSTITIT vero chirurgorum celeberrimorum experimentis, tantum abesse, quin oleum antimonii, seu, quod eodem redit, butyrum antimonii, cujus particulae laxae adeo cohaerent invicem, ut nunquam non maneat fluidum; ut aëuosissimum potius hunc in scopum sit, ac alias insuper ob praerogativas butyro ipsi antimonii longe praeferatur.

§. 1439.

OLEUM vero hoc ipsum antimonii lege recepta, sive repetita instituatur destillatio, sive butyrum antimonii per aliquod tempus aëri humido exponatur, ea solum ratione ex butyro obtinetur, ut aqua in aëre ambiente delitescens intime illi admisceatur, vim rodentem maximam nonnihil obtundat, & pars quaedam reguli, perfecte prius in eo soluti, sub specie calcis albae *) petat fundum.

§. 1440.

QUUM itaque oleum antimonii, seu solutio fluida reguli antimonii ab acido salis rodentissimo con-

*) QUAE alias sub nomine inepto *mercurii vitae*, vel & *pulveris Algarothi* nota est.

concentrato in usum chirurgorum, quibus inprimis remedia haecce dicata sunt, aequae cedat, quin & praeferrī butyro ipsi antimonii mereatur, melius fore videtur, si corpora, quae pro obtinenda hac solutione misceri solent, ea misceantur ratione, ut solutio jam prima sub operatione in excipulum transeat fluida, & unica vice obtineatur id, quod alias non nisi per ambages multas, ac repetitos non levis pretii labores obtinetur.

§. 1441.

SUBESSE haec ipsa videtur ratio, quod ad finem elapsi jam saeculi MORLEY, ac LE MORT spiritum salis muriatici fortissimum, fumantem antimonio adfuderint, ac miscelam hanc in vase aperto, igne vehementiori tandiu decoxerint, donec totum foret siccum, dein vero recens addiderint salis acidum, ac, facta refrigeratione, dimidium laticis limpidi sedimento innatantis decantarint, reliquum vero destillationi ex retorta vitrea, igne in auxilium vocato violentiori, exposuerint. Id vero tum simul junctum erat incommodi, quod hac methodo exigua solum portio reguli antimonii acidum intravit muriaticum, quod tamen substantiam hanc metallicam sub forma fere sicca, vel saltem sub forma vaporum tangere debet, si solutionem saturatam in acido hocce puro habere velimus.

§. 1442.

EUMDEM ob scopum, ut videtur, LE MORT, ac *Dispensatorii Würtembergensis* AUCTORES miscelam antimonii & sublimati corrosivi, antequam illam igni commisissent, aëri humido cellae subterraneae exposuerunt, ut aqua ex aëre adtracta abiret in deliquium.

§. 1443.



S. 1443.

IN utraque vero methodo, praeter incommoda prius dicta, id simul committitur vitii, quod una solum portio sub forma falso sic dicti olei, altera vero sub forma butyri obtineatur; tum quod pretium olei antimonialis abs necessitate augeatur.

S. 1444.

Quum itaque solutio reguli antimonii in acido muriatico perfecta & saturata obtineri nequeat, nisi hoc sit siccissimum & concentratissimum; quum & mercurius, ex quo sublimatum corrosivum partim componitur, nec mistionem olei antimonialis intret, nec unionem reguli cum acido salis ullo modo faciliorem reddat; Chemici nonnulli cogitarunt, annon butyrum antimonii legitimum faciliori, minusque sumtuosa obtinere possent ratione, si substantiis, quae misceri plerumque solent, ut acidum ex sale fugetur muriatico, si, inquam, substantiis illis adjicerent adhuc antimonium. MORLEY jam misceri curavit anaticam dosin antimonii, salisque muriatici, addita simul portione quadam vitrioli ad albedinem calcinati. STAHLIUS operationem eandem commendavit, simulque monstravit, vitrioli loco alumen adhiberi posseustum. Quae vero cunque in usum vocetur methodus, evitari tamen nequit, quin pars saltem acidi muriatici terrae nubat vitrioli, terraeve aluminis, atque substantiam unam alteramve secum in sublime rapiat, butyroque inmiscet, aut ipsa butyro formando reddatur inepta. Obtinetur tum nec per hanc operationem, nec per aliam in *a New Dispensatory* praescriptam (ubi regulus antimonii miscetur cum vitriolo & sale communi,) oleum antimonii fluida sub forma, sed butyrum, in frigore consistens, & multum adhuc periculi minitans. Si vero &, secundum ultimo lo-

co dictam praescriptionem antimonii regulus loco antimonii crudi adhibeatur; pretium, ut jam ante monui, abs necessitate augetur.

§. 1445.

HAEC omnia ruminantis mentem subiit cogitatio, an non removeri haec omnia possent incommoda; impuritates, quae a terra martiali vitrioli aut aluminosa fors admiscerentur, caveri; praeparatum leviori pretio parari; simul demum densatio butyri antimonii in retortae collo & excipulo, saepe adeo accidens, & tot periculis obnoxia, evitari, si calcis vitrioli, ustive aluminis loco, acidum vitriolicum purum, loco reguli antimonii antimonium crudum, loco demum olei vitrioli concentrati acidum vitrioli in usum traheretur dilutum.

§. 1446.

METUEBAM quidem, inter alia, ne magna adeo aquae copia infringeret actionem olei vitrioli in sal muriaticum, quae tamen requisita omnino est, ut acidum salis concentratum expellatur, ac immediate parti metallicaе antimonii admoveatur; metui praeterea, ne copiosum in antimonio crudo praesens sulphur laboris impurum redderet productum.

§. 1447.

TENTAMEN vero, quo, saepe jam instituto, edoctus fui, acidum vitriolicum acque debile una cum sale muriatico ignis actioni expositum, expellere nihilo fecius acidum salis generosum, in aëre libero frigidiori fumans, primum sustulit dubium; quum praeterea incommodum posterius obtineat & in operatione secundum vulgarem instituta methodum, evitari vero

Pars II.

U

pru-



prudentis ope regiminis ignis queat; experimentis ipsis
admovi marum.

§. 1448.

ADMISCUI unciam unam antimonii crudi subtilem
in pulverem triti, unciis duabus salis communis *Lil-
neburgensis* opetritus; miscelam indidi retortae vitreae
librae unius capaci; collum ejus ab adhaerente pur-
gavi pulvisculo, adfudique sensim unciam unam cum
sesqui drachma olei vitrioli, adfusionem unciae unius
cum dimidia aquae vulgaris antea diluti: oriri vidi
manifestam effervescentiam, quin tamen calor eam sti-
paret major; collum retortae uncia adhuc una cum di-
midia aquae elui; excipuli loco capacem adplicui cucur-
bitam vitream ea ratione, ut retortae collum ad duos
illi inmersum foret pollices; juncturam clausi luto ex
terra sigillata & oleo lini facto; adparatum totum bal-
neo arenae inposui; admovi sub initium ignem le-
nem, adscendentibus vero jam vaporibus, guttisque
ex retortae rostro stillantibus illum per gradus auxi:
stillare semper guttae, obnubilari excipulum, ejus
parietes obduci partim glaciato flavente, partim sul-
phure ex rubro flavicante; innatabat hoc etiam liquido
in excipulo contento, ac una cum crusta tenui mate-
rici butyraceae collum retortae interne obduxerat; va-
pores tetri sulphurei rimas luti penetraverant; fornix
etiam retortae tum glaciato, tum guttis olei speciem
referentibus obsidebatur.

§. 1449.

INSEQUENTI die matutino tempore solvi adpara-
tum; prorupit illico vapor sulphureus suffocans; per
filtrum emporeticum misi liquidum in excipulo con-
tentum; obtinui sic uncias tres liquoris aquae adin-
star diaphani, sulphur plurimum redolentis: in re-
torta

torta residuum elui ope acidi salis fumantis, una cum eo, quod elotione obtinueram, per dies aliquot calori moderato subjeci, liquidum per filtrum trajeci, atque hoc modo acquisivi unciam adhuc dimidiam liquidum, prius dicto sat similis, magis tamen in flavum tendentis.

§. 1450.

METUI, ob sulphuris fortem ex adparatu soluto prodientem vaporem, ne liquidum, quod pro oleo fumebam antimonii, purum non satis foret; conjuncto fors acido vitriolico cum phlogisto antimonii in spiritum sulphuris volatilem; metui praeterea, ne liquidum id ipsum, quod pro solutione pura reguli antimonii per acidum salis facta tenueram, levem solum reguli veheret partem, ut saltim solutio foret impura, vitrioli spiritu volatili mista reguli antimonii per acidum salis obtenta.

§. 1451.

Experimentum I.

Ut igitur liquidum hujus, quod partem antimonii metallicam vehere autumabam, penitus noscerem naturam, oleum adfudi tartari per deliquium; nata fuit effervescencia valida, quin tamen calor accederet major; limpidum sub initium semper denuo evadebat liquidum; adfusionem vero quintum aut sextum repetita, nascebantur grumuli albi, celerrime sursum deorsumque volitantes, facili demum saepius gyris denuo evanescences. Adfuso, post quamvis effervescenciam recenti oleo tartari per deliquium, lactis adinstar turbidum reddebatur liquidum; quieti datum denuo cernebatur limpidum; fundo vasis inhaerebat pulvis albus, antimonium referens diaphoreticum.



§. 1452.

Experimentum II.

MASSAM ab experimento praecedenti residuam adfudi chartae emporeticae, liquidum, quod transferat caloris moderati ope, ad cuticulae crystallinae adparationem usque evaporationi subjeci; reposui tum in locum frigidiorum: enatae sic fuerunt crystalli pulchrae, diaphanae, maximam partem cubicae; manifesto indicio, sal alkali vegetabile formasse cum acido in liquido hoc praesente idem plane sal, quod cum acido unitum muriatico formare solet, sal scilicet digestivum Sylvii, acidum itaque hic praesens idem fuisse cum acido salis. Interjectae oblique cubis dictis crystalli quaedam erant prismaticae, quibus acidi vitriolici quid inesse rebar; carbonibus tamen injectae decrepitabant.

§. 1453.

Experimentum III.

CALCES antimoniales albas, quas per haec tentamina diversa ratione obtinueram, trivi cum cineribus clavellatis & pulvere carbonum; miscelam indidi crucibulo, injecto adhuc superficiei complanatae strato cinerum clavellatorum; crucibulum carbonibus candentibus undique cinxi, candescens per horas binas retinui; facta demum refrigeratione spontanea fractoque crucibulo, hujus fundo insidentem vidi massam nigram, carbonaceam, in fractura miculas splendentes, antimonii adinstar, exhibentem.

§. 1454.

Experimentum IV.

ADMISCUI latici, qui excipulum intraverat, aquam fontanam vulgarem; factis binis adfusionibus nil adhuc

huc turbatum; tertium adfusa aqua lactescencia orta; rediit sensim limpitas; petiit fundum pulvisculus albus, mercurio sic dicto vitae simillimus.

§. 1455.

Experimentum V.

RESIDUUM experimenti quarti omne adfudi chartae emporeticae, liquidum transiens diaphanum omnino erat, ac odorem spargebat acidissimum; exposui calori illud leni, ut aqua omnis abigeretur superflua; adfudi tum ejus parti cuidam oleum vitrioli fortissimum; enatus illico fuit odor ingratus, acido muriatico proprius, quin ullus admixtus esset vapor sulphureus.

§. 1456.

Experimentum VI.

PARTEM liquidi experimenti quinti adfudi aquae forti, cui prius inposueram bracteolas quasdam auri; adscenderunt illico bullulae, quin tamen sequeretur vera solutio; inposui vas fornaci calido; paucarum horarum intervallo totum disparuit aurum.

§. 1457.

ERSI vero nunc perspicerem manifestissime, obtentum laticem componi acido muriatico, & regulo antimonii ab hoc referato, eique intime misto, hinc excepto pauco acido sulphureo, quod observaveram, mixture illud eadem absolvi cum oleo sic dicto antimonii, verbo, verum esse oleum antimonii, methodo facili, simplicique obtentum; contentus tamen his omnibus noadum fui, sed, ut eventus forem certissimus, examini subicere insuper volui, finita prima operatione, in retorta contentum residuum.

INMISI hunc in finem retortae aquam, massam eloturus variegatam, albicantem & nigram; spuma obsessam ac frutillis duris metallicis plenam una cum aqua vasi terreo indidi: elapsis octo diebus dislapsum vidi; superficies densior obsessa erat crySTALLIS enascentibus per agmina dispositis. Decoxi tum dictam placentam cum aqua; ebulliens lixivium adfudi filtro lineo, tenaculo adfixo, charta emporctica tecto; remanebat in ea materies multa nigra, in gryseum tendens, punctis plurimis micantibus donata, antimonium sat bene referens in subtilem pulverem tritum; carbonibus inspersa ardentibus eundem cum antimonio dimisit odorem; siccata drachmas adpendit sex.

LIQUIDUM, quod filtrum transierat, limpidissimum vidi; adfuso oleo tartari per deliquium enata illico effervescentia plurima; in conspectum venerunt multae nubes albae, liquidum reddentes visui minus pervium; fundum hae sensim petierunt, pro ratione adfusae majoris doseos olei tartari per deliquium, copia majori. Adfusionem tamdiu produxi, donec nil amplius mutari cernerem. Quassavi tum liquidum, & turbidum prorsus cono infudi chartae emporcticae; remansit substantia quaedam subviscida ex coerulescente in album, dein vero, aëri libero exposita, in fuscum colorem tendens. Latex filtrum transiens erat limpidissimus; decoctioni denuo illud exposui in vase terreo vitrato, furno anemio, igne leniori calenti, inposito, turbidus illico evadebat, enatis floccis, pulvisculisque plurimis albis. Totum adfudi filtro lineo, charta emporctica obducto; remansit in hoc pulvis
albus

albus, hinc inde in foliola abiens *), caeterum antimonio diaphoretico, probe edulcorato, simillimus. Lixivium transiens diaphanum, & excolor, exposui igni leniori, ac tamdiu calens detinui, donec enasceretur indicium pelliculae salinae; obtineo ex eo, in locum frigidiorum reposito, unciam unam crystallorum elegantium, facta perfecta exsiccatione, tum forma, diaphaneitate, consistentia, & sapore salis mirabili Glauberi accedentium, eadem facilitate in igne fundendarum, aequae insuper facile ab aqua solvendarum; facta, ad solutionem, salis alkalini adfusionem, nulla nascente turbiditate: ut adeo vix superesset dubium, crystallos dictas ejusdem cum sale mirabili esse indolis.

§. 1460.

LIXIVIVM, crystallis nunc expositis innatis, dicta methodo igni exposui, ac subsequenti refrigerio; salia sic obtinui bina, tum ratione formae, tum indolis propriae ab invicem diversa, caeterum candidissima.

§. 1461.

SALIVM horum unum, drachmas duas aequans, crustarum induit formam, &, gustu chemicoque criterio, examinatum, tartarum exhibuit vitriolatum. Alterum, centum quinque granorum ponderis, erat subtilius; compositum crystallis delicatioribus longe, plumosis, petalorum rosae adinstar sibi mutuo obpositis, in massis sphaericis arte cohaerentibus: impurum hoc erat, sapore magis vero effervescentia cum acidis, & coloris violarum syrapi mutatione, excessum salis alkalini prodens; aëri expositum humescebat; carbonibus candentibus injectum maximam par-

U 4

tem

*) Ein weißer Staub, der sich hin und wieder blätterte.



tem diffuebat, granis nonnisi paucis exceptis, crepitantibus; intillata pauca dosi in solutionem mercurii nitrosam, calx, tum sulphureo, tum fusco colore praedita, petiit fundum.

§. 1462.

LIXIVIUM, quod crystallis ultimo loco dictis inhaeserat, odorem mellis exacte referebat, ter inspissatum crystallos quavis vice dedit elegantes, diaphanas, cubicas, cum sale digestivo Sylvii prorsum convenientes; eodem sapore donatas, super carbonibus decrepitantes, mercurium ex nitrosa solutione forma calcis albae dejicientes, aquam fortem in aquam regiam vertentes. Lixivium, his extractis omnibus crystallis ulterius inspissatum, colore obscuriori sensum, majorique donabatur spissitudine, nulas jam dimittebat crystallos; atque, curatius examinatum, salis alkalini fixi manifesta exhibebat indicia.

§. 1463.

PATET quidem tum ex magna dosi antimonii crudi, fundo retortae haerentis immutati, tum & ex portione sat notabili salis digestivi Sylvii, elixivatione residui obtenti, multum abesse, quin acidum omne, ope olei vitrioli & ignis ex muriatico sale fugatum, impensum fuisse referendae parti metallicae antimonii, oleique antimonialis genesi; facile tamen demonstratu erit, hac methodo oleum obtineri antimonii optimum, usui chirurgico maxime idoneum; eam praeterea ob rationem commendandum, quum, si hac paretur methodo, & sumptibus parcat, & tempori, & labori, maximam demum partem evitentur pericula, quibus operator alias foret obnoxius.

§. 1464.

§. 1464.

PATET insuper ex adductis antea tentaminibus, oleum hoc antimoniale veram sistere reguli antimonii solutionem per acidum salis. Odorem quod concernit sulphureum, de quo prius dictum fuit, monuisse hic juverit, abigi eum facile posse mediante calore leniore, cui antimonii hoc oleum, quin ponderis magnam partem deperdat, exponitur. Nee aquae, sub initium operationis adfusae, insignis portio debile nimis oleum reddit, quum cutim erodat, prout ab eo requiritur; quodsi vero meracius ac spissius habere quis illud velit, diffilari destillationis ope facile poterit excedens aqua.

§. 1465.

OBTINUI per hanc operationem, ex uncia una antimonii crudi, cujus drachmae sex alteri usui prorsum idonea remanserant, ex unciis binis salis communis Lüneburgensis, & uncia demum una cum sesqui drachma olei vitrioli Nordhusensis oleum antimoniale, (de quo sulphureum odorem jam fugaveram) unciam unam cum sex drachmis adpendens; sumtus, quos pro eo obtinendo expendi, absoluebantur grossis Mariae binis cum dimidio, quum tamen eadem dosis floreno alias constet: obtinui oleum antimoniale labore *unico*; quum alias, ut adquiratur, butyrum antimonii bis vel ter destillationi debeat subjici; labor omnis intra sex horarum spatium absoluebatur: etsi vero crusta tenuis butyri antimonialis parietes vasorum internos obduxerit, periculum tamen nullum plane aderat obstructionis ullius ostiorum: orituraeque hinc vasorum dispositionis. Haec *Cl. Gmelin*.



§. 1466.

ADDENDA haecenus dictis veniunt pauca, connubium antimonii crudi cum sale ammoniaco, diversaratione factum, concernentia.

§. 1467.

LEMERY uncias duas antimonii crudi unciasque quatuor salis ammoniaci, in subtilem pulverem trita, exacte miscuit. Miscelam indidit, adjecta libra una aquae, in matrarium chemicum, ac digestioni leniori per horas viginti quatuor exposuit, demum per horas binas decoxit. Lixivium filtratum ad siccitatem usque subiecit evaporationi. Obtinuit sic uncias quatuor cum drachmis binis ammoniaci salis ex albo coerulefcente colore tincti; in antimonio ad experimentum adhibito drachmae binae ponderis desiderabantur. Sal hoc, notante LEMERY, vim emeticam non exseruit.

§. 1468.

SUB praeparatione butyri antimonialis, ope mercurii sublimati ac antimonii crudi, duae fiunt decompositiones, duaeque novae succedunt syncryses. Decomponitur mercurius sublimatus corrosivus, acido salis concentratissimo & mercurio constans; decomponitur & antimonium crudum, nascens ex unione substantiae semimetallicae regulinae antimonii cum sulphure. Regulus jam antimonii resolvitur ab acido muriatico, mercurio prius adnexo, in butyrum, seu oleum concentratissimum antimonii: mercurius, liber factus, nubit sulphuri, ac in *cinnabarin* sic dictam *antimonii*, a cinnabari in *capite de MERCURIO* latius descripta non diversam, si recte procedas, ad tollitur. Volatilitate majori praeditum butyrum antimonii primum transit, sequitur hoc, notante BAUME,

ME, pars mercurii sublimati corrosivi ab admistis sub-
stantiis non decompositi; sequitur denique cinnabaris,
majori quam mercurius, aut sulphur, seorsim sumta,
ut elevetur, indigens caloris gradu, adeo ut per ho-
ras aliquot protracta fundi retortae requiratur cande-
scentia. Suadet hinc BAUME, ut pro celeriori reddenda
operatione massa eximatur ex retorta, quamprimum
transierit butyrum, tum vero in matraccio minori
chemico sublimationi exponatur.

§. 1469.

OBSERVAVIT *Cl. SPIELMANN*, cinnabarin antimo-
nii a cinnabari vulgari majori solum nonnihil dosi sul-
phuris admisti distingui, atque hanc ob rationem co-
lorem saturatius rubrum, ad nigrum fere accedentem
obferre; caeterum, uti antea dixi, cum vulgari esse
eamdem, iisdem prorsum instructam dotibus. Ma-
jor vero hic sulphuris proportio in cinnabari antimo-
nii evitari nequit, quum si minor adhibeatur copia
antimonii, ut minor dosi sulphuris mercurio junga-
tur, mercurius sublimatus corrosivus tum exactam non
subcat decompositionem. Videtur hinc, quid sen-
tiendum sit de sententia BAUMEI paulo ante (1468.)
adlata.

§. 1470.

OBSERVAVIT praeterea *Cl. SPIELMANN*, butyrum
antimonii, cum sale alkalino fixo tractatum, manifeste
evincere, se non solo compositum esse reguli antimo-
nii, ab acido muriatico resoluti, quum operatione
ille mercurius exin queat obtineri.

§. 1471.

Ex massa, quae retortae, facta sublimatione, adhuc
inhaeret, nigra, splendente, regulum antimonii redu-
ctionis ope adquiri posse *Cl. WALLERIUS* monuit. Pro
diver-



diversis vero proportionibus & indole adhibitârum ad operationem substantiarum diversitatem circa massam illam intercedere tenendum; quum utique non semper adesse queat eadem.

§. 1472.

EASDEM etiam ob diversas ingredientium proportionem, tum & ob varia ratione institutam operationem ipsam, varia ab auctoribus assignata fuit productorum quantitas. MENDERUS obtinuit ex unciis quatuor antimonii & unciis octo mercurii sublimati corrosivi uncias quatuor cum dimidia butyri, unciasque septem cinnabaris antimonii. MACQUERUS adquisivit partes $3\frac{3}{4}$ butyri, partesque 7 cinnabaris ex massa experimento adhibita. BAUMEUS ex unciis duodecim reguli antimonii, librisque binis mercurii corrosivi prodire dixit uncias sexdecim cum dimidia butyri. Remanserunt unciae viginti mercurii currentis, unciae tres pulveris grysei, qui uncias adhuc duas mercurii vivi dimisit; remansit ex illo pulvere uncia una reguli antimonii. In retorta invenit drachmas sex cum granis viginti quatuor reguli antimonii fusi, in superficie semicalcinati, undique floribus reguli antimonii rubris cincti: vidit & BAUME, nonnunquam eidem incubuisse aciculas duos pollices longas, colore argenteo donatas.

§. 1473.

QUUM & butyri & olei antimonii nomina ex aequo sint inepta, Cl. BAUME voluit, ut praeparatum hoc *sal muriaticum antimoniatum* (*sal murin antimonie*) vocetur, quum re ipsa ex unione acidi salis cum parte regulina antimonii producat; verum & haec denominatio mihi non videtur adaequatissima, sed *regulum antimonii ab acido salis concentratissimo solutum*

tum, aut solutionem reguli antimonii concentratissimam muriaticam vocandum butyrum antimonii censeo. *)

§. 1474.

SUB rectificationis butyri antimonialis titulo designatur operatio, qua butyrum consistens in formam deducitur fluidam, & ab adhaerente forsan sulphure, crocove (secundum BAUMEI sententiam) martis pauco, mercurio sublimato corrosivo inhaerente, liberatur.

§. 1475.

HUNC in finem butyrum, forma consistente donatum dividitur in minores massulas, hae induntur retortae vitreae collo amplo donatae, balneo arenae inponendae; adplicatur excipulum foraminulatum, ignisque lenis instruitur. Prodeunt sic primum unciae duae vel tres liquidi limpidi non consistentis, seu *oleum dictum antimonii*; sequitur denuo butyrum den-

*) DIXIT quidem Cl. GEHLER in versione germanica operis Baumeani gallici, denominationem hanc, quam in versione germanica. *Manuel de Chymie de Mr. BAUME &c.* primum proposui, pro tyronibus aliquanto longiorem esse, atque definitionis potius, quam denominationis mereri titulum; simul tamen ipse monuit, meam denominationem meliorem esse & antiqua illa, & recentiori *Baumeana*, quum hanc respiciens ultimam sal aesse crederet muriaticum antimonio remissum. Optime, uti reor, vocari posset *causticum antimoniale*, vel *antimonium causticum muriaticum*, ut sic & vires, & componentia simul habeantur indicata. Butyrum antimonii sub titulo *Spermatis draconum venenatorum* designarunt veteres Chymici.



densius, congelascens, carbonibus admotis fundendum, novaeque operationi subijciendum.

§. 1476.

BUTYRUM antimonii, quod, aëri diutius expositum, una cum latice aëreo simul phlogisticos vapores, aliave impura adtraxit, & fuscescens inde factum fuit, eadem (1475.) methodo depurari valet.

§. 1477.

BUTYRUM antimonii microscopio examinatum sub-
cuboideum, vel & rhomboideum, vel, parum aciculare, lanceolatum cernitur.

§. 1478.

Dictum jam antea, ex *Cl. GMELIN*, fuit, varia methodo Chemicos tentasse butyri antimonii, (& cinnabaris,) praeparationem. *Cl. WALLERIUS* enumeravit in unum collectas sequentes.

§. 1479.

Dum loco sublimati mercurii corrosivi adhibentur praeparata mercurii alia, muriaticum acidum recludentia, v. c. mercurius dulcis, panacaea mercurialis, mercurius praecipitatus albus e. f. p. butyrum pariter obtinetur, sed non adeo causticum, & minori dosi; cinnabaris tum etiam adscendit. *)

§. 1480.

Dum vero loco sublimati corrosivi sal commune, & vitriolum calcinatum, vel alumen ustum, vel oleum

*) Tum ex ante dictis, tum ex ipsis chemicis rationibus patebit, quid circa operationes §. 1480. & 1481. relatas censendum sit, & an omnes ex aequo admittendae.

um vitrioli, vel & sal ammoniacum una cum vitriolo calcinato, aut oleo vitrioli antimonio additur, miscelaque destillationi subijcitur, exurgit etiam butyrum antimonii, nulla tamen cinnabaris.

§. 1481.

Si loco mercurii sublimati corrosivi recipiatur luna cornea, aut saturnus corneus, vel &, quod commodissimum est, calx lunae sale muriatico dejecta, horum duae partes misceantur cum parte una antimonii, miscela dein destillationi tradatur, obtinebitur in excipulo butyrum antimonii forma sicca fluidaque simul ea proportionem, quae octavam circiter partem antimonii adhibita aequet, vocatur (si luna cornea, aut lunae calx adhibeatur, quod WALLERIUS non adnotavit) *butyrum antimonii lunare*. Notari circa methodum postremo loco dictam meretur, sub destillatione ipsa in excipulo lenem percipi suffurum, ac, finita illa, parietibus retortae adnatos cerni flores albos, splendentes, antimonium vehentes; fundum vero tegi massa compacta, argento antimoniique regulo mistis composita. *V. Cl. MACQUER Chym. Prat. T. I. p. 415. &c.*

§. 1482.

CINNABARIS vero antimonii obtinebitur, si antimonium solvatur acido salis, addatur mercurius, abstrahatur acidum, residuum agatur in sublime; tum si mercurius solvatur in aqua forti, adjiciatur sulphur auratum antimonii, abstrahatur acidum; ac fiat sublimatio; tum si misceantur sulphur antimonii auratum & mercurius in aethiopem, sequente sublimatione; tum denique, si eadem ratione tractetur mercurius dulcis cum sulphure aurato antimonii; his vero ex miscellis non obtinetur butyrum antimonii.

§. 1483.



§. 1483.

CAUSTICUM *antimoniale* componi *) parte antimonii regulina evincitur tum ex eo, quod sulphure, cinnabarin antimonii una cum mercurio dein constituyente, avulso, nil nisi pars semimetallica supersit, quae cum acido salis coëat; tum quod causticum hoc ipsum mediante regulo antimonii optime conficiatur; tum ex analysi pulveris ex illo dejiciendi.

§. 1484.

ACIDI salis in illo praesentiam demonstrat mercurius, acido huic antea unitus, nunc aut cum sulphure in cinnabarin coiens, aut omnino redditus liber: tum ex variis operationibus antea (1481.) dictis, ubi nullum, praeter muriaticum adest acidum.

§. 1485.

NOTES butyri antimonii, seu caustici antimonialis reliquae sunt sequentes.

§. 1486.

CAUSTICUM, inprimis dum valde concentratum fuerit, summum constituit, carnes ad ossa usque erodens; cutim, superficialiter licet, ac insensibiliter fere illitum, rubefaciens, fodiens, exulcerans; linthea, ligna ipsa comburens, in carbonem vertens, vivi ignis adinstar; usu chirurgico ad destruendas luxuriantes excrecentias, fungositates, carnes mortuas &c. celebratissimum; interne nunquam non horrendum venenum, & actione rodentissima concentrati maxime acidi, & actione summe emetica, hypercathartica antimonialis reguli,

*) VITRIO, uti videtur, typi, quibus *traductio germanica* Cl. WALLERII ubique foedata est positum fuit, butyrum antimonii esse *vitriolum volatile antimoniale*, *im flüchtiger ammoniakalischer Vitriol*.



reguli, pulvisculo exin ad fundum ruenti eloto adhuc propria; uti multiplici confirmatur, ac infauſta experientia *mercurii* sic dicti *vitalis*, seu potius *mortis*; de quo mox plura.

§. 1487.

AERI expositum, forma antea solida donatum, carbone candente liquandum, nunc humescit, pondere augetur, diffluit, opacatur; fundum jam petente aqua aërea, excusso dicto (1486.) pulvere. Liquatum sic *oleum* sistit *antimonii offic.* maxime adhuc causticum. *)

§. 1488.

ACIDIS admistum ebullit; cum acido vitriolico mistum eructat fumos. Effervescentiam, quae ab alkalium ad acida adfusione oritur, non adeo, ut ebullitionem (diversum denuo motus intestini genus) observavi, etsi *Cl. Wallerius* effervesce dixerit; qui simul monet, videri ab adfufis acidis excitari motum ob adtractionem ad partem semimetallcam; dum alkalia effervescunt ob adfinitatem quam alunt cum acido muriatico; priorum tamen sententiam ipse dixit hypotheticam.

§. 1489.

EFFERVESCIT cum salibus alkalinis.

§. 1490.

*) INTRA paucissimum tempus enormibus sub spasmis, ac totius corporis jactitatione necari vidi bufones duos magnos, quorum dorso guttas aliquot olei concentrati antimonii adfuderam; citius adhuc necantur lacertae; cito etiam pereunt convulsae ranae & serpentes.

Pars II.

X



§. 1490.

ADUSO, si antimonii haec solutio concentrata sit, vini spiritus rectificatissimi duplo, massa tota, glaciati adinstar densatur.

§. 1491.

ADUSO spiritu falis ammoniaci vinoso ruit praecipitatum, edulcoratum hoc, exsiccatum, acin cucurbita vitrea sublimationi expositum, flores largitur falis ammoniaci, mercurii quamdam partem retinentes MENDERO teste. *).

§. 1492.

DIXIT *Cl. WALLERIUS*, butyrum antimonii particulas quasdam recludere mercuriales, cum acido falis in sublime raptas: dixit & *Cl. WEIGEL*, dependere forsan hinc phaenomenon inventi in mercurio vitae mercurii; scripsit praeterea *Cl. VOGEL* diatriben, *de mercurio vitae mercurii non experte* a D. B. F. STARCK *Göttingae 1765.* defensam: advertere tamen oportuisset, mercurium sic dictum vitae nil nisi erosum in calciformem pulverem esse antimonii regulum; obtineri hunc posse, quin ulla mercurii, quacunque demum sub forma, requiratur additio; hinc etsi admitta-

*.) ACCENSUIT hoc WALLERIUS, quem in hisce sequutus sui, reliquis caustici antimonialis dotibus; monere tamen debuisset, phaenomenon istud obtinere solum, recepto, ad parandum antimonii butyrum, mercuriali praeparato, imprimis corrosivo sublimato; quum vero butyrum hoc abs ullo mercurio queat obtineri, facile patet, adlatam dotem non in universum obtinere.

mittatur, mercurium in pulvere illo subin fuisse detectum, respici nunquam non debuisset, an butyrum antimonii, ex quo mercurius vitae dejectur, adjecto paratum fuerit mercurio: quum itaque satis constet, parari posse & butyrum antimonii, &, per necessariam sequelam, ex eo aquae admisto dejecti mercurium vitae, quin adhibeatur mercurius, adsertum non pro generali canone proponere licet, mercurium vitae nunquam non admistum quid habere mercurii: ego saltem ex mercurio vitae dejecto ex butyro antimonii abs mercurii ulla additione confectio, mercurii nec atomum unquam obtinui.

§. 1493.

Quodsi butyro oleove antimonii admisceatur aqua, aut potius, dum oleum hoc instillatur aquae, ruit ad fundum sensim pulvis albus, descendens laticem, in quo praecipitatio fit, reddens lacteum; vocatur pulvis hic edulcoratus, absurdo nomine, praeeunte PARACELSO, *mercurius vitae*; ab aliis, ob funestos quos haud raro edidit effectus, inprimis dum ab inperitis exhibitus fuerat agyrtis, *mercurius mortis*; a Medico Veronensi *Victore ALGAROTH*, qui pulverem hunc, uti refert BLASIUS, nomine donabat pulveris angelici, *pulvis* dictus fuit *Algaroth*; quam denominationem, inter caetera magis adhuc tolerabiliorem & hodiedum in nonnullorum Chemicorum scriptis retinuit. Latex, in quo praecipitatio pulveris hujus instituta fuit, inconcinno denuo maxime titulo *spiritus vitrioli philosophicus* audit, etsi nec spirituosus, nec vitriolici quid in eo contineatur; operatio vero ipsa philosophica sane per jocum nonnisi adpellari queat.



§. 1494.

RATIO cur pulvis Algaroth ad fundum in operatione hac descendat, facile perspicietur, si adtendas, regulum antimonii concentratissimum, ut solvatur, & solutus retineatur, requirere falis acidum, dum itaque acidum hoc aquae adfusione diluitur, excuti omnino debeat.

§. 1495.

PATET hinc, quae pulveris Algaroth sit indoles; a quo, etsi crebro eloto, acidum omne falis aegre tollitur.

§. 1496.

PATET simul ratio, cur in butyro, oleove antimonii, aëri libero humanti inprimis exposito, ac deliquescente, pro ratione adtracti laticis atmosphaerici major minorve pulveris albi copia excutiatur, qui cum descripto. (1493.) plane est idem.

§. 1497.

PULVEREM Algaroth, uti jam antea de tartaro emetico agens monui, Chemici plures pro parando adhibuerunt emetico. Cl. de LASSONE (*Mem. de l'acad. royale des sc. de Paris* 1768.) butyrum antimonii aëre liquatum humido remisit cum oleo tartari per deliquium ad saturationis usque punctum; enata fuit massa alba, acidissima; hanc eluit ope aquae destillatae; elotae nunc, albissimae, summe adtenuatae, partem cremoris tartari anaticam addidit, atque ex unione hac demum obtinuit tartarum emeticum albissimum, majori dosi, quam quae in vulgari adest, antimonialis reguli onustum.

§. 1498.

§. 1498.

DUM butyrum antimonii acido diluitur muriatico, solutio reguli antimonii habetur muriatica, quae alias ope acidi hujus forma fluida donati confici non aequae valet.

§. 1499.

MERCURIUS vitae calcinatus accedente agitatione, ut acidum diffletur inhaerens muriaticum, *arcanum* fit RIVERII *antimoniale*.

§. 1500.

CALORI majori expositus funditur in *vitrum antimonii succineum*.

§. 1501.

FUSIONI datus cum fluxu nigro & carbonum pulvere largitur *regulum antimonii aculeatum*.

§. 1502.

MERCURIUM vitae dejectum ex diluto butyro antimonii, cui conficiendo non antimonium crudum sed regulus adhibebatur, colore nitidius albente donari observat Cl. WALLERIUS. An quod sulphuris nil accedat? Unciae undecim mercurii vitae uncias fere decem reguli antimonii BOERHAAVIO dederunt.

§. 1503.

LATEX acidus, quem spiritum vocarunt vitrioli, philosophicum sal sistere, si cum sale misceatur tartari, muriaticum regeneratum Cl. WALLERIUS retulit: oriri vero sal hoc ex miscela hac nunquam poterit, bene vero digestivum Sylvii. Destillationi subiectum sub finem dimittit acidum salis fumans. Quodii vero,
X 3 egress-



egresso spiritu acido tenuiori, minuatur ignis, adscendit sal subtile, in aëre non deliquescent, aqua non (difficiliter & pauca copia) solubile; in igne fundendum in vitrum, aqua nunc solubile, sal pristinum largiturum, flammam colore viridi tingens, teste *Cl. de LASSONE*.

§. 1504.

ACIDO nitroso cum butyro antimonii misto enascitur cum calore ebullitio magna; obtinetur pulvis, quem, calcinatum *CROLLIUS antimonium diaphoreticum*, *BEGUINUS* cum variis aliis *bezoardicum minerale* dixit; adjuncta substantia metallica alia nomen illius indispiscitur.

§. 1505.

OPERATIONEM, qua bezoardicum minerale conficitur, latius, & *WALLERIO* nonnihil exactius, describit *Cl. BAUME* sequentibus. Inmittitur dosis quaedam, pro lubitu, butyri antimonii liquati cucurbitae capaci vitreae; adfunditur sensim anatica dosis aquae fortis generosae; facta miscela inponitur balneo arenae, humidum omne ut abigatur, calx antimonii remanente forma pulveris albissimi. Pulvis hic conteritur in mortario vitreo pistillo simili, adfundendo sensim anaticam partem aquae fortis; adfusionem hanc stipat minor incallescencia; ebullitio nulla. Pulvis insigniter induratus difficulter cum aqua forti commiscetur; abit demum in pulvem albissimam, in phiala patula exsiccationi denuo subjiciendam; tritus cum aqua forti, altera adhuc, uti prius, repetitur vice. Diffluit nunc facilius calx; nec incallescencia sequitur, nec ebullitio. Materies obtenta exsiccationi iterum subjicitur, sicca inmittitur calcinanda crucibulo, per mediam circiter horam candescentiae relinquendo. Frigida

gida, super chartam effusa superne alba, inferne rosea cernitur; miscentur pulveres hi bini tritu invicem, sub titulo *Bezoardici mineralis* in lagena (probe clausa) adservandi.

§. 1506.

MISCELA, BAUME prosequitur, butyri antimonii cum acido nitri fiat in vase, orificio satis amplo donato; hinc si in matraccio chemico fieret, periculum instaret dislosionis ob vapores elasticos, ebullitione fugatos.

§. 1507.

ACIDUM nitrosum additur, ut liberetur acidum muriaticum, & pars regulina antimonii magis magisque privetur phlogisto; hinc vapores, qui sub evaporatione miscelae primae abscedunt aquam regiam plurimum redolent *) ut regulus eo magis ab acido muriatico divellatur & phlogisto, secunda vice repetitur adfusio, & tertia; superfluum hanc non esse patet ex eo, quod sub adfusione pulvis induratus adhuc deprehendatur, & nascatur calor: tertia demum vice aquae fortis in calcem antimoniam exhausta videtur actio, quum nec acidum ei amplius adhaereat, nec phlogisti copia sufficiens adsit, ut actio acidi fieri queat manifesta. Omittendus tamen tertius labor non erit, quum intersit omnino, ut calx ab omni, quantum fieri queat, liberetur phlogisto. Calcinatio instituitur, ut abigatur acidum nitrosum (& muriaticum) calci laxissime adhaerens. Remanet demum antimonialis calx, phlogisto & acido plane orbis; a diaphoretico antimonio nulla plane re, ut videtur, diversus.

X 4

§. 1508.

*) VERA utique hic generatur aqua regia ex unione acidi muriatici cum nitroso.



§. 1508.

COLOREM roseum, antea dictum BAUME deduxit a ferro, pauca dosi in acido nitroso contento; quum, eo monente, & purissimum nitri acidum ferro ex integro nunquam careat.

§. 1509.

PULVIS antea dicto (1507.) similis, speciali tamen termino *cerussa antimonii* dictus, obtinetur, dum pars una mercurii vitae cum partibus tribus nitri mista, crucibulo candenti sensim ingeritur, massaque orta aqua plurima exacte eluitur.

§. 1510.

SPIRITUM *nitri bezoardicum* inconcinne dixerunt laticem, qui sub praeparatione bezoardici mineralis* obtinetur, ex miscela prima acidi nitrosi cum butyro antimonii ascendens. Est genuina aqua regia.

§. 1511.

NOTUM est, nitrum cum sulphure, uti cum substantiis inflammabilibus, seu phlogiston recondentibus, omnibus in motum cieri igneum, quem speciali voce, a strepitu quem excitat, ac fragore dixerunt *detonationem*. Dum itaque antimonium, varia sub proportionem nitro mistum, ignis actioni subicitur, phaenomena eadem omnia enasci debebunt.

§. 1512.

VARIA vero ex harum substantiarum unione praeparata produxerunt Chemicis, pro diversis cujusvis proportionibus, & nomine & viribus plurimum diversa; ctfi

*) VITIOSE denuo hic in *Walleriano* opere pro bezoardico minerali bezoardicum animale positum fuit.

etfi quidem & praeparatum idem pluribus notarint nominibus, & praeparata plura, indole sibi plane simillima, sub diversis multum complexi fuerint terminis.

§. 1513.

OCCURRIT inter haec (1512.) omnium primo *antimonium* sic dictum *diaphoreticum*, alias & *calx antimonii*, *calx antimonii alba*; aut *diaphoreticum minerale* vocatum; in cuius historia recensenda erunt experimenta, quae proposuit in dissertatione *de activitate antimonii diaphoretici*, sub praesidio IUNKERIANO defensa Halae 1770. Auctor Ephraim Gottlob LEDER; notatu sane digna.

§. 1514.

ANTEQUAM experimenta haec ipsa referam, praemittendum est, *antimonium diaphoreticum* parari, dum pars una antimonii in pulverem triti miscetur cum tribus, vel & quatuor partibus nitri tusi, miscela per vices ingeritur crucibulo candenti, *) ut detonet; retinetur tum per quadrantem circiter horae in igne, dein vero calens massa infunditur aquae sufficienti, ut solvi queat, portioni; pulvis obtentus albissimus plurima elotione ab adhaerente omni salina liber, siccatus conteritur.

§. 1515.

REFERAM nunc experimenta antea (1513.) dicta, quae reliqua circa antimonium diaphoreticum notanda subjungam.

X 5

§. 1516.

*) DIXIT quidem Cl. WALLERIUS cum nonnullis aliis Chemicis, rem eodem redire, si miscela simul & semel ope carbonum accendatur, ingestio tamen in crucibulum, ob rationes vix obscuras, praefertenda est.



§. 1516.

Quum Cl. MEYER in opere *de calce &c.* dixerit, lapidem calcareum, igne mediante, causticitatem adsequi, & hanc efficere, ut, & terrae lapidis hujus particulae in aqua solvi queant, & aliae calci vivae tam chemicae quam medicae vires insint; quum praeterea referens haec ad quorundam metallorum calces, idem ipsis, ac calci vivae, inesse principium docuerit, suspicatus fuit Cl. LEDER, calci reguli antimonialis simile forsan causticum adhaerere *), idque, si adsit, efficere posse, ut illa, misso etiam crassiori admisto sale, singularis majorisque, quam quibusdam visum, activitatis existat.

§. 1517.

IN mortario, ait, e lapide serpentino facto, antimonium diaphoreticum *ablutum*, vulgari (§.1514) methodo quidem paratum, sed per aliquot jam menses adservatum, cum sale ammoniaco subigebatur. Sub ipsa tritura manifestus, quamvis levior, salis urinosi odor percipiebatur.

§. 1518.

IDEM periculum cepi cum stibio diaphoretico *non abluto*, in bene tecto vitro, per aliquod jam tempus adservato, & sale ammoniaco. Eventus erat idem.

§. 1519.

Quum vero sal ammoniacum in praedicto mortario solum tererem, diu licet continuata tritura, odo-

*) MONERE vero hic debeo, recensendo haec experimenta me *Theoriae Meyerianae* patronum profiteri minime velle. *de W.*



odorem tamen, quem dixi, observare non potui: quod quidem monendum esse credidi, ne quis illum martialibus particulis, in lapide serpentino, teste *III. MARGGRAFIO & Cl. POTT*, contentis, dandum esse existimet; solet enim Mars, salı communı additus, urinosum liberare. *v. Meyer Abhandlung vom Kalke. 174. S.*

§. 1520.

UNCIAE uni salis ammoniaci addebantur antimonii *non abluti* unciae tres. Mistum indebatur congruo vasi, atque, applicato recipiente, lenis ignis admovebatur, omniaque ea perficiebantur, quae in praeparatione spiritus salis ammoniaci adtendi debent & praecipiuntur. Nullum sal urinosum siccum adparebat. Quum viderem, duas circiter uncias in vase recipienti contineri, hoc sublato fluidum effudi. Erat saporis acris, odoris urinosi, sed valde debilis; syrupum violarum viridi inbuebat colore; cum acidis, sed lentius, & debilius, effervescebat; solutionem calcareae terrae, in aqua forti factam, multo tamen tardius, quam spiritus salis ammoniaci, cum alkali paratus, praecipitabat, atque demum huic, cum alkali parato, spiritui salis ammoniaci additus, eum manifesto penetrantiorē reddebat.

§. 1521.

EUMDEM liquorem praebet antimonium diaphoreticum *ablutum*, quando cum sale ammoniaco simili tractatur modo. Ex quo patet convenientia spiritus hujus cum eo, qui cum calce viva paratur. *V. MEYER, p. 58.*

§. 1522.

PARANDUM curavi antimonium diaphoreticum utrumque, ut intelligerem, anne recenter parato aliae



insint dotes; atque praeterea cognoscerem salia, in mistione aquae, quacum stibium abluitur, contenta. E tribus id partibus nitri & una antimonii crudi, vulgari methodo, confeci. Una, per aliquod tempus calcinatae massae pars, more vulgari abluebatur; altera sicca conservabatur. Utrique sal postea ammoniacum descripta ratione admiscebam (1517-1522.) atque non potui ullam differentiam observare. Odor erat plane idem (1519.) atque eundem liquorem, quem dixi (1519-1521.), nec fortiores inpetrabam.

§. 1523.

QUUM siccae massae, a destillatione spiritus salis ammoniaci, cum utroque stibio diaphoretico parati, residuae, alkali fixum adderem, atque ignem iterum admoverem, sat copiosum sal urinosum siccum, replens vas recipiens, conspiciebatur. Ex quo patet, uncias tres diaphoretici stibii utriusque nondum sufficere, ut ex unica salis ammoniaci uncia omne sal urinosum expellatur. Minima tantum hujus pars mihi ab antimonio diaphoretico liberata videbatur.

§. 1524.

SAL ammoniacum tam cum stibio crudo, quam regulo antimoniali trivi. At massae istae, diu licet continuata tritura, adfusisque aliquot aquae guttulis, nullo modo nares feriebant. Ut ergo soli calci reguli odor, quem dixi urinosus, dandus veniat.

§. 1525.

AQUA, quacum stibium diaphoreticum ablutum erat, linguae manifestam causticitatem inprimebat, syrupum violarum viridi tingebat colore, & cum acidis effervecebat. Quando ipsi aut spiritus vitrioli,
aut

aut aqua fortis, spiritusve salis venalis (quibus, ut notum est, acidum vitriolicum adhaeret) instillatur, odor acidi nitrosi percipitur.

§. 1526.

EAMDEM aquam evaporationi, ad ficcitatem usque, commisi; sal inde obtentum amarum erat & aere, refrigerio simul quodam, exacte gustatum, linguam adsciebat; sali ammoniaco additum, urinofam ejus partem liberabat; aquam ex aëre facile adtrahebat. Dimidiam circiter stibii non abluti partem constituit.

§. 1527.

QUAE (1525. 1526.) quum me docere viderentur, sali potius alkalino caustico, stibio diaphoretico adhaerenti, quam huic ipsi expulsionem urinofae salis ammoniaci partis deberi; de purissimo stibio diaphoretico abluto parando cogitavi. Sumsi itaque reguli antimonialis purissimi partem unam & nitri depurati siccissimi atque purissimi partes tres, miscui hoc exacte; mista cochleari ferreo indidi crucibulo apto, ac, ut exacte deflagraret, bacillo argillaceo frequentius agitavi. Consumtam sic omnem per dimidiam adhuc horam calcinavi. Denique calcem hanc antimonii eousque aqua pura abluendam curavi, donec aqua effusa, commistionem cum acidis absque sensibili mutatione ferret, atque syrupus violarum nullo tingeretur colore. Per bibulam nunc chartam filtravi massam, relicto stibio novam semper & notabilem aquae quantitatem adfudi, ut omne adhaerens sal abluerem. Nondum hujus securus calcem & aquam denuo adfusam, ut ebullirent, igni per dimidiam horam in vase argillaceo commisi. Atque hac ratione inpetravi stibium diaphoreticum ablutum ab omni sale



fale certo certius liberrimum, suavique candore nitens.

§. 1528.

QUUM aquae, quacum stibium istud ablutum erat, spiritum vitrioli adfunderem; massa levissima, candidissima, tenerrimaque praecipitabatur, *matertiae perlatae* nomine inter Chemicos satis nota.

§. 1529.

SICCUM stibium cum fale ammoniaco trivi. Nul- lum potui urinosi liberati signum observare. Vel uni- ea olei tartari per deliquium guttula adjecta, odor urinosus manifeste percipiebatur.

§. 1530.

IDEM stibium, apto inditum vasi, commisi denuo igni sic, ut per aliquod tempus canderet, candens cum fale ammoniaco trivi. Nil percepi urinosi, sat enim cito calor stibii evanuit.

§. 1531.

SPIRITUM salis purum, adeo aqua dilutum, ut leviuscule tantum acidus esset, stibio huic adfudi, mas- sam saepius agitavi. Vix potui levem effervescentiam observare, licet, dum digitum, quo, sub agitatione ista, orificium vitri medicinalis clauseram, explosio- nem aëris elastici liberati manifesto perciperem. De- lato ad fundum omni stibio oleum tartari per deli- quium adfudi. Tenuis dejectus pulvis, at non mi- nus observabilis, oleo tartari admisto aquae in qua spiritum salis dilui. Reliqua parte spiritus salis, an- timonio diaphoretico superfusi, per aliquot dies re- posita, spiritui salis quidquam acoris decessisse vide- batur. Portioni ergo exiguae ejus nova stibii dicti quan-

quantitate addita, evanuit aciditas omnis, fluidum percipiebatur aquae adinstar insipidum.

§. 1532.

DICTUM, (1531.) stibium diaphoreticum, spiritui salis valde diluto additum, vix levem excitare effervescentiam. Quod tamen de eo solum valet, quod in subtilissimum pulverem redactum est. Sat vero notabilis bullularum copia, absque ulla tamen vas incallescencia, observatur, quando integrae praedicti stibii portionculae spiritui salis inmerguntur. Interim tantum abest, ut haec, pulvere citius, acidum absorbeant, ut paullo tardius potius idem effectus eveniat.

§. 1533.

ACETO vini, quod venundatur, stibii diaphoretici ante descripti portio admista. Sumto ejus pulvere, si a bullulis quibusdam, a fundo vasis pulvereque ipso copiose prodeuntibus, recesseris, vix ulla observata effervescentia. Integris autem stibii diaphoretici portionibus adhibitis, acetum eas cum inpetu adgredi videbatur.

§. 1534.

MASSAE nunc dictae instillata solutio tartari aquosa. Effervescentiam excepit dejectio pulveris tenuis, colore gryseo donati; fluidum supernatans vini rhenani colorem retulit. Solutione tartari aquosa aceto vini soli addita, intense rubro, fereque bruno colore acetum tinctum fuit; turbida exorta massa, ea tamen ratione, ut fluido innatans difficiliter peteret fundum. Praecipitatum denique, ante dicto colore praeditum a tenui gryseoque pulvere diversissimum cernebatur, ut *Auctori* merae aceti impuritates visae fuerint. Quum
vero



vero alia simul suadeant experimenta, stibium diaphoreticum vix solvi ab aceto, praecipitatum hoc ipsum a terris aquae inhaerentibus, ac impuris aceti vini adjunctis repetendum credidit.

§. 1535.

ADJECTA, paulo ante (1533.) dictae massae, majori stibii diaphoretici prius descripti quantitate, fluidi supernatantis aciditas adeo destruitur, ut ab aqua simplici differre non videatur. Insigni tamen, hunc in scopum, stibii diaphoretici quantitate opus est, majori multo, quam concharum praeparatarum. Vidit simul *Auctor*, pulverem citius paulo integri stibii diaphoretici portionibus, acidum absorbere.

§. 1536.

ADFUNDIT stibii, quod pararat, diaphoretici drachmae dimidia aceti vini sat fortis uncias circiter octo. Exposuit massam, saepius agitatam, igni leniori, abactus aceti superfluum copiam. Acetum colore obscuriori tinctum cernens, reposuit miscelam, ut fundum pulvis petere posset. Facta subsidentia partem aceti reliquam decantavit, pulverem exsiccationi subiecit. Obtenus pulvis albus erat, vix, quod ejus quantitatem spectat inminutus; tenerrimus; gustu exploratus sal medium, ex unione aceti destillati, & concharum similiumque terrarum (absorbentium) oriundum, referens. Aquam adfusam nulla sequuta solutio. Aqua manifesto aceti vini, diluti plurimum, imitabatur saporem; stibium diaphoreticum, in fundo conspicuum, proprium denuo linguae inprimebat saporem. Videtur hinc, *Auctore* monente, stibium diaphoreticum levissime nonnisi cum aceto cohaerere, nec facile, hujus ope, in aqua solvi. Majori pulveris,

veris, aceto juncti, quantitate *) adsumpta, nil incommodi sensit. Aceto vini, a stibio, ut ante dictum, separato, aquae ope diluto, admistum oleum tartari per deliquium; ne granulum quidem stibii diaphoretici praecipitatum.

§. 1537.

PORTIONI stibii diaphoretici integrae adfusa aqua; copiosae ascenderunt bullulae: idem evenit, admista stibio, in pulverem redacto, aqua. Caeterum nil in ea miscela observatum, quod diaphoreticum stibium calci vivae accedere, doceret.

§. 1538.

DUM illud, aqua madefactum, stibium diaphoreticum (1536.) aceto vini additur, effervescencia, licet integrae sumantur portiones (1532. 1533.), longe levior & quandoque nulla enascitur: videntur ergo bullulae, ante adductae, actioni singulari acidorum in calcem antimonii tribui non posse. **) Haec experimenta *Lederiana*.

§. 1539.

*) DOSIN tamen majoris, (aut, ut ipse ait. *bonae*.) hujus quantitatis non determinavit; ut adeo experimentum hoc sat inutile nobis sit.

**) ATTENDENDUM vero circa haec, imprimis 1537. est, non omnem a corpore quodam sive integro, sive comminuto, in aquam projecto, ascendentem bullulam aëream, pro indicio ebullitionis, aut effervescenciae habendam, sed aëri potius deberi adhaerenti atmosphaerico; alias lamellam v. c. cupream aquae injectam cum hac effervescenciam excitare oportere^s admittere, quum abscedant bullulae aëreae. *de W.*



§. 1539.

PERSEQUI nunc oportet reliqua, quae tum circa antimonium diaphoreticum, tum & alias antimonii ac nitri miscelas veniunt notanda.

§. 1540.

RELATIONES antimonii diaphoretici ad *aquam & acida* ex paulo ante adductis experimentis innotescunt; caeterum id ab acidis non solvi, nec ab aqua, ubique adseritur: ab aqua solvi posse, *Cl. ROUELLE junior* dixit.

§. 1541.

REGULUS antimonii ex eo obtineri valet, si metho- do prius indicata tractetur cum fluxū nigro & carbo- num pulvere; tanto futurus minor, quanto major dosis nitri sub calcinatione antimonii crudi fuerit ad- dita, quo & calcinatio ipsa diutius protrahatur; aeger- rime tamen reductio haec succedit. (v. & §. 1552.)

§. 1542.

IN antimonio diaphoretico non omnem antimonial- lem destructum esse typum, tum ex nunc (§. 1541.) dictis; tum & ex adductis, sub initium capitis hujus tentaminibus, quae cum substantia hac, valis plev- domurrhynis pigmenti loco inducta, suscepi, satis patet.

§. 1543.

SED & in vitrum antimoniale fundi violentiori igne valet.

§. 1544.

PONDERE antimonium crudum, ad experimentum adhibitum calx haec superat: ex uncis quatuor anti-
monii

monii crudi uncias circiter quinque cum dimidia plerumque abtineri antimonii diaphoretici probe edulcorati *Cl. WALLERIUS* retulit.

§. 1545.

PONDERIS vero hoc augmentum nunc adductus AUCTOR substantiae nitrosae *), quae nulla edulcoratione plane avelli queat, adtribuit. Praesentiam illius ex eo confirmari aiecit, quod antimonium diaphoreticum cum dupla parte saponis germanici mistum, aliquantulum detonet, ac ignescat; quod & oleum illi adfufum vitrioli vapores rubros expellat (argumentum quo & *Cl. VOESEL* jam usus fuit); quod demum alvum leniter subducatur, & remediorum purgantium actionem intendat, instantia *pulveris* hic dicti *corrachini*, seu *Comitis de Warwick*, aut *pulveris de tribus*, anatica dosi antimonii diaphoretici, diagrydii, & cremoris tartari compositi.

§. 1546.

VERA haec omnia esse, libens admitto: sed fateri simul, illis omnibus non obstantibus, debeo, antimonium diaphoreticum ad experimenta illa vocatum, aut non satis, etsi operatori vilum fuerit, edulcoratum fuisse; aut phaenomena, in primis practica, ab aliis causis in corpore ipso, cui ingestum fuerat, praesentibus, excitata. *Cl. LEDER* ab antimonio, ejus praeparationem ex illo prius adtuli, nullam sensit oriri evacuationem; ego ipse antimonium & saepius ipse sumsi, & saepius aliis praescripti & exhibui; nullibi vero excretio alvina orta: *pulveris corrachini* instantia nil probat, quum, omissa antimonio diaphoretico, actio non segnior facta fuerit: ex antimonio demum diaphoretico, cum aqua decocto, & ebullientis magna

Y 2

copia

*) *Ein salpetrigtes Wesen.*



copia saepissime eloto non in omni experimento vapores rubros, oleo vitrioli adfuso, expelli, certis pariter & adcurate institutis confirmatur experimentis.

§. 1547.

Ex aqua, cujus ope antimonium diaphoreticum elotum fuit, adfuso aceto, aut spiritu vitrioli, ruit calx tenerrima alba, sub nomine *materiae perlatae, nivis antimonii, magisterii antimonii diaphoretici, vel cerussae antimonii*, (vel juxta TACHENIUM & BOERHAAVIUM, sed incongrue, *sulphuris antimonii fixati*) notum, vera denuo calx antimonialis; ab antimonio diaphoretico, si exactissime elota fuerit, non diversa,

§. 1548.

CONTINENTUR vero in aqua illa variae substantiae; primum quidem nitri non decompositi pars, imprimis dum calcinatio protrahitur non accessit, aut major nitri dosis adsumpta fuit: secundo, sal polychrestum, natum ex unione acidi vitriolici phlogificati alterius principii sulphuris, quod antimonium crudum cum regulina parte constituēbat, cum sale alkalino fixo vegetabili, seu basi nitri: tertio, basis ipsa alkalina nitri; quarto demum calx antimonii, phlogisto, quod cum ea substantiam regulinam prius constituerat, prorsum orba, non, ut Chemicis passim dicunt, salis alkalini solius, sed salis hujus, & acidi vitriolici, & fors acidi nitrosi, & ignis ipsius actione simul conjuncta phlogisto privata, soluta.

§. 1549.

PATET hinc, quid censendum sit de *nitro antimoniato*, de *sale polychresto antimoniali*, quae ex eadem illa aqua crystallisationis ope parantur.

§. 1550.

§. 1550.

ANTIMONIUM *diaphoreticum nitratum* est antimonium diaphoreticum facta detonatione non edulcoratum, hinc omnibus illis (1548.) instructum salibus. Substantia haec alio nomine, concinno magis, *antimonium diaphoreticum non ablutum* vocatur.

§. 1551.

Vix diversum ab hoc est GALLORUM *fondant de Rôtreau*, nisi quod massa diuturniorem paulo experta fuerit calcinationem: unde major in illa adest alkalini salis copia, nitri minor, aut vix ulla, antimonii calx phlogisto omni certissime privata, refractaria.

§. 1552.

REDUCTURUS ex antimonio diaphoretico regulum antimonii *Cl. GEOFFROY*, commiscuit unciam illius unam cum uncis binis saponis nigri; miscelam sensim, exiguis dosibus, iniecit crucibulo candenti. Ingesta omnis massa nigra erat, spongiosa, inversum referens fungum. Margines diffregit Geoffroy, superficiem uncia una saponis nigri obtexit, & eo igne consumto, crucibulum clausit operculo, huic vero inposuit carbones candentes, ac ignem ad summum, qui excitari poterat, deduxit gradum: in fluxum tamen materies non abiit, sed spongiosam formam retinuit. Exempto demum crucibulo partem ejus superiorem instrumeto ferreo sustulit; quamprimum aëri libero accessus patuit, totum concepit ignem, fragor enatus validus, & fulgur magnum prorupit, una cum odore sulphuris penetranti.

§. 1553.

Dum detonatio antimonii crudi cum nitro, sub antea dictis proportionibus non in crucibulo sed in



retorta tubulata terrea instituitur, prodit in adplicatum excipulum-latex, qui *Clysus* audit *antimonii*; collum retortae obdident *flores antimonii*; Cl. VOGEL inmerito, arsenicalis eos esse indolis, pronuntiavit. Fundo retortae inhaeret denuo *antimonium diaphoreticum non ablutum*.

§. 1554.

POUDRE de la Chevalerey est *antimonium diaphoreticum* septem repetitis ex ordine vicibus, per binas semper horas calcinationi subjectum, facta post quamvis operationem nova edulcoratione. Obtinetur sic *antimonialis* terra omni halitu phlogistico privata, maxime refractaria. Observat bene Cl. BAUME, terram hanc, licet igne adeo tortam, metallica tamen terrae indolem nondum deposuisse, quum vaporibus phlogisticis exposita nigrescat, quod aliis terris albidissimis non accidit. Melius adhuc adferri hujus veritatem sensi, dum terram eandem, mea methodo, extra omne dubium posita, explorans, colorem flaventem ab illa in valis murrhynis ortum vidi.

§. 1555.

ANTIMONIUM *chalybeatum*, seu *martiatum*. Dispensat. Brandenb. seu *antimonium martiale*. seu *cachecticum* LUDOVICI, pulvis edulcoratus vocatur, enascens ex miscela anatica limaturae martis ac *antimonii*, quibus nitri depurati partes sex adduntur; totum operationi, qua *antimonium diaphoreticum* vulgare fieri solet, subjiciendo.

§. 1556.

ANTIMONIUM *diaphoreticum joviale* seu & *bezoardicum joviale*, seu *antibecticum* POTERII, inutilem inter multas alias, si ullibi adhuc adserve-
tur,

tur, officinarum farcinam, vide in *capite de STAN-*
NO §. 651-654. *)

§. 1557.

DUM anatica dosis antimonii crudi miscetur cum nitro, ac sensim crucibulo candenti ingeritur, exsurgit massa ex flavo rubens, splendens, in superficie scoriis hepaticis deliquescentibus tecta, ipsa non deliquescent, fere vitrificata, *hepar antimonii* (ab *hepate sulphuris antimonii*, antea descripto, diversum), vel & *crocus antimonii* dicta.

§. 1558.

IN pulverem tritum hepar hoc, decoctum, edulcoratum, sistit *crocum metallorum*, seu *crocum totum*, diversis praeparatis antimonialibus emeticis, antea jam expositis, adhibitum: crocum ipsum metallorum hominibus, emetici loco, exhibere empirici male sani ausi fuerunt.

§. 1559.

EMETICUM ANTIMONII *mitius* BOERHAAVII paratur, si miscela partium duarum nitri partisque unius antimonii crudi detonationi exponatur, & massa obtenta in pulverem ex albo flaventem, non ab omni sulphure liberum edulcoretur.

Y 4

§. 1560.

*) Enquam in priori Tomo non adtuleram, adeptorum sermonem redolentem POTERII ipsius descriptionem hujus miscelae. Antimonium diaphoreticum joviale fit ex duabus partibus jovis, & una parte reguli antimonii; haec mista simul ter coquantur in sicca aqua hermaphroditica: hujus vires sunt, ignem saturninum in solidis accensum extinguere &c.

LEGI utique meretur censura justa, quam de antihelico hocce putatio tulit *Celeb. STAHLIUS Exspect.*



§. 1560.

FLORES *antimonii* HELMONTII, seu *flores antimonii falsi*, parantur, dum calcis antimonii aqua regia solutae, siccatae, conminutae subtilissime & salis ammoniaci siccissimi, triti, partes aequales in cucurbita vitrea humili lato orificio instructa sublimantur, igne per gradus aucto, atque eadem intensitate per horas octo demum admoto.

§. 1561.

FLORES nunc dicti aqua eloti in pulverem inspidum rubrum, constituunt *antimonii flores sublimatos*, *Helmontianos*, *emeticos*, *dulces*.

§. 1562.

HI denuo cum tripla doli nitri exacte misti, detonationi expositi, eloti, exhibent pulverem subtilem, album, cui si in vase murthyneo adfundatur alkohol vini accendendum, sub commotione fistulae tabacariae ope, paratum est *antimonium diaphoreticum* HELMONTII, seu *flos antimonii Helmontianus fixatus*, *diaphoreticus*.

§. 1563.

FLORIS nunc dicti diaphoretici grana octodecim HELMONTIUS remiscuit cum granis sexdecim resinae scammonci, & granis septem cremoris tartari; miscellam hanc dixit *purgans Diaceltateffon*, *pulveri Corrachino Sc.* antea (1545) dicto fere analogum.

§. 1564.

CIRCA relationem antimonii crudi ad *salia media* alia in genere, CL. WALLERIUS ait, observandum est, tractato illo cum salibus, acidum vitriolicum recludentibus

tibus, acidum hoc cum phlogisto antimonii jungi in sulphur, alkalinum vero sal a sale illo medio residuum, sulphuri unitum, constituere hepar sulphuris, cujus actioni objectum antimonium crudum, partim erosum in calcem, partim integrum, abire cogitur in massam femivitrificatam, ad *antimonii regulum medicinale*, antea expositum accedentem,

§. 1565.

OBTINETUR itaque regulus medicinalis antimonii, praeter methodum in praecedentibus indicatam, dum pars una *tartari vitriolati* funditur cum partibus quatuor antimonii crudi.

§. 1566.

IDEM obtinetur, fusis quatuor partibus antimonii crudi cum parte una *arcani duplicati*.

§. 1567.


IDEM denique exurgit, fusione junctis partibus quatuor antimonii crudi cum parte una *salis epsomensis*, seu *salis fontium medicatorum*.

§. 1568.

RELATIO antimonii crudi ad *substantias metallicas* alias, in capitibus, ubi de illis agitur in specie, indicata, quatenus in scopum praefixum videbatur necessarium; alia ex *docimasticis* petantur.

§. 1569.

PERTRACTATA haecenus ANTIMONII CRUDI historia, satis prolixa, *reguli* nunc ipsius *antimonii* examen venit exponendum.



§. 1570.

Dictum vero jam antea fuit, regulum solo sulphure in *antimonio* crudo contineri absconditum, *mineralisatum*; ac *antimonium crudum* veram esse *mineram regulinae antimonii substantiae*; *sulphuris* hinc facta separatione & additis illis, quae regulinam partem aut a calcinatione tueantur, aut calcinatum reducant in metallicam formam, *regulum* obtineri posse, facile patet. *)

§. 1571.

Obtineri quidem valet sulphuris avulsio, ustulatione, & calcinatione antimonii crudi in pulverem reducti; obtineri etiam ex hocce pulvere regulus; quum vero calcinatio taediosa sit, etsi *Cl. Geoffroy* parte una calcis antimonii cum anatica portione saponis germanici moderato calore fusa, per horam in igne retenta, reguloque enato cum dimidia parte calcis antimonii denuo fuso ex libra una antimonii crudi regulum obtinuerit novem vel & decem uncias aequantem; etsi praeterea, methodo *Spielmanniana* optima, fusione calcis antimonii cum dimidia parte calcis vivae, sextaque parte pulveris carbonum regulus oriatur dimidium plerumque ponderis antimonii ad operationem summi aequans) octo circiter partes antimonii crudi, operationem describente *Cl. Wallerio*, sex partes tartari, & tres partes nitri in pulverem tusae miscentur, miscela crucibulo candenti sensim ingesta detonationi ac

*) REVOCANDA hic in mentem etiam ea sunt, quae tum circa hanc generalem theoriam, tum circa varia, regulum in diversis operationibus obtentum concernentia, in antecedentibus v. c. de regulo antimonii medicinali, simplicia fuerunt adlata.

ac subsequae fusioni exponitur; qua facta materies in conum fusorium effunditur, ac, ea frigefacta, regulus a superstratis liberatur scoriis, hepaticis; reperta fusione cum una quarta parte nitri vel cinerum clavellatorum, (qua additione sulphur absorbetur) optime depurandus. — De methodo regulum antimonii ferri interventu obtinendi in *capite de ferro* actum satis fuit.

§. 1572.

De reductione reguli antimonii, quae partes duas tartari, partemque unam nitri pro parte una calcis antimonii exigit, bene monuit *Cl. WALLERIUS*, minorem prodire regulum, quum sub detonatione copia insignis vaporum florumque sub forma in auras fugetur.

§. 1573.

IDEM accidit, dum, ex praescripto *BASILII VALENTINI*, quod *codices* receperunt *medicamentarii* plures, antimonium crudum cum duplo fluxus crudi detonationi datur. Regulus obtentus vix tertiam, monente *Cl. SPIELMANN*, aequat partem antimonii achibni, devoratus plurimum a scoriis innatantibus hepaticis. *) Proportionem ad genesis reguli requisitorum §. 1571. adlatam inter alias esse optimam, *Cl. WALLERIUS* adnotavit.

§. 1574.

DIXIT Cl. SCHULZE, stellam, quae superficiem reguli regulinalis obsidet, & cujus rationem jam in *capite de ferro* dedi, obtineri solum, fuso illo cum sali-

*) NOTANDUM vero, & ex ipsis scoriis obtineri posse regulum, hinc non omnino perditum esse quod absorpserant scorinae.



salibus alkalinis, non vero cum nitro. Adferere vero ipse possum, instituta, hujus diversitatis detegendae gratia, docuisse tentamina, stellae genesi nil obesse nitrum, dummodo in nulla alia re peccet operator, fluxum regulo conciliet acquabilem & tenerum, ac refrigerio lentissimo eum relinquat: natam his observatis vidi stellam, qua pulchrior desiderari vix queat, ductibus nitidissimis cinctam, e medio ad extremitates decurrentibus lineis tenuibus, ad angulos rhomboidalibus, parallelis.

§. 1575.

QUUM ad formationem hujus reguli, praeter antimonium ipsum crudum, nulla alia adhibeatur substantia metallica, *regulum* illum dixerunt *simplicem antimonii*, ut distinguatur ab aliis *compositis*, *martiali*, *joviali* &c. alii *reguli antimonii vegetabilis*. ob tartarum, sal vegetabile, adjectum, eidem tribuerunt nomen.

§. 1576.

REGULUS hacratione (1571.) obtentus, dum purissimus est, diffractus argento fere candore nitido accedit, externe repurgatus colorem inter stannum purissimum & argentum dubium offert.

§. 1577.

TEXTURA ejus interna micacea, superficieculis splendentibus composita cernitur, *) interspersis tamen,

*) Cl. TESSARI in *Elementis Chémiae per aphorismos digestae*, quorum ante paucos annos auctiorem & hinc

men, sed ab iis, qui in antimonio crudo conspiciuntur, nonnihil diversis, radiantibus fibris, a peripheria centrum versus tendentibus.

§. 1578.

GRAVITATE *specifica* se habet ad aquam :: 7500 : 1000, quum gravitas antimonii crudi deprehendatur :: 4,200 vel :: 4,000 : 1,000. MENDERO observante.

§. 1579.

TENACITATE inter metalla, & semimetalla reliqua gaudet minima, vel potius prorsum nulla, quum frangi, tundi, in pulverem teri facillimo queat negotio. Parallelepipedon ejus latus quodvis 0,17. pollic. fractum a libris 30. in tentaminibus *Muschenbroekianis*.

§. 1580.

hinc inde emendatam *Vindobonae* dedi editionem, regulum antimonii semimetallum descriplit, albo argenteo colore splendens, lucentibus striis regulariter contextum, (quod vero, quomodo in regulo vere obtineat, ex descriptione regulorum plurimum, quos adente examinaui, melius me determinasse §. hacce reor,) modice durum, valde friabile, nihil ductile, quod paulo ante ignitionem (*Cl. BAUME* ignitionem ante fusionem requiri dixit) facile funditur, & ab extremo (*sane non extremo*) igne volatile evadit.

DEFINITIONEM hanc reguli antimonii ex adducto prius Auctore proposuit etiam *Cl. Pragensis Chemiae & Botanices Professor MIKAN* in dissert. *Pharmaca simplicia mineralia, juxta Pharmacopoeam austriaco-provincialem Bohemiae regno indigena proposita*, quam defendit 1778. *Pragae D. HOEZER*.



§. 1580.

FUNDITUR ignis gradu sat mediocri, quem 810. thermometri fahrenheitiani definiri Cl. MORTIMER observavit.

§. 1581.

Fusus, majorique nonnihil ignis gradui expositus, regulus antimonii simul fit volatilis, inprimis dum superficiei flatus, follis ope, admovetur; atque hac, inter reliquas enumeratas, dote se inter metalla non referendum esse, maxime testatur.

§. 1582.

PULVIS ex albo gryseus, qui ex destructo, phlogisti per ignem abactione, regulo antimonii remanet *calx* dicitur *reguli antimonii*.

§. 1583.

CALX haec, phlogisto addito, in regulum denuo reduci valet.

§. 1584.

IGNE vero validiori torta in *vitrum* confluit *antimoniale hyacinthinum*, a vitro, quod ex *antimonio crudo* simili labore obtinetur, antea satis descripto non diversum.

§. 1585.

VITRUM hocce, vel & calx ipsa (1582. 1583. cum terrarum lapidumque diversa specie tractata eas-
Cl.

dem pariter, uti vitrum ex antimonio calcinato crudo conficiendum, exerunt vires.

§. 1586.

REGULI antimonii speculi caustici ope in calcem facta metamorphosis, superflua pariter est, uti prius de antimonio crudo dictum fuit.

§. 1587.

CALX ex regulo antimonii obtenta, pondere denuo aucta deprehenditur in experimentis. Auctam vidit *Cl. HIAERNE* libram unam unciiis binis, drachmis quinque & scrupulo uno, *HOMBERGIUS* vero drachmis nonnisi binis cum dimidia; unciae unius augmentum alii adnotarunt, referente *Cl. WALLERIO*.

§. 1588.

IN vasis clausis igni expositus antimonii regulus, ascendit ex integro, nullam passus labem; ignis gradu ad hoc opus est, quo vasa ex albo candeant. Includit *Cl. d' ARCET* frustum reguli antimonii globo ex pasta vasorum murrhynorum facta; globum igni exposuit violentissimo; pars exigua solum reguli versa cernebatur in calcem, reliquum in vitrum confluxit. Vitrum hoc eleganter flavum, & pellucidissimum fuit. Regulus vero ipse, quin per globum transfret immutatus maximam partem mansit. Calcinationem hanc ab acore vitriolico argillae porcellanae inhaerenti *Baume* deduxit.

§. 1589.

Ut ex regulo antimonii *flores* obtineantur sic di-
 sti *argentini*, forma splendentium, diaphanarum aci-
 cularum praediti, injicitur crucibuli A *) fundo li-
 bra una reguli antimonii depuratissimi, & operculi loco
 inponitur crucibulum aliud, cujus ope colligi queant
 adscendentes flores. Calor tum eousque intenditur,
 ut crucibulum ex albo candeat; crucibulum inpositum
 quavis elapsa semihora aufertur, aliudque inponitur;
 deprehenditur plerumque floribus antea dictis elegan-
 tibus refertum, qui, si fortius adhaereant, pluma
 evertuntur, sub titulo *florum reguli antimonii argen-
 tinorum*, vel & *nivis antimonii* in lagena probe clau-
 sa adservandi. Expulsis floribus omnibus in cruci-
 bulo remanet pars exigua calcis gryseae, maxime re-
 fractoriae, apyrae, quae, uti videtur, exusta ni-
 mium, & phlogisto omni privata fuit, ut adtolli
 nequeat.

Icon

*) VIDE adpositam figuram, quam ex BAUME *Chy-
 mie raisonnée &c.* una cum operationis descriptione
 huc transtuli.



Icon adparatus, pro sublimatione florum
Zinci & Antimonii.



- A. Crucibulum majus, subcylindricum.
B. Sustentaculum pro operculo C.
D. Janua pro ingerendis carbonibus
E. Janua cinerarii.



§. 1590.

MONUIT BAUME, descripta methodo facillimo negotio intra paucas horas plures libras florum optimae notae posse obtineri; quum, si operationem ex praescripto aliorum Chemicorum velles instituere, per plurimum dierum laborem exigua solum obtineatur copia.

§. 1591.

FLORES, BAUME pergit, primum adscendentes, ex integro fere flavent, quum pauca adhuc dosis regulo antimonii adhaereat sulphuris; adfervandi hi seorsim sunt, vel & crucibulo injiciendi, ut denuo agantur in sublime *). Cavendum praeterea maxime est, ne pulvisculi carbonum crucibulum subeant; unde spatium interjectum inter crucibulum A. & ostium furni luto exacte claudendum.

§. 1592.

FLORES hi, etsi sint albiissimi, phlogisti tamen adhuc aliquid recludunt; quum & volatiles sint, & altera operatione facilius multo eleventur, qui labor numerosissimis vicibus ex ordine repeti eodem successu valet.

§. 1593.

PHLOGISTON iis inhaerere manifestius adhuc vidi in meis tentaminibus; dum, pro pigmento, vasis psevdomurrhynis, adjecta borraee inducti, colorem produxerunt flaventem.

§. 1594.

*) CONSILIUM vero hoc adprobandum sane non est, quum, uti quivis videre poterit, & sulphur nova sublimatione, uti prius, cum floribus adscendat; quomodo ergo depurabis, dum inquinati crucibulo repetita vice injiciuntur.

§. 1594.

Ex libra una reguli antimonii plus libra una florum obtineri BAUME vidit; excessus vero proportionem non adsignavit.

§. 1595.

VIDIT & ab uncis octo aquae ebullientis granum nonnisi dimidium florum fuisse solutum; unde & salinae indoli eos nonnihil accedere credidit. Verum tamen, si aquam decantatam reposuisset, & granum illud dimidium recuperare adhuc potuisset, quum in diutius reposita pulvisculus omnium tenuissimus fundum sensim petat; hinc vere non solutus antea, sed ob maximam tenuitatem moleculis aqueis interjectus, invisibilis, suspensus.

§. 1596.

FLORES argentarios ab aqua regia facile resolvi, CL. MACQUER vidit.

§. 1597.

OBSERVAVIT & MACQUER, avolare eos igni fusorio expositos, quod verissimum; nec reduci in formam metallicam, quod non pro canone dictum sit; quum, etsi reducantur aegefrime, & non omnes, & vase solum probe clauso, reducantur tamen.

§. 1598.

AERI puro, nec vaporibus phlogisticis aut salinis referto, expositus regulus antimonii purissimus, methodo *Marggrafiana*, obtentus, vix obnubilatur; rubigine nunquam obsidetur. Dixit BAUME ab aëre, phlogisticis vaporibus licet inquinato, eum tamen non adfici.



§. 1599.

Aquaz injectus antimonii regulus pondere non minuitur, nec alia oculis manifesta notatur solutio: immissa tamen poculis, ex regulo antimonii confectis, aut cum globulis ejusdem semimetalli digesta, emetica, aut purgans evadit, multo vero minori gradu, quam vinum; quum utique acidum menstruum aquae insit nullum.

§. 1600.

PILULAE *perpetuae* dicti fuerunt globuli ex regulo antimonii fusi magnitudine glandium plumbearum: adsumere hos debebant aegri alvi observatione laborantes; excretos abluebant, & alteri denuo adsumendi porrigebantur: rejectus vero, jure optimo, eorum usus; non solum quod jam nullum, jam violentum, pro diversitate & subjecti, & humorum in corpore praesentium, ediderint effectum, etsi alvo denuo fuerint excreti, sed & quod remanserint subin diutius in corpore, atque tum infauusta excitarent symptomata.

§. 1601.

VINUM vero, imprimis acidulum, tum & liquores alii vegetabiles, majori minorive acore praediti, v. c. succus citri, aurantiorum, limonum, ribesiorum, berberum, pomorum acidiusculorum, tartarus, acetum, majorem aut minorem reguli solvunt copiam, cum eo infusa, digesta, decocta. Vinum, pro parando *vino emetico*, infusum poculis (1599.) aut repositum cum globulis (1600.) olim fuit adhibitum; merito ab usu medico excludendum; quum jam major jam minor copia reguli solvatur, prout vinum magis minusve acidum, calor major minorve admotus, longiori breviorive tempore protrahit digestio

gestio aut infusio &c. tum temperamentum diversimode constitutum aliave (1600.) indicata, adferre debeat varia incommoda, & mala, hypercatharises, animi deliquia, sanguinis excretiones e. f. p.

§. 1602.

Cl. FAUKEN in *dissertatione*, antea, ubi de solutione *vitri antimonii* sermo erat, citata, descripsit circa solutionem reguli antimonii in diversis vinis, *Vindobonae* cognitis, tentamina instituta sequentia.

§. 1603.

REGULUS antimonii pro experimentis hisce confectus fuit ex quatuor partibus antimonii, tribus tartari, & duabus nitri, stella in superficie decoratus; vina adhibita, omni nota sincerissima; statera sensilissima erat.

§. 1604.

SPIRITUS *vini alkoholisatus* nec regulum nec vitrum antimonii tetigit.

§. 1605.

MONET optime Cl. FAUKEN, si quis infusum tale antimoniatum praescribat, ne majorem quantitatem pro dosi exhibeat; expertus enim fuit, hominem, satis caetera robustum, ab uncia una vini rhenani, cujus digestio cum granis duobus reguli antimonii per 24. horas protrahebatur, octies vomuisse, dum tamen non plus, quam $\frac{3}{8}$ partes in hoc solutae fuerant; notat vero praeterea, ad emesin illum adeo fuisse proclivem, ut ne minimum quidem inde senserit incommodum. Alteri, sat etiam robusto, exhibuit unciam unam vini mosellani, quae digestionem cum granis 2 reguli antimonii per 24. horas exposita fuerat; dosin



hanc tulit ille sine ullo sequente vomitu; altera tamen die ter vel quater alvum solito laxiorem depofuit; quod vero, an a liquido medicato, an ab alia causa repetendum, non adeo liquet.

CONFIRMANTUR observatis hisce practicis, quae paulo prius circa phaenomenorum diverforum, vini emetici aut pilularum perpetuarum adsumptionem fequentium, causas adnotavi.

§. 1606.

EXPERIMENTA omnia in *sectiones quatuor* FAUKEN distribuit, uti & in prius descriptis, *viri antimonii* solutionem concernentibus, factum fuit.

§. 1607.

IN SECTIONE PRIMA continentur experimenta facta cum uncia una cujuscunque vini, & granis duobus reguli antimonii; digestionem per 24. horas protrahit.

§. 1608.

EXPERIMENTUM I. R. *vini austriaci* unciam 1. reguli antimonii grana 2., stent in digestionem frigidam per 24. horas; *solutio*: quinque decimae sextae partes grani unius.

§. 1609.

EXPER. 2. R. *vini campaniensis* unc. 1. reg. ant. gr. 2., stent in dig. frigid. per 24. horas; *solutio*: una quarta pars gr. unius.

§. 1610.

EXPER. 3. R. *vini rhenani* unc. 1. reg. ant. gr. 2., st. in dig. frig. per 24. horas; *solutio*: tres decimae sextae partes gr. unius.

§. 1611.

§. 1611.

EXPER. 4. R. *vini mosellani* unc. i. reg. ant. gr. 2., ft. in dig. frig. per 24. horas; *solutio*: una octava pars gr. unius.

§. 1612.

EXPER. 5. R. *vini burgundici* unc. i. reg. ant. gr. 2, ft. in dig. frig. per 24. horas; *solutio*: vix non una octava pars gr. unius.

§. 1613.

EXPER. 6. R. *vini budensis* unc. i. reg. ant. gr. 2, ft. in dig. frig. per 24. horas; *solutio*: fere una octava pars gr. unius.

§. 1614.

EXPER. 7. R. *vini hispanici* unc. i. reg. ant. gr. 2, ft. in dig. frig. per 24. horas; *solutio*: vix aliquid, aut plane nihil.

§. 1615.

EXPER. 8. R. *vini tockaviensis* unc. i. reg. ant. gr. 2., ft. in dig. frig. per 24. horas: *solutio*: nihil omnino solvitur.

§. 1616.

IN SECTIONE ALTERA continentur experimenta, ubi cum majori quantitate reguli fiebat digestio per 24 horas.

§. 1617.

EXPER. I. R. *vini austriaci* unc. i. reg. ant. gr. 30., ft. in dig. frig. per 24 horas; *solutio*: gr. unum.



§. 1618.

EXPER. 2. R. *vini campaniensis* unc. i. reg. ant. gr. 30, ft. in dig. frig. per 24. horas; *solutio* gr. unum minus una decima sexta parte.

§. 1619.

EXPER. 3. R. *vini rhenani* unc. i. reg. ant. gr. 30. ft. in dig. frig. per 24 horas; *solutio* undecim decimae sextae partes gr. unius.

§. 1620.

EXPER. 4. R. *vini mosellani* unc. i. reg. ant. gr. 30, ft. in dig. frig. per 24. horas; *solutio* novem decimae sextae partes gr. unius.

§. 1621.

EXPER. 5. R. *vini burgundici* unc. i. reg. ant. gr. 30., ft. in dig. frig. per 24. horas; *solutio* gr. dimidium.

§. 1622.

EXPER. 6. R. *vini budensis* unc. i. reg. ant. gr. 30, ft. in dig. frig. per 24. hor. *solutio* gr. fere dimidium.

§. 1623.

EXPER. 7. R. *vini hispanici* unc. i. reg. ant. gr. 30. ft in dig. frig. per 24. horas; *solutio* una decima sexta pars gr. unius.

§. 1624.

EXPER. 8. R. *vini tokaviensis* unc. i. reg. ant. gr. 30, ft. in dig. frig. per 24. horas, *solutio* nihil omnino solvit.

§. 1625.

§. 1625.

IN SECTIONE TERTIA sequuntur experimenta, quorum digestio per octo dies protracta fuit; & quum, quoad tempus major simul solvatur quantitas, pro granis duobus reguli nunc adhibita grana quatuor.

§. 1626.

EXPER. 1. R. *vini austriaci* unc. i. reg. ant. gr. 4., ft. in dig. frig. per 8. dies; *solutio* gr. dimidium.

§. 1627.

EXPER. 2. R. *vini campaniensis* unc. i. reg. ant. gr. 4., ft. in dig. frig. per 8. dies; *solutio* sex decimae sextae partes gr. unius.

§. 1628.

EXPER. 3. R. *vini rhenani* unc. i. reg. ant. gr. 4., ft. in dig. frig. per 8. dies; *solutio* una quarta pars gr. unius.

§. 1629.

EXPER. 4. In hoc experimento *vinum mosellanum* per octiduum contraxit in superficie pelliculam; hinc, ait AUCTOR, pellicula mansisset in filtro, & falcem hi determinasset solutum pondus.

§. 1630.

EXPER. 5. R. *vini burgundici* unc. i. reg. ant. gr. 4., ft. in dig. frig. per 8. dies, *solutio* tres decimae sextae partes gr. unius.

§. 1631.

EXPER. 6. R. *vini budensis* unc. i. reg. ant. gr. 4., ft. in dig. frig. per 8. dies; *solutio* una octava pars gr. unius.



§. 1632.

EXPER. 7. R. *vini hispanici* unc. i. reg. ant. gr. 4. ft. in dig. frig. per 8. dies, *solutio* una decima sexta pars gr. unius.

§. 1633.

EXPER. 8. R. *vini tokaviensis* unc. i. reg. ant. gr. 4. , ft. in dig. frig. per 8. dies; *solutio* nihil omnino solvit.

§. 1634.

IN QUARTA demum SECTIONE continentur experimenta instituta cum majori quantitate reguli, digestionem per octo denuo dies protrahita.

§. 1635.

EXPER. 1. R. *vini austriaci* unc. i. reg. ant. gr. 30. , ft. in dig. frig. per 8. dies, *solutio* gr. unum cum dimidio.

§. 1636.

EXPER. 2. R. *vini campaniensis* unc. i. reg. ant. gr. 30. , ft. in dig. frig. per 8. dies, *solutio* gr. unum cum una quarta parte gr. unius.

§. 1637.

EXPER. 3. R. *vini rhenani* unc. i. reg. ant. gr. 30. ft. in dig. frig. per 8. dies; *solutio* gr. unum.

§. 1638.

EXPER. 4. In hoc experimento *vinum* mosellanum simili modo, uti prius (1629.) dictum fuit, contraxit pelliculam.

§. 1639.

§. 1632.

EXPER. 5. R. *vini burgundici* unc. i. reg. ant. gr. 30. ft. in dig. frig. per 8. dies, *solutio* quatuordecim decimae sextae partes gr. unius, seu septem octavae partes.

§. 1640.

EXPER. 6. R. *vini budensis* unc. i. reg. ant. gr. 30., ft. in dig. frig. per 8. dies, *solutio* tres quartae partes gr. unius.

§. 1641.

EXPER. 7. R. *vini hispanici* unc. i. reg. ant. gr. 30., ft. in dig. frig. per 8. dies, *solutio* tres decimae sextae partes gr. unius.

§. 1642.

EXPER. 8. R. *vini tokaviensis* unc. i. reg. ant. gr. 30., ft. in dig. frig. per 8. dies, *solutio* plane nihil.

§. 1643.

HACTENUS experimenta Cl. FAUKEN. Dum regulus antimonii cum sulphure conjunctus fusioni exponitur in crucibulo, coeunt ambae hae substantiae, atque unitae nunc massam, antimonio crudo prorsum similem, constituunt.

§. 1644.

Ut itaque *minera* haec *artificialis antimonii*, seu *antimonium crudum redintegratum* obtineatur, reguli antimonii conminuti libra una miscetur cum unciiis octodecim sulphuris. Miscela ingeritur crucibulo, operculo claudendo. Exponitur hoc ignis gradui, quo obscurius nonnisi candeat; fusione peracta invenitur
massa



massa splendens remissius, colore subgryseo, ad schistum fere accedente, interne vero aciculis micantibus, uti in antimonio crudo conspiciuntur, donata. Operatione hac legitime facta, libras circiter duas antimonii redintegrati crudi obtineri, BAUME monuit, quum unciae circiter duae sulphuris durante fusione cavent.

§. 1645.

MISTO regulo antimonii cum duabus partibus ammoniaci salis, sublimatorio adparatu flores obtinentur salis ammoniaci antimoniales.

§. 1646.

NITRUM ope reguli antimonii aut ope aliarum plurimarum substantiarum indolis metallicae in alkali sal vertitur. Depuratur sic simul regulus, sed & copia minuitur, dum una solum quarta nitri pars regulo adjecta fuit: miscela vero facta ex partibus tribus nitri cum una parte reguli triti, regulus in calcem prorsum abit, quae denuo cerussa antimonii, & antimonium diaphoreticum regulinum dicitur, ab antimonio diaphoretico vulgari non diversum. Nitri solius, etsi minori dosi adjecti, ope regulus repetita operatione destrui facile valet.

§. 1647.

FUSO, Cl. WALLERIUS ait, antimonii regulo cum sale alkali fixo, nascitur quid hepatis sulphuris, quo regulus pro diversa ratione doseos alkalini salis ac violentiae ignis, ex integro, aut pro parte solvitur. Adjecta vero pauca nonnisi quantitate salis hujus minori etiam proportionem hepar nascitur, hinc & solutio obtinet minor, ac scorificatio; regulus vero exurgit albidior, purior, magisque splendens e. f. p. Monendum vero venit circa hanc observationem Wallerianam, quum notissimum sit, hepar sulphuris non

ex unione salis alkalini cum phlogisto puro, sed cum sulphure vero produci, quum & regulus antimonii purissimus non nisi terra specifica metallica, & phlogisto, non vero sulphure componatur; genesis illam hepatis extendendam nimium non esse; utut antimonii regulus alkalini salis ope destrui queat, quin tamen praesentia requiratur veri, ac vocis suae vim explentis, hepatis sulphurei.

§. 1648.

DESCRIPTUM habetur in *Actis Med. Hassniens.* an. 1671. obs. 70. p. 131. notatu dignum circa unionem mercurii sublimati corrosivi cum regulo antimonii, & actionem insignem acidi salis concentratissimi, (de qua quidem jam antea, dum de praeparatione butyri ac olei antimonii, agebatur, satis dictum fuit,) in regulinam partem antimonii. Praecipitur, ut tres partes mercurii sublimati corrosivi misceantur cum una parte reguli antimonii, in subtilem pulverem, in mortario vitreo, redacti; miscela haec indatur vasi vitreo tetragono, collo angusto donato, atque bacillo firmiter in unam massam compingatur: orietur in miscela hac reposta calor magnus, cum effervescentia, intumescencia, vaporibusque adscendentibus; totum demum confluet in substantiam spissam. Inseruit etiam operationem hanc eandem Cl. HAMPEN operi suo *Metallurgico*, sub titulo, methodus regulum antimonii fundendi abs ignis auxilio; atque, calore vaporibusque cessantibus, regulum in fundo vasis fusum reperiri adjecit. *)

§. 1649.

*) ADSEVERARE tamen pro certo nequeo, an non ultimum hocce phaenomenon jam in *actis* ipsis *Hassniensibus* (quae omni adhibita opera nunc acquirere non poteram) adnotatum sit; Cl. tamen WALLERIUS,

&c



§. 1649.

Ex miscela partium sex reguli antimonii, partiumque sexdecim mercurii sublimati corrosivi. exposita destillationi, methode, ante, dum de praeparatione butyri antimonii agebatur, dicta, decem partes mercurii puri, currentis, & octo partes cum $\frac{3}{4}$ butyri antimonii obtineri docuerunt observata.

§. 1650.

IN tentaminibus *Cl. BERGMANN*, regulus antimonii ab *acido sacchari*, quocum digestioni expositus fuerat, nigro tingebatur colore; calx vero, *) & vitrum antimonii, exigua licet dosi, solvebatur. Solutioni nunquam non excessus adhaeret acidi, grana in ea oriuntur crystallina; dejicit acidum sacchari ex solutione vitri antimonii in aceto, non ex butyro antimonii, eripit vero substantiam hanc metallicam acido vitriolico **).

§. 1651.

ANTIMONIUM, uti idem testatur *Cl. BERGMANN*, regulinum aeque, & calcinatum *formicarum acor* prorsus rejicit; saltem, ait, hucusque fide solutionis signa nulla reperi, namque ejusmodi aci-

& *NEUMANNUS* (a tentamine hoc multa mala metuens) qui scriptis suis illud etiam inseruerunt, fusionis reguli non meminerunt.

*) QUUM vero notum sit, inter solubilitatem calcis albae & gryseae antimonii diversitatem intercedere; conicere non licet, quamnam *Cl. BERGMANN* pro experimento elegerit.

**) LATINUM exemplar ex Suecia nondum accepi; de di hic translatam verbotenus descriptionem: videtur vero germanica transductio obscuritate quadam laborare.

acidum, quod in hoc metallum saepius infusum, neque cum alkalibus praecipitatum, neque exsiccatum satis distincta praebuit residui signa. Praeterea vitrum antimonii, licet in acido formicarum ebulliente paulum obscuretur, fere non solvitur.

§. 1652.

DIXIT *Cl. BAUME*, actionem *aceti* in regulum antimonii certo nondum esse cognitam; id solum innotuisse, acetum, substantiae huic aliquamdiu inhaerens, dotem acquirere emeticam, quin tamen regulus ponderis experiatur decrementum.

§. 1653.

INSTITUIT vero circa hanc eandem experimenta *Cl. WESTENDORF*. Reguli antimonii simplicis drachma una cum *aceti* concentrati sex drachmis digestionem leniter calentem duodecim horarum passus est, nullusque reciprocus observatus motus. Acetum nunc separatum & reagentium ope examinatum ne unum quidem solutionis signum praebuit, nisi cum lixivio sanguinis, quippe quo color viridis producebatur. Cum infuso gallarum turcicarum nulla sequebatur coloris mutatio, ita, ut de ferri praesentia suspicio suscepta evanuerit. Solutionis reliquiae ad siccitatem redactae sublimati subdulcis vestigia exhibuerunt; verum ob ejus exiguum nimis copiam uberiori examini nullus erat locus: in fundo perparum calcis subflavae haerebat. Regulus antimonii ab extractione cum aceto residuus ponderis granorum trium jacturam fecerat.

VIDETUR itaque, ex hisce *Cl. WESTENDORF* periculis, *BAUMANN* rem acu non tetigisse, dum, acetum regulo ponderis decrementum non adferre, pronuntiarat.

§. 1654.



§. 1654.

IN tentaminibus *Cl. MONNET* antimonium, in pulverem inpalabilem tritum, cum aceto concentrato decoctum, solutum plane non fuit. Subiit tamen exigua valde dosis calcis gryseae, ac vitri antimonii dictum menstruum. Sal inde enatum nullum, sed crusta solum obtenta salina.

§. 1655.

ACIDA vegetabilia, *Cl. SAUNDERS* dixerat, in regulum antimonii parum agunt: indispiscuntur quidem, illi adfusa, vires emeticas, notabilem tamen non resolvunt quantitatem. Decoctioni, per plures ex ordine dies, tartarum & antimonii regulum ope aquae adfusae multae subjeci; valde tamen parcam reguli dosin solutam sic, & regulo unitam vidi. Adparet hinc, quodsi velimus regulinam antimonii partem acidis jungere vegetabilibus, calcinatum nonnisi, aut in vitrum versum, antimonium acidis his esse obijciendum; in antimonium namque non nimis calcinatum, atque calcinatione legitima praegressa in vitrum fufum, longe melius agunt, quam in depuratum regulum.

§. 1656.

ACTIONEM solventem, quam tartarus in antimonium, eiusque calces exferit, *Cl. MONNET* ab acido salis, quod pro acido tartari constitutivo, adsumit, repetendam esse dixit.

§. 1657.

OBTINUIT *Cl. Le Chandelier* (*v. Journal de Médecine Novemb. 1760.*) sal neutrum metallicum in crystallis cogendum ex unione cremoris tartari cum antimonio diaphoretico, decoctionis interventu paratum.

§. 1658.

§. 1658.

ACIDUM vitriolicum, *Cl. BAUME* dixit, non nisi difficulter valde in regulum agit antimonii; atque hoc omne est, quod nobis circa rem hanc innotuit. Disquirendum vero foret, an regulus ab acido hoc eodem corrodat; quatenam calcis hujus sit indoles; aut quibusnam gaudeat viribus ac dotibus e. f. p.

Horum vero nil plane ad examen ipse revocavit; sed vaga adeo dicta operi suo inferere maluit.

§. 1659.

REGULUM antimonii parum ab *oleo vitrioli* meraco, dum ebullitio vivida accedit, *) solvi, solutionem coloris fusci esse *Cl. WALLERIUS* habet.

§. 1660.

Dum vero, pergit, reguli pars una cum partibus quatuor acidi vitriolici concentrati destillationi subjicitur, obtinetur vapor sulphureus volatilis, pungens; in collum retortae sulphuris quaedam portio attollitur: secedit tum materies mucilaginosa: in retorta deprehenditur pars reguli calcinata in massam albam, tumidam, salinam, pondere regulum ad experimentum adhibitum duplo excedentem, causticam.

§. 1661.

ADFUDIT *Cl. SAUNDERS* unciae dimidia reguli antimonii in pulverem subtilem redacti uncias quatuor olei vitrioli concentrati. Nullo enascente calore, nulla effervescencia, nec solutionis indicio, decoctioni miscelam exposuit; orta sic effervescencia valida,
ayo.

*) Ut ab acore vitrioli solvatur regulus antimonii, ebullitionem acidi requiri, jam *Celeb. GEOFFROY* recte monuit.



avolavit simul acidum vitriolicum sulphuratum; regulus in pulverem album erosus mox conspiciebatur. Solutione frige facta fundo inhaerebat regulus totus in calcem dislapsus; latex vero vix quid illius continuit; nil enim ex dejecto, aquae adfusae, aut additi salis alkalini ope, dejectum fuit.

§. 1662.

AMPLIORA vero sunt tentamina, quae circa solutionem reguli antimonii mediante *acore* vitriolico *Cl. MONNET* instituit. En eorum praecipua.

§. 1663.

BISMUTHI adinstar antimonium cum acido vitriolico concentrato destillationi ex retorta subiecit, atque eundem etiam obtinuit eventum. Enatum ex hac miscela pariter sulphur fuit. Antimonium autem sic versum in massam salinam, albam, ex qua diluta ope aquae calx ruit, atque exigua adeo dosis in liquido suspensa manet, ut vix addito sale alkalino veniat in conspectum.

§. 1664.

MISCUIT unciam unam tartari vitriolati purissimi cum uncia dimidia reguli antimonii pariter depuratissimi, in pulverem tenuera contusi. Miscelam hanc in crucibulo testeo fusioni longius nonnihil, quam pro sola fusione foret opus, exposuit. Fractio demum crucibulo massam invenit flavam, vitriformem, verum hepar sulphuris antimoniatum. Ex hujus aquosa solutione rubente, frige facta, sulphur antimonii petiit fundum; dejectum etiam sulphureum praecipitatum more solito, adfuso acido, remansit calx grysea. Quae futura ex cognita substantiarum ad experimentum recepta-

ceptarum indole divinare in antecessum *Cl. MONNET* potuisset omnia.

§. 1665.

CALCEM albam antimonii cum acido vitrico debiliori nonnihil balnei arenae calori ad digestionem exposuit. Horis viginti quatuor elapsis liquidam per filtrum misit. Prout refrigescibat, copiosam calcem albam ad fundum deposuit. Quum vero sublaetescens adhuc foret, lixivium adfudit saturatum materie colorante coerulei berolinensis; enatum sic adhuc praecipitatum fuit colore coeruleo tinctum: quum, dote notatu digna, antimonium, ferri adinstar, colore coeruleo hac methodo dejiciatur.

§. 1666.

REGULUM antimonii cum *aqua forti*, pro diverso puritatis gradu magis minusve effervesce, parum, vel prorsus non ab ea solvi, sed in calcem albam solum erodi, solutionis hanc speciem colore subvirente donari; non vero, uti Chemici nonnulli adseverarant, grumulosam semper esse, *Cl. WALLERIUS* reliquit.

§. 1667.

ADFUSA regulo antimonii in pulverem redacto *aqua forti* ea ratione, ut menstrui hujus altitudo dimidiam tantum exaequet altitudinem regulini pulveris; absorberi ab illo aquam fortem, atque crystallos exiguas diaphanas, figurae indeterminatae nasci, *Cl. MACQUER* adnotavit.

§. 1668.

REGULUM antimonii ab *acido nitroso*, in eum valide agente, in pulverem album erodi; hac methodo omne phlogiston ab regulo avelli, atque totum



in *antimonium diaphoreticum*, aut *bezoardicum minerale* verti posse, BAUME habet.

§. 1669.

ADFUDIT *Cl. SAUNDERS* unciae dimidia reguli antimonii uncias quatuor acidi nitrosi: enata, quin admotus fuisset calor externus ullus, valida effervescentia, cujus interventu regulus totus mox in pulverem album versus: dejicere regulum nullum ex lactice potuit.

§. 1670.

TOTUM, *Cl. MONNET* ait, quod de actione acidi nitrosi in antimonium forma metallica donatum (regulum) nobis notum est, eo redit, ab acido hoc illud invadi, si caloris accedat auxilium. *) Nemo tamen Chemicorum indagavit adhuc, qua ratione metallica haec substantia in dicto acido suspensa teneri queat. Medium tamen, hoc perficiendi, obferebat actio, quam acidum nitrosum in minera exercet antimonii; quum jam *Cl. GEOFFROY* observavit, partem quamdam ab acido nitroso vere solutam teneri, acido hocce cum minera antimonii digestionem exposito. — Vera hujus phaenomeni causa lentore absolvi videtur, quo acidum hac methodo in antimonium agit.

§. 1671.

ADFUDIT *MONNET* aquam fortem puram calci gryseae antimonii, sulphur adhuc multum tenenti. Vas, miscelam tenens, per horas duodecim balneo arenae inposuit. Obtinuit demum solutionem veram antimonii, excessu vero acidi donatam, qui tamen, ut

* CONTRARIUM tamen *Monnetianae* sententiae ex dictis (§. 1666, §. 1669.) omnino patet.

ut in omnibus metallorum solutionibus, quae diffi-
culter nonnisi perficiuntur, foret pro suspensione me-
tallicae substantiae requisitus. Resolvi etiam vidit ab
acido nitroso MONNET, vitrum antimonii, Kermes
minérale, calcemque albam antimonii.

§. 1672.

ANTIMONII regulum, tum & hujus calcem, ab
acido salis ebulliente parca dosi solvi, CL. WALLER-
RIUS monuit.

§. 1673.

ACIDUM *salis*, forma fluida donatum, in regulum
antimonii plane non agere, huic adfufum colore fla-
vo privari, ut agere queat requiri omnium concentra-
tissimum, singularesque encheireses (v. c. sub praepa-
ratione butyri antimonii) *Baumeana* est observatio.

§. 1674.

ADFUDIT CL. SAUNDERS unciae dimidia reguli
antimonii uncias quatuor acidi salis; enata fuit, quin
admoveretur calor, effervescencia valida, cessans qui-
dem, sed moto post plures dies vase, semper denuo
ingruens. Finita demum omni drachmae duae cum
totidem scrupulis desiderabantur reguli, nec erosae,
nec in latice conspicuae. Dejecta vero aquae ope
drachma una *mercurii vitae*; dejecta & drachma di-
midia materiei (*pulveris igitur diversi?*)

§. 1675.

PATET hinc, CL. SAUNDERS addit, ab unciis qua-
tuor spiritus salis non nisi drachmam unam cum scru-
pulo uno solvi posse reguli. Addito vero ad acidum

Aa 3

salis



salis pauca dosi acidi nitrosi, argento praecipitati, uncia dimidia reguli sub effervescencia valida, cito & perfecte solvitur. Acidum vero nitrosum non nisi pauca dosi adjiciendum est, quodsi enim addere vellemus dosin a Cl. MACQUERO praescriptam, reguli portio major in pulverem irresolubilem crosta nunquam non obtinebitur.

§. 1676.

CIRCA solutionem reguli antimonii ope acidi muriatici Cl. MONNET varia monuit, quae, in compendium contracta, exhibebo. Omnium primo, ait, errasse omnes plurimum, qui antimonii solutionem in acido hoc forma fluida donato impossibilem praedicarunt. — Obtinuisse se magnae satis (*cur vero non determinavit eam?*) copiae reguli solutionem; eo in pulverem redacto, adfuso huic spiritu salis, miscela in matracio calori magno, in balneo arenae exposita, odorem simul enatum, qualem spargit butyrum antimonii; concentratam solutionem exhibuisse omni nota butyrum antimonii; enatas crystallos molles, flexiles, ramosas, calore minimo fundendas. Acidum salis fumans, atque operationem destillationis per retortam adhibendo perfectiorem, obtentam fuisse solutionem cum butyro antimonii vero — sal ante dictum, uti butyrum antimonii ab vini spiritu pulchre solvi — antimonii diaphoretici solutionem in acido salis jam Cl. POTT exposui et calcis gryseae solutionem, ac vitri antimonii in pulverem triti calore majori adhibito semet perfecisse — sal ex solutionibus dictis obtentum diversum fuisse ab antea dictis crystallis, albidum m, bene crystallifatum, salis ammoniaci, aut sceleris, obiter solum factis, forma analogum cry-

crystallis, fixum, sub destillatione non adscendens. — solutam, sed aegrius multo, fuisse calcem albam, cum floribus antimonii; obtentum inde sal fixius adhuc, & magis albens, minime causticum, vix linguam adficiens — butyrum ipsum antimonii, pauca aqua mistum, aëri libero expositum, simile sal largiri — sal hoc a *Cl. LOSSONE* longe ante *Cl. CARTHEUSERI* descriptionem fuisse expositum — granis duodecim calcis antimonii unciam dimidiam spiritus salis vulgaris posse prorsum saturari, dote calcis hujus omnino singulari satis — vel ex ipso sale muriatico discedere acidum, ut uniatur cum regulo antimonii & fusionis & destillationis ope *Cl. MONNET* evicit.

§. 1677.

Aquam regiam vulgarem regulum, cum quo decoctioni datur, non adeo solvere, sed in calcem redigere, aquae vero regiae, ex quatuor partibus nitroso, parteque una muriatici acidi paratae, pulvere reguli, exiguis dosibus lente ingesto, ignis adhibito auxilio, solutionem oriri eleganter flavam, coloris tamen detrimentum successu temporis experientem, *Cl. WALLERIUS* retulit.

§. 1678.

Eadem fere *Cl. BAUME* protulit, eandem exigens pro solutione *aquam regiam*: in pulverem vero regulum non terendum vult, ne magna nimis acido nitroso, in aqua regia contento, objiciatur superficies atque calcinationis, mox futurae, exponatur periculo. Ut etiam acidi nitrosi cicuretur actio, acidum hoc, antequam acido salis admisceatur, materie quadam oleosa, v. c. oleo olivarum, esse nectendum,

Aa 4

suadet;



suadet; enaturam sic meliorem reguli solutionem, per hypothesein autumat.

§. 1679.

RELATIO reguli antimonii ad aurum in capite de auro dicta est.

§. 1680.

RELATIO reguli antimonii ad argentum ex capite de ARGENTO petenda.

§. 1681.

RELATIO reguli antimonii ad ferrum in capite de FERRO videatur.

§. 1682.

RELATIONEM reguli antimonii ad cuprum in capite de CUPRO dixi.

§. 1683.

RELATIO reguli antimonii ad stannum in capite de STANNO habetur exposita.

§. 1684.

RELATIO reguli antimonii ad plumbum in capite de PLUMBO examinata.

§. 1685.

RELATIO reguli antimonii & antimonii crudi ad mercurium. Quid mercurio sublimato corrosivo cum antimonio crudo misto accidat, dum de confectione butyri antimonii sermo erat, jam patuit.

§. 1686.

§. 1686.

ADDUCI vero hic meretur duplex methodus, quae
Celeb. MALOUIN antimonii crudi cum mercurio per-
 fecit unionem, sub titulo: *Aethiopsis antimonialis me-*
diante, vel sine igne, parati. (*Ethiops antimonial*
par le feu; éthiops antimonial sans feu.) En utram-
 que methodum ex *Cl. VIRI Chimie médicinale &c.*
Tom. II. p. 169-182. excerptam.

§. 1687.

AETHIOPS antimonialis mediante igne paratus.
 Imponatur crucibulum igni, calefactum inungatur fa-
 cie interiori sebo, atque illico tegatur operculo; in-
 tendatur tum ignis, atque candenti vasi antimonium
 injiciatur in pulverem grossiorem tustum, crucibulum
 illico tegatur, carbones undique admoveantur. Fuso
 antimonio crucibulum igni eximatur, frustillum sebi
 injiciatur, atque eadem addatur dosi mercurii, quae
 fuerat antimonii; crucibulum tegatur confestim, fu-
 sa massa elapso vix momento indatur mortario sicco,
 parum calefacto; frigefacta teratur in pulverem, su-
 pra porphyritem comminuat in alkohol: huic supra
 patinam expanso adfundatur spiritus vini rectificatus ea
 ratione, ut super pulverem digito uno emineat; agitetur
 aethiops, accendatur dein spiritus; consumto hoc ae-
 thiops lentae tradatur exsiccationi, agitetur denuo,
 adfundatur recens alkohol, eadem, uti prius, accen-
 dendum ratione: operatio eadem tertia quoque repe-
 tatur vice. — Antimonium calidum nimis non sit,
 dum injicitur mercurius, MALOUIN subdit, atque
 mercurius ipse parum antea calefiat, & non eidem
 superfliciei fusi antimonii adfundatur puncto.

A a 5

§. 1688.



§. 1688.

BENE notavit CL. BAUME, qui operationem eandem paucioribus nonnihil verbis operi suo etiam inferuit, secundum principia chemica examinata illa, tuto adferi posse, mercurium nec toti mercurio, minus adhuc toti antimonio jungi. Repetii, ait, operationem in CL. MALOUIN praescriptam saepius; nunquam tamen perficere illam potui —

SAEPIUS insuper abs bono successu operationem hanc se instituisse retulit CL. GEHLER.

§. 1689.

AETHIOPS *antimonialis sine igne paratus*. Terantur simul partes duae antimonii crudi, & pars una mercurii vivi; facto per tres horas tritu mercurius disparuit in experimento *Malouiniano*; obtentus pulvis, aethiopi vulgari mercuriali, sine igne parato, forma simillimus.

§. 1690.

IUNGERE etiam voluit MALOUIN anaticas doses antimonii & mercurii; duobus vero, ad unionem hanc perficiendam, diebus indiguit.

§. 1691.

EAMDEM (1689) operationem BAUME repetiit, verumtamen nec intra quatuordecim dierum spatium mercurium extinguere potuisse refert; adfundi curavit aquam; ne sic quidem felicior enatus eventus. Quis credat, operationem, quam intra tres horas optime perfectam fuisse MALOUIN retulit, quatuordecim dierum labore perfici non potuisse a BAUME?

§. 1692.

§. 1692.

TESTE *Cl. RUDOLFI*, *mercurius* cum antimonii regulo sequenti ratione deberet jungi: terantur drachmae duae reguli in grossiorem pulverem redacti, cum guttis triginta spiritus salis per brevius tempus: addatur una alterave gutta mercurii, continuetur tritus, atque methodo hac eadem continuetur operatio, donec drachma una mercurii admista fuerit.

§. 1693.

UT regulus antimonii purus cum mercurio coeat, quod aegerrime perficitur, pars una, *Cl. WALLERIUS* ait, reguli fundatur, fusus injiciatur triplae dosi mercurii calefacti, aqua bullienti recti, miscela probe teratur: non tamen ultra quadrantem horae tritus producat, quum alias antimonii regulus mercurium derelinquat forma pulveris, copia magis magisque augendi, donec demum connubium antimonii reguli cum mercurio ex integro solutum fit. Amalgama hoc molle est, nec diu durans, nisi regulus antea reddatur depuratissimus, atque fusioni, creta calceve adjecta, exponatur.

§. 1694.

RELATIO reguli antimonii & antimonii crudi ad Zincum. Coit regulus cum Zinco in massam duram satis, malleum parum ferentem, teste *Cl. MALOUIN*, qui vero doses utriusque semimetalli non addidit. Miscela haec fractura chalybem fere aemulatur. *Antimonium crudum* a Zinco respuitur. Inmisit Malouin uncias quatuor Zinci crucibulo, superaddidit uncias quatuor in pulverem subtilem redacti antimonii; fusione legitima facta, crucibulo igni exento, separatas



ratas vidit substantias. Unionem itaque sulphur hic inpediisse videtur antimonio crudo adhaerens.

§. 1695.

RELATIO *reguli antimonii* ad *Bismuthum*. Coeunt ambae substantiae; miscela bismutho albidior, fragilis est.

§. 1696.

RELATIONEM *reguli antimonii* ad *Niccolum* vide in *capite de NICCOLO*.

§. 1697.

RELATIO *reguli antimonii* ad *Cobaltum* in *capite de COBALTO* adfertur.

§. 1698.

RELATIO *reguli antimonii* ad *arsenicum* dicta in *capite de ARSENICO*.



ELENCHUS
CONTENTORUM

IN
TOMO I. ET II.
INSTITUTIONUM CHEMIAE.
TOMUS I.

METALLA, AC SEMIMETALLA CONSIDERA-
TA IN GENERE.

METALLICARUM	Relatio ad aërem	§. 80
substantiarum defini- tio §. 1	Relatio ad aquam	81
Firmitas metallorum	Relatio ad ignem	82
Opacitas	- - ad acidum vitrioli, nitri, salis	89
Gravitas	- - ad acidum nitri	90
Fusibilitas	- - ad alkalia fixa & volati- lia	92
Splendor	- - ad sulphur, & hujushe- par	93
Ductilitas	- - ad aquam regiam	94
Tenacitas	Auri solutio in aqua re- gia	99
Solubilitas, solutionum di- versitates	Crystalli auri	100
Ad ignem relatio	Pulvis aureus	104
Divisio in perfecta, & in- perfecta; singulorum do- tes	Solutio auri spuria	107
Metallorum partes constitu- tivae; earum combinatio, dotes &c.	Crocus solaris	107
AURUM	Auri praecipitationes	108
Auri color	Praec. per liquorem silicum	109
Gravitas	- - per terras calcareas	112
Ductilitas	- - sal alkali fixum	113
Tenacitas	- - minerale	114
Elasticitas, sonus	- - borracem	118

Pras-

<i>Praecipitatorum dotes &c.</i>	- - ignem	§. 235
<i>resolutio</i> §. 19	- - acidum vitrioli	240
<i>Aurum fulminans; ejus exam-</i>	- - salis	241
<i>en, theoria &c.</i> 125	- - nitri	242
<i>Auri praecipitationes aliae,</i>	<i>Solutionis nitrosae dotes</i>	243
<i>diversae</i> 164	<i>Crystalli lunares</i>	245
<i>Purpura mineralis; ejus exam-</i>	<i>Fel metallorum, solutio me-</i>	
<i>en &c.</i> 172	<i>racissima argenti nitrosa</i>	246
<i>Praecipitationes auri reli-</i>	<i>Lapis infernalis</i>	247
<i>quae</i> 203	<i>Argentum ardens</i>	249
<i>Compositiones auri cum me-</i>	<i>Argenti relatio ad acida ve-</i>	
<i>tallis aliis</i> 205	<i>getabilia</i>	251
<i>Cum argento</i> 206	- - alkalia	252
<i>Auri ligaturae variae</i> 206	- - sulphur	253
<i>Auri compositio cum cupro</i>	- - sal ammoniacum	254
208	- - commune	255
<i>Auri ferrumina</i> 209	- - nitrum	256
<i>Auri coloratio</i> 209	- - hepar sulphuris	257
<i>Aes pyropum</i> 210	- - acidum phosphori	258
<i>Aurum cum ferro</i> 211	- - sal fusibile microcosmi	259
- - stanno 212		
- - plumbo 213	<i>Argenti praecipitationes</i>	260
- - mercurio 214	<i>Vitriolum argenti</i>	261
<i>Amalgamatio</i> 214	<i>Magisterium lunae</i>	265
<i>Inauratio</i> 215	<i>Nitrum lunare</i>	265
<i>Aurum cum antimonii regu-</i>	<i>Luna cornea, ejusque dotes,</i>	
<i>lo</i> 216	<i>reductio &c.</i>	270
- - antimonio crudo 217	<i>Argenti solutio per acidum</i>	
- - zinco 218	<i>vegetabile</i>	285
- - bismutho 219	<i>Reliquae praecipitationes ar-</i>	
- - cobalto 220	<i>genti</i>	291
- - arsenico 221	<i>Inargentatio frigida</i>	293
- - niccolo 222	<i>Arbor Dianae</i>	294
<i>Auri purissimi notae</i> 223	<i>Lunae miscelae cum metallis</i>	
ARGENTUM 225	<i>&c.</i>	300
<i>Argenti color</i> 226	<i>Luna cum cupro</i>	303
<i>Gravitas</i> 227	<i>Ligaturae variae monetarum</i>	
<i>Ductilitas</i> 228		
<i>Tenacitas</i> 229	<i>Luna cum ferro</i>	303
<i>Durities</i> 230	- - stanno	306
<i>Elasticitas</i> 232	- - plumbo	307
<i>Relatio ad aërem</i> 233	- - mercurio	308
- - aquam 234		



<i>Lunae amalgama</i>	§. 309	<i>Ferri habitus ad acidum vi-</i>	
<i>Arbor Dianae</i>	309	<i>trilicium</i>	§. 357
<i>Argent haché</i>	310	<i>Vitriolum ferri</i>	359
<i>Luna cum antimonii regulo</i>		<i>Ferri habitus ad acidum ni-</i>	
	311	<i>trosum</i>	360
- - antimonio crudo	312	- - acidum salis	365
- - Zinco	312	- - aquam regis	367
- - bismutho	313	- - acida vegetabilia	369
- - cobalto	314	<i>Tinctura martis adstringens</i>	
- - arsenico	315		369
- - niccolo	316	<i>Ferri habitus ad cremorem</i>	
<i>Notae lunae purissimae</i>	317	<i>tartari</i>	373
<i>Hydragogum argentum Boy-</i>		<i>Tinctura martis tartarifata</i>	
<i>lei</i>	319		375
<i>Tincturae lunares</i>	320	<i>Tartarus martialis, extra-</i>	
<i>Solutio argenti vitriolica</i>	321	<i>ctum martis, Mars solu-</i>	
<i>Deargentatio frigida</i>	324	<i>bilis &c.</i>	377
<i>Scotophoricum Schulzii</i>	325	<i>Tinctura martis &c. ROL-</i>	
<i>Bezoardicum lunare</i>	326	<i>FINCII</i>	377
<i>Pilulae lunares</i>	327	- - LUDOVICI	377
<i>Argenti depuratio</i>	328	<i>Globuli martiales</i>	378
FERRUM	329	<i>Ferri solutio vinosa &c.</i>	379
<i>Ferri color</i>	329	<i>Tinctura martis pomata</i>	380
- - Textura	330	<i>Extractum martis cum succo</i>	
- - Gravitas	331	<i>pomorum</i>	381
- - Ductilitas	332	<i>Ferri habitus ad sal muria-</i>	
- - Tenacitas	333	<i>ticum</i>	382
- - Elasticitas	335	- - ammoniacum	383
- - Magnetismus	336	<i>Flores salis ammoniaci mar-</i>	
- - Electricitas	337	<i>tiales</i>	384
- - habitus ad aërem	339	<i>Oleum martis</i>	384
<i>Rubigo, ferrugo, crocus</i>		<i>Ferri habitus ad nitrum</i>	387
<i>martis</i>	339	- - sulphur	388
<i>Crocus martis aperitivus,</i>		<i>Crocus martis sulphuratus</i>	
<i>rore majali factus</i>	340		394
<i>Ferri habitus ad aquam</i>	342	<i>Ferri habitus ad hepar sul-</i>	
<i>Crocus martis per irrova-</i>		<i>phuris</i>	395
<i>tionem</i>	342	- - alia varia menstrua	396
<i>Aethiops martialis</i>	343	<i>Ferri solutiones in salibus al-</i>	
<i>Ferri habitus ad ignem</i>	348	<i>kalinis</i>	398
<i>Battitura, aut squamae</i>		<i>Tinctura martis alkalina</i>	
<i>ferri</i>	352	STAHLII	400
<i>Crocus martis adstringens</i>		<i>Crocus mart. aperitiv</i>	STAHLII
	353	LII	401
		<i>Ferri</i>	



<i>Ferri habitus ad alkali phlogisticatum</i>	402	CUPRUM	§. 453
- - volatile	403	<i>Cupri color</i>	453
<i>Ferri praecipitationes</i>	404	- - gravitas	454
<i>Arbor martis</i>	405	- - ductilitas	455
<i>Aethiops martialis</i>	406	- - tenacitas	456
<i>Mars diaphoreticus</i>	409	- - firmitas	457
<i>Crocus martis fulminans</i>	410	- - elasticitas	459
<i>Praecipitantia ferri varia alia</i>	411	- - habitus ad aërem; aerugo	460
<i>Ferri habitus ad metalla &c.</i>	414	- - odor	461
<i>Ferrum cum cupro</i>	417	- - sapor	461
- - stanno	418	- - habitus ad aquam	462
- - plumbo	419	- - ignem	463
- - mercurio	420	<i>Battitura, seu squamae cupri</i>	465
- - regulo antimonii	422	<i>Sprengmetall</i>	465
- - antimonio crudo	423	<i>Flores cupri</i>	465
<i>Regulus antimonii martialis</i>	423	<i>Kupfersche</i>	465
<i>Crocus martis antimonialis &c.</i>	429	<i>Cuivre de rosette</i>	466
<i>Ferrum cum Zinco</i>	431	<i>Cuprum cum acido vitriolico</i>	470
- - bismutho	432	<i>Vitriolum cupri</i>	470
- - cobalto	433	<i>Cuprum cum acido salis</i>	473
- - arsenico	434	- - nitri	474
- - niccolo	435	<i>Detonatio, cupri interventu perficienda</i>	475
<i>Extractum martis</i>	437	<i>Cuprum cum aqua regia</i>	477
<i>Lapis medicamentosus</i>	438	- - aceto	478
<i>Mars saccharatus</i>	439	<i>Aerugo rasilis</i>	478
<i>Syrupus chalybis</i>	440	<i>Cuprum cum vino</i>	479
<i>Tinctura martis aurea</i>	441	<i>Viride aeris parandi ratio</i>	480
- - roborans	442	<i>Aerugo desillata</i>	483
- - helleborata	443	<i>Acetum radicale</i>	484
<i>Vinum chalybeatum</i>	444	<i>Oleum viridis aeris</i>	487
- - Pharmac. Edinb.	445	<i>Spiritus viridis aeris</i>	487
- - Danicae	446	<i>Ens veneris</i>	487
<i>Ferruminatio ferri</i>	447	<i>Mercurius coagulatus</i>	487
<i>Ferrum a rubigine praeservandi methodi</i>	448	<i>Cuprum cum oleis</i>	488
<i>Crocus martis pro usu hyalurgico &c.</i>	449	- - tartaro	489
<i>Pseudogemmae, & encausta martialia</i>	452	- - succis vegetabilibus	490
		- - variis aliis menstruis	491
		- - sale	491

Cuprum cum sale alkalino	Regulus antimonii veneris
fixo §. 492	§. 526
- - volatili 493	Rete Vulcani 526
- - nitro 495	Cuprum cum Zinco 527
Tinctura veneris Democriti	Aurichalcum 529
495	Metallum Robertianum 534
Cuprum cum sale communi	Pincheback 535
496	Tomback 536
- - ammoniaco 497	Similor 536
Spiritus veneris 498	Cuprum cum bismutho 538
Cuprum cum salibus vitrioli-	- - cobalto 539
cis 499	- - arsenico 540
- - sulphure 500	Cuprum album 540
Aesustum 500	Tomback album 540
Lapis cupri purus 500	Cuprum cum niccolo 542
Cuprum cum acido phospho-	Cuprum gummatosum 543
rico 501	Aqua sapphyrina ophthal-
- - sale fusib. microcosmi	mica 544
502	Tinctura cyanea BOER-
- - acido formicarum 503	HAAVII 545
Praecipitationes cupri 504	- - veneris HELVETII
Cuprum praecipitatum 505	546
- - caementatum 505	Colores a cupro oriundi va-
Vegetatio veneris 507	rii, encaustici &c. 547
Vitale montanum 508	Fluores metallici veneris,
Ochra cupri viridis 508	pseudogemmae 549
Cuprum cum metallis &c.	STANNVM 550
511	Stanni color 550
Cuprum cum stanno 515	- - gravitas 551
Miscela pro tormentis belli-	- - Ductilitas 552
cis 515	- - Tenacitas 552
- - campanis, speculis cau-	- - firmitas &c. 553
sticis 517	- - Elasticitas 558
Metallum chalybeum 518	- - sonus, stridor 559
Cancham, Vongalam, stan-	- - sapor, odor 560
num induratum, resplen-	- - relatio ad aërem 561
dens 518	- - aquam 562
Miscela alia pro tormentis	- - ignem 563
bellicis 519	Stanni calx 564
Cuprum cum plumbo 524	- - flores 566
- - mercurio 525	- - per ignem explorati
- - regulo antimonii 526	phaenomena varia 567



Stanni cum arsenico arcta	Magisterium stanni	§. 616	
adfnitas	§. 570	619	
- - relatio ad acid. vitrioli	Stannum cum metallis	Esc. 621	
575		626	
- - vitriolum	577	- - plumbo	626
- - relatio ad acid. nitri	579	- - rosae, clarum	627
580		- - signatum, librare	Esc. 629
- - salis	580	- - cum mercurio	630
Sal stanni muriaticum	581	Aurum musivum	630
Spiritus Libavianus; bu-		Globi mercuriales	631
tyrum Stanni	583	Speculorum incrustatio	632
Barba Jovis	583	Stannum cum regulo anti-	
Jupiter corneus	583	monii	634
Gummi joviale, sulphur jo-		- - zinco	638
viale, sal joviale	586	- - bismutho	643
Marggrafiana cum stanno		Tuttanego	645
tentamina, circa adfni-		Stannum cum cobalto	646
tatem illius maximam cum		- - arsenico, Marggrafiana	
arsenico	587	circa unionem hanc expe-	
Stannum cum aceto	591	rimenta	648
Sal Jovis	597	- - niccolo	650
Stannum cum tartaro	598	Antihæticum POTERII	Esc. 651
- - sale communii	599	Bezoardicum joviale	653
- - ammoniaco	600	Incrustatio ferri et cupri per	
Flores joviales	600	stannum	654
Stannum cum nitro	601	PLUMBUM	660
- - sale anglicano	603	Plumbi color	660
Magisterium stanni	603	- - gravitas	661
Stannum cum sulphure	604	- - Ductilitas	662
- - ustum	604	- - Tenacitas	663
Stannum cum hepate sulphu-		- - firmitas	664
ris	606	- - Elasticitas	666
- - sale fusib. microcosmi	608	- - Sonus	667
- - acido formicarum	609	- - Odor, sapor	672
- - menstruis aliis	610	- - relatio ad aërem	673
- - sale alk. fixo	611	- - aquam	674
- - volatili	612	Plumbum lotum	676
Stanni per ova soluti noxae	613	Plumbi relatio ad ignem	677
Stannum cum oleis	614	- - calx	678
Stanni præcipitationes	615	- - purificatio	680

Plumbi calcis consideratio	Balsamum plumbi	732
§. 681	Saturni spiritus	§. 733
Tegmen vasorum pseudo-	- - oleum	733
morrhynorum 681	- - pyrophorus	733
Massicot flavum, Minium	Plumbum cum tartaro	735
album, flavedo plumbi &c.	- - vinis; vinorum mango-	
683	nium, ejus docimasia	736
Minium, ejus parandi me-	- - sale communi	737
thodus 684	- - nitro	738
Massicot 687	- - sulphure	739
Giállo lino 694	Plumbum ustum, sulphura-	
Calcium plumbi dotes 695	tum	740
Lithargyrium 698	- - cum hepate sulphuris	
Lithargyrii acetum 700		741
Balsamum, §. extractum	- - sale ammoniaco	742
saturni 700	- - acido phosphorico	743
Vitrum plumbi 701	- - sale fusib. microcosmi.	
Vitri plumbi dotes 702		744
Miscelae variae pro crucibu-	- - acido formicarum	745
lis exquisitioribus 703	- - lotio, oleis &c.	746
Vitri saturnini praeparatio-	- - alkalinis salibus	749
nem, ac indolem concer-	Plumbi praecipitationes	750
nentia reliqua 705	Vitriolum plumbi	750
Plumbum cum acido vitrioli	Saturnus corneus	751
710	Magisterium saturni	753
Vitriolum plumbi 711	- - - -	754
Plumbum cum acido nitri	Plumbum cum metallis &c.	
712		755
Sal, et nitrum saturni 712	- - mercurio	761
Plumbum fulminans 713	Amalgama singulare plum-	
Oleum saturni 713	bi &c.	762
Plumbum cum acido salis	Mercurii solidificatio per Sa-	
714	turnum	763
Saturnus corneus 714	Plumbum cum regulo anti-	
Plumbum cum aqua regia	monii	764
715	- - antim. crudo	765
- - aceto 716	- - zinco	766
Cerussa 716	- - bismutho	767
Acetum plumbi 716	- - cobalto	768
Remedia saturnina Goular-	- - arsenico	769
diana 718	- - niccolo	770
Cerussa 728	Cerussa setata	771
Saccharum saturni 729	- - tabulata	772
	B b 2	Album



<i>Album scissile</i>	772	<i>Mellago plumbi</i>	§. 774
<i>Lac virginis</i>	773		
<i>Balsamum album Chemico-</i>		<i>Plumbi granulatio</i>	775
<i>rum</i>	774		



P A R S II.

S E C T I O I.

M	ERCURIUS	§. 783	<i>ignis objecti phaenomena</i>	
	<i>Mercurii color</i>	783		§. 827
	<i>Tabula praeeparata exhibens</i>		- - <i>circa hanc rem capta ab</i>	
	<i>mercurialia</i>	784	<i>aliis</i>	842
	<i>Mercurii divisibilitas</i>	785	<i>Merc. praecipitatus per se</i>	
	- - <i>volatilitas</i>	787		844
	- - <i>gravitas</i>	788	<i>Merc. calcinatus auxilio</i>	
	- - <i>a frigore densatio</i>	790	<i>ignis mediocris</i>	845
	- - <i>per calorem expansio</i>		<i>Aurum Azoth, f. horizon-</i>	
		791	<i>tale</i>	852
	- - <i>vacuo commissi phaeno-</i>		<i>Methodus, mercurium obti-</i>	
	<i>mena; fulguratio</i>	792	<i>nendi depuratissimum</i>	853
	- - <i>relatio ad aërem</i>	795	<i>Mercurii mangonia, et ho-</i>	
	- - <i>mutatio per tritum me-</i>		<i>rum docimasia</i>	864
	<i>chanicum</i>	798	<i>Merc. impuri signa</i>	866
	- - <i>variarum substantiarum</i>		- - <i>purissimi signa</i>	868
	<i>ope facta extinctio</i>	803	- - <i>relatio ad acidum vi-</i>	
	<i>Merc. gummosus PLEN-</i>		<i>trioli</i>	870
	<i>CKII</i>	804	<i>Turbith minerale</i>	870
	<i>Dragées antiveneriennes de</i>		<i>Oleum mercurii</i>	873
	<i>KETSER</i>	813	<i>Merc. vitriolum</i>	877
	<i>Mercurius alkalisatus</i>	814	<i>Oleum mercurii</i>	878
	<i>Mercurii relatio ad aquam</i>		<i>Merc. emeticus flavus &c.</i>	
		817		883
	- - <i>ignem</i>	827	<i>Turbith mineralis examen</i>	
	<i>Experimenta Boerhaaviana</i>			884
	<i>circa mercuriū, actioni</i>			

Merc.



<i>Merc. relatio ad acidum ni-</i>	<i>Merc. liquidus &c.</i>	§. 934
<i>tri</i>	<i>Crystalli mercuriales nitro-</i>	
§. 891	<i>fae</i>	935
<i>Turbith nitrosum</i>	<i>Merc. relatio ad acidum sa-</i>	
893	<i>lis</i>	943
<i>Merc. praecipitatus albus</i>	- - <i>sublimatus, corrosivus;</i>	
897	<i>ejus praeparatio, dotes,</i>	
- - <i>cosmeticus</i>	<i>chemicum examen</i>	945
897	<i>Remedium antisiphiliticum</i>	
<i>Lac mercurii</i>	<i>Swietenianum</i>	979
897	<i>Sal alembroth</i>	993
<i>Merc. praecipitatus flavus</i>	<i>Merc. corrosivi praeparatio</i>	
905	<i>abs igne</i>	994
- - <i>aurantius</i>	<i>Merc. corrosivi praeparatio</i>	
905	<i>via humida, alia</i>	1009
- - <i>incarnatus</i>	<i>Docimasia Merc. sublim. cor-</i>	
905	<i>rosiv. in liquido quodam</i>	
- - <i>roseus</i>	<i>contenti</i>	1011
905	<i>Merc. revivificatio ex merc.</i>	
- - <i>niger</i>	<i>corrosivo</i>	1012
905	- - <i>dulcis; ejus praepara-</i>	
- - <i>cinnabarinus</i>	<i>tio, dotes; examen che-</i>	
905	<i>micum</i>	1016
- - <i>coeruleus</i>	<i>Mercurii relatio ad acetum</i>	
905	- - <i>tartarum &c.</i>	1058
- - <i>aureus</i>	- - <i>acida dulcificata</i>	1083
905	<i>Tartari mercurialis unio</i>	
- - <i>argenteus</i>	<i>cum borace, et sale se-</i>	
905	<i>dativo</i>	1086
- - <i>viridis</i>	<i>Mercurii relatio ad aquam</i>	
905	<i>regiam</i>	1089
<i>Lacerta viridis</i>	- - <i>salia alkalina</i>	1090
906	- - <i>olea, pinguedines</i>	1099
<i>Sal alembroth</i>	<i>Unguentum Neapolitanum</i>	
906		1099
- - <i>sapientiae</i>	<i>Merc. relatio ad saccharum</i>	
906		1102
<i>Panaceae mercur. BOER-</i>	<i>Pilulae mercuriales laxantes</i>	
<i>HAAVII</i>	<i>Anglorum</i>	1103
915	- - <i>Pharmac. paup. Edinb.</i>	
<i>Merc. praecipitat. fuscus</i>		1103
<i>WURZII</i>		
916		
<i>Turpethum rubrum PARA-</i>		
<i>CELSI</i>		
916		
<i>Merc. praecipitat. albus dul-</i>		
<i>cis</i>		
917		
- - <i>ruber</i>		
918		
<i>Aurum horizontale PARA-</i>		
<i>CELSI &c.</i>		
921		
<i>Arcanum corallinum</i>		
922		
<i>Aqua mercurialis</i>		
923		
<i>Calx mercurii alba</i>		
923		
<i>Panaceae mercurii rubra</i>		
923		
<i>Merc. corrosivus ruber</i>		
924		
- - <i>diaphoreticus PARA-</i>		
<i>CELSI</i>		
930		
<i>Solutionis nitrosae mercu-</i>		
<i>rialis dotes reliquae</i>		
932		



<i>Pilulae mercuriales Pharm.</i>	1103	<i>Ejus relatio ad aërem §.</i>	1191
<i>mac. paup. Edinb. §.</i>	1103	- - ignem	1192
<i>Infectio mercurialis Pharm.</i>		- - ustulatio	1194
<i>paup. Edinb.</i>	1103	- - calx grysea	1195
<i>Bolus coeruleus</i>	1103	- - volatilitas, vis colo-	
<i>Merc. saccharatus</i>	1103	rans &c.	1202
- - alkalisatus	1103	- - calcis gryseae dotes	1209
<i>Unguent. coeruleum fortius,</i>		- - vitrum hyacinthinum,	
<i>et mitius Disp. Londin.</i>	1103	hujus dotes	1210
<i>Tinctura mercurialis gara-</i>		- - in diversis vinis solubi-	
<i>yana</i>	1106	litas	1253
<i>Relatio merc. ad hepar sul-</i>		<i>Tartarus emeticus</i>	1271
<i>phuris</i>	1108	<i>Sapa vomitoria</i>	1350
<i>Cinnabaris via humida fa-</i>		<i>Aqua emetica RULANDI</i>	
<i>cta</i>	1108		1351
<i>Relatio merc. ad sulphur</i>		<i>Vitrum antimonii ceratum</i>	
	1118		1352
<i>Aethiops mineralis</i>	1119	<i>Reductio calcis gryseae</i>	1353
- - mediante igne	1121	<i>Antimonium crudum cum</i>	
- - sine igne	1122	<i>menstruis acidis</i>	1354
<i>Aethiops mineralis dotes,</i>		- - acido vitrioli	1354
<i>et examen ulterius</i>	1123	- - nitri	1355
<i>Cinnabaris, ejus praepara-</i>		- - salis	1356
<i>tio, dotes &c.</i>	1131	- - aqua regia	1357
<i>Vermillon, Cinnabre</i>	1141	<i>Flores antim. albi fixi</i>	
<i>Mercurii ex cinnabari revi-</i>			1358
<i>vificatio</i>	1146	<i>Ant. crudum cum sale alk.</i>	
<i>Merc. relatio ad acidum for-</i>		<i>veget. fixo</i>	1360
<i>micarum</i>	1154	<i>Sulphur antimonii</i>	1362
<i>Merc. relatio ad metalla &c.</i>	1155	- - auratum	1363
	1163	<i>Kermes minerale</i>	1363
- - Zincum	1163	<i>Regulus antim. medicinalis</i>	
- - bismuthum	1169		1397
- - cobaltum	1171	- - simplex	1397
- - arsenicum	1172	- - simplex	1406
- - niccolum	1182	<i>Hepar antimonii</i>	1416
ANTIMONIUM	1184	<i>Crocus metallorum</i>	1417
<i>Tabula praeparatorum an-</i>		<i>Regulus antimonii</i>	1419
<i>timonialium</i>	1188	<i>Tincturae antimoniales va-</i>	
<i>Antimonium crudum</i>	1190	riae	1420
<i>Ejus gravit. specifica</i>	1190		

Antim.



<i>Antim. crudum cum sale</i>		<i>Antim. chalybeatum, f.</i>	
alk. volatili	§. 1429	martiatum	§. 1555
- - ammoniaco	1430	<i>Cachedicum LUDOVICI</i>	1555
<i>Butyrum antimonii</i>	1431		1555
<i>Cinnabaris antimonii</i>	1468	<i>Ant. diaphoret. joviale</i>	1556
<i>Rectificatio butyri antimonii</i>	1474	<i>Bezoardicum joviale</i>	1556
	1475	<i>Antihæcticum POTERII</i>	1556
<i>Oleum antimonii</i>	1475		1556
<i>Butyrum antim. lunare</i>	1481	<i>Hepar antimonii</i>	1557
	1481	<i>Crocus antimonii</i>	1557
<i>Butyri antim. dotes</i>	1485	<i>Crocus metallorum</i>	1558
<i>Oleum antimonii</i>	1487	<i>Emeticum mitius BOER-</i>	
<i>Mercurius vitæ, seu pulvis</i>		<i>HAAVII</i>	1559
<i>ALGAROTH</i>	1493	<i>Flores ant. HELMONTII</i>	
<i>Arcanum RIVERII anti-</i>		f. falsi	1560
<i>moniale</i>	1499	- - emetici, dulces	1561
<i>Regulus antim. aculeatus</i>	1501	<i>Antim. diaphoret. Helmontii</i>	1562
	1504		1562
<i>Bezoardicum minerale</i>	1504	<i>Flos ant. Helmontianus fixa-</i>	
<i>Cerussa antimonii</i>	1509	<i>tus, diaphoreticus</i>	1562
<i>Spiritus nitri bezoardicus</i>	1510	<i>Purgans diacettateffon</i>	1563
	1510	<i>Antimonii relatio ad Julia</i>	
<i>Antimonium junctum cum</i>		<i>media</i>	1564
<i>nitro</i>	1511	- - metalla	1568
<i>Antimonium diaphoreticum</i>		<i>* REGULUS ANTIMO-</i>	
<i>Esc.</i>	1513	<i>NII</i>	1569
<i>Materia perlata, nix anti-</i>		<i>Reg. ant. obtinendi ratio</i>	
<i>monii Esc.</i>	1547	<i>varia</i>	1570
<i>Nitrum antimoniatum</i>	1549	- - simplex	1575
<i>Sal polychrestum antimoniat-</i>		- - vegetabilis	1575
<i>le</i>	1549	<i>Reguli antimonii color</i>	1576
<i>Antim. diaphoret. nitratum</i>	1550	- - textura	1577
	1550	- - gravitas specifica	1578
- - non ablutum	1550	- - tenacitas	1579
<i>Fondant de ROTROU</i>	1551	- - relatio ad ignem	1580
	1551	- - fusio	1580
<i>Reductio reg. ant. ex ant.</i>		- - volatilitas	1581
<i>diaphoret.</i>	1552	- - calx	1582
<i>Clyffus antimonii</i>	1553	- - calcis reductio	1583
<i>Flores antimonii</i>	1553	- - vitrum	1584
<i>POVDRE DE LA CHE-</i>		- - vitri dotes	1585
<i>VALERET</i>	1554	- - calcinatio solaris	1586



<i>Reguli antimonii calcis aug- mentum ponderis §.</i>	1587	<i>Regulus antimonii cum sale ammoniaco</i>	§. 1648
- - in vasis clausis examen	1588	<i>Reguli ant. abs igne fusio</i>	1648
- - flores argentini	1589	<i>Butyrum antim. regulinum</i>	1649
- - apparatus sublimatorii descriptio	1589	<i>Regulus antim. cum acido sacchari</i>	1650
- - relatio ad aërem	1598	- - formicarum	1651
- - aquam	1599	- - aceto	1652
<i>Pilulae perpetuae</i>	1600	- - tartaro	1655
<i>Vinum emeticum</i>	1601	- - acido vitriolico	1658
<i>Reguli antimonii solutio in diversis vinis</i>	1602	- - acido nitroso	1666
- - conjunctio cum sulphure	1643	- - salis	1673
<i>Minera artificialis antimonii</i>	1644	- - aqua regia	1677
<i>Ant. crudum redintegratum</i>	1644	- - substantiis metallicis	1679
<i>Flores salis ammoniaci an- timonialis</i>	1645	- - Mercurio	1685
<i>Cerussa antimonii</i>	1646	<i>Aethiops antimonialis me- diante igne</i>	1687
<i>Ant. diaphoreticum reguli- num</i>	1646	- - sine igne	1689
		<i>Amalgama mercurii et re- guli antimonii</i>	1692
		<i>Regulus ant. et antim. cru- dum cum Zinco</i>	1694
		- - cum bismutho	1695



FRANCISCI DE WASSERBERG
INSTITUTIONES
CHEMIAE,
IN USUM EORUM
QUI
SCIENTIAE HUIC OPERAM DANT.

TOMUS III.
INFLAMMABILIA.



VINDOBONAE,
APUD RUDOLPHUM GRAEFFER,
MDCCCLXXX.


Les sciences sont un champ immense et malheureusement pour nous nos esprits sont bornés: de là vient, que, ne pouvant parcourir qu'un petit coin d'un vaste terrain, et aiant la folie de le vouloir mesurer tout entier, nous devenons la dupe de notre amour-propre. Heureux l'homme, qui est assez sage, pour se contenir dans les bornes que lui prescrivent son genie, ses talents, et sa condition. - - Combien d'Icare's trouverait-on aujourd'hui, si leur châte étoit sensible?


M. Dupré de l'Isle, traité sur le vice
cancereux Disc. prélim.

INSTITUTIONES

C H E M I A E

TOMUS III.





INFLAMMABILIA.

§. 2599.

INFLAMMABILIVM *regni mineralis*, (nata de hisce folis hactenus est quaestio) *substantiarum* Classem ingrediuntur omnes illae, quae sive solidae sint, sive fluidae magis minusve, concipiendo, alendoque igni apta nata reperiuntur. *)

§. 2600.

INFLAMMABILIVM nomen substantiis illis aptissime competere iudicavi, quum latissime pateat, ac speciebus cunctis de aequo competat; quae praerogativa aliis terminis, quibus varii Auctores substan-

A 3

tias

*) ADDIDIT quidem Celeberrimus GERHARD, (*Baytraege zur Chemie und Geschichte des Mineralreichs*, 2. B. S. 2.) inflammabilium definitioni, ea, finita combustionem, aut cineres relinquere, aut scorias, aut corpus quoddam fluidum; verumtamen omittendam hancce dotem tuto ratus fui, quum substantiae quaedam minerales, v. c. naphtha purissima, ac sulphur rectificatum vel inflammabilis cuniculorum subterraneorum aura, utut abs omni controversia inflammabiles, nec cineres tamen relinquunt, nec scorias, nec corpus fluidum.



tias has ornarunt, v. c. *bitumina*, *sulphura*, *minerae inflammabiles* e. f. p. non adeo involvitur.

§. 2601.

Ex ipsa vero *nominis* ratione jam perspicere datur, *principii inflammabilis*, *phlogisti*, *pabuli ignis*, aut, ut RECENTIORUM quorundam phrasi utar, *ignis fixati* copiam in illis omnibus contineri maximam: etsi quidem diverso valde modo, diversa proportionem principium hoc ipsum substantiis aliis, vel essentialibus, vel adventitiis, ac heterogeneis omnino mistam, involutum, infectum per experimenta chemica, et phaenomena subin obvia deprehendatur.

§. 2602.

DIVERSITAS ex his inprimis eo redit, quod inflammabile principium in substantiis dictis aut varia proportionem adit, aut laxius arctiusve cum aliis admistis concretum sit. Instantiam praebent *naphtha*, *sulphur*, *aura fodinarum inflammabilis*, *geanibrax*, *schistus aluminaris* e. f. p.

§. 2603.

BENE vero monuit Cl. GERHARD, quum in inflammabilibus mineralibus aut *substantia sulphurea*, aut *resinosa* seu *bituminosa*, aut *oleosa* primas teneat, commodè eas trifariam dirimi posse in *tria genera*, quorum *primum* SULPHUR, *alterum* BITUMEN, *tertium* PETROLEUM in universum constituit. Non enim congruum foret, ait, si quis corpora omnia, quae unam vel alteram ex nunc dictis in sese recludunt substantiam inflammabilibus eam unice ob rationem vellet inferere; sed ea unice huc referenda erunt, quae quandam ex adductis pro principio constitutivo principe agnoscunt substantiam, vel et in integrum ea absolvuntur, atque hanc ob dotem pabulo ignis inserviunt; unde et *bitumen suillum*,
et

et *Dyssoilen*, et *bitumen hepaticum*, et *umbræ* species, &c. INFLAMMABILIVM CLASSI eximit, quum exiguam adeo phlogisti recludant copiam, ut nec flammam nec ignitionem legitime sustineant; quod vero in quibusdam saltim limitandum nonnihil censerem.

§. 2604.

Si quis, *Cl. GERHARD* adjicit, omnes substantias, quæ partis inflammabilis quid continent, Classi huic inferere vellet, minerae pleraque metallicaæ sulphuribus forent adnumerandæ, tum et schisti vix non omnes atri; quæ tamen classificationis ratio insignes omnino turbas excitatura esset. Nec plus evincit, monuisse, mineras quasdam aluminares, aut vitriolicas, ob majori copia contentum bitumen, lithanthracis vix non obire munia, quum minerarum tallium exustarum residua vitriolo aut alumine sint ditissima, atque hinc partem præcipuam salia hæcce constituent. Nec odor bituminosus, aut sulphureus ab inspersa quadam carboni ardenti substantia minerali adscendens, hanc inferendam classi inflammabilium abs exceptione evincit, bituminis vel sulphuris in illa substantia solummodo indicans præsentiam.

§. 2605.

NOTES inflammabilium secundum *Cl. GERHARD* forent sequentes, *classicae*.

§. 2606.

IGNIS admoti externi ope inflammantur, aut gliscere incipiunt; exustæ, cineres relinquunt, scorias, aut substantiam quandam fluidam (*cujus vero exceptionem paulo ante in ADNOTATIONE adiuli*); etsi vero omnes, dum ardent, fumum plus minusve densum erudent; non tamen ex omnibus *fuligo* nascitur: ratione.



tione flammæ triplex obtinet discrimen, quum jam albida sit, jam flavens, jam caerulefcens.

§. 2607.

CARBONIBUS injecta candentibus odorem bituminosum aut sulphureum exhalant. (*sed ambræ gryscæ odor non omnino sulphureus, nec bituminosus reliquorum in morem est.*)

§. 2608.

AR aquæ non solvuntur; vix ab alkohole fortissimo, nisi sale tartari acuaturn fuerit, adficiuntur; ab oleis tamen solvuntur æthereis, et anguinosis, partim & ab alkalinis fixis salibus.

§. 2609.

LINGUAM nonnulla vix adficiunt; alia saporem balsamicum, aut empyreumaticum excitant.

§. 2610.

TUSA, vel trita imprimis odorem remissiorem sulphureum aut bituminosum generant.

§. 2611.

INFLAMMABILIA sicca omnia idioelectricæ sunt.

§. 2612.

PRINCIPIA eorum triplicis sunt indolis; oleum æthereum, resina, aut sulphur: *) occurrunt vel forma

*) MONENDUM vero, in quibusdam aliis occurrere falsum species, non adventitias, uti sal commune v. c. in Mumia minerali persica à me inventum, sed essentialia, nec, uti ex tentaminibus adparet, vitriolico, qualis in sulphure continetur, ortum debentia. Facile hic cujusvis mentem salis succini idea inter alia subibit. de W.



forma pura, aliis corporibus non admista, aut terris, lapidibus, calcibusve metallicis juncta. *)

§. 2613.

SUBSTANTIAE minerales inflammabiles *oleosae* diversae sunt indolis, aut fluidae prorsum, aut balsami consistentia donatae, aut demum siccae.

§. 2614.

RESINOSAE (bituminosae) fragiles in universum sunt, fracturam obferentes laevem, splendentem; firmas adeo, ut polituram recipiant: aliae teneriori componuntur fabrica, fractura inaequales, polituram averfantes.

§. 2615.

SULPHURAE, dum purissimae sunt, nonnunquam forma pulverulenta, vel firma sulphuri analogae occurrunt. Aliis mistae substantiis mineralibus, pro harum diversa indole et varia satis gaudent firmitate.

§. 2616.

OLEOSAE ab invicem differunt ratione consistentiae variae, aut, quae admistae sunt, substantiarum.

§. 2617.

BITUMINOSAE discrepant inprimis ratione diversae indolis et oleorum, et salium acidorum, tum et firmitatis.

§. 2618

SULPHURAE distinguuntur eatenus, quod aliae purissimae sint, nulla heterogenea mista substantia, aliae

A 5

*) ADIICIENDUM et *substantiis variis vegetabilibus*: manifesto testimonio cespitis bituminosi, variarum specierum lithanthracum &c. quin et *animantium* aptes bitumine penetrari queunt. *de W.*



aliae vero varia secum vehant corpora, ea ratione,
ut novam vix non, et ignotam referant substantiam.

§. 2619.

SULPHUREIS Cl. GERHARD accenset: *)

1. SULPHUR vivum, purum nativum,
2. Terram sulphuream,
3. Hepar sulphuris nativum,
4. PYRITEN,
 - a. amorphum,
 - b. figuratum,
 - c. crystallisatum,
 - d. lamellosum,
 - e. fistulosum,
 - f. anomalum, (in fremden Gestalten)

§. 2620.

BITUMINOSIS adnumerat.

1. SUCCINUM.
2. AMBRAM.
 - a. gryseam.
 - b. unicolorem.
3. GAGATEN.
4. Serum minerale.

§. 2621.

OLEOSIS jungit:

1. NAPHTHAM,
 - a. bitumen albicans,
 - b. fusco-rufescens.
2. PICEM MONTANAM.

*) INDICASSE hic, quum praefixus operi huic scopus
non MINERALOGIAM concernat, una alterove
verbo sufficit varias in citato opere adductas spe-
cies; omisia fusiori definitione.



2. Malikam.
- b. Asphaltum.
3. COPAL.
4. LITHANTHRACES.
5. GEANTHRACES.
6. XYLANTHRACES.
7. TURFAM.

§. 2622.

CL. WALLERIUS in recenti opere *systematis mineralogici*, diversa nonnihil classificatione, sub generico nomine *ordiuis secundae classis tertiæ* (quæ mineras continet) SULPHURA, substantias recensuit sequentes. *)

I. BITUMINA.

1. NAPHTHA.
2. PETROLEUM.
3. MALTHA.
4. ASPHALTUM.
5. TERRA BITUMINOSA.
6. LITHANTHRAX.
7. GAGAS.
2. SUCCINUM.
- COPAL.
3. AMERA.
4. SULPHURA, quo refert.
1. Sulphur nativum flavum.
2. — — rubrum.
3. — — mistum.
4. Pyriten sulphureum.
5. Globulos pyriticosos.
6. Merchasitam.
7. Pyriten fuscum.
8. Petrefactum pyriticosum.

CLAS-

*) Hic pariter, nonnisi nuda generum et specierum nomina recensui.



CLASSIFICATIO CL. CRONSTEDT.

3. ERDHARZE.

1. AMBRA.
2. BERNSTEIN.
3. BERGOEL.

1. fließendes.

1. Bergbalsam; Naphtha.
2. Bergöl.

2. Zähes, Maltha.

3. erhärtetes, Asphalt.

4. Schwefel.

1. Natürlicher.

2. Schwefel, der Metalle (Eisen, Eisen und Zinn, Eisen und andre Metalle) aufgelöset hat.

5. ERDHARZ MIT ERDARTEN (Kalk- oder Thonerde) VEREINIGET.

1. Mit weniger; Thonerde: Steinkohle.
2. Mit mehrerer: Kolm.
3. Mit überflüssiger: Brandschiefer.

6. ERDHARZ MIT METALLISCHER ERDE: Branderz (mit Kupfer; mit Eisen; feuerfestes, flüchtiges.

§. 2623.

Sub phlogisticarum, seu exardescentium, seu inflammabilium substantiarum Classe examen referam in opere hoc.

Sulphuris.

Ambrae.

Succini.

Copalii, succino variis dotibus analogi.

Gagatis.

Sevi mineralis.

Naphthae.

Petro-

Petrolei.
 Malthae et Asphalti.
 Lithanthracum.
 Turfae.

PYRITEN vero et *umbram*, et varia alia, quae à nonnullis auctoribus hanc in tribum referuntur, hic non tangam; tum quod nonnullae, uti prius ex Cl. GERHARD adtuli, huc non aptissime referantur, tum quod aliae, *pyrites* inprimis, in *Metallurgicis*, quae exclusi, tractari debeant.

S U L P H U R.

§. 2624.

SULPHUR (Δ), Cibut, Chybur, Crybtit, Albusao, Akiboth, Abusal, An, Anerit, Anerik, Alneric, Kibrit, Rabric, Krapili lamare, Tifasum, Tin, Usifur, fumus acerrimus, ignis terrae, lapis cherubini, pyr, solis scorpio, spiritus vegetans, terra foetida, masculum semen, primum naturae agens ad omnia metalla procreanda, metallorum pinguedo, Androdamas, oleum terrae, metallum vivax, bituminosorum primas, pulmo terreus, pulmonum anima, pulmonum balsamus, Θσίον, corpus cernitur, colore inprimis flavo, substramineo, speciali ac proprio termino sulphureo, citrino donatum, *) (nam de aliis coloribus, quibus sulphur variis substantiis mistum conspicitur, alio loco actum) tritum odorem singularem exhalans, qui facile à quovis

*) SERMO hic solum est de sulphure puro, qualis in floribus sulphuris habetur, non vero de sulphure caballino, aliove impuriore,



vis percipi, non verbis describi, potest, quod quidem circa odores, ac saporos omnes dictum sit; facile accendendum; accensum flamma caerulecente, sub expulsiōe vaporis suffocantis, ac si majori copia simul et semel adtrahatur in nares, lethalis deflagrans.

§. 2625.

GRAVITATEM specificam sulphuris *III.* MUSCHENBROEKIUS invenit sequentem ad 1,000. aquae pluviae: sulphur minerale 1,875; pellucidum persicum 1,950; nativum pellucidum rubrum ex Transylvania 2,871; aegaei maris 2,018; ex Guadeloupe 2,077; ex Quito 2,908; vivum 2,000; vulgare fusum 1,800; sulphuris flores 0,9438.

§. 2626.

Ex *Mineralogicis* constat, sulphur occurrere aut *nativum*, aut *metallis saturatum*, (*pyrites; cinabaris &c.*) aut demum *mistionis peregrinae, sulphur coloratum WALLERII spec. 214.*

Ex *Docimasticis* autem petendum, qua ratione obtineatur sulphur ex terrae gremio nunc effossum, substantiis aliis mistum, aut nudum, virgineum, tum sub terra occurrens, tum et in thermis vulcanorum faucibus in sublime actum, aut incrustans, pulverulentum, friabile &c. &c. Considerabimus itaque nunc

*) PRINCIPIA sulphuris, quae alii in definitione jam addunt, consulto hic omisi, quum definitionem ea imprimis ingredi debeant, quae vel sponte, vel minima adhuc accedente chemica analysi, sub sensus cadunt, et a quovis, dum obseruntur, adeo statim intelligi queunt, ut simul rei, quam designant, recurrat idea.



nunc sulphur ab officina Docimastæ acceptum flavum, nulla alia substantia mistum.)

§. 2627.

AERI libero expositum sulphur prius in modulum fusum non adfici videtur, color quidem sordidior fit; sed hoc à quiescentibus per atmosphaeram obvolitantibus, in superficiem sulphuris depositis, deducendum.

SULPHUR firma quidem, dum in unam massam redactum est, consistentia gaudet, facile tamen in pulverem teri pistilli, quin et si minoribus componatur frustillis, digitorum ope valet.

Aqua purissima frigida in sulphur nullam vim exferit, nec ab eo lingitur, nec sapore sensibili inficitur.

Nec

*) PER transfennam solum adferre lubet sequentia ex Cl. WALLERIO:

SULPHUR habetur aut 1) à natura ipsa jam ex integro confectum, separatum; aut

2) DESTILLATIONE obtentum ex pyritibus; aut

3) USTULATIONE minerarum quarundam cupri, et similium;

4) FUSIONE, ac praecipitatione ope ferri, salisque alkalini ex quibusdam mineris, in quibus majori copia delitescit;

5) SOLUTIONE, et elixiviatione ope lixivii meraci ex quibusdam mineris, quibus jungitur;

6) SYNCRISI, seu artificiali compositione, dum nempe per artem junguntur invicem principia, quibus sulphur componitur nativum, atque in officinis ipsius naturae fabrefactum, virgineum; de qua compositione in subsequens latius agetur.



Nec decoctio mutationem sulphuri adfert.

SULPHUR in cylindrum fusum, manu detentum, nonnihil expanditur, ac, sub leni crepitatione in fragmina dissilit; deduxit phaenomenon hoc *Cl. BAUME* ex eo, quod sulphur dote majori electrica gaudet; verum et in crystallis nitri volae inclusis idem obtinet; an ideo nitrum diceret electricum; lubens quidem fateor, insignem electricitatem sulphuri competere, causam autem dicti phaenomeni, aut ab aëre incarcerato, calore expanso, repagula disjiciente deducere; aut eam prorsus me nescire fateri malem.

IGNI leniori expositum sulphur vase aperto funditur fluxu lento pici aemulo, fusum colorem obsert subrubrum, ac colorem colophoniae fere accedentem; odor simul spargitur sulphureus, non tamen suffocans adeo, uti ab sulphure accenso expellitur; refrigerio lento commissum ad priorem redit consistentiam fragilem, friabilem, nec rubentem retinet colorem; diffractum texturam refert fere crystallinam, compositam striis, aut si mavis, aciculis è centro ad peripheriam tendentibus. Sulphur ardens, *Cl. SCOPOLI* retulit in anno *V. historico naturali*, si extinctum fuerit et frigesactum, adparet ubique Zeolitis spathosi, aut minerae antimonii ad instar striatum.

DIUTIUS in igne eodem caloris, quem nunc dixi, gradu detentum, sensim copia minuitur, avolat; volatilitas haec mox latius patebit, dum de *sublimatione florum sulphuris* sermo erit.

CALORE majore admoto, aut carbonibus injectum, aut candelae flammae adpropinquans accenditur, flamma caerulesecente ardet, ac halitum edit suffocantem illico, si majori copia adtrahatur, aut in cubiculo clauso contineatur, saepenumero interimentem.)

Fusum

*) VAPOR hic non solum hominibus, sed et avibus et quadrupedibus perniciosus, et lethalis est; atque ejus

§. 2628.

Fusum sulphur aquae injectum, repetita saepe operatione adeo tandem emollitur, ut digitis trahi, malaxarique facile queat. Sulphur tale vocatur *sulphur molle*, aut *flexile*, *souffre mou*.

§. 2629.

ope celebratum illud incruentum phasianorum sursum peragitur. Sed insecta quoque ipsa eodem enecantur; vidit egregius Anglus BROWNE LANGRISH pulices necari, dum sulphuris vaporibus canem exponeret. Cerambycum larvae intra ipsa ligna sulphuris vapore adeo excruciantur, ut vel foras prodireant, vel intra maeaudros, quos exederunt, suffocentur. Cimices nullo fors remedio certius perimuntur, quam dum cubiculum, ex quo, ne destruat, melior suppellectilis pars ablata fuerit, vapore sulphuris, januis, fenestrisque clausis lustratur; caute tamen fiat lustratio haec, et fenestrae ita claudantur, ut funiculo, quin quis intrare necessum habeat, aperiri queant, ne fors infortunium à lethali vapore oriatur. Methodum, insecta quae pro musaeis Curiosorum colliguntur, citissime, et optime necandi C. PLOUQUET in *Bernerischen Magazin der Natur, Kunst, und Wissenschaften* 1. B. 1. St. S. 260. proposuit eam, ut insecta lagenae vapore sulphuris accensi repletae injiciantur, lagenaeque illico claudatur. Deleterius hicce vapor per decem duodecimque dies virium suarum vix quid deperdit, dummodo lagena saepe nimis non aperiatur, aut aperta diutius maneat; unicum junctum habet id incommodum, quod color coeruleus quorundam insectorum, v. g. *libellulae virginis* &c. in rubrum mutetur.



§. 2629.

SULPHURIS hanc emollitionem *Cl. BAUME* deduxit ex eo, quod acidum vitriolicum, altera sulphuris constitutiva pars, aquam subeat, ac ea recedente phlogistica portio mollior utique remanere tum debeat; sat plausibilis haec ratio sub initium videtur; verum-enimvero bene monuit *Cl. GEHLER*, qui opus *Baumeanum* in germanicam transtulit linguam, notasque bonas hinc inde adjecit, rationem eam dicti phaenomeni assignari vix posse. Quodsi enim decompositio talis obtineret sulphuris, massa illa denuo tandem indurescens verum ac gentinum sulphur, inprimis ratione principiorum mutatae proportionis non foret; quod tamen revera fit: ipse etiam *BAUME* monuit, acidum vitriolicum, phlogisto nuptum, adfinitatem suam, alias magnam adeo, versus aquam ex integro deperdere.

§. 2630.

SULPHUR emollitum inservit pulchre gemmarum sculptarum, aut sigillorum typis excipiendis: fieri tamen id valet fusi sulphuris ope; methodum totam, qua perfici debeat operatio, candide exposuit *Cl. KLEIN* in *gründliche Anweisung zum Münzkopiren*, tum et Amicus doctissimus, nuper pie defunctus *Cl. de SCHEYB* in *GAUBÖCKELHEIM* in opere pulchro, *ORESTRIO, oder von den drey Künsten der Zeichnung, mit einem Anhange von der Art und Weise Abdrücke in Schwefel, Gyps, und Glas zu verfertigen, auch in Edelsteine zu graben*; ex quo opere historiam totam diatribae meae *chemische Abhandlung vom Schwefel* inserui.

§. 2631.

INFLAMMARI valet sulphur, dummodo ignis caute regatur, leniter adeo, ut objecta inflammabilia corpora ne quidem accendat; calore flammaque au-
ctis

Etis vero accendit omnia, uti notissimo et quotidiano experimento constat: in primo casu flammula fugax lambere potius, quam consumere, sulphur videtur.

§. 2632.

OBSE RVAVIT *Cl. GEHLER*, sulphur fufum, ac ad tenaciorem consistentiam redactum ab igne jam sublatum denuo tenuiter adeo fluere, uti aqua, antequam refrigerat; crystallos etiam sub refrigerio enatas in cavernulis per superficiem dispersis tum optime conspici posse.

§. 2633.

NOTAVIT etiam *Cl. WALLERIUS*, inter substantias inflammabiles omnes sulphur diutissime flammam alere, quum frustillum ejus exiguum, aut guttula accensa longum satis tempus requirat, antequam ex integro consumatur.

§. 2634.

DOTEM sulphuris, qua ignis actione lenta sensim avolat, et fugatur, advertentes chemici, tentarunt, quid accidat, si vasis clausis exponeretur igni. En operationem hanc totam descriptam stylo eleganti *BOERHAAVII*.

§. 2635.

SUMO, ait vir magnus, sulphuris venalis uncias sex, indo cucurbitae terreae halsiacae; adplico capitellum amplum vitreum. Iuncturas claudio luto facto ex argilla, & cineribus aqua parte mistis cum aqua subactis. Tum immitto furno arenae, ut arena cucurbitam fere tegat ad limbum alambici; rostrum alambici cum cucurbita debet aliquantum inclinare deorsum, ut humor defluat; adpenditur excipulum. Ignem instruo lente, per gradus, tamdiu, donec videam, alambicum flavedine adscendens sulphuris obscurari.



Exibit parum aquae ex alambico inclinato destillans. Pergo tum hoc igne prudentissime sustentato sic, ut calor non fundat flores, in alambico, atque tamen sublimetur sulphur. Hoc pede pergitur octo horis, in fine ignem augendo eousque, ut alambici limbus inferior tantum caleat, ut, si paulo plus caleficeret, sulphur funderetur. Erit sulphur sublimatum in materiem flavam, tenuissime divisam, quasi tomentosam, tenuem, mollemque. Vocatur *flos sulphuris*:

§. 2636.

HAEC sufficiunt quidem, pergit, demonstrationi ad propositum nostrum. Caeterum sublimationes has peragunt integris furnis ad hoc instructis, et binas cameras habentibus, quarum una sulphur habet sublimandum, huic ignis subponitur; altera huic adstructa, perque foramina communicans, frigida tenetur. Utraque adcuratissime obstruitur, ut nil aëris in alterutram venire queat. Sulphur tum de una camera furni actum, et volatile redditum, agitur in alteram frigidam, ibi colligitur. Operatione absoluta, omnibus frigefactis, aperiuntur furni, eximitur paratus flos ex una camerula, vel recessu; instruitur iterum altera sulphure novo: sicque ingens copia, parvo labore, paucis expensis, facile paranda, facit, ut flos venalis sulphuris haud multo sit ipso sulphure carior.

§. 2637.

URI etiam solent pro parando flore sulphuris adparatu peculiari, *aludulorum* nomine veniente, alibi descripto; sulphur inponitur in cucurbitam, fundo plano dotatam, terream, ex latere portula instructam, superne orificio amplo hiantem; avolat sic, adparatu ignis actioni exposito, in superincumbentes sibi ollulas, utrinque patulas, excepta solum ultima, quae foraminulo exiguo pertusa est; adfigitur crustarum pul-



pulverulentarum specie, crystallulorum minimarum lanceolarium, oculo non perceptibilium compositarum sub forma ollulis, depuratissimum, flavum, nitidum.

§. 2638.

FUNDO cucurbitae adhaerescit substantia impurior, terrestris, colore ex fusco griseo donata, sulphuris partem adhuc recludens, dum adparatus lentissime refrigerescit, rete crystallinum in superficie exhibens. Dixit Cl. BAUME, obtinuisse se post quamvis repetitam florum sublimationem terrestrem quamdam remanentem materiem, eamque vel à terra propria acidi vitriolici, vel, à terra mitionem phlogisti subeunte deduxit, atque hinc demonstrari ratus fuit, partem exigua tum acidi vitriolici, tum phlogisti decomponi: verumtamen conjectura haec non adeo probabilis videtur; terra illa deponi potuit, quin ulla decompositio accesserit, et experimentum exactius describi, exactius repeti deberet, ut convicti esse possemus.

§. 2639.

VARIA circa hanc florum sublimationem, ac ipsum obtentum productum veniunt notanda, quae nunc in compendio adferam.

a) CALOR non sit nimius, ne in flores elevatum sulphur denuo fundatur.

b) AER nullus omnino accedat, ne sulphur accendatur.

c) CAVEATUR etiam, ne adparatu adhuc calente subito aperto candela accensa sit vicinior; alias accenderetur sulphur totum illico, adparatus totus disjiceretur, atque adsans operator momento suffocatus perire posset.



d) SULPHUR hac operatione inmutatum adfurgit, nec dum aëris accessus arcetur, decompōitur.

e) ADDITIONE omni aluminis, aut colcotharis, aut salis communis decrepitati, quam nonnulli suaserunt, carere tuto possumus, quum flores abs ullo additamento & facillime, et puriores longe obtineri queant.

f) Dum aludulorum adparatu peragitur sublimatio, suprema ollula foraminulo instructa sit, ne disjiciatur fors adparatus, et ut florum simul facilius reddatur adscensus; portula vero lateralis in ollula infima, seu cucurbita probe claudatur, ne aëre intrante accendatur sulphur.


g) SULPHUR sublimandum non simul et semel, sed per partitas vices inmittatur, alias et funditur copia nimia, et sublimatio plurimum retardatur.

h) Ut Chemicus de puritate suorum, quos ad experimenta adhibet, florum sulphuris certissimus sit, non sufficit, ut flores ex officinis aromatopolarum coëmat, etsi Cl. BAUME hoc suaserit: optime siquidem monuit *Celeberrimus* SPIELMANNUS flores hosce contrito in pulverem subtilissimum sulphure adulterari; hinc melius est, ut vel flores ipse conficiat, vel coëmtos, de quorum sinceritate vel levissimum suspensisse queat dubium, repetitae sublimationi subiciat. Cura, ac mundities major, et prope nimia, nullibi superflua, in *Chemicis* omnium minime.

§. 2640.

PARARUNT Chemicis priorum saeculorum flores sulphuris, quos vocarunt *compositos*, quum sulphuri in flores elevando, aut prius jam elevato, varia adjicerent pro lubitu, ad indolem sulphuris, ac obtinendi producti rationes chemicas parum respicientes.

Adse-



Adferam, speciminis gratia descriptionem hujusce-
modi florum, quam in *BEGUINI tyrocinium chemicum*
commentans adtulit GLÜCKRADTIUS, quam et THEO-
PHRASTUS PARACELSUS, et OSWALDUS CROLLIUS ceu re-
medium magni sane momenti scriptis suis inserue-
runt, et prolixo sermone commendarunt. En for-
mulam: Recipe florum simplicium sulphuris, ter
elevatorum unciam unam et semis; myrrhae electae
drachmam unam; aloës hepaticae scrupulum unum;
croci grana quindecim; terrae sigillatae scrupulum
unum; sacchari quantum satis: dissolvatur hoc in aqua
rosarum, vel pectorali (prius vero dictum fuit, sul-
phur ab aqua prorsum non mutari, ut de myrrha,
aliisque taceam) et fiat massa, ex qua formentur ro-
tulae; vel cum tragacantha in aqua rosacea dissoluta
fiant tabulae, aut cum theriacae extracto electuarius.

§. 2641.

SULPHUR cum oleis tum aethereis tum expressis
mistum, digestioni expositum, solvitur, atque hac
ratione exsurgunt diversae balsamorum sulphuris spe-
cies. Oleum v. c. expressum nucum calefiat in vase
terreo, lorica vitrescente interne obducto, calido flo-
res sulphuris per minores doses injiciantur, miscela
agitetur spatula, donec sulphur solutum sit, atque
sic continuetur operatio, quamdiu sulphur solvitur,
vel donec oleum colore granatino tinctum sit: con-
sistentia balsami talis subviscida est, lentaque, odor
singularis, ad odorem resinae sigillatoriae accensae fe-
re accedens, gravior tamen, et in mistum sulphur pro-
dens. Operatio haec ipsa in phiala chemica, balneo
arenae inposita, fieri etiam potest; balsamum sulphuris
ope olei nucum paratum *balsamum sulphuris Rulandia-
num* vocatur: ad uncias quatuor florum sulphuris
libra una olei nucum praescribi solet: unam partem
sulphuris ad binas partes olei plerumque recipi CL.
WALLERIUS adnotavit.



§. 2642.

BALSAMUM hoc sulphuris diversa nomina indispici-
tur pro ratione diversa olei, quod ad ejus confectio-
nem fuit adhibitum; unde *anisati*, *amygdalini*,
terebinthinati &c. exsurgunt voces; Auctores non-
nulli *hepar sulphuris oleosum* dixerunt balsamum.

§. 2643.

NOTANDUM adhuc est, partem sulphuris quam-
dam solummodo ab oleo teneri solutam, superfluum
autem excuti denuo, ac forma aciculari, crystallina ad
fundum vasis demum concrefcere. Olea unguinosa,
feu pressa majorem, quam olea aetherea sulphuris re-
cludunt copiam, adeo ut in tripla quantitate olei
unguinosi, in decupla, et duodecupla olei aetherici
solvi illud adnotarint Auctores, olei vero anisi qua-
druplum sufficere experimentis fuit determinatum.
Facere huc et ipsa oleorum indoles, et encheiresis di-
versa quid poterit, quum majori caloris gradui bal-
samum sulphuris ope olei pressi, quam ope olei
aetherici, factum queat exponi. Insigne sane infortu-
nium ex nimium incalcescente, vase clauso, balsamo
sulphuris terebinthinato ortum, auri fulminantis ac-
centi effectibus analogum, *Celeberrimus* HOFMANNUS
retulit.

§. 2644.

PETROLEUM, *Cl. WALLERIUS* ait, cum sulphure
pro parando balsamo decoctum eadem fere sese ratione
gerit, uti olea expressa; sulphur tamen sic citius, et
abs odore singulari solvitur; terra quaedam fundum
vasis, in quo solutio perficitur, obsidet.

§. 2645

Si quis balsamum sulphuris exactius paratum ha-
bere velit, balsamum spissum sulphuris, seu hepar
sic

fic dictum sulphuris oleosum pro lubitu resolvere poterit in oleo alio superadfufo, digestioni denuo exposito : atque sic balsamum parabitur extemporaneum. Balsamum illud spissius nomine *corporis pro balsamensis sulphuris* venire solet.

§. 2646.

BALSAMUS sulphuris mistus cum sale alkalino saponis constituit speciem, qui, prout balsamum oleo aethereo, aut presso constans mistum fuerit cum sale alkalino fixo minerali, vegetabili, aut cum sale demum alkalino volatili, varius est, obtinetur hac ratione *sulphureus Philosophorum sapo*.

§. 2647.

BALSAMO sulphuris terebinthinaceo, BOERHAAVIUS ait, in phiala chemica admiscetur sextuplum alcoholis purissimi, fit dissolutio : haec, ubi quievit aliquamdiu, sulphur ex balsamo partim in crystallos sulphureas praecipitat, partim dissolutum tenet, dans *balsamum sulphuris alkoholifatum*.

§. 2648.

VEL sapo sulphuris terebinthinaceus volatilis digeritur cum alkohole vero, fitque similis plane dissolutio, penetrantissimi odoris, saporisque.

§. 2649.

ALCOHOL autem ipsi rudo sulphuri adfufum, calore etiam accedente, illud non adficit. Interrogavit SEDEY *Diff. de sulphure*, dum dixerat, sulphur ab oleis aethereis non adeo ut ab oleis pressis in balsamum resolvi, interrogavit, inquam, an acidum copiosius inlaerens oleis stillatitiis unionem inpediat : interrogari itaque circa alcohol quoque deberet, an et hoc acidum adeo sit, quum olea aetherea partim saltim, alcohol plane non, sulphur referet. Dixit



vero dudum *Boerhaavius*, videri, sulphur ideo ab alkohole non solvi, quia acido saturatum ejus oleum; et alkali, decima parte confusa vi ignis ad sulphur, facit alkohol id solvere, quum absorpserit acidum figens, et oleum liberum nunc in alkohole facile solvi valet.

§. 2650.

DEMONSTRAVIT autem recentissime pulcherrimis experimentis *III. Comer de LAURAGAIS*, solvi sulphur ab alkohole; sed requiri, ut et sulphuris, et alcoholis vapores sibi aestuantes veniant obviam.

§. 2651.

CELEBERRIMUS *HOMBERGIUS* analysin facturus sulphuris balsamum hunc in scopum destillationi subjecit (*v. Mem. de l'Acad. de sc. de Paris 1703.*) Cucurbitae duarum circiter mensurarum capaci inmisit uncias quatuor florum sulphuris: Adfudit libram unam olei terebinthinae (cui et essentielle aliud, *v. c.* anisi substitui potest) per octo dies digestioni calidiori exposuit: solvit sic oleum omne sulphur, ac saturate rubro colore tingitur. Refrigerio exposito vase tres quartae partes sulphuris in acieulas coneretae conspiciuntur. Decantata, ac seorsum adservata tinctura, residuo sulphuri superadfudit denuo libram unam olei terebinthinae; operationem repetiit ex ordine quater, aut quinquies, donec totum solutum fuerit sulphur; tincturas jam has omnes indidit retortae capaci, quum sub destillatione materies intumescat, ac destillationi per quatuordecim circiter dies protrahae subjecit igne in auxilium vocato leniori: prodierunt sic duae circiter tertiae partes olei terebinthinae excoloris, unciacque quatuor laticis albensis, ponderosi, et acore spiritum vitrioli bonum referentis; guttae tum sequi coeperunt oleosae; aliud jam adposuit excipulum, ignem per gradus intendit: prod-

prodiit intra septem circiter horarum spatium omne, quod expelli poterat, fluidum: olei pleraque pars tenaciori fluxu colore saturatori in excipulum vitreum transcendit, comitata oleum fuit aqua albescens acidissima: in retorta remansit caput mortuum nigrum, spongiosum, seu foliaceum, splendens, saporis expers unciarum binarum cum dimidia pondus exsuperans. Caput hoc mortuum, HOMBERGIUS ait, nec albescit, igni expositum, nec inflammatur, nec multum diminuitur.

§. 2652.

Quod in excipulum exiit fluidum novae destillationi per aliquot dies productae subiecit, igne adhibito lenissimo, ut oleum excolor, et latex acidus ab invicem divellerentur: operationem hanc eatenus continuavit, donec oleum rubrum sequi coeperit. Sustulit tum ab igne retortum vas, massae nigrae, subgummosae residuae libram semis alkoholis adfudit, miscuit, destillationem igne lento instituit; expulso spiritu adfudit recentem; atque hoc tamdiu repetiit, donec odorem ingratum nullum amplius exhalasset. Avellitur sic, alkoholis ope ab nigra, gummosa massa in retorta contenta pars acidi sulphurei, quod praecedentibus destillationibus expelli non poterat. Quum autem alcohol praeter acidum, foetorem etiam omnem abstulerit, suspicatus fuit HOMBERGIUS, acidam partem sulphuris causam esse ingratiissimi odoris, quo solutiones sulphuris stipari solent, si acidum phlogistico principio partim nuptum incubasset, veriora dixisset; acidum etiam vitriolicum omnium purissimum, nec phlogistica labe infectum, foetorem nullum exhalare, observare facile fuisset.

§. 2653.

Visurus copiam acidi, ab uncis quatuor florum sulphuris avulsam, solvit uncias binas salis tartari



tari ficcissimi, in aqua communi solvit hoc, et commiscuit solutionem cum aqua illa lactescente acida omni, quae prius fugata fuerat in excipulum. Effervescencia enata fuit valida. Aquam omnem, sat mira phrasi, et Chemiae sat exiguam, in hisce saltem, ideam prodeunte prosequitur HOMBERGIUS, evaporationis ope abegi, et sal tartari ad perfectam siccitatem redegi; vidi sic, auctum fuisse pondere drachmarum trium, granorumque sexdecim. Materiem hanc, quae nunc accefferat, acidum esse sal credo, destillationum interventu à sulphure ad experimentum adhibito sejunctum. Obtinuit scilicet ex miscela unciarum binarum salis tartari cum acore vitriolico, quod sub nomine *arcani duplicati*, aut *tartari vitriolati*, et, si acidum vitriolicum phlogisticatum receptum fuerit, *salis polychrestii* in Chemia notum habetur.

§. 2654.

CAPUT mortuum prius descriptum in officina ferraria igni folium ope animato exposuit. Candens vaporem sulphureum exhalavit pauciori copia. Dum igni exemit drachmas binas ponderavit, caeterum nec saporis, nec coloris, nec consistentiae mutationem expertum fuit. Actioni speculi caustici objectum, nec fusum fuit, nec arsit; vapor solum prodiiit densus, aquam fortem ebullientem referens. Ablatum dimidiam ponderis partem deperdiderat: residuum nigrum, splendens, foliaceum, sapore destitutum, praeterea vero non mutatum videbatur. Borace adjecta, caustici speculi actione, fusum fuit in vitrum ex fusco griseum. Vitrum hoc aëri humecti expositum viridis aeris tantillo obductum fuit; adsumsit hinc HOMBERGIUS, in sulphuris illis floribus latuisse venerem.

§. 2655.

Ex tentaminibus nunc dictis patere satis probabiliter ait, in unciiis quatuor florum sulphuris drachmas sex acidi delitescere : facile autem perspicere licet hanc methodum exquisitissimam sane non esse, pro determinanda copia acidi sulphuris alterum principium constituentis.

§. 2656.

Pro statuminanda demum sententia : acidum vitriolicum et acidum sulphuris esse unum idemque acidum, HOMBERGIUS sequentia adtulit argumenta.

a) OMNIA, quae per acidum vitriolicum parantur, parari etiam queunt per acidum sulphuris, et vice versa.

b) VITRIOLUM confici valet, tum ope acidi vitriolici, tum ope acidi sulphuris, nec ulla inter utrumque intercedit diversitas.

c) CRYSTALLI eadem enascuntur, sive sulphuris, sive vitrioli acidum sal tartari admisceas.

d) Sulphur et vitriolum ex eadem educuntur mineralia.

§. 2657.

ENARRANDUM jam venit, qua ratione Chemici acidum sulphuris principium ab altero elicere, ac se junctum sistere tentarint : utar hic denuo historico BOERHAAVIO. Tempore frigidiusculo, humido, silente vento, funde flores purissimos sulphuris, in ollula figulina, cylindrica, tres pollices alta, totidem lata. Postquam sulphur accurate fusum, neque tamen accensum, pone vasculum sub camino, qui fumum non dispergit, sed sursum perfecte dirigit,

in



in pavimento; incende tum fustum sulphur, statimque superpone huic campanam vitream, ita ut medium illius capiat mediam flammam sulphuris. Campana debuit supra vaporem aquae calidae prius tantumdiu fuisse detenta, ut tantummodo superficies illius interna fuerit subhumidula. Debetque campana lateribus in triangulum dispositis ita inniti, ut flammam incensi sulphuris tantum non exstinguat; aliter, quo propius flammae admovetur, eo melius. Simul ac flamma incipit fere exstingui, praesto fit aliud simile vasculum, plenum sulphure fuso, accensoque. Atque ita pergatur sedulo, tota die. Incipiet in campana colligi vapor gravis, acidus, de flamma sulphuris exhalans, inprimis noctu, quando quiescit ardor. Campanae adplicatur parva ampullula vitrea, pro excipulo, ipsaque campana sic disponitur, ut liquor de campana parum declinante vergat in ampullam. Hae ratione diu continuato taedioso labore, multiplicatis campanis, liquor colligitur flavus acidus grates, ponderosus, ruber aliquando, *) et ad ignem mire fixus, ut gradu ignis aequae magno elevari modo queat, quo oleum vitrioli. Adtrahit etiam aquam quam maxime; unde in vase aperto sensim pondere augetur. Si sollicite omnia observantur monita, semper bene succedit operatio; caveatur cautissime a vapore fumi.

§. 2658.

PERTAESUS fastidiosi operis HOMBERGIUS reperit methodum longe faciliorem, melioremque, qua unciae quinque 24. horis parantur. Scilicet recipiens vi-

*) COLOREM hunc hactenus nondum vidi; hanc inprimis ob rationem accide exceptus fuit BOERHAAVIUS à Cl. NEUMANNO v. hujus *Chym. Medic. Dogmat. experimental. Edit. Kesselian, T. IV. P. 2. p. 596. §. 61.*

vitreum, capacissimum quod haberi potest, in infima basi excinditur in aperturam orbicularem, diametri octo, vel decem, pollicum: id fit, primo inveniendū centrum medium baseos ampullae, dimittendo per os illius superius filum tenue, unde globulus plumbeus pendet, qui sic tangat fundum, ut undique aequaliter à lateribus vasis distet filum pendulum. Notatur id punctum in fundo adamante factis profunde adacto. Puncto illi inponitur pes circini, interea alter pes scriptorius aperitur quinque pollices, et describitur puncto invento, ut centro, radio quinque pollicum circulus atramento. Quando ille siccus, tum adamante circulus ille profunde inscribitur, quo profundius eo melius. Praesto tum sit circulus ferreus, perfecte habens magnitudinem inscripti circuli. Igniatur ille, tumque inponatur crenae inscriptae; exsilit tum patina è fundo, linquitque basin apertam. Tum campanae huic jam ita paratae circa collum adglutinator bono glutine lacinia larga ex linteo cannabino, cum ansulis, per quas funes trajecti possent tenere suspensam campanam aequabilissime. Sit tum vas figulinum cylindricum, sex pollices patens. Hoc sit plenum sulphure fuso, puro accenso; inpone vas hoc tripodi figulino vitro incrustato, posito in medio elevato magnae patinae vitro obductae. Suspende campanam dictam accurate supra medium flammae, ita, ut non exstinguatur flamma, sed non remotius. Fac, sulphur semper aequaliter ardeat, subponendo novum assiduo, et crustam filo ferreo removendo, si forte dura ibidem congreverit; ut ita, sine interpolatione, destillatio queat continuari. Caetera, de madefacta prius vapore aquoso campana, de capiendū aëre frigido, humido, quieto, et de camino, jam requiruntur.

EXACTE satis haec omnia ex HOMBERGIO excerptis BOERHAAVIUS; adjiciendum id unice venit, HOMBERGIUM expressis verbis monuisse, requiri, ut olla, sulphur continens, nunquam non plena conservetur, ut ad minimum decem duodecimve librarum capax sit, ut demum totum sulphur, olla contentum, fustum sit, quum alias consumetur lenta deflagratione, quin acidi quid, aut minima saltem copia, obtineatur.

S. 2660.

ALIAS denuo binas methodos, acidum ex sulphure expellendi excogitavit Clarissimus SEEHL, eamque in *Philosophical Transactions* Nro. 472. ac in singulari diatriba sub titulo: *a new improvement in the art of making the true volatil spirit of sulphur*, publici juris fecit. Ut prima methodo scopus obtineatur librae uni florum sulphuris admisceantur librae quinque salis alkalini fixi, siccissimi. Decoquatur miscella in sufficiente aquae copia, donec sulphur totum solutum sit: per filtrum mittatur solutio, atque igni exsiccanda tamdiu exponatur, donec in fluorem demum abeat: refrigerata inmittatur retortae tubulatae balneo arenae inponendae; ac per tubulum adfundantur librae binae olei vitrioli anglicani optimi: expellentur sic operatione legitime instituta unciae duodecim acidi vitriolici sulphurei.

S. 2661.

ALTERA methodus cum priori fere convenit, ea tamen intercedente diversitate, quod ad libram unam florum sulphuris adjiciantur librae quatuor cum dimidia salis alkalini fixi, libraeque tres calcis vivae. Massae denuo post decoctionem exsiccatae adfunditur libra una cum dimidia olei vitrioli generosi; destillatio

latio ex retorta, methodo prius dicta, peragitur. Obtinuit *Cl. SEEHL* uncias octo spiritus vitrioli sulphurati, volatilioris longe, et acidioris, quam praecedente experimento obtentus fuerat.

§. 2662.

RECENSENS in *Institutionibus Chemicis* §. 419. paucis verbis *Seeblianam* encheiresin *Cl. VOGEL*, dixit: Proposuit quidem *Cl. Ephraim Reinhold SEEHLIUS*, eruditus chemista Anglus, methodum destillandi spiritus sulphuris etiam in ocluso vase, per admistum sal tartari, et calcem vivam, sed nec huic quidem recensendae placet inmorari, quum tantum abest, ut sit acidus, et purus, ut potius ad naturam urinosam inclinet.

§. 2663.

MIRO sane consilio crisin hanc protulit *Cl. VOGEL*, *) quum ne quidem memorans, an *Seebliana* experimenta repetierit, (non vero repetiisse ipsa crisis indicat) rotunda adeo sententia litem dirimere valuerit. Repetiit autem antea dicta tentamina, minori solum copia substantiarum adsumta, *Cl. SEIDEY*, ac in *dissertatione de sulphure. Vindobonae 1766.* defensa operationem totam sequentibus descripsit.

§. 2664.

*) EADEM fere verba et apud *Cl. WALLERIUM* invenio, ut tamen clare adpareat, se tentamen ipsum nunquam fecisse; ait enim: *vermüthlich erhaelt man aber auf diese Art nur einen unreinen, etwas harnichten Schwefelgeist.* Manifestum hinc est descriptam hanc sententiam ex *Cl. VOGEL* fuisse; si enim ex ipsis *Philosophical Transactions* legisset *Seeblianum* experimentum, videre utique debuisset, oleum à *Cl. SEEHL* requiri vitriolicum, quod vero *VOGEL* studiose quasi subiecit.

ACCEPTI, inquit in descriptione experimenti primi, bina enim ad praescriptum *Cl. SEEHL* suscepit, uncias quatuor sulphuris citrini bene depurati, et pulverisati, cum unciis viginti salis alkalini fixi, siccissimi; mista inposui sartagini ferreae, tum per vices adfusa aqua communi, et admoto igne sub continua agitatione ebullitioni commisi. Post exiguum tempus incipiebat solvi sulphur, quod tamen post quamlibet adfusionem aquae satis taediose praecipitari, et concrefcere observavi: ipse vero liquor aurantium induebat colorem, qui protracta ebullitione magis ad rubrum vergebat, simul tunc foetidi, tolerabiles tamen, percipiebantur vapores. Prorsus dissoluto sulphure ad mentem Auctoris per filtrum trajicere volebam, sed inani conatu, quum, licet servidus adhuc fuerit liquor, mox condensaretur. Ob hanc rationem, et alioquin filtrationem non adeo necessariam credens, illico ad siccitatem inspissavi; obtentum sic hepar sulphuris siccum in pulverem redegi, inposuique retortae terreae, cui cucurbitam vitream satis amplam junxi. His factis per foramen medioere, quod juxta collum retortae insculptum erat, successivis vicibus olei vitrioli uncias octo instillavi. De hoc animadvertere debeo, me non selegisse relligatum, sed tamen satis forte, quum initio crediderim, idem ab Auctore ad experimenta sua vocatum fuisse; verum, quum hoc non obstante tamen ex votis successerint tentamina, major utique stabit fides Auctori. Sed en! qualibet vice mox densi, et sulphurei proruperunt halitus, totumque recipientem, nebularum adinstar, replebant; sedulo tunc adtende-
bam, quid rei foret: observavi tandem, obscurari fundum recipientis, et quid granulati, subflavi ibi adfigi, ac in fine toto ablato adparatu ipsum sulphur, aut potius flores ejus, fuisse deprehendi. Postquam
igitur

igitur omnem infudi olei vitrioli quantitatem, sensim admovi ignem, atque tunc inprimis aliquantulum sublimato sulphure ipsum spiritum destillari vidi, qui quidem initio nonnihil spissior adparebat, fors ob sulphur sublimatum illi admistum; sed paulo post prodibat tenuior, et limpidior. Destillationem non continuavi ad finem usque, ut debitam accepissem spiritus quantitatem, quum per foramen, licet exacte obturatum, et luto obductum notabilis ejus portio sese subtilitate et volatilitate sua subduxerit. Iam describam spiritum, prout eum in experimentis meis inveni.

I. Hic spiritus fuerat ex pallido flavescent, multum volatilis et acer, ut, remoto saepius spiraculo, et admotis naribus, percepi.

II. Gustu manifeste acidus, et valde pungens.

III. INSTILLATUS oleo tartari per deliquium illico et inpetuose effervescebat, tumque nares feriebant sulphurei halitus, simul liquor turbabatur, ac sedimentum subalbidum deponabatur, quod, ulterius examinans, deprehendi omnis saporis experts, ad ignem tamen parumper candescens; sufficienti argumento, quod nil aliud fuerit, quam terra, cum pauca omnino portione phlogisti.

IV. LAPIDES cancerorum cum multa spuma exagitabat.

V. IDEM tentans cum spiritu sulphuris per campanam, praeter confictum, attamen debiliorem, nil tale, observavi.

VI. SYRUSO violarum, aqua prius aliquantum diluto lacte rubrum induxit colorem.



VII. Cum aqua vero calcis nullam sensibilem mutationem produxit, nisi quod leviter illam lactescere fecerit, et oriretur color, qualis adparet, dum guttula lactis multa diluitur aqua.

VIII. Ex residuo à destillatione, omnes regulas artis rite observans, obtinui copiosum sal medium, quod, quoad omnes notas, referebat tartarum vitriolatum.

§. 2665.

SECUNDUM EXPERIMENTUM. Praemonere debeo, me in hoc altero experimento simili ratione processisse, eademque fere observasse, hinc in eo recensendo non longus ero. Calcis vivae libram unam aqua extinxi, ac praemissa filtratione, aquam calcis paravi, in qua dein dissolvi salis alkalini fixi uncias octodecim, tumque sulphuris citrini, et in pulverem redacti uncias quatuor addidi, facta hinc ebullitione cito disparebat sulphur, liquori idem inducebatur color, totumque laboratorium subputridi replebant vapores. Continuata ergo coctione ad siccitatem redegi hepar sulphuris, atque in mortario tritum novae innisi retortae terreae. His peractis similiter per tale foramen lente, et partitis vicibus infudi olei vitrioli uncias sex. Sensim tunc admoto igne ad destillationem spiritus processit, qui etiam transacto circiter binarum horarum spatio stillare coepit. His vero notis, à priori multum diversis gaudebat.

I. LONGE magis ad flavum accedebat colorem, priori longe volatilior, ita quidem, ut multum de illo volatili, omni etiam adhibita praecautione, amiserim.

II. SAPOREM linguae acidiorum, acriorem, magisque causticum inprimebat.

III.

III. Cum oleo tartari per deliquium, lapidibus cancerorum vehementius, rapidius commovebatur, tuncque (ut cum priori) spargebat foetorem magis sulphureum, eadem ad fundum vasis dimittebat.

IV. REMISTUS syrupo violarum eundem mox rubro tinxit colore.

V. DENIQUE ex residuo elicui sal medium à priori haud multum diversum, nisi quod aliquantum purius, et acrius mihi visum fuerit.

§. 2666.

INVEHITUR jam Cl. SEDEY, dum, methodo *Seebliana* fortiolem, ac generosiolem spiritum sulphuris obtineri, tum et majori multo copia, quam aliis operationibus elici, simulque satis copiosum, et puriorem (primo scilicet experimento) quam quacunq; alia obtineri tartarum vitriolatum dixerat, invehitur, inquam, acerbe jam in Cl. VOGEL, qui, uti prius dixi, crisin de *Seebliano* labore tulit, quin ipse unquam instituerit, (quin vel binis oculis legerit normam, quam Cl. SEEHL praescripserat: haec tamen in ipsa diatribe Cl. SEDEY legi poterunt.

§. 2667.

PROPOSUIT Cl. DOSSIE in *the laboratory laid open; or, the secrets of modern chemistry and pharmacy revealed.* p. 49 et 220. methodum parandi spiritum sulphuris aliam denuo, qua, ut ait, et major multo copia sulphurei acidi obtineatur, et operator simul magis longe praeservetur ab ingratissimis vaporibus, sub deflagratione sulphuris per atmosphaeram oberrantibus, quam in aliis operationibus per campanam fieri queat. Dixit vero Cl. WEBER in *Monathsschrift von nützlichen Erfahrungen aus dem Reiche der Scheidekunst.* 1. Monath. No. 2, encheiresin



in Anglico opere propositam sane eam non esse posse, qua Angli communiter uti soleant; quum binorum integrorum mensium spatium requiratur, antequam librae quatuor sulphuris forent consumti; tum vero *Bristolenses* libram pro novem cruciferis venumdare non possent, uti *Cl. WEBER* ipsemet, ibi loci degens, viderat.

§. 2668.

ILLUSTRIS STAHLIUS singulari, et exquisita methodo acidum ex accenso sulphure exhalans colligere docuit. Linteaminum segmenta oleo tartari aut lixivio alkalino meraco inmerguntur, exsiccantur immergenda denuo, repetitur hoc aliquoties, demum obijciuntur vaporibus sulphuris, ac ibi tamdiu relinquuntur, donec rigida sint, ac obducta crystallulis exiguis salis polychresti; eluuntur tum, lixivium salinum inspissatur, exsiccat, ac acidum vitriolicum expellitur ope acoris nitrosi, aut mariatici. Lintea citius inpraegnantur spiritu sulphureo, dum aut in aludulis, aut alambicis, ardenti sulphuri superinpositis, accessu aëris libero servato, fuerint suspensi.

§. 2669.

QUACUNQUE vero methodo spiritus sulphureus obtentus fuerit, monendum tamen est, tuto eodem nos carere posse: in usum medicum, si debilius requiratur acidum vitriolicum, satius erit, oleum vitrioli optimum tanta copia aquae purissimae destillatae diluere, donec requisitus obtentus demum fuerit acoris gradus: si quis omnino sulphureum laticem habere velit, nil sane facilius est, quam oleum vitrioli, additione substantiae cujuscunque combustibilis, principio phlogistico plus minusve reddere gravidum.

§. 2670.

§. 2670.

VIDEAMUS nunc relationes sulphuris ad diversa alia corpora.

§. 2671.

HABITUS ejus ad *metalla* ac *semimetalla*, ubi de his substantiis actum fuit, habetur expositus.

§. 2672.

HABITUS ad salia varia media, si quid notabilis adferat, dum de illis fuerit sermo, simul habetur adlatus.

§. 2673.

NOTES demum spiritus sulphuris, aut, quod idem est, acido vitriolico debiliori phlogificato per destillationem obtento convenientes *Cl. WALLERIUS* exposuit sequentes.

1. COLORE donatur magis minusve flavicante, pro ratione diversa circumstantiarum ipsam operationem concomitantium.

2. CUM salibus alkalinis effervesceat, ac in sal medium coit; sal hoc *salis polychrestii*, seu *salis polychrestii GLASERI*, *salis neutrius sulphuris*, *tartari sulphurati*, vel et *tartari vitriolati sulphurci*, aut *volatilis* nomine donatur.

3. ODORE volatili, pungente, suffocante, sensim evanido, gaudet; vase aperto odor hic sat cito avolat.

4. SAPORE accedit ad spiritum vitrioli.

5. AQUAM in sese trahit, ac pondere augetur, dum abs aquae additione destillatus, aut postea rectificatus fuerit.



6. METALLA solvit, et cum marte in virens, cum venere in coeruleum vitriolum concrefcit.

7. RECTIFICATUS, et dephlegmatus vitrioli spiritui redditur fimillimus.

8. SYRUPUM violarum rubro non tingit colore. *)

9. SALI alkalino remiftus acidorum omnium auxilio divelli denuo potest; demum vero cum fale alkalino concrefcit in fal medium, quod acida mineralia non amplius decomponunt (dum fcilicet pars phlogiftica aufugit, quae faciliorem prius reddiderat divulfionem.

10. COLORES vivos plantarum destruit; flores vix non omnes à vapore fulphuris redduntur pallidi: (tum et maculae veltium, aut linteaminum rubrae à vino, moris, cerasis &c. ortae, vapore eodem fugantur; quin et ipfa hominis facies eodem mortuo redditur fimilis)

11 COLOREM ferici (et cerae) naturalem flavicantem in album vertit (hinc et pro dealbandis tibialibus fericis &c. fulphuris accenfi vapor adhiberi folet.)

12. FERMENTATIONI refiftit omni, eamque fubflaminat, unde & dolia vapore hoc eodem luftrantur, ut enatura impediatur fermentatio.

13.

*) CONTRARIUM vidimus in ante adlatis tentaminibus Cl. SEDEY: et ipfe fyrupum ab hoc fpiritu pulchre rubrum factum faepius vidi. Videri circa haec omnino debet differtatio Cl. NOSE *Versuch einiger Beytraege zur Chemie. Wien 1778. 8.*

13. PUTREDINI etiam resistit; hanc ob rationem in eam prona corpora vapor sulphuris penetranda exponantur: hinc et in peste proficius.

14. HUMORES animales minus longe densat, quam acidum minerale aliud.

§. 2674.

Cum *alkalinis* salibus sulphur coit, atque sic dictum *hepar sulphuris* constituit. Accipe, BOERHAAVIUS ait, florum sulphuris purissimorum drachmas novem, fufis in catillo adice alkali fixi, siccissimi, minutim contusi drachmas duas, incipiet statim mutari sulphur in odorem singularem, novum, in colorem ruberrimum; move mistum supra ignem fistula tabacaria, deinde bene fufum, riteque permistum, effunde supra marmor frigidum. Erit massa rubra, fragilissima, in aqua solubilis; in aëre cito diffuens: quum antea sulphur omni aëris actioni solvendi, et aquae resisteret.

§. 2675.

FLORI, pergit BOERHAAVIUS, sulphuris purissimo commiscetur spiritus alkalinus, saturatissimus, ex sale ammoniato, ex cornu cervi, ex urina, sanguine, vel quocunque simili; dein destillatio fit, et cohobatio, sulphur ita solvitur. Si autem in vase clauso detinentur diu, saepeque conquassantur simul, Ita tandem tincturam auream eliciamus.*)

C 5

§. 2676.

*) TOTAM hanc sulphuris in alkalino volatili sale solutionem omni adhibita opera nullatenus perficere potuit Cl. NEUMANNUS, sinistre hinc satis de BOERHAAVIO pronuntians.



§. 2676.

VIDEAMUS nunc, quae circa *hepar* nunc descriptum sulphuris, quod et *hepar sulphuris salinum* quibusdam vocatur, insuper veniant notanda.

§. 2677.

PROPORTIO sulphuris ad alkali sal fixum diversa satis ab Auctoribus traditur. BOERHAAVIUS, uti statim vidimus, drachmas novem florum sulphuris miscuit cum drachmis binis alkali; CL. WALLERIUS ad unam partem sulphuris partes duas salis praescripsit, ac monuit, quodsi antiqua dosi alkalini salis ac sulphuris mista fuerit, ac in crucibulo fusioni exposita, nasci massam obscure fuscam, aut flaventem, in frigore etiam mollem, *sulphuris hepar* quoque dictam, ac eodem cum priori donatam odore, ac sapore. Alii praescripserunt partes tres, alii partes quatuor sulphuris ad partem unam, aut unam cum dimidia salis alkalini, et sic porro.

§. 2678.

NOTANDUM vero est, *hepar* fieri quidem, dum jungitur alkali, ac sulphur; fieri id autem duplici imprimis methodo, aut *via sicca*, fundendo sulphur cum sale alkalino in crucibulo, aut *via humida*, decoquendo illud cum lixivio dicti salis.

§. 2679.

DIXIT JUNCKERUS, sulphur in lixivio salis alkalini caustici coctum, solvi rubro colore granati; solutionem hanc in phiala balneo fervente digestam magis magisque pulverem nigrum, levem, qui exsiccatione albescat, et lac sulphuris praebat, ad fundum deponere. Si lixivium sulphure probe saturatum, et digestio tamdiu continuata sit, dum nihil amplius pulveris hujusmodi nigri secedat; liquorem reliquum, pristi-

pristino suo foetore adhuc inbutum, in vitrum aperiet patuli oris infusum, vere, et aestate ineunte, soli et aëri libero in aëstivo domus prospectu exponendum, et siccescenti aquam semper denuo adfundendam esse: sic non modo omnem foetorem sensim evaniturum fore, sed et salinam ejus substantiam denique in nitrosam transmigrasse observasse STAHLIUM, qui et addit, rubedinem liquoris quidem perdurasse, sed toto illo tempore repetitis solutionibus et exsiccationibus nihil ad fundum secessisse, itemque liquorem illum rubrum, et ipodorum, adfuso aceto fortissimo, quod alias lixivium sulphureum statim praecipitat, et ipsius aquae fortis guttis non turbatum fuisse, neque ex se quidquam in inum vitri demisisse, tandemque post coagulationem et exsiccationem particulam ejus, cum pulvere vitri veneti fusam, vitrum amoenissimo colore amethystino tinxisse.

§. 2680.

HEPAR sulphuris foetore ingratisimo, ad foetorem ovorum putridorum accedente, donatur.

§. 2681.

HUMIDITATEM ex aëre citissime adtrahit, in liquamen ex flavo virens, subfuscum deliquescit, digitos macula simili, diu remanente, inficit.

§. 2682.

HEPATI *) si in cucurbita triplum aquae fortis, paulatim et caute, per foramen alambico incisum, adfundatur, magno cum strepitu ascendit vapor rubicundus, in receptaculo confluens, qui rectificatus denuo

*) QUAE nunc sequuntur, ex LUNCKERO excerpta sunt, quem et CL. WALLERIUS tum in his, tum alibi, passim sequutus fuit, uti utrumque Auctorem combinanti facile patebit.



denovo fit limpidus, et pulverem album fixum relinquit. Caeterum post adfusionem omnis aquae fortis in priori labore, ubi calore adhibito plus spiritus expulsum est, restat hinc cum sale in fundo cucurbitae *sulphur album et fixum*, ut Glauberus jactat; etsi praxis facile hic docuerit, inter verba et facta permultum interesse.

§. 2683.

Hoc sulphur fixum GLAUBERUS ex hepate sulphuris, cum sale mirabili confecto parare docet, sed nimium, more suo, ad spes alchymicas, et medicas extollit; quanquam id in igne persistat, et cum cineribus elixatis etiam ad cupellas docimasticas adhiberi forsan posset.

§. 2684.

IDEM infusile est, et vix in ullum metallum ingreditur; quomodo autem cum alkali, oleis pressis &c. se habeat, ulterius examinandum est.

§. 2685.

IDEM cum lunae corneae, vel saturni cornei tribus partibus commistum, et in retorta vitrea loricata forti igne tractatum impedit, quo minus illa tam cito vitrum penetrent. Adscendit hinc sublimatum grave, acre, paucum, quod in cella deliquescit, et pro mercuriali aqua, metalla solvente, praedicatur à GLAUBERO. Hactenus LUNCKERUS.

§. 2686.

Dum hepar sulphuris *via sicca* per fusionem conficitur, lenior calor sufficit, quum unio harum substantiarum facilius alioqui in fluxum abeat. Quodsi vero fufum igni diu expositum relinquatur, phlogistica pars hepatis comburitur, avolat vix non ex integro, ac in crucibulo remanet massa ex unione acidi vitrioli



vitrioli cum sale alkalino fixo enata, *sal polychrestum* dicta, à *tartaro vitriolato*, seu *arcano duplicato* demum vix diversum; usi leni hepatis, cujus constitutivas partes prius exactissime ponderaverant, ustulatione fuerunt Chemici, inprimis Cl. STAHLIUS, ut elementorum sulphuris determinarent proportionem inter sese reciprocam.

§. 2687.

PHLOGISTICA pars, quae una cum acore vitriolico in hepate sulphuris alkalino sali nubit, arctiorem unionem acidi nunc dicti cum alkali remoratur: atque haec ipsa ratio est, cur ab instillato acido debiliori etiam, v. c. acido aceti, in solutionem hepatis aquosam illico enascatur praecipitatio, atque sub horrido foetore pulvis ad fundum ruat, qui legitime examinatur, verum, ac sincerum sulphur deprehenditur; coeunte interim acido ad praecipitationem adhibito cum sale alkalino, quod cum sulphure hepar antea constituerat.

§. 2688.

PULCHRA satis circa hepar sulphuris, ejusque decompositionem per acida Cl. MACQUERUS in *Dictionnaire de Chymie* protulit, quae hinc Tyronum, gallicum idioma non callentium, in gratiam, versa dabo.

§. 2689.

DECOMPOSITIO hepatis per acida etiam debiliora, ait Cl. VIR, sequitur legem eam universalem, corpora tanto remissiùs cohaerere cum aliis corporibus, quibuscum unionem inire valent, quo minus fuerint simplicia.

§. 2690.

Aliud insuper circa hepar sulphuris occurrit phaenomenon, adtentione dignissimum, ac ab eodem



dem nunc dicto principio dependens: cohaesio nimirum phlogisticae partis ac acidi minor multo est in sulphure unito cum alkali, quam quidem in sulphure puro: demonstratur hoc odore hepatis, fortissimo simul ac foetidissimo, quem exhalat hepar, licet calidum non sit, dum tamen sulphur ipsum, non accensum, aut calens, vix ullum, si cum illo foetore comparisonem instituere velis, odorem emittat.

§. 2691.

ODOR, seu foetor potius, hic hepatis sulphuris ad foetorem ovorum putridorum accedens, fortior longe redditur, dum hepar mediante acido quodam decomponitur. Oritur certissime ex evaporante parte principii phlogistici sulphuris; eadem enim exacte omnia producit effecta, quae ab inflammabili principio in vapores redacto, aut à corporibus abs combustione liberato enasci solent. Enkephalon inprimis ac nervosum genus adfcit; stupores, speciem ebrietatis, syncopen excitat ac enecare etiam homines ac animalia momento valet, dum majori simul et semel adtrahitur copia. Sunt vero phaenomena haec omnia eadem quae generantur à vapore carbonum, ac halitibus substantiarum fermentationem spirituosam, aut putridam subeuntium. Agens *Cl.* CARTHEUSERUS de methodo decomponendi sulphur mediante alkalino sale, ut acidum, Stahlianam methodo, abs combustionem obtineatur, expressis verbis notat, vaporem sub operatione adscendentem caput ferire, ac hebetudines, stuporesque creare. Novi sane Chemicum, qui magnam simul copiam hepatis sulphuris acidi intervenitu decompositurus, vapore hoc eodem ictus adeo fuit, ut animo linqureretur, et sui inscius corrueret. *)

§. 2692.

*) TESTARI sane propria, et saepe repetita experientia possum, à halitu hepatis sulphuris sub ejus decompositione, aut praeparatione Kermetis mineralis adscendente Cephalalgiam, ac vertiginem enasci magnam.

§. 2692.

PRAETEREA effluvia hepatis sulphuris, quae merito absolvuntur phlogisto puro in vapores redacto, quae et exacte distingui debent à vaporibus accensi sulphuris, quum hi constent acido vitriolico phlogisticato, effluvia, inquam, illa facillime adoriuntur corpora omnia in vicinia posita recipiendo principio inflammabili apta nata: corpora haec magis minusve subeunt, pro diversa horum natura et conditione, in qua degunt. Sic, si exponatur argentum vaporibus hepatis, aut si potius omnino immergatur solutioni hepatis parum calefactae, superficies metalli obnubilatur, ac nigrescit illico vi vaporum phlogisticorum, quos avide arripit, quibusque per excessum inpraegnatur. Dum et solutiones argenti, mercurii, plumbi, bismuthi, hepate sulphuris praecipitantur; praecipitata obtenta omnia alba non sunt, uti forent, si praecipitatio facta fuisset ope salis alkalini puri, sed fusco, nigro, aut plumbeo colore obducta, quum phlogisto plurimum inficiantur; hinc etiam dependet ratio, cur solutiones horum metallorum atramenta subpeditent sympathetica, quae mediante hepate sulphuris, aut hujus halitu visibilia reddi queunt: hinc et cum successu hepar sulphuris adhibetur, pro detegendo plumbo in vinis adulteratis contento; eadem demum ex ratione metalla haec, eorumve solutiones, aut calces indicare valent praesentiam sulphuris in aquis mineralibus, aliisque demum fluidis contentum.

§. 2693.

OBSERVARE omnino convenit, sub hac unione phlogisticae partis hepatis sulphuris cum plerisque metallorum calcibus phlogiston hoc ipsum, etsi in vapores redactum, aut humida via, ac abs fusione iisdem communicatum, jungi tamen cum terris his



metallicis arte fatis, ut reducere easdem in formam pristinam metallicam queat. Noverunt facti hujus veritatem dudum Chemici, proposuit autem idem nuper *Cl. ROUELLE junior in la Gazette de medecine* sub forma problematis, ac si res foret recentissime detecta, haecenus nondum cognita. Chemicus, qui ad *Rouellianum* quaesitum sub velato nomine respondit, dextre, ac optimo cum successu usus fuit lithargyrio, ut reductionem hanc oculis subjiceret, quum enim praeparatum hocce saturninum squamulis constet, aut massulis, quae superficies oberunt fat magnas, et laeves, optime inservit colori, splendorique metallico demonstrandis, quibus lithargyrium illico dotatur, dum, frigide licet, solutioni hepatis sulphuris saturatae fuerit immersum.

§. 2694.

CONSTAT ex his omnibus manifeste, adhaesionem phlogisti, et acidi sulphuris maxime minui unione sulphuris cum alkalino sale; quum vero phlogiston volatilius longe sit acido, facillime etiam inter principia sulphuris reliqua unionem seu miscelam hanc derelinquit; quin et odore, ac effluviis hepatis sulphuris evincitur, principii phlogistici ex hac eadem miscela nunquam non fieri dispersionem. Adsumere hinc possumus, sulphur in hepar redactum lente, ac sensim decomponi, inprimis dum aqua solutum hepar fuerit. Certis praeterea constat observatis, hepar sulphuris in liquamen redactum pedetentim abire in tartarum vitriolatum, si in vase non obturato adservatum fuerit, quum phlogisti copia semper diminuat, et avolet, donec demum supersit nullum.

§. 2695.

INMINUTIO haec cohaesionis principiorum sulphuris in hepar redacti explicari poterit, si subponamus primum, corpora omnia determinata solum gaudere

dere quantitate virium, quibus invicem cohaereant, ac in mutuis amplexibus retineantur; quod quidem vero videtur maxime consentaneum, ac ex phaenomenis chemicis omnibus elucescit; secundo, acidum vitriolicum et phlogiston, quae ambo in sulphure continentur, inter sese mutuo exhaustisse utraque visum, aut vim cohaesivis omnem: manifestum etenim tum est, fore, ut principia haecce bina aut cum tertio quodam corpore, v. c. cum alkalino sale unionem amplius inire nequeant; aut, si tamen ineant, unionem hanc novam fieri solum posse ea ratione, ut solvi omnino debeat unio, qua inter sese prius necessabantur ipsa, quae hinc eadem ratione, qua illa increfcit, diminuetur; videtur hinc simul, rationem hanc veram esse, cur corpora simplicissima inire semper valeant unionem fortissimam prae reliquis, cur corpora magis composita remissius longe invicem concreant, facilius longe sese denuo relinquant. Haec tenus *Cl. MACQUERUS*.

§. 2696.

Ex hepate sulphuris per acetum praecipitato, exsurgit *lac sulphuris*, ob colorem album, ex ruente ad fundum vero sulphure minutim diviso, sic dictum. *Cl. MEYER*, qui chemica tentamina bona multa perfecit, dummodo invisam acidum pinguis non excogitasset hypothesein, dummodo et, uti *Cl. BEROLINENSES* optime adnotarunt, ex singularibus experimentis systema illico extruere non voluisset, methodum lac sulphuris parandi proposuit sequentem: sumantur librae tres cinerum clavellatorum depuratorum, solvantur in viginti libris aquae, adjiciantur librae quatuor calcis vivae, decoquatur miscela tantisper, lixivium fundatur per colum lineum, inspisetur colatura in lebeo ferreo ad remanentiam mensurarum binarum cum dimidia, admisceantur sensim librae duae florum sulphuris, misceantur semper ex-

Pars III.

D

acte



acte omnia; solvitur sic sulphur sub minori effervescentia illico, et solutio colore sanguineo tingitur. Solutio haec ipsa coletur, refrigerationi exponatur, ac per tres dies quieti detur, decantetur exin à sedimine, diluatur mensuris binis circiter frigidae, acin arte libero mediante libra una cum quadrante olei vitrioli anglicani, mensuris quinque aquae fontanae diluti, paulatim, ac sub agitatione liquidi adfusis deji-ciatur sulphur. Cernitur hoc, praevia filtratione totius per linteum, edulcoratione, ac exsiccatione, praecipitatum leve, subtile, album; si descripta metho-do fiat operatio, uncias octodecim, aut novem-decim exaequans.

§. 2697.

Dum hepar sulphuris solvitur in tripla quantita-te aquae, solutio filtratur, ac tres quatuorve partes sacchari adduntur, ut consistentia syrupi obtineatur, *syrupus* obtinetur sic dictus *sulphuris*, aut *arcanum beccicum WILLISII*.

§. 2698.

Dictum prius, sulphur ab alkohole operatione simplici non solvi; obtineri tamen potest solutio sulphuris in hoc menstruo, praeter antea descriptam, alia, si cum sale alkalino in hepar fuerit versum illud; atque tum exsurgit *tinctura sulphuris*. Prae-scriptionem optimam adtulit BOERHAAVIUS sequentem: sulphuri aperto per alkali fixum, (seu in hepar ver-so) adhucdum fervido ab igne, hincque siccissimo, subtilissime contrito in mortario calidissimo, siccissimo, dein in vitro secco, puro, recondito, adfundo alkohol purissimum ad excessum quinque digitorum: ipso ad tactu solo alkohol solutum ita sulphur penitus solvit in liquorem saturatissime aureum, pinguem spissum, qui conquassando multo adhuc meracior evadit. Quiescens dein liquor sincerus saecibus su-per-

pernatans effundatur seorsim, residuo novum adfundatur alkohol, iterum tingitur, quiescit, separatur, idque repetitur ita, donec nihil adpareat tingi ultra alkohol. Omnes tincturae ferventur simul mistae. Erit liquor odoratus, singulari prorsus, nec ingrata fragrantia; sapore admodum aromatico, calefaciente, penetrante; hinc simili virtute medicata. Faex autem relinquitur, cinerea, salina, terrestris. Memorat simul BOERHAAVIUS, tincturam hanc simplicem sulphuris pro summis arcanis, metallicis, tincturis venditam fuisse, et quidem Principibus viris: tum et ita jactatam auri tincturam, pro potabili subpositam auro, magno emtam pretio. Aurum scilicet erat antimonio mistum crudo, dein alkali tartari, aut alkahesticum Glauberi, in igne fuerat confusum illi materiae, dein toti simul confusae, tritaeque in phiala chemica adfusum alkohol tincturam dabat auream: quae tamen mera foret tinctura sulphuris, quum aurum maneat hic, ut semper aurum: sibiium abundat vero sulphure. In fusione alkali hoc sulphur trahit, à gleba metallica separat, aperit. Alkohol dein, toti massae una contritae educit solam sulphuream alkali apertam partem, relinquit aurum, et antimonii partem metallicam, prorsus intacta.

§. 2699.

HEPAR sulphuris ab oleis pressis optime, ab acetereis minus dissolvitur, atque balsamorum sulphuris denuo constituit species.

§. 2700.

IN pulverem tritum nitro mistum crucibulo candenti injectum detonat, decomponuntur hic omnia tum hepar, tum et nitrum: phlogiston avolat, et nitrosus acor, vitriolicus coit cum alkalino sale tum hepatis, tum nitri basin constituyente in tartarum vi-



triolatum; major tamen plerumque alkali adest copia, quam quae vitriolico acido saturari queat.

§. 2701.

HEPAR sulphuris metalla recludere ac semimetalla, ubi de substantiis his in specie agitur, demonstratur.

§. 2702.

INSERTA habentur circa hepar sulphuris *Cl. STRUVE* tentamina in *Berner. Magazin der Natur und Kunst* I. B. 2. St. notari hinc praeprimis merentur frequentia:

§. 2703.

QUUM hepar sulphuris varia metalla sub colore nigro dejiciat, patet, liquores vini probatorios vulgares pro detegenda sophisticatione vinorum non optime adhiberi; dejicitur enim et ferrum, quod diversis ex rationibus vino inhaerere valet, et saepenumero inhaeret, eodem colore, hinc oenopola pro deceptore haberi posset, etsi nulla ratione adulteratum vinum fuerit.

§. 2704.

SOLUTIO aluminis ab hepate sulphuris colore albo, solutio plumbi nitrosa colore nigro, solutio stanni colore rubello dejicitur.

§. 2705.

QUUM praecipitata plumbi ac stanni per alkalina salia ex acidis facta alba sint, tum et praecipitatum sulphur per acida ex solutione hepatis colore eodem donetur, videri posset, praecipitatum, quod ex miscella hepatis sulphuris cum solutione plumbi in acore nitroso exurgit, pariter tinctum esse debere colore albo

albo, interim tamen nigrum est. *) Videtur hinc, fieri in hoc experimento non solum praecipitationem nudam, sed et nexum quemdam, actionemque reciprocam sulphuris in metallum.

B 3

§. 2706.

*) RATIONEM, cur suspicari hoc deberemus, non adeo perspicio, quum prius constet, saturninas imprimis, aliasque plures calces metallicas à reducete phlogistico hepatis sulphuris vapore colore nigrescente tingi; quum et analogia hic nulla intercedat; in priori enim hic adlato casu salia alkalina, plumbum ac stannum deicientia, colorem nigrum non excitant, quum non eadem, uti hepar sulphuris, ratione phlogisto sint instructa: sulphur tenuiter divisum album colorem obfert, et phlogisto licet ditissimum, colorem hunc obfert, quum in eo nil contineatur, quod phlogiston reducere, aut obnubilare posset. Hinc alia longe inter binas hasce instantias, calcium metallicarum dejectarum ex suis menstruis ope salis alkalini, et dejectarum ope hepatis sulphuris, intercedit ratio; ac in priori, sal alkali, quod non habet, dare nequit, phlogiston; in altera hepar sulphuris colore nigrescente pingere debet saturninas calces, quum et phlogisto sit ditissimum et hoc ei sat laxè adhaereat, et phlogiston ab his calcibus avidè adripiatur. Notavit sane *Cl. BAUME*, facta decompositione hepatis sulphuris per acidum, vapores phlogisticos, vasa metallica, et picturas in laboratorio contentas omnes colore sordido obduxisse; tabulas autem ligneas colore depictas, quem saturnina calx oleo decocta constituabat, pellicula quasi obductas subgrisea, unguinosa, quae digito ablata reductas in formam metallicam plumbi moleculas minimas exhiberet.



§. 2706.

HEPAR sulphuris minerale, quod CL. STRUVE sic vocat, quum sal alkali minerale pro basi habeat, facili negotio conficitur ex sale mirabili Glauberiano, cum decima sui parte pulveris carbonum fuso. Hepar hoc humiditatem ex aëre non adtrahit, quae quidem proprietas ab ipso sale alkalino minerali, in aëre persistente, dependere omnino videtur. Solutio hepatis hujus aquosa colorem pulchre flavum offert. Cum calce et aqua decoctum tamdiu, donec, ad modum lixivii magistralis saponariorum, ovum in superficie natans sustineat, atque dum ad hunc meracitatis gradum pervenit, mistum, ac decoctum cum oleo olivarum, saponem largitur pulchrum, saponi veneto analogum. Exsiccationi sapo hic linteis, quo effluere latex possit, inclusus exponitur. Siccior, duriorque evadit, dum decoctio repetitis vicibus cum aqua calcis, et solutione salis muriatici fuerit instituta. Admissione terrarum coloratarum, crocorum, coerulei berolinensis &c. saponem alicantinos probe imitatur. Inventum CL. WEBER, Chemico *Tubingensi*, debetur. Sub adfusione solutionis antea dictae hepatis aquosae ad calcem vivam color coeruleus nascitur.

§. 2707.

VIDETUR ex hac operatione, oleo majorem intercedere adfinitatem cum sale alkalino fixo, quam quidem cum sulphure: atque habetur sic nova denuo solutio problematis ab *III. STAHLIO* olim propositi: ut sal alkali ab acido vitriolico sejungatur.

§. 2708.

OBSERVAT demum CL. STRUVE, colorem nasci nigrum, si solutio hepatis sulphuris adfundatur limaturae veneris; verum tamen in pulchre viridem, si miscela

miscela lentae evaporationi fuerit exposita. Adferunt nonnulli, leviori pretio aeruginem confici posse, si cuprum cum hepate sulphuris exponatur fusioni, tumque superadfundatur acetum.

§. 2709.

ALIAE adhuc supersunt methodi, quibus hepar sulphuris confici queat: in omnibus autem requiritur, ut sal alkali, quacunque demum ratione, aut nudum, aut extricandum cum sulphure aut jam praesente, aut recens orituro conjungatur. Sic paratur hepar sulphuris artificiale, cujus praeparationem CL. GEOFFROY, et STAHLIUS eodem vix non tempore publicarunt, essi quidem factum ipsum partim jam GLAUBERUS viderit, ac inde sali suo nomen *mirabilis* dederit, quem in hunc usque diem retinuit, utut mirabilitas ejus obsoleta dudum sit.

§. 2710.

MISCENTUR hunc in finem unciae tres salis alkalinii fixi depurati siccissimi cum unciiis binis tartari vitriolati, miscela inmittitur crucibulo, quinquies fexiesve majori, quam pro continenda massa hac foret requisitum, totum igni fundendum exponitur. Fluente massa ingeritur sensim miscela alia, ex uncia una pulveris subtilioris carbonum, ac anatica dosi tartari vitriolati composita. Post quamvis injectam portionem crucibulum tegatur operculo bene claudente; oritur nunquam non effervescentia, massaeque totius intumescencia; nova dosi ingeri non debet, donec subsederit, ac quieta denuo facta fuerit miscela: ingesto demum omni tartaro vitriolato carbonibus misto augeatur parum ignis, ut fluxu tenuiori jungantur omnia, effundatur demum hepar sic enatum in tabulam marmoream *) redigatur mox in

D 4

fra-

*) PRAESCRIBI quidem solet lamina ferrea, aut et cuprea, quum vero securi ex integro esse nequea-



fragmina, ac lagenae vitreae exactissime cludenti includatur calidum adhuc.

§. 2711.

THEORIA operationis hujus sane est facillima. Sulphur componitur, uti mox latius demonstrabitur, acido vitriolico, et phlogisto; tartarus vitriolatus sale alkalino et acido vitriolico; hepar demum sulphuris sulphure ipso, et alkalino sale. Dum itaque carbonum pulvis remistus cum tartaro vitriolato igni exponitur, acidum vitriolicum, adfinitatem maximam colens cum phlogisto, quo fere solo carbonum pulvis constat, derelinquit sal alkali, cui prius inhaeserat in tartaro vitriolato, et coit cum phlogisto in verum sulphur. Liberum nunc haeret sal alkali tum ob secessum acidi vitriolici, tum pars alia, quae nuda jam addita in prima miscela tartaro vitriolato fuerat: jungitur itaque sali huic sulphur enatum, et hepar exsurgit, ab hepate sulphuris prius descripto nulla omnino dote, nisi colore saturatori diversum.

§. 2712.

CAPACIUS crucibulum requiritur, ob effervescentiae junctam intumesceniam materiei; sal vero alkali nudum additur, ne enascens sulphur cito adeo vi ignis denno destruat.

§. 2713.

Dum hepar hoc artificiale sulphuris aqua solvitur, atque solutio per chartam emporeticam mittitur, remanent in filtro molecule carbonum, quae per excessum hepatis inhaeserant, actioni acidi vitriolici, ac ignis ipsius non ex integro decompositae: pulvisculi

mus, an non hepar atomos saltem quosdam metalli solvat, hinc inquinatum, experimentis subtilioribus Chemicis minus aptum evadat, marmorea tabula praeferri debet.

seculi hi iidem et coloris nonnihil ab hepate sulphuris communi diversi praebent ortum.

§. 2714.

FACILE autem videtur, hepar hoc sulphuris partem etiam continere carbonum terrestrem, quae una cum phlogisto carbones prius constituerat.

§. 2715.

SULPHUR ex solutione hepatis huius dejectum acidorum ope, colore minus nitido lac exurgens sulphuris tingit, quum una cum eo pulvisculi etiam carbonum antea dicti ad fundum ruant.

§. 2716.


IGNI diutius expositum hepar hoc, uti hepar sulphuris vulgari methodo paratum, decomponitur, ac in sal polychrestum, arcanumque duplicatum seu tartarum vitriolatum sensim abit.

§. 2717.

AD aërem, in vase non, aut negligenter tecto, eadem pariter ratione sese habet, uti prius de hepate vulgari sulphuris dictum fuit.

§. 2718.

SED et hepatis sulphuris exurgit species, dum sulphur conjungitur cum calce viva. Miscetur hunc in scopum libra una calcis vivae cum uncis quatuor florum sulphuris in vase ex argilla lapidescente facto, adfunditur sensim aquae ea copia, quae pro restinguenda calce sufficiat: sub adfusione misceatur totum spatula, refrigeratum liquidum, (ab extinctione enim calcis multum incalescit,) filtretur; filtratum solutionem sistet flavam, ovorum putridorum, seu veri hepatis sulphuris, foetorem spargentem, in lagena probe clausa adservandum. Hepar hoc sulphuris,



ut à *vulgari* distinguatur et *artificiali*, *terrestre* vocari solet.

§. 2719.

HEPAR hoc in aëre libero facillime decomponitur; phlogiston avolat, liquidum remanet vix non insipidum, fundumque vasis obsidet stratum ex selenite, ac, uti Auctores varii, et nuperrime Cl. BAUME, adferunt, tartaro vitriolato compositum. Eadem decompositio igne lentissimo, quo sulphur non deflagret, producit. Acidum vitriolicum &c. sulphur exin dejicit; remanet selenites, ex connubio acidi, ac bafcos calcareae hepatis enatus.

§. 2720.

HAEC de actione *salium alkalinarum* in sulphur. *Acida* vero aliter longe sese habent; nam adficere vix videntur sulphur. Notavit tamen Cl. BAUME, tum et Cl. MACQUER, quodsi acidum vitriolicum concentratum adfundatur sulphuri in phiala Chemica contento, phialaque exponatur calori satis magno, sulphur liquefcere, ac, adinstar olei aquae immitti, globulorum exiguorum formam adsumere; oleum vitrioli hinc subflavescere, ac odore suffocante sulphureo infici; sulphur ipsum, refrigerato adparatu, colore olivarum tinctum conspici; caeterum dotibus suis pristinis, immutatum prorsus deprehendi. Cohobatione acidi vitriolici supra sulphur dotem in igne deflagrandi hoc perdere, *fixumque* sic nasci sulphur, FUNCKERUS, et ex eo nuper Cl. WALLERIUS adnotavit: subnectit tamen in *nota*, sulphur hoc fixum terrestre quid esse videri, ex sulphure ipso, ac oleo vitrioli residuum, aut generatum. Dotem eundem *acido nitroso* tribuunt: caeterum ut limpiditas sulphuri communicetur, decoctioni cum acido nitroso, aut muriatico subjicitur.

§. 2721.

§. 2721.

PAUCA solum hic monebo circa praeparationem *spiritus sic dicti fumantis sulphurati* BEGUINI, aut BOYLEI. BEGUINUS ipse sub titulo olei sulphuris hanc adtulit normam: Recipe sulphuris triti libram unam, calcis vivae libram semis, salis mercurialis, si-ve ammoniaci (quod sic dixit; quum sublimetur instar mercurii) uncias quatuor. Misce, et per retortam oleum destilla, ad vulnera et ulcera utilissimum.

Cl. WIEGLEB miscere jussit uncias octodecim calcis vivae, uncias sex salis ammoniaci, unciasque tres sulphuris. Cl. WALLERIUS praescribit miscelam partium trium calcis, binarum ammoniaci salis, unamque sulphuris, addit insuper, spiritum prodeuntem argentum colore nigro tingere, fervere cum acido vitriolico, miscelam hanc viridescere primum, dein albescere, sulphur sensim ad fundum exuti: mercurii etiam colorem, ac fluiditatem ab eodem spiritu alterari. Cl. SCOPOLI recepit salis ammoniaci partem unam, sulphuris partes binas, calcis vivae partes tres; ait praeterea, loco salis ammoniaci adhiberi posse etiam fuliginem, aut sanguinem exsiccatum. Numerosa cum hoc eodem spiritu instituit tentamina circa ejus actionem in hydrargyrum, regulum antimonii, bismuthum, zincum, stannum, ferrum, cuprum, plumbum, argentum, aurum, tum et circa praecipitationes nunc dictarum substantiarum ope ejusdem spiritus factas. Observata haec, ut hic inferantur, utique nimia, legi poterunt in *Anno V. historico-naturali* p. 46-50. Varia etiam huc pertinentia proposuit Cl. WEIGEL in *Obs. Chem. et min. P. I. p. 75-77.*

§. 2722.

SPIRITUS hic mercuriales calces, aliaeque substantiae hujus praeparata, v. sublimatum corrosivum, aquilam albam &c. colore cinnabarino tingit, ac eodem



dem sub colore dejicit mercurium ex suis solutionibus, uti Cl. WIEGLEB scripsit: v. *ejus kleine chymische Abhandlungen &c. S. 35.*

§. 2723.

CELEBERRIMUS HOFFMANNUS *Boyleanum* fumantem spiritum miscuit cum tripla dosi alkoholis, parcam quantitatem camphorae in eo solvit, atque tum spiritum dixit *antipodagricum*.

§. 2724.

PRAEMISSIONIBUS haecenus, quae circa sulphur notanda magis occurrebant, assignandum adhuc restat, tum quibus ex principiis corpus hocce inflammabile compositum sit, tum et tradenda erit encheiresis, qua sulphur ex principiis suis sejunctis in unum nunc commissis produci queat ita, ut omnibus suis dotibus instructum sistatur ob oculos, et principiorum assignatorum simul eo magis elucescat existentia, et veritas.

§. 2725.

SULPHURIS principia facile adeo patent, ut in quibusdam casibus vix analysi chemica ad eorum demonstrationem opus esse videatur, dummodo ad phaenomena passim obvia velimus adtendere. Sulphur enim calori majori expositum, et carboni ardenti, fomiti, aut candelae flammae admotum facillime et ocyus accenditur, notissimo indies in culinis, et cubiculis experimento; et sulphur mistum cum nitro, et crucibulo candenti injectum, vel inmissum fluenti nitro detonat; et hepar sulphuris metalla reducit, et vapores hujus, tum sulphuris ipsius, metalla obrubillant; haec vero omnia phlogiston in sulphure latere satis testantur.

§. 2726.

§. 2726.

PRAETEREA accensum sulphur laticem dimittit, qui, uti antea demonstratum fuit, omni nota comprehenditur acidus, hepar sulphuris aëri libero, aut igni diutius relictum sal medium relinquit, ex acido conflatum, et alkalina basi, et sal hoc idem perfectissime est, uti illud, quod ars generat, dum acor vitriolicus mistus fuerit sali alkalino; hepar sulphuris terrestre seleniten praebet, qui non nisi ex acido vitriolico enascitur nexu cum basi calcarea: hinc evictum jam haberetur, *sulphur componi ex phlogisto, seu inflammabili principio, ac acido, speciatim vitriolico*: quum demum depuratissimum sulphur deflagret in auras dimisso spiritu acido phlogificato, nec relinquat caput mortuum, uti resinae, nec generet fuliginem, addendum veniret dictis, dicta illico principia constituere sulphur sola, nec ullum aliud ad illius genesis esse requisitum.

§. 2727.

MIXUS autem contenti simplicioribus hisce terminibus, ac observatis Chemici exactius rescire valuerunt, tum qua ratione, quibus proportionibus principia sulphuris inter sese forent juncta; tum imprimis tentare, an ex illis mutuo nexis substantia exurgeret, sulphuri vulgari puro analoga: optime perspicientes, tutissime de corporum naturalium principis constitutivis pronuntiari, dum ex eorum unionem artificiali tale corpus prodit, quale principia illa seorsim largitum fuerat. Quae quidem demonstranda methodus, à diacrisi et syncrisi artificiali petita in regno potissimum fossili, dum v. c. ex unionem principiorum nitri, vitrioli, sulphuris, salis muriatici, aluminis &c. novum ac artificiale, naturali prorsus analogum, enascitur nitrum, vitriolum, sulphur, sal muriati-



riaticum, aut alumen, minus in regno vegetabili, minime demum in animali regno locum obtinet.

§. 2728.

RELATA prius fuerunt *Hombergiana* pericula circa sulphuris analysin capta: illustraturus eadem *Celeberrimus* GEOFFROY, contraria incessit via, ac uti HOMBERGIUS analysicos, sic ipse syntheseos sulphuris elegit spartam. Experimenta descripta habentur in *Mem. de l'Acad. de Paris* 1704. En eorum Compendium.

§. 2729.

SPIRITUM sulphuris phlegmate satis privatum, ac balsamum sulphuris, *Hombergiana*, prius etiam descripta, methodo paratum anatica dosi invicem remiscuit, et digestioni per aliquod tempus exposuit *Cl. GEOFFROY*; quum vero crederet, terram quoque ad sulphuris genesin requiri, oleum tartari miscelae quoque adjecit, totum digestioni denuo commisit, demum vero igne satis valido ex retorta destillavit. Adsequutus fuit phlegma, paucam olei copiam, finita operatione fracto vase, invenit in retorta massam salinam, hinc inde flavam, ac rubram, odore sulphureo forti praeditam. Solvit hanc in aqua, filtravit, ac liquido, quod filtrum transierat, acetum destillatum adfudit: turbidum enim factum, et odor ingratus, hepar sulphuris referens, enatus fuit. Fundum petiit pulvis albus, qui examinatus genuinum sulphur deprehensus fuit.

§. 2730.

IN alio tentamine remiscuit partes aequales olei vitrioli, oleique terebinthinae; miscela digestioni exposita mox valde incaluit, colorem rubrum induit, ac odorem gratum, mali citrei adinstar exhalavit

lavij; *) odor hic fortior sensim, ac ingravior factus; materiei spissiori jam factae oleum tartari per deliquium eadem ex erronea causa uti prius addidit; orta hinc fuit effervescencia diu durans, non tamen violenta adeo; enatus demum liquor subsaponaceus, spissus, cujus partem destillationi subiecit Cl. VIR. Obtinuit sic oleum flavum, diaphanum, odoris penetrantis, saporis acris, tum et phlegma pariter acre; sequutum fuit oleum fuscum magis, ac spissius, linguae saporem dulcem imprimens, odore oleum cerae referens; tum oleum aliud spissum, dulce, consistentia odoreque butyro cerae simile. Fundum retortae obsedit massa salina, flava, sulphur, seu ova potius putrida referens. *) Solvit hanc ope aquae, solutioni

*) In meis tentaminibus circa genesin artificialem sulphuris ex commistis invicem oleo vitrioli oleoque terebinthinae, jam sub initium odorem percepi subempyrevmaticum, ac eundem fere, uti ab accensa cera sic dicta hispanica oriri solet. Miscui quadam vice aequalem copiam amborum liquidorum, miscellam inclusi lagenulae vitreae, orificium hujus epistomio ex subere firmiter in pacto clausi, ac lagenulam agitationi violentae subjeci, calor enatus confestim fuit magnus, et, agitatione per unum alterumve minutum protracta, epistomium, totumque liquidum ingenti cum fragore ex lagenula explosa, lagenula ipsa ad magnam fatis distantiam disjecta, non tamen rupta fuit: odor simul quaquaversum dispersus adustae picis aut propius, balsami sulphuris vulgaris; pars, quae lagenulae undique adhaerebat, miscela erat nigra, consistentia balsamum spissius aequans, digitos macula, diu non delenda subfusca inficiens.

*) ENATUM scilicet hepar sulphuris, ob additum sal alkalinum; quam additionem si neglexisset Cl. GEORGEY, alia sane obtinuisset producta,



tioni acetum admiscuit, dejectum sic fuit sub forma pulveris grisei verum sulphur.

§. 2731.

PARTEM aliam miscelae olei vitrioli, terebinthinae, ac tartari per deliquium, ut citius adsequeretur scopum, exsiccavit, crucibulo candenti iniecit; inflammata illico fuit, ac odorem accensi thuris exhalavit, dum vero ignis eam ex integro penetraverat, odor thuris in sulphureum penetrantem mutatus fuit. Abstulit tum ab igne crucibulum cum massa semifusa, quae partim flava, partim ex fusco rubra erat, odoremque sulphureum fortem naribus objecit.

§. 2732.

EADEM phaenomena uti ab oleo vitrioli sequuta fuerunt additionem spiritus aluminis, aut sulphuris, quod quidem mirum prorsus non videtur, si quis ad *identitatem* acoris vitriolici in hisce omnibus fluidis adtendat.

§. 2733.

EXPERIMENTIS pariter evicit, tartarum vitriolatum, sal fixum dictum vitrioli seu colcothar, tum sal ex miscela spiritus sulphuris oleique tartari per deliquium nascens (quod nobis sub titulo salis polychresti notum est), sal mirabile Glauberianum, ac alumen ustum, variis oleorum speciebus remissa, sulphur inflammabile, et genuinum fuisse largita. Tentamina hac super re instituta in *Mem. de l'Acad.* latius descripta habentur. Adferam solum encheiresin, qua sulphur ex unione alcoholis cum acido vitriolico enatum fuit. Miscuit scilicet *Celeberrimus* GEOFFROY unciam unam salis colcotharis cum drachmis binis salis tartari, fusioni exposuit in crucibulo igni validiori exposito, fusae massae pedetentim unciam alcoholis admiscuit. Dum flamma nulla amplius emicabat

cabat, et odor fortis sulphureus feriebat nares, igne vas exemit, flamma materiem lambens coerulefcens erat, uti accenso sulphuri propria esse solet; miscela frigida colore flavo rubroque variegata cernebatur, ac odore sulphurei hepatis atmosphaeram inficiebat. Ex solutione aquosa ope aceti instillati sulphur verum dejecit.

§. 2734.

ILLUSTRISSIMUS BOYLE sulphuris genesin etiam demonstravit, ac ejus experimentum notari inprimis meretur, quum abs ullo addito alkalino sale optimum sulphur perfici posse evicerit: miscela usus fuit olei vitrioli, oleique terebinthinae, destillatio ex his extorsit oleum à spiritu terebinthinae vix diversum, liquidum acidulum, albescens, turbidum, cujus ima petiit pulvis flavicans; verum sulphur, finita operatione deprehendit retortae fornicem, collum ac parietes obsidens: in fundo retortae haeret massa rara, levis, atra, splendens, in terram exurenda: legatur de his BOYLE *de origine form.* p. 282. Sc.

§. 2735.

VIDIT et ante BOYLEUM GLAUBERUS sulphur enasci ex miscela salis sui mirabilis cum carbonum pulvere; vidit phaenomenon, sed non perspexit phaenomeni rationes, sulphur latere credidit in ipsis carbonibus, ac eliciendi hoc dotem salis sui *miratus* fuit.

§. 2736.

CORRECTURUS GLAUBERUM BOYLE vel ex eo refutari posse illius thesin monuit, quod impossibile foret, ut tanta carboni insideret sulphuris copia, quanta in miscela utriusque paulo prius dictae substantiae conficitur; tenendum potius esse, sulphur latere in sale acido, v. c. in tentamine cum oleo vitrioli ac terebin-



rhinae latere illud in oleo vitrioli. Auctores hi ambo errant, optime definit rem GEOFFROY; ex tentaminibus etenim descriptis patet, sulphur nec latere in salibus vitriolicis, nec delitescere in substantiis oleosis, ac phlogisticis, sed horum demum unione generari. *)

§. 2737.

SULPHURIS ortum ex miscela alcoholis, et acidi vitriolici sic descripsit BOERHAAVIUS, ut coram sane intueri nos credamus operationem. In cucurbita alta, inquit, pura, vitrea, sint unciae octo alcoholis vini, purissimi, absque ullo alkali, per se sinceri, huic liquori guttatim instilla oleum vitrioli, purissimum, post unamquamque guttam accurate permiscendo, et dein inter guttas singulas expectando aliquantum: nam aliter oritur ingens calor, cum vaporibus suffocantissimis. Perge sic instillando, donec

*) CAUTELA requiritur in tentamine BOYLEANO, ne calor nimium simul et semel augeatur, ob dispersonem adparatus; tum, ne soluto hoc, ex curiositatis excessu, nares cito, et prope nimium admoveantur. Vidi sane sic fulmine quasi ictum retrorsum cecidisse quemdam, ac diutius aurae inspirationis usu fuisse privatum, donec demum ad sese redierit, magnum tamen capitis dolorem per binos dies conquestus; vapor ex vase prorumpens suffocans vix minus est, ac lethalis, quam ab accenso exhalans sulphure, facile etiam inflammabilis: notent sibi hoc Medicinae studiosi, dum in Collegiis publicis Chemiae retorta sulphur hoc artificiale continens per manus traditur; nonnulli enim circa similibus rerum examen incaute adeo, ac ruditer se gerunt, ut necessaria fere foret Magistri adstantis praesentia, qui normam cuiusquam praescriberet.



nec unciam olei vitrioli instillaveris lenta admittance.
Spirabit liquor mistus suavissimam abrotani fragran-
tiam, quae per aedes se diffundit. At cave ab ea-
dem: habet etenim vim suffocantissimam, quae par-
va copia pulmone excepta tussim excitat violentam;
crede, si majori simul copia hauriretur, occideret
suffocando. Erit liquor simul factus rubellus. Vas-
sis dein, quam optime junctis, fiat lenis digestio
spatio quinque dierum. Dein fiat destillatio lenis,
vasis arctissime conglutinatis; exhibit spiritus mire
subtilis, sed fauces praefocans incredibili vi; qui tan-
to equidem periculosior, quo odore gratiore nares
dolose adlicit, ut pleno haustu odorem inperitiat.
Pergatur in hac leni destillatione tamdiu, donec ma-
teries mista nigrescat; ultima tum pars hujus electi
spiritus erit quam fragrantissime suaveolens; atque
incipiet tum aliquid acidi, quod in primo liquore
non aderat, exire. Mutatur tum recipiens, ignis
instruitur lenis, at continuus, ut liquor adscendat len-
te: si enim momento temporis nimis urges, mira
materies statim statulenta prorsus ita intumescit, ut
rarefacta uno impetu transcendat per vasa, totumque
opus turbet. Si suaviter ita destillatio peragitur, ad-
scendet aquosus foetidus liquor, et cum eo alius pon-
derosus, purus, limpidus, in phlegmate illo non
permixtus constans. Postquam omnis et hic liquor
abductus, et liquoris plusquam media pars ablata
destillando, mutetur iterum recipiens, fiatque destil-
latio per gradus, igne tandem etiam summo. Exi-
bit foetidus liquor, qui neque ponderoso illi misce-
tur. In fundo vasis restat materia nigra, fragilis,
acida, non inflammabilis, at aliter utrunque sulphu-
ri quodammodo accedens. Ita quidem, ut hac arte
triplex, distinctissimus liquor de hac miscela prodeat,
et gignatur suffocans, sulphureus vapor, remaneat
faex fixa prorsus singularis indolis; aqua pura adfusa
haec reedit fere in oleum acidum vitrioli.



§. 2738.

Etsi verò sulphur in hac operatione forma sibi propria solida hic natum non fuerit, uti in alia *Boyleana*; etsi et BOERHAAVIUS ipse sub finem adjunxerit: *absolutum* sulphur hic non gigni; inhaerere tamen illud laticibus et odor omni exceptione major sulphureus, et tentamen à Cl. GEOFFROY institutum, prius expositum, satis utique evincunt. Patet simul exin denuo, sulphur nasci, quin ulla terra, ullum adsit, et requiratur alkali.

§. 2739.

INSTANTIAE demum et aliae, praeter nunc adlatas, sulphuris ortum ex unione inflammabilis principii acorisque calchanti demonstrant. Sic in solutione ferri per acidum vitrioli oriuntur vapores foetidi, inflammabiles, oritur verum sulphur, *vid. Caput de FERRO*. Idem fere in solutione Zinci regulique antimonii evenit. Olei vitrioli carboni ardenti adfusa una alterave gutta illico *sulphur* sic dictum *extemporaneum* generat. Limatura Zinci mista cum tartaro vitriolato in pulverem trito, retortae loricateae indita, igni exposita violento sulphur dat, coeunte acore vitrioli in tartaro vitriolato delitescente cum phlogistico Zinci principio. Obtinetur etiam sulphur ex miscela in igne tractata selenitis ac pulveris carbonum, adjecto, ob faciliorem fusionem, sale tartari, et sic porro.

§. 2740.

VIDETUR ex his omniibus, quae sit sulphuris genesis; videtur, quae ad illud absolute, et unice requirantur principia; videtur nullum hic alkali sal, nullam terram requiri, quum et ex solo acidi, et phlogisticae substantiae invisibili, nec vasis probe capiendi halitu generari queat. Precario itaque adsum-

sumtum cernitur tertium quoddam metallicum, aut terrestre principium à *Cl. GEOFFROY, HOMBERGIO, VATERO, SCOPOLI* aliisque: quid circa eam vero statuendum sit, sat bene definiit *Cl. WALLERIUS*, dum dixit: Terram quod adinet, quae obtinetur, dum destillationi expositum fuit sulphur oleo in balsamum remissum, aut dum acida supra sulphur abstrahuntur, aut dum sulphur sali alkalino in hepate nexum, in aqua solvitur, ea aut operationibus his ipsis ortum suum primum debet, aut pro ea venditatum fuit verum ipsumque sulphur. Addi poterit *Wallerianae* sententiae, terrestre quid sulphuri, quod pro puro habitum fuit, saepius multo inhaerere, ceu heterogeneum, nec ad ejus naturam pertinens, quam vulgo credi solet: sublimatio sulphuris in flores negotium depurationis totum non absolvit, et sublimari una cum sulphure, uti experimenta docuerunt, et alio loco latius exponam, queunt varia, quae sub ejus examine ulteriori denuo remanebunt, ac erroris ansam facile praebere poterunt. *)

E 3

§. 274I.

*) *Cl. SCOPOLI* terram in sulphure, ceu principium tertium, adsumit, quae cum alkali fixo in vitrum rubrum dissolvat, imo etiam per se sola vitream substantiam nigricantem constituat: Vide *Principia Mineralogiae systematicae, et practicae* pag. 112. §. 152. et annum quintum *historico-naturalem* pag. 50. Scio probe, terram hanc sulphuri saepius inhaerere, eamque plerumque esse ferrugineam; verum et illud scio, eam esse adventitiam, nec essentialem; quum, uti abunde prius patuit sulphur optimum confici queat, quin ulla requiratur terra; quum et terra illa, ex sulphure, eam continente, separata, sulphur tamen reliquum genuinum maneat, et in omni experimento chemico sensibiliore sincerissimum sulphur. Quae abesse



§. 2741.

CIRCA principiorum constitutivorum sulphuris copiam reciprocā, et proportionem inter sese mutūam in diversas sententias abiverunt Auctores; atque difficilius omnino determinari id ipsum valet, quum et phlogiston purum, et acidum phlogistonarum ex aequo sint volatilia plurimum. *Cl. NEUMANNUS* drachmam unam phlogisti ad uncias quindecim cum dimidia drachmasque binas acidi adesse dixit; *Moses CHARAS* adseruit phlogiston, quod sub nomine partis resinosaē, et inflammabilis designavit, copia partes reliquas (quum plures adsumerit) exsuperare; *Mauritius HOFFMANNUS* particulas salinas vitriolicas pauciores adesse sustinuit; *Illustris STAHLIUS* copiam, quam *NEUMANNUS*, eandem adsignavit, et ex illo imprimis *NEUMANNUS* proportionem partium sulphuris hausit. *HOMBERGIUS* acidi $\frac{2}{15}$ phlogisti $\frac{1}{15}$ statuit; *Cl. VOGEL* in libra sulphuris una unciam unam phlogisti contineri dixit; *JUNCKERUS* drachmas paucas phlogisti latere in libra una sulphuris ait; *Celeberrimus BRANDT* tentaminibus cautissime institutis deprehendit proportionem phlogisti ad acidum vitriolicum uti 3. ad 50. *Cl. GERHARD Vogelianam* sententiam veritati prae reliquis consonam

abesse possunt, et non semper adsunt, quae et, prout ex certissimis patet experimentis, ad corporis cujusdam legitime formati, dotibus omnibus omnino instructi, existentiam nil plane faciunt, ea pro corporis hujus ipsius essentialibus principiis habenda non sunt; sed inter accidentalialia potius aut heterogenea prorsus reponenda veniunt; disquirendum insuper circa haec cautissime, an revera in corpore adsint, an vero, ipsa analysi, primum fuerint generata; vel et ab aliis extraneis causis, vasorum v. c. indole aut immunditie &c. effecta.

nam dixit, simulque monuit, obtineri subin majorem paulo, minoremve copiam acidi, quam quindecim uncias ex libra una sulphuris; in genere autem sese observasse, sulphur colore intensius flavo donatum, ac in fractura splendens majorem, pallidius vero minorem acidi copiam recludere, atque hanc ob rationem posterius à pulveris pyrii fabricatoribus magis longe expeti. Contra omnes vero *Cl. Wallerius* statuit, (hujusque argumenta vero videri simillima *Cl. Gerhard* monuit), massam phlogisti in sulphure contenti æque magnam, si non majorem, esse massa acidi, quum 1) phlogiston acido levius longe sit; 2) quum sulphur fluidum esse deberet, nisi copia phlogisti respectu massae major longe foret, quam respectu ponderis; 3) quum fieri non posset, ut diu adeo durans flamma sulphur demum consumeret, (uti quidem fieri prius monstratum fuit) si exigua solum quantitas adforet phlogisti; 4) quum sulphur in compositione sua aequali adfinitate jungatur cum phlogisto, ac alkalino sale, quod vero fieri non posset, si praerogativa deberetur acido. *)

§. 2742.

SCIRE demum adhuc juvat, ejus ope balnea artificialia parari posse. Celeber olim in *universitate vindobonensi Praxeos medicae Professor Paulus de SORREAIT* praescripsit hunc in finem, ut calcis vivae et sulphuris ana libra una decoquantur in triginta libris aquae communis, factaque unica solum ebullitione per noctem extrahatur lixivium. Altera die refrigerato, et decantato lixivio adfundatur requisita pro balneo aquae fluentis copia. Facile videtur, ex antea dictis, balneum hoc ipsum meram esse solutionem dilutissimam hepatis sulphuris terrestris, seu calcarei,

E 4

§. 2743.

*) VIDERI autem hic debet observatio, quam ex *Cl. STRUVE* prius, ubi de hepate sulphuris, et eo parando sapone sermo erat, adduxi.

S. 2743.

MONENDUM demum duco, in mox proditura dissertatione de sulphure varia me latius persequuturum, quae nunc omittere debui.

§. 2744.

SUPPLEMENTI loco capiti huicjungo diatriben ipsam, antea saepius adductam *Cl. SCOROLI de sulphure ex anno V. hist. nat. excerptam*, experimentis notatu dignis, ac singularibus copiosis refertam, etsi quidem, quam *Vir celeb.* proposuit; principiorum sulphuris enumerationem, argumentis antea expositis motus, non admittam.

S. 2745.

I. QUIDQUID, *Cl. SCOROLI* ait, tentaverim hactenus, promissam à Chemicis acidi copiam ex sulphure nondum obtinui. Vasa varia hunc in finem adhibui, adparatum saepe mutavi, et semper prodiit vapor albus, qui vapore ebullientis aquae exceptus dedit liquorem acidulum, modice flavescens, pellucidum. Hic evaporatus post se reliquit modo exiguum quantitatem acidi vitriolici, quae tamen vix erat centesima pars cremati sulphuris, modo vero substantiam albam, siccam, salinam. Subtilior pars acidi proprio, eoque vertici campanae inposito adparatu, excepta, fuit excolor, odoris penetrantissimi; hydrargyrum parte aliqua corrofit in pollinem atrum, ex bismutho nigricantes extraxit flocculos, cum Zincò lacteum colorem induit, ferrum mutavit in calcem albam, fuscā et luteam, cum cupro dedit solutionem viridem et pollinem albidum, plumbum reliquit inmutatum, cum stanno vero pollinem album largita est.

S. 2746.

§. 2746.

2. SALINA substantia nec cum acidis, nec alkalinis effervuit, in igne diu mansit immutata, dein transit in calcem albam; cum polline carbonum verum sulphur constituit, metalla autem alba non deiecit ex acido nitri. Hanc natam puto ex connubio acidi et terrae calcareae vulgaris aquae, quam excipulis indidit incantus famulus; non enim tale quid unquam obtinui in hoc processu, introducto vapore ebullientis aquae. Sic acidum in subterraneis incerta lege circumfluens dum variis matricibus excipitur, figitur et madificatur; stupendo magis, quam imitabili artificio infinita fere producit.

§. 2747.

3. SULPHUR ardens, si extinctum fuerit et frigidatum, adparet ubique Zeolithi spatiosi, aut minerae antimonii ad instar striatum. Idem post se relinquit terram fuscā, quae in igne aperto aliquid amittit de priori pondere, cum acidis non effervescit, et absque ullo additamento dat in igne vitrum nigricans, cum alkali fixo autem rubrum et opacum. Terra itaque sulphuris alkalina est, sed ob acidum inhaerens tam facile vitrescens. *)

E 5

§. 2748.

*) In opere Scopliano nunc dictis ad finem philyrae secundae adhuc junguntur sequentia: *Nonne et terrae colores fuerunt oleum alkalinae, ac metallum,* tum vero, quin continetur textus hic, aliunde jam, ut adparet, vix cohaerens, sequitur ad ipsam philyrae tertiae initium §. 4ta, uti hic adposui. Dubium non superest, quin in typographia codicis manu exarati lineae quaedam aut perditae aut praetermissae fuerint. de W.



S. 2748.

SULPHURIS partes duae, cum una parte quarzi albi cremnitzeris, dant, praeter flores sulphuris, etiam sulphur rubrum, quale etiam obtinetur ex auripigmento, nec non sulphure atque arsenico in igne simul sublimatis. In recipiente colligitur humor emulsiōi similis, qui instillatus solutioni mercurii in acido nitri supernatat primo, dein flocculos dejicit albos, ac tandem constituit cum eodem acido liquorem lactei coloris. Ex hoc sensim praecipitatur pulvis albus, et liquor huic supernatans adparet excolor atque pellucidus. Hydrargyrum in hoc lacteo humore corroditur parte aliqua in pollem fuscum, plumbum vero in atram calcem fatiscit. Sublimatum rubrum in igne arsenicalem odorem emittit, et aliquoties ex eodem sulphure sublimatur. Post septimam sublimationem, nullum amplius sublimatum rubrum adscendit, sulphur autem ipsum luteo-viridem colorem induit, et post decimam sextam sublimationem fit quasi pellucidum, ac parte aliqua molle et coloratum, ut cera citrina.

S. 2749.

5. EADEM producta dat sulphur cum argilla, et lacteum liquorem in excipulo largitur, etiam id ipsum cum lapide calcareo sublimatum. Hic modus est facilis depurandi sulphur venale ab heterogeneis immistis, ac praesertim ab arsenico, de quo nec celebres quidem meminere chemici; etsi quilibet suspicari facile potuisset, tunc sulphur ab arsenico facillime inquinari, quum tostionis tempore e mineris cupri arsenicalibus expellitur, colligiturque. Lacteus ille liquor, qui in hac rectificatione colligitur in excipulo, videtur mihi esse hepar calcis in aqua solutum, dein ab acido volatili sulphuris inde praecipitatum. Unde patet, quarzum, argillam in metalliferis hisce montibus non esse sine calce, ac probabiliter nullibi abs-

absque ullo alterius terrae confortio hosce lapides reperiri.

§. 2750.

6. SULPHUR cum vitriolo martis constituit massam nigricantem, spongiosam, substantia hinc inde pyriticosa, superficie vero vitro contigua variis coloribus, ut minera cupri lazurea variegata.

§. 2751.

IDEM cum aequali copia vitrioli martis et lapides calcarei, dat massam nigram, cum inmixtis particulis pyritis flavi.

§. 2752.

Ex sulphure, vitriolo et quarzo obtinetur simile productum, sed friabilius et minus pyriticosum.

§. 2753.

SULPHUR cum sale communi largitur massam partim fusco, partim vero cinereo colore tinctam, basi pyriticosam.

§. 2754.

HISCE operationibus sublimatur sulphur luteo polline adspersum.

§. 2755.

7. ALUMINIS unciae quatuor cum eadem copia sulphuris puri, dant sulphuris ejusdem in retortae collo et excipulo unc. tres et drachm. 6. Caput mortuum spongiosum, leve, album et fuliginosum basi flavo colore tinctum, ponderis unc. $1\frac{1}{2}$ et gr. 17. Hoc solum in aqua dat lixivium flavescens, cui pingue quid supernatat. Ex hoc lixivio addito acido obtinetur verum lac sulphuris. Residuum insolubile in igne valido per 3. horas detentum, pondus



us habuit unc. sem. et gr. 11., hinc de eo soluta sunt in aqua, unc. 1. et gr. 6. Tanta quantitas terreae substantiae solubilis in aqua, vix videtur esse alkali, quod adhibetur ad praeparationem aluminis; sed probabilius videtur, terram aluminis parte aliqua a sulphure solvi, et cum eo hepar constituere posse.

§. 2756.

8) MISTUM ex sulphuris puri p. 1. terrae aluminis p. 3., acidi salis parum, per aliquot dies in tepido loco digestum, mutatur in massam rubro-luteam. Hoc destillatum dat in collo retortae sublimatum sulphur, residuum vero in fundo vitri album colorem habet. Huic addidi denuo p. 1. sulphuris praedicti, salis ammoniaci parum et acido salis irroratum; in digestionem reliqui per horas 8. in gradu ignis vix majore, ac est aquae ebullientis. Sic sublimatum sulphur excutitur e collo vitri in retortae ventrem et addita pauca copia novi spiritus salis alia die iterum in eodem igne digeritur, sulphur iterum destruditur, ut prius, et sic per dies 8. aut 10. quotidie operatus sum. Ultima die adhibito igne valido obtinui ex hac massa 1) cinnabarin et hydrargyrum notabili copia, 2) sublimatum album crystallinum, quod in aëre libero flavescens colorem induit, 3) caput mortuum flavum, solidum, superna parte efflorescens in tubercula fusco-rubra, quibus insident crystalli egregiae, polyedrae.

§. 2757.

9. TERRAE aluminis p. 6. acido salis saturatae, et in digestionem eousque relictæ, donec sicca massa in retortae fundo remanserit; adde iterum spiritum salis, sulphuris puri p. 3., digere et destilla ad siccitatem usque; sic adparebit in vitro substantia nigra, quam in pulverem redactam, et spiritu salis tertia vice

ce humectatam per decem horas digere. Abstracto sic omni fluido residuum misce cum aliquot granis florum salis ammoniaci, et detruso quotidie elevato sulphure adde quavis vice exiguam quantitatem acidi muriatici, et ita operationem hanc decies institue. Sic adhibito igne forti obtinetur tandem in collo vitri cinnabaris, ut in processu priori.

§. 2758.

10. CINNABARIS hujus p. 3., sulphuris depurati p. 1. salis ammoniaci dimidia pars, et salis communis p. 1. dant 1) sublimatum albo rubens, superficie tecta crystallis rhomboidalibus, quarum aliquae in tubercula conglomeratae, aliae in cubos ordinatae, et aliae erant solitariae, ac pallide luteae. 2) sublimatum aliud rubrum, hinc inde flavescens, ac efflorescens in tubercula et crystallos fasciculatas, subcubicas. 3) flores sulphuris. 4) caput mortuum nigrum, micaceum, quod de centenario docimastico dat argenti semiuncias octo.

§. 2759.

11. SULPHURIS p. 1., salis ammoniaci p. 2., calcis vivae p. 3. dant in igne moderato liquorem flavo-crocei coloris, odoris penetrantissimi, et hic est spiritus sulphuris volatilis. *) Eundem omnidote spiritum obtinui ex calce tam recens usta, quam aëri per aliquot menses exposita. Tentavi etiam, an non idem prodiret cum lapide calcareo, sed non successit, et loco spiritus obtinui paucam quantitatem liquoris flavescens, qui alia die deposuit sulphur in forma lamellarum coloris pallide lutei. **)

§. 2760.

*) AN vero purus; an à vulgari spiritu volatili sulphuris nulla dote diversus? de W.

**) AN nil inhaeret selenium? de W.



§. 2760.

12. PARAVI lixivium ex sulphuris p. 3. et fuliginis p. 2. simul liquatis, eoque praecipitavi metalla soluta in suis menstruis, et sic obtinui ex hydrargyro, regulo antimonii, bismutho, plumbo, ferro, cupro, praecipitatum nigrum; ex Zinco gryseo - et stanno pallide-luteum. Praecipitata reguli antimonii, zinci, bismuthi, plumbi, ferri, argentifera sunt, ac inprimis illud, quod ex solutione bismuthi prodiit; praecipitata vero ex solutionibus stanni et cupri nullum dederunt argentum.

§. 2761.

13. SULPHUR depuratum constituit in igne valido cum hydrargyro cinnabarin variis coloribus pictam, quos non dat sulphur vulgare.

§. 2762.

Cum arsenico dat vulgare rubrum sublimatum.

§. 2763.

Cum regulo antimonii componit mineram striatam: striis fascicularis, ex uno puncto pluribus. In collo vitri adparent etiam filamenta tenuia, ac praeter haec, sublimatum aliud hepatici coloris in forma pollinis subtilissimi.

§. 2764.

Cum bismutho dat mineram striatam, colore antimonii, et filamenta eodem, ut regulus antimonii cum sulphure.

§. 2765.

Cum Zinco nullo modo conjungitur.

§. 2766.

§. 2766.

14. Cum stanno componit massam ex granis colore ac nitore proxime accedentibus ferro micaceo, vel et galenae plumbi tessulis minoribus.

§. 2767.

Cum ferro apta dosi mistum format pyritem flavum, in majori autem copia dat substantiam partim rubiginosam, partim vero ferreo colore tinctam.

§. 2768.

Cum cupro largitur mineram colore cupri cinerei (*Fahlkupfererz.*)

§. 2769.

Cum plumbo dat galenam tessulis minoribus.

§. 2770.

Cum argento constituit mineram similem illi, quae Schemnitzii *Röschgewächs* dicitur.

§. 2771.

Cum auro non unitur.

§. 2772.

15. Cum calce stibii format veram mineram antimonii, in collo retortae dat sublimatum constans aciculis ferreo - rubelli coloris, apice gryseis, et subramosis, nec non aliud sublimatum rubens tenuissimum.

§. 2773.

Cum calce bismuthi constituit eandem mineram ut cum antimonio.

§. 2774.

Cum calce Zinci fit substantia metallica coloris ferrei, constans squamis micantibus, superficie ve-



ro vitro contigua striis flavescentibus, et violaceo colore hinc inde variegata, quae in igne ardet flamma violacea.

§. 2775.

Cum spatho stanni non unitur, cum calce stanni crystallifata, et Zinngraupe dicta componit micam auream eandem, ut cum calce stanni arte facta.

§. 2776.

Cum croco martis non format pyritem, sed massam nigram, pulverulentam.

§. 2777.

Cum calce cupri tam naturali, quam arte facta unitur in corpus nigrum, plus minus compactum, constans granis nitidis, cinereis, quibus innatae particulae pyritidis cuprei flavi.

§. 2778.

Cum calcibus plumbi tam naturalibus, quam arte factis, constituit mineram galenae similem, testulis minoribus. Unio haec adparet perfecta cum minio cerussa, et nonnullis varietatibus plumbi calciformis naturalis; non vero cum terra plumbaria flavescente, cum crystallis viridi-luteis ex *Tschibram* Bohemiae, quorum pars aliqua manet adhuc immutata et calciformis.

§. 2779.

16. Exposui metalla vaporibus sulphuris, et sic

§. 2780.

HYDRARGYRUM mutatur in aethiopem mineralem.

§. 2781.

ARGENTUM nigro colore tingitur.

§. 2782.

§. 2782.

BISMUTHUM nullam subit mutationem.

§. 2783.

AURUM non mutatur, colore tamen exaltatur.

§. 2784.

ZINCUM manet inmutatum.

§. 2785.

STANNUM etiam non alteratur inde.

§. 2786.

PLUMBUM mutatur in galenam.

§. 2787.

POSTQUAM sulphur per quinque hebdomadas in eadem retorta vitrea ita in igne tractatum fuit, solvit tandem vitrum; remanente tamen parte ejus aliqua in eodem vase, quae sublimata dedit in ventre retortae substantiam factam particulis exiguis subaurei coloris, et metallici splendoris, in collo retortae erat sulphur vulgare luteum.

§. 2788.

17. MERCURII lb 100. adtrahunt ad se in vase			
clauso sulphuris	—	—	lb. 23 $\frac{3}{4}$.
Arsenici	—	—	— 48.
Reg. Antimonii	—	—	— 19.
Bismuthi	—	—	— 56.
Stanni	—	—	— 30.
Ferri	—	—	— 45.
Cupri	—	—	— 21.
Plumbi	—	—	— 23.
Argentii	—	—	— 16. 10 ^o)
Auri	—	—	— 1 $\frac{1}{2}$ gr.

Pars III.

F

§. 2789.

*) AN fors hic typi denuo subest error? de W.



§. 2789.

18.) SED dicunt quidem, aliter adgredi metalla à sulphure metallis unito, ac à sulphure solo. Experturus itaque, an hoc verum sit, tractavi cum metallis omnibus cinnabarin, mineram antimonii et plumbi, et vidi dedisse:

§. 2790.

CINNABARIS artefactae drachm. unam, cum eadem quantitate calcis hydrargyri grana 51.

§. 2791.

Cum regulo antimonii mercurii gr. 46. residui mineralis gr. 46. sublimati micacei, fumo albo et odore etiam sulphuris gr. 12., sublimati gryfei pulverulenti gr. 4. Cinnabarin nullam: aliquid sublimati rubri.

§. 2792.

Cum arsenico, mercurii gr. 8. residui fusi gr. 42. alterius substantiae fusae albae gr. 3. cinnabaris fusae cum aliquo sublimato flavo gr. 29.

§. 2793.

Cum bismutho, mercurii gr. 41. cinnabaris gr. 7. bismuthi mineralisati gr. 63.

§. 2794.

Cum Zinco, mercurii gr. 42. sublimatum album et flavum cum granis Zinci exiguis. Cinnabaris gr. 18. Residuum est Zincum obductum ejusdem calce cinerei coloris gr. 60.

§. 2795.

Cum stanno mercurii gr. 45. cinnabaris gr. 4. sublimati micacei, colore ferri gr. 3. residui mineralisati gr. 64.

§. 2796.

§. 2796.

Cum ferro mercurii gr. 35. cinnabarin nullam, residuum nigrum friabile gr. 65.

§. 2797.

Cum cupro mercurii gr. 35., cinnabarin nullam; residuum nigrum friabile, superficie efflorescens in corpacula rubiginis colore papillis similia pondr. gr. 65.

§. 2798.

Cum plumbo mercurii gr. 37. plumbi mineralisati gr. 65. cinnabaris gr. 9.

§. 2799.

Cum argento mercurii gr. 5. cinnabaris gr. 46. in fundo vitri massa nigra, graecosa, friabilis.

§. 2800.

Cum auro mercurii nihil. Cinnabaris gr. 60. Aurum sine nitore fuscum in forma topi, absque ponderis jactura.

§. 2801.

19) MINERAE antimonii hungaricae drachma una cum eadem quantitate mercurii vivi, dat in recipiente mercurii grana 56. Minerae sublimatae extus nigricantis, caeterum textura et colore micae ferreae drachm. 1. gr. 9.

§. 2802.

EADEM cum arsenico dat sublimatum rubrum crystallinum gr. 56. Residuum vitreum fusco-ferreo colore tinctum, sublimatum paucum ex spiculis antimonialibus ramosis, ac totum retortae ventrem obductum quasi vernice fusco-rubra cum rivulis varii coloris.



§. 2803.

Cum Zinco dat sublimatum paucum, ex spiculis albis, opacis, byssinis, ramosis, sublimatum tritura rubeas; residuum est Zincum purum, obdu-
ctum cortice ex stibio calciformi. In fundo vitri re-
siduum gr. 24. colore ferreo, fuscum.

§. 2804.

Cum bismutho dat massam metallicam, ut idem metallum cum sulphure fusum, pond. dr. 1. gr. 44. praeterea sublimatum coloris micae ferreae, et ali-
quid pollinis flavi, ac rubri in collo vitri.

§. 2805.

Cum plumbo massam colore galenae dr. 1. et gr. 35. sublimatum tenue colore stibii gr. 2. et flavo-ru-
bens vitrum sublimatum.

§. 2806.

Cum stanno massam colore stibii dr. 1. gr. 54., sublimatum pulverulentum colore stibii cum capillis exiguis, ac fuliginosum, nec non aliqua parte ru-
bens.

§. 2807.

Cum cupro massam colore albido seu ferreo, hinc inde subrufo dr. 1. gr. 47., in collo sublimatum album, superficie crystallina, quod fumat et olet ut arsenicum verum.

§. 2808.

Cum ferro massa nigricans, sublimatum arsenicale idem, ut ex cupro.

§. 2809.



§. 2809.

Cum argento, massa vitrea fusca, extus colore stibii: in ventre vitri sublimatum vitreum subrubens, textura rubens, cum rivulis sanguinei coloris.

§. 2810.

Cum auro massa colore ferri, non vitrea, nec striata: in collo vitri minera stibii sublimata.

§. 2811.

20) IN liquationibus minerarum artefactarum plumbi et cupri cum metallis, observavi:

§. 2812.

1) DRACHMAM minerae plumbi cum regulo antimonii eadem quantitate dare substantiam metallicam ponderis drachmae unius et gr. 56. nec non sublimati albi gr. 3. Eam ipsam cum Zinco non misceri, cum arsenico autem dissipari de tota massa quartam fere partem.

§. 2813.

2) MINERAM cupri cum Zinco constituere substantiam fragilem, factam granulis aurei coloris, quae cum borace fusa perfectum cuprum largitur; ex eadem cum stanno mista elevari modicum quid sublimati flavi, in fundo vitri remanere massam metallicam malleabilem, colore stanni, quae fusa cum borace dat materiem metallicam colore minerae antimonii, sed obscuriore, quae nucleum fovebat album modice malleabilem. Denique ex drachma una minerae dictae et arsenici venalis albi eadem copia obtineri substantiam metallicam nigram, ponderis granorum quadraginta octo, arsenicum vero elevari colore albo, non flavo tinctum.



§. 2814.

3) LIQUAVI praeterea lapidem cupreum argentiferum cum minerae plumbi ea copia, ut pro qualibet semuncia argenti, forent plumbi librae quatuordecim, sicque vidi à lapide cupreo separatum fuisse omne prorsus argentum, idque mistum cum plumbo, quae separatio integra ope puri plumbi non succedit, si lapis praedictus foveret in singulo centenario cupri libras sexaginta.

§. 2815.

4) MINERA ferri artefacta, cum aequali quantitate arsenici, dat in retortae collo sublimatum rubrum, et residuum idem pondus habet, ut minera hic adhibita. Ergo pars aliqua arsenici conjungitur cum ferro, alia vero secum abripit partem aliquam sulphuris, et arsenicum rubrum constituit.

§. 2816.

5) CUPRUM cum minera ferri in retorta relinquit post se massam nigram, pulverulentam, friabilem. Ergo ferrum mineralisatum promovet calcinationem cupri in operibus fusoriis.

§. 2817.

21) PARAVI spiritum sulphuris volatilem cum salis ammoniaci p. una, sulphuris p. 2. et calcis vitae p. 3. ; loco salis ammoniaci adhiberi poterit etiam fuligo aut sanguis exsiccat; cum hoc spiritu sequentiâ institui experimenta.

§. 2819.

HYDRARGYRUM mutatur in pollinem rubrum, *) idque eo citius, quo saepius in continente vitro agitur.
Primus

*) VIDE quae in *capite de MERCURIO* de methodo cinabarum via humida parandi, fuerunt dicta. *de W.*

Primus, qui inde nascitur pulvis, est coloris quasi cinnabariini, qui vero huic succedit, hepaticum colorem habet. Hic sola trituratione magnam partem mercurii denuo dimittit, reliquum vero dat in igne cinnabarin, remanente in fundo retortae grano uno aliove cinerei pulveris. Cinnabaris hujus via humida natae partes 2, terrae aluminis p. $\frac{1}{2}$, et modicum quid acidi salis, confluit post secundam cohobationem in massam luteam, quae ex centenario docimastico dat argenti marcā unam et semiuncias duodecim. Ex eadem cinnabari, mista cum spiritu salis, obtinetur sal ammoniacum. *)

§. 2820.

22) *Regulus antimonii pallidum, et fere aequi coloris spiritum facit, pulverisatus unitur iterum in unam solidamque massam, et post biduum ostendit translucētes ex vitro numerosas strias sulphureo-aurei coloris, quae sensim mutantur in maculas fuscorubras. Idem paulatim corroditur parte aliqua in pollinem, qui in filtro collectus colorem fere boli rubrae possidet, superficie tamen colore ferreo tineta, lucidaque. Pulvis hic cum luna cornea fusus vel et alia methodo tractatus, ostendit incredulis possibilitatem producendi arte metallum ex rebus, quae nihil tale foveant, adeoque et instrumenta naturae hisce operibus apta.*

§. 2821.

Bismuthum acquirit colorem et nitorem auri, colorem spiritus exaltat, et parte aliqua corroditur in pollinem nigrum, cujus centenarius dat argenti marcas tres et semiuncias duas.

F 4

§. 2822.

*) *MANIFESTO itaque documento, spiritum illum non purum esse spiritum sulphuris volatilem, sed parte alkalina volatili simul inquinatum. de W.*



§. 2822.

ZINCUM brevi tempore fatiscit in pollinem albidum, cujus centen. dat argenti marcas tres et semiuncias duas.

§. 2823.

STANNUM corroditur in pollinem luride luteo colore tinctum, qui eandem quantitatem argenti praebet, ut Zincum et bismuthum.

§. 2824.

FERRUM mutatur in calcem colore colcotharis vitrioli, in qua tamen subinde viror aliquis adparet. Haec pariter eandem dat argenti copiam, ut stannum et Zincum.

§. 2825.

CUPRI limatura post paucas horas compingitur in solidam massam, liquori paleaceum colorem praebet, et ex superficie emittit floccos gryseo-fuscos, qui in filtro calcem relinquunt eodem prorsus colore tinctam, ut minera cupri cinerea. Huic adfusus spiritus ille sulphuris, qui hydrargyrum mutavit in cinabarin, subito coeruleo colore tinctus adparuit. Calx corrosi cupri filtro excepta, nigricans, dedit ex cent. docimastico non exiguam argenti copiam.

§. 2826.

24) PLUMBUM difficulter corroditur, non mutat colorem spiritus, nigrorem aliquem contrahit, et exiguam admodum quantitatem calcis nigrae largitur, quae plurimum argenti in cineritio relinquit.

§. 2827.

ARGENTUM mutatur in perfectam mineram argenti vitream, quae cupellata de centenario perdit libras septemdecim et semiuncias octo.

§. 2828.

§. 2828.

AURUM maxima parte manet inmutatum colore et nitore, nullam calcem subpeditat, et tamen pars aliqua ab hoc spiritu soluta, ac sulphurea ejusdem portione larvata cadit ad fundum vitri; sulphur hoc enim in cineritio dissipatum reliquit ex libris octo, auri puri semiuncias novem et drachmas duas.

§. 2829.

25) IDEM spiritus praecipitat Hydrargyrum ex spiritu nitri colore primum albo, qui sensim ingryseum at tandem in nigrum mutatur, quod debita methodo tractatum, notabilem dat nobilis metalli copiam.

§. 2830.

REGULUM antimonii colore fusco-ochraceo; liquor per filtrum transiens deponit simile sedimentum, etiam quarta vice filtratum, et tandem adparet partim viride, partim vero coerulefcescens. Colores hi tamen sensim evanescunt, ac mutantur in pallide-flavescentem, parte aliqua fuscum. Hujus librae 100. dant argenti marcam unam et semiuncias quatuor.

§. 2831.

BISMUTHUM colore nigro, quod absque omni additamento parte aliqua mutatur in igne in perfectum metallum, ut erat prius, majore parte tamen vitrescente, vitro flavo-fusco. Praecipitatum idem cum fluxu nigro dat ex libris 136. regulinae et argento divitis substantiae vitro viridi testae libras $16\frac{1}{2}$.

§. 2832.

26) ZINCUM colore cinereo, quod cum polline carbonum reducit parte maxima, et dat regulum submalleabilem cum scoria nigra.

F 5

§. 2833.



§. 2833.

STANNUM ex aqua regia colore pallide-luteo ; unde obtinentur argenti marcae 3 et semiunciae 8.

§. 2834.

FERRUM ex spiritu nitri colore fusco-luteo, quae calx dat argenti marcam 1. et semiuncias 14.

§. 2835.

CUPRUM colore viridi et coeruleo.

§. 2836.

PLUMBUM colore molybdenae, ex quo polline obtinetur argenti notabilis quantitas.

§. 2837.

ARGENTUM colore nigro, praecipitati superficiei in filtro sensim albescente, tota vero substantia retortae indita mutabili in massam nigricantem, partim submalleabilem, partim vero fragilem, ut minera argenti à Schemnitzensibus *Röschgewächs* dicta.

§. 2838.

AURUM colore pallide flavescente, ac dein albedo, quod in igne clauso mutatur in pollinem nicotianae hispanicae colore, qui aurum nudum et larvatum fovet.

§. 2839.

27) COROLLARIUM 1. quum sulphur constet 1) acido vitriolico, 2) substantia inflammabili, et 3) terra sponte in igne vitrescente *) non mirum, metalla omnia ab eo perpetuo comitari, imo id ipsum parte aliqua in metallum mutari posse.

§. 2840.

*) Quid de terra hac statui queat, jam antea dixi. de W.



§. 2840.

COROLL. 2. Solus ignis non dividit sulphur in has partes, hinc absque libero accessu aëris nec pyrites fatiscit, nec vitriolum producitur.

§. 2841.

COROLL. 3. flores sulphuris non sunt sulphur depuratum, ut credunt chemici. Nulla itaque in Chemicis superflua cautela est, nec festinanti pandit arcana sua rerum natura.

§. 2842.

COROLL. 4. Ex his patet generis falsi ammoniaci (§. (auctoris) 21. *) pyritidis (§. 6. 14.), mercurii (§. 8. 9.) minerae antimonii (§. 13.) cupri (§. 14.) plumbi (14. 15.), nec non minerae argenti (§. 14. 15.)

§. 2843.

COROLL. 5. Non esse imaginariam productionem metalli nobiliss ex rebus, quae nihil tale sistent (§. 12. 16. 21. 22. 23. 24. 25.)

§. 2844.

COROLL. 6. Quum calx viva aëri diu exposita perfectum spiritum volatilem sulphuris cum sale ammoniaco, et sulphure largitur; lapis vero calcareus non item (§. 11.); sequitur inde, calcem vivam non mutari in aëre libero in lapidem calcareum, et hunc ipsum acquirere in igne dotes aliquas, quae non pendunt ab aëre inde expulso.

§. 2845.

COROLL. 7. Adfinitas antimonii cum bismutho evidens est (§. 13.) ac certam etiam, colorem rubrum minerae antimonii etiam à solo sulphure produci posse. (§. 13. 17.)

§. 2846.

*) FACILE sane in adlato experimento sal ammoniacum nasci potuit; utpote praesente alkali volatili cum acido salis dein conjuncto. de W.



§. 2846.

COROLL. 8. Spiritus sulphuris communicat sulphuream suam partem hydrargyro, sicque cinnabarin componit *) remanente in aqueo humore spiritu alkalino volatili, qui cum cupro (§. 23.) solutionem dat coeruleam.

§. 2847.

COROLL. 9. Quum metallorum particulae uniri denuo possint ope sulphuris in unam solidam massam (§. 22. 23.) non mirum est, terras pyriticas, quibus cuniculi subterranei replentur, imo et scorias subdiu concrefcere sensim, et solidari in lapidem durissimum, sicque ex terris mineras et saxa produci.

§. 2848.

COROLL. 10. Errarunt itaque, qui absque omni distinctione dixerunt calces metallicas à sulphure minime solvi (§. 15.)

§. 2849.

COROLL. 11. Sulphur non adgreditur aurum, nec Zincum, ejusque calcem; hinc nullae minerae horum metallorum, ut quidam putant.

§. 2850.

COROLL. 12. Paradoxa etiam est auri mineralisatio à metallis sulphuratis (§. 18.)

§. 2851.

UT vero in unum collecta habeantur tentamina
Cl. SCOPOLI circa sulphur instituta, addenda veniunt
et

*) Quid intelligit hic Auctor, sub parte illa sulphurea, aut quibus illa constat elementis? Dudum enim notum, nec phlogiston purissimum solum, nec solum purissimum acidum cum mercurio constituere cinnabarin, nisi sulphur adsit, aut producat? de W.

et sequentia cum singulari valde menstruo, quod sulphuris spiritus et sulphur denuo ingreditur, ab illo instituta, vix commodius ullo loco inferenda.

§. 2852.

ACIDA, inquit, mineralia depuratissima, nempe vitriolicum, nitrosum, et muriaticum, nec non spiritus sulphuris volatilis, aequali copia simul et caute mista cum substantia quadam sicca, quae praevia diuturna digestionem, cum spiritu salis relicta fuit in fundo retortae post expulsum omne fluidum, ex sulphuris rectificati uncis binis, salis communis uncia dimidia, fuliginis uncis quatuor, terrae aluminis drachma una, dat repetita destillatione liquorem aquei coloris, odore amygdalarum amararum. Liquor hic deponit sedimentum, quod docimastico et lenissimo igne examinatum, dat argentum et aurum. Idem omnia solvit metalla, et quidem primo Zincum, dein regulum antimonii, hydrargyrum, arsenicum, cuprum, ferrum, stannum, plumbum, aurum, argentum, bismuthum.

§. 2853.

SOLUTIO Zinci excolor, dat cum alkali fixo praecipitatum album, cum alkali volatili pariter album, sed denuo insolubile.

§. 2854.

SOL. reguli antimonii excolor, dat cum a. f. et vol. praecip. nullum, postea tamen deponit sedimentum albidum.

§. 2855.

SOL. hydrargyri excolor, dat cum a. f. praecip. gryseum, et subearneum, cum a. v. fusco-gryseum, denuo solubile.

§. 2856.



§. 2856.

SOL. Arsenici excolor, dat cum a. f. praecip. album, cum a. v. pariter album.

§. 2857.

SOL. cupri viridis, dat cum a. f. praecip. nullum, cum a. v. coeruleo-fuscum.

§. 2858.

SOL. ferri flavesceus, dat cum a. f. praecip. olivaceum, cum a. v. atrovirens, cum supernatante ochra lutea.

§. 2859.

SOL. stanni excolor, dat cum a. f. praecip. carneum, cum a. v. magis carneum.

§. 2860.

SOL. plumbi excolor, dat cum a. f. praecip. albidum, cum a. v. idem.

§. 2861.

SOL. auri flava, dat cum a. f. praecip. flavum et fuscum, cum a. v. luteolum.

§. 2862.

SOL. argenti sublutea, dat cum a. f. praecip. album, cum a. v. etiam album.

§. 2863.

SOL. bismuthi excolor, dat cum a. f. praecip. album, cum a. v. subluteum.

§. 2864.

PRÆCIPITATA hac in examine docimastico derunt:



Ex zinco cum a. f.	℥. 4.	argenti dr.	1.
— — — v.	— 2.	—	vestigium.
Ex. reg. ant. cum a. f.	℥. 9.	—	semunc. 8.
— — — v.	— 1.	—	dr. 6.
Ex hydrarg. cum a. f.	℥. 8.	—	semunc. 5.
— — — v.	— — —	—	semunc. —
Ex arsenico cum a. f.	— — —	—	—
— — — v.	— — —	—	—
Ex cupro cum a. f.	℥. 2.	—	dr. 1.
— — — v.	— 1.	—	dr. 1.
Ex ferro cum a. f.	℥. 12.	—	semunc. 1½.
— — — v.	— 10.	—	semunc. 1.
Ex stanno cum a. f.	℥. 7.	—	semunc. 2.
— — — v.	— 4.	—	semunc. 4.
Ex plumbo cum a. f.	℥. 4.	—	semunc. 5.
— — — v.	— 1.	—	—
Ex auro cum a. f.	℥. 1.	auri	marcam 1.
— — — v.	℥. 1½.	—	marcam 1.
Ex argento cum a. f.	℥. ½.	argenti	semunc. 10.
— — — v.	— 1.	—	semunc. 8.
Ex bismutho cum a. f.	℥. 9.	—	semunc. 8.
— — — v.	— — —	—	—

§. 2865.

METALLI pars aliqua manet insoluta, alia vero
corroditur in pollinem

Ex Zinco flavescentem.

— regulo antimonii gryseum.

— hydrargyro albidum.

— arsenico gryseum.

— cupro nigricantem.

— ferro fusco - coerulescentem.

— stanno cinereum.

— plumbo subcinereum.

— auro gryseo-flavum.

— argento albidum.

— bismutho album.



§. 2866.

CUPRUM et bismuthum solvuntur in loco calido cum subsultu vitri, et frequenti aëris explosione. *)

§. 2867.

Ex solutionibus dictis præcipitantur metalla cum lixivio hepatis calcis diversimode, et quidem

Ex solutione sua	stannum	colore rubro luteo.
— — —	bismuthum	— castaneo.
— — —	ferrum	— fulco.
— — —	cuprum	— castaneo.
— — —	zincum	— gryseo.
— — —	plumbum	— gryseo.
— — —	hydrargyrum	— albo.

§. 2868.

Liquor per filtrum transiens dat cum alkali fixo præcipitatum

- Ex stanno nullum.
- bismutho album et valde paucum.
- ferro rubro-luteum.
- cupro virens.
- zinco album.
- plumbo nullum.
- hydrargyro luteum.

§. 2869.

CALCES metallicas partim solvit, et quidem facilius calcem Zinci, dein cupri, ferri, stanni, stibii, plumbi. Solutio cupreae calcis virens, martialis flavescens est, caeterae excolores. Ex his solutionibus præcipitatum solutum.

Zin-

*) AN vero in reliquis solutionibus calore opus est, nec ne? Quae crystallisationum ratio &c. de W.



Zincum cum alk. fixo colore ochrae pallido; cum a. v. fa-
(turatione.

stannum — — — albo; cum a. v. etiam albo.
cuprum — — — viridi; cum a. v. coeruleo.
ferrum — — — flavo; cum a. v. ut zincum.
plumbum — — — albo; cum a. v. gryseo.

§. 2870.

MAJORI copia liquori huic immerfa metalla corro-
duntur, et quidem:

§. 2871.

HYDRARGYRUM in calcem ex lamellis niveis, quae
dein fatiscunt in pollinem.

§. 2872.

BISMUTHUM in particulas fuscescentes.

§. 2873.

REGULUS antimonii in pollinem album, copiosum.

§. 2874.

ZINCUM in flocculos albidos et nigros, cum spuma
alba supernatante, et bullis plurimis metallo adhae-
rentibus.

§. 2875.

STANNUM in pollinem fusco-gryseum.

§. 2876.

FERRUM in pulverem coloris primo grysei, dein
atro-coerulei.

§. 2877.

CUPRUM in calcem viridem.

§. 2878.

PLUMBUM in pollinem album, paucum, metallo
adhaerentem.

Pars III.

G

§. 2879.

OMNIA metalla, excepto auro et argento, in hoc menstruo simul soluta, dant cum lixivio, ex scoris antimonii et aluminefacto, praecipitatum fuscum,

A M B R A.

AMBRA; AMBRA GRISEA; AMBRA ODORIFERA; AMBRA SUAVEOLENS ob gratum, quem exhalat, odorem sic vocata, etfi odor hic idem tum feminis multis, tum et maribus nonnullis hypochondriacis ingratissimus videatur, ac omnino, quin animo linquantur, intolerabilis; AMBARON ab arabico *Anbâron*, aut à graeco *Ἀμβρα*, exactius AMBARUM adpellanda, substantia est *odoris* fragrantissimi, gratissimi, *coloris* grisei, subcinerei, albidii, flaventis, subfusci, variegati; *consistentiae* jam *mollioris*, jam *firmioris*, puritatis variae, quum jam reperiatur purissima, jam et heterogeneis variis mista, eaque inclusa tenens, unde et maximam partem coloris dependet varietas,

REFERAM ex optimis, qui de Ambra scripserunt, auctoribus, ea quae circa Ambrae historiam notatu digna inprimis occurrent, salvis tamen operi universo praescriptis terminis, *)

*) REFERAM hinc et historice solum, auctorum circa Ambrae indolem diversas sententias, nec earum refutationi diutius immorabor, quum inprimis pleraeque absurdae adeo sint, ut nec refutatione indigeant;

§. 2882.

NULLUM fere occurrit medicatum corpus, de quo in diversas tot abierint sententias, de quo et multa adeo absurda protulerint Auctores, ac de AMBRA. Dixit OELVEN ambram Meteorum esse æreum; Fernandez de CASTAGNEDA alique plures ambram excrementa dixerunt avis singularis, meris aromatibus visitantis, lingua Maldivensi *Anacangrispasqui*, madagascarensi autem *Aschibobuck*, seu *avis ambræ* dicti; DENIS, MONCONYS, LEMERY, POMET, TEVET, BELLEFOREST &c. ambræ genesin ab insectis, et apum specie deduxerunt: SYLVATICUS ambram gummi speciem, GERALDINI lacrymam balsamico-resinosam salutavit: et AVERROES jam camphoræ speciem ambram credidit. MONARDES putavit, eam oriri primitus ex fructu cujusdam arboris, quam balaenæ avide inprimis expeterent, in quarum dein ventre ambra prorsum excoqueretur: *Julius Caesar* SCALIGER, et SERAPIUS dixerunt ambram speciem fungi; LIEAVIUS, et WECKERUS spumam maris; *Hieronymus* CARDANUS sperma ceti, EICHSTADIUS, et FRAGOSUS jecur cujusdam piscis; atque piscibus deberi illam, ac vel sperma esse, vel excrementum, vel vomitu rejici, vel per alvum excerni, pisce aut moriente ea deglutitæ, aut superstite plurimi adsumserunt, inter quos RUMPHIUM, NAKKIUM, CLEYERUM, VALENTINUM, FABRUM, BOYLSTONUM, DUDLEYUM &c. nominasse sufficiat. *Hugo van LINDSCHOTT* credidit ambram esse terram singularem, CRATO sulphur nativum, verum; SALMON sulphur marinum; et sic porro.

§. 2883.

CONSTAT autem nunc certissime Ambram repeti debere ex regno minerali, eamque bituminum Classi

G 2

esse

exactius tentamina chemica recentissima expositurus; Auctōrum sententias diversissimas in unum collectas præcipue Cl. NEUMANNŌ debemus.



esse accensendam; quo loco et à *Cl. CRONSTADT*, et ab aliis Mineralogis celeberrimis reposita fuit. Ambrae species, ac varietates *Cl. WALLERIUS* constituit sequentes.

I. AMBRA binis vel trinis coloribus variegata.
Ambra grisea.

- 1) Ambra grisea maculis flavis.
- 2) — — — nigris.

II. *Ambra unicolor.*

- 1) Ambra unicolor alba.
- 2) — — — citrina.
- 3) — — — fusca.
- 4) — — — nigra.

§. 2884.

CL. CARTHEUSER ambram bitumen solidum, molle, opacum, suaveolens, *Cl. GERHARD* bitumen opacum molle granulosum definivit *): species ambrae *Cl. GERHARD* binas constituit.

- a) ambram griseam. LINN. p. 107.
- b) ambram unicolorem, fusco-nigricantem LINN. p. 107.

§. 2885.

COLLIGI solet ambra tum in ipso mari innatans, tum fluctuum vi ad littus ejecta aut massulis minoribus, aut mole ingenti: nimium, uti videtur, dixit *FABER LYNCAEUS* ex *Gregorio de BOLIVAR*, colligi ambrae frusta 100000, libras adpendentia; absurdior longe relatio *GARCIAE AB HORTO*, insulas magnas ambræ

*) HAUD adparet ratio cur dotem ambrae singulorem, et characteristicam, suaveolentiae, *Cl. GERHARD*, in definitione non addiderit.

brae pelago innatare: subpetunt tamen testimonia alia, quibus conficitur, maximas ambrae moles fuisse repertas. Sic refert LINDSCHOTTEN frustum 150. centenariorum; CHEVALIER, 3000. librarum, HERNANDEZ 100. librarum; GARZIAS AB HORTO magnitudinis humanae, et nonaginta palmas longum, octodecim palmas latum; MONTANUS 130. librarum; *Iapanenses*, lego in *Histoire générale de l'Asie, de l'Afrique, et de l'Amerique*, in mari suo magnam ambrae copiam colligunt; subigunt eam manibus, et in massas diversi ponderis redigunt. Vidit KAEMPFERUS talem massam librarum centum triginta, quae reperta fuit in littore prope *Kinokuni*; majori adhuc pondere praeditae in mari orientem spectante inveniuntur. Frustum ambrae, quod Rex *Fidoriensis* pro 11000, (*pretium hoc ex NEUMANNO, qui frusti hujus etiam meminit, restitui, quum in gallico opere vitiose positum fuerit*) imperialibus societati batavae vendiderat, centum incirca octoginta quinque libras, ponderis hollandici, adpendit: Adservatur Amstelædami in musæo rerum naturalium hujus ejusdem societatis.

§. 2886.

IAPANENSES, ac alii, mercatores imprimis, ambram griseam sat frequenter adulterare solent, additione cerae, resinae, styracis, benzoës, succini, ladani, moschi, zibethi, ligni aloës, cariei fraxini, farinae oryzae, olei destillati benzöes, balsami peruviani, musci arborei &c. Defegitur tamen fraus varia ratione; nam ambra adulterata in eadem data quantitate nec fortem ac penetrantem, nec gratum adeo odorem spirat; nec species externa in artificiali exacte similis naturali cernitur; naturalis, uti *Cl. NEUMANNUS* notat, manu retenta, non cito adeo emollitur, ac lentescit,*)

G 3

hoe

*) CONTRARIAM plane sententiam protulit ETTMÜLLERUS, dum ambram legitimam, manu tractatam

cerae



hoc tamen, pro diversitate subdolae compositionis non certum, et infallibile ex aequo subpeditat indicium. Ambra genuina igni in lamina metallica superinposita ebullit quasi, tum fusca manet, ac ultimo demum odorem, ad accensi succini halitum accedentem diffundet; artificialis alia ratione sese per omnia geret, alium dabit odorem, ac jam cineres, jam terram, jam capitis mortui durioris, aut rarioris speciem post se relinquet; alia et destillatione exin obtinebuntur tum indole, tum copia, producta chemica.

§. 2887.

Dotes ambrae melioris notae *Cl. MARTINI* enumeravit sequentes: externe subfusca sit, interne grisea, non ponderosa admodum, insipida, fractura inaequali rumpenda, subsquamosa, interne maculis nigricantibus, aut flaventibus praedita, facile inflammabilis, carbonibus injecta mox liquefcens, ex integro deflagrans, fumum non magnum emittens, sed odorem spirans gratum, qui gratior adhuc evadit, dum minutum saccharum fuerit admistum. Tum cultro calefacto non adhaereat, frigide vero contusum adglutinetur fundo mortarii, in Cochleari argenteo supra flammam candelae fusa, liquefcatur, quin bullae evascentur; fuscior sic fiat, cerae adinstar malaxabilis sit, aquae innatet. Pars exigua bracteolae aureae candenti inposita, vaporem densum eructet, ac tantillum post se relinquat cinerum puriorum. Bona ambra in scobem redacta, calida aqua superfusa eadem forma fluida oleosa innatet.

§. 2888.

Dixi prius, ambram regno deberi minerali, ac inter bituminum reponendam esse classem, *) recurrit

au-
cerae adinstar mox emolliri; notham autem sic friabilem reddi; monuit.

*) PROPOSUIT *Celeberrimus John FOTHERGILL* in *Philosophical Transactions* No. 472. ambrae primam

autem quaestio, qua forma primum donetur. Veritati maxime consentaneum videtur, eam scaturire, aut exsudare fluidam, densari mora, salis actione, et acidi fors ingressu muriatici. Fluiditatem sane evincunt variae tum vegetabilium, marinorum inprimis, tum animantium partes, quae ambrae inclusae nonnunquam cernuntur.

§. 2889.

RETULIT *Cl. GRIMMIUS* in *Ephemerid. Nat. Curiosor. Decur. II. ann. I. p. 405.* analysin ambrae griseae, ac ex uncia una substantiae hujus liquorem aqueum, tum liquorem, ut vocat, spiritualem, oleum flavicans, parum salis volatilis, ac in retorta piciforme residuum sese obtinuisse monuit; adjecit simul, liquidum, oleum, sal volatile, ac in retorta residuum eadem dote quaevis fuisse instructa, uti producta, quae ex decompositione obtineri solent succini, oleum tamen gratiorem spirasse odorem.

§. 2890.

REPETIT tentamen cum minori dosi ambrae *Cl. NEUMANNUS*, ac eundem vidit operationis eventum, ea solum intercedente diversitate, quod in retorta non quidem residuum piciforme, sed pulveris, aut cinerum minima copia remanserit: rationem hujus assignat, quod, uti videtur, *Cl. GRIMMIUS* aut ignis gradum non adhibuerit fortem satis, aut citius distillationem abruperit; his vero debite observatis, ambram omnem, quin ullum, aut minimum saltem, remaneat caput mortuum, in sublime agi posse. Drachma una ambrae dedit in *Neumanniano* tentamine scrupulos

G 4

duos

originem deberi regno vegetabili; metamorphosin autem et formae, et indolis deberi acido modificanti minerali. Consentiant huic sententiae et ea quae *Cl. de MACHI* in *Instituts de Chymie Tom. II.* scripsit.



duos cum dimidio, grana duo salis volatilis, granumque circiter pulveris, reliqua bina grana partim adhaeserunt vasis, partim diffusa calore fuerunt. Oleum ac sal volatile cum oleo saleque succini convenit.

§. 2891.

CL. BROWNE miscuit ambram cum argilla pura, ex qua fistulae tabacariae confici solent; obtinuit sic omnium primo per distillationem Phlegma; tum spiritum, ab oleo inhaerente, cerevisiae adinstar coloratum; excepit hunc oleum saturatius tinctum, demum balsami species nigri, quod, referente *Cl. Viro*, cum oleo nigro succini per omnia convenit: salis volatilis ascendere nil vidit.

§. 2892.

CL. GEOFFROY eadem uti *Cl. NEUMANNUS* et *BROWNE*, et ante illos *GRIMMUS*, retulit producta; sal volatile nec hic adeptus fuit, sed phlegma, ab inhaerente soluto sale, acidum.

§. 2893.

DIXIT *Celeberrimus* *HOFFMANNUS* omnia corpora resinosa levi labore in spiritu vini rectificatissimo phlogisto solvi, et extrahi, sed id ipsum non fieri cum ambra, quae difficillimae sit solutionis in ejusmodi spiritu. Et quia observamus, corpora inflammabilia, quae ex terra nascuntur, ut succinum, bitumen judaicum, carbonem fossilem etiam difficilioris esse solutionis, neque tam lubenter conjugium finire cum liquore valde spirituofo; hinc subscribere se eorum sententiae, qui statuunt, ambram ad bituminis genus esse referendam. - Quum igitur, interjectis quibusdam pergit *Cl. HOFFMANNUS*, tam difficilis solutionis Ambra sit, hinc certe nullam adhuc genuinam ambrae solutionem in officinis conspiciamus. Nam eam plerumque parare solent cum moseho, cum olei



oleis essentialibus, cinnamomi et aliis, vel etiam Zibetho, et ita possidemus quidem suavissimi odoris essentiam, quae etiam non caret sua virtute et usu; at parum participat de Ambra, quae potius intacta remanet.

§. 2894.

HIS tamen non obstantibus *Hoffmannianis* cogitationibus methodum proposuit *Cl. NEUMANNUS*, qua in spiritu vini solvi queat ambra. Ut, ait, solutio haec fiat, recipi debet alcohol rectificatissimum tartarificatum, etsi quidem et, urgente necessitate, spiritus vini rectificatissimus non tartarificatus adhiberi queat) injiciatur huic una duodecima pars ambrae in moleculas redactae exiguas, exponatur miscela caloris gradui, quo demum ebullire incipiat menstruum, quo unice absolvitur encheireseos hujus essentialis pars; his debite observatis ambra ex integro in spiritu vini resolvetur, ac ab inmixtis heterogeneis, fundum vasis petentibus, simul liberabitur. Citius adhuc solutio fit, dum spiritus receptus fuerit inflammabilis oleosus, aut supra plantam oleo essentiali instillato dotatus.

§. 2895.

CONCLUSIT ex tentaminibus circa solutionem ambrae in spiritu tali *Cl. NEUMANNUS*.

a.) Dum ambra grisea cum spiritu vini rectificatissimo, vel et cum spiritu vini per *abstractionem* tartarificato tractata fuerit, succedere quidem solutionem perfectam, colorem tamen huic solutioni manifestiorem non inhaerere.

b.) Dum vero ambra tractatur cum spiritu vini per infusionem tartarificato, et fieri probam solutionem,



et hanc tinctam esse, quae quidem tinctura sali tartari inhaerenti maximam partem debetur.

c.) Quodsi vero color solutionis fuerit saturatio, quam vulgo in tinctura tartari conspicitur, augmentum coloris et partibus oleosis ambrae esse tribuendum.

d.) CONCLUDENDUM minime esse, spiritum v. c. rosarum speciale menstruum ambrae esse ex eo, quod spiritus rosarum alkalifatus per fermentationem, aut repetitam supra flores rosarum abstractionem paratus ambrae probe referet. Praeferri tamen spiritus rosarum in praeparatione tincturae ambrae poterit, quum et ipse jam suaveolentia dives sit, et ambrae gratus odor ab admistis aliis odoratis substantiis longe magis exaltetur, graviorque reddatur.

§. 2896.

INSTITUIT praeterea Cl. NEUMANNUS tentamina solutionis ambrae in *spiritibus dulcificatis*, tam *alkalinis*, quam *acidis*. Fecit infusionem ac digestionem ambrae cum

- a.) *spiritu vitrioli dulci*;
- b.) *cum spiritu nitri dulci*;
- c.) *cum spiritu salis dulci, spiritibusque alkalinis dulcibus*;
- d.) *cum spiritu urinae dulci, seu spiritu salis ammoniaci vinoso cum calce viva*;
- e.) *cum sale tartari*: vix tamen solutum aut extractum horum omnium ope quid fuit: in unione solum spiritus vitrioli dulcificati phaenomenon accidit singulare id, quod tantilla, quae extracta fuerat, ambrae portio, cum spiritu hoc eodem concreverit in moleculas salinas, parietibus vasis vitrei, in quo digestio fiebat, adhaerescens.

§. 2897.

§. 2897.

Ex solutione seu essentia ambrae ad fundum secedere subin solet substantia alba, subviscida, sebum fere referens; hanc GÉOFFROY ceram credidit, eamque pro argumento suae thesios, ambram ceram maximam partem esse, adsumsit: notavit autem NEUMANNUS hanc in rem adtentissimus, substantiam hanc nec semper, nec cito adeo in variis tentaminibus formari; notavit insuper, tres circumstantias, aut seorsim singulas, aut junctim omnes ad hujus genesis concurrere: dum enim, ait, albicans haec massa secedebat, essentia, aut solutio in vase reposita fuerat non repleto, sed ad tertiam partem, aut ad dimidium vacuo; aut vasis ostium non optime fuit obturatum; aut in solutione magna satis pars ambrae irresolutae inhaesit: adparet ex his omnibus substantiam illam albam nil nisi ambram ipsam esse, spontaneo secessu, ad quem diffusio menstrui multum facit, ex solutione excussam: evincitur id eo magis, quum spiritui vini rectificatissimo injecta probere solvatur; quod sane cum cera nunquam eveniet.

§. 2898.

RESTANT adhuc novissima adferenda tentamina ex dissertationibus binis antea citatis, *Tomo XIX. de l'hist. de l'Acad. royale Sc. de Berlin* insertis. Adferam exin, quae notatu dignissima videbuntur, omis- sis iis, quae jam ex aliis Auctoribus retuli. Narrarunt Cl. ABELÉVEN in *Insulis Moluccis* degenti, *Reges* bini *Tidorienses*, frequentasse saepenumero sese insulas *papöticas Salavatti*, et *Waygeew*, colligi jussisse majorem vim frustulorum ambrae superficiei aequoris innatantium, ad littus demum ejectorum, vidisse et propriis oculis frustum ambrae, ad quinquaginta *Cobidos* (ulnas, quarum in India orientali tres cum ulnis *Amstelaedamensis* binis conveniunt) longum,



gum, libras octoginta fere adpendens, defumtum ex ventriculo piscis maximi, navium multarum ope ex limo extracti: frustum hoc anno 1713. societati batavae dono transmissum fuit. Ex hac ipsa relatione evinci *Cl. ABEELEVEN* monet, Ambram ortum suum regno debere fossili; esse scilicet bituminis fluidi speciem, ex fundo maris scaturientem, summam petentem aequoris, fluctuum vi continuo agitatam, donec tum solis ardore, tum salis marini accessu firmior evadat, demumque veram ambrae formam et habitum nanciscatur. Dum autem, prosequitur *Cl. ABEELEVEN*, à piscibus magnis, ac minoribus, vel et ab avibus collecta deglutitur, animantium horum ventriculi calore ac intestinorum funditur, liquefcit: angustiae hinc oriuntur summae, sensusque pressio- nis in visceribus intolerabilis, quae symptomata de- mum sequuntur macies, ac mors ipsa; vel et facile capi queunt animantia illa, quum ob dictam nunc ra- tionem viribus vix non ex integro dejecta sint.

§. 2899.

ADDIT his *Cl. VIR*, varia, quae in ambra repe- riuntur inclusa, satis testari, eam olim fuisse fluidam. *RUMPHIUM* accepisse à piscatore frustum ambrae ad- huc dum molle: subjungit demum notas ambrae legi- timae, prius jam adlatas; analysin chemicam ambrae, recensens ait, remanere in retorta massam subresino- sam, nigram, splendentem; patet autem ex antea di- ctis, remanere talem tum solum, quum ad finem deducta operatio non fuerit.

§. 2900.

ALTERA diatribe, Auctore *Cl. KRIELE*, *Physico Bataviae*, ac *larvae majoris*, analysin chemicam am- brae gryseae insularum *Moluccanarum* continet. De- dit *Cl. Viro*, ut chemicæ analysi subiceret, frustra duo ambrae *Cl. ABEELEVEN*; unum ex his aequavit unci-

uncias binas minus scrupulo uno, alterum uncias binas, drachmas quinque et scrupulos duos. Frustorum horum quodvis pugnum fere aequabat: colore donabantur griseo, et lamellis componebantur sibi superinpositis, quarum quaevis linea obscuriori, nigricante notabatur, unde totum marmoris adinstar cernebatur variegatum. Frustum minus, adjecto deficiente scrupulo uno ex altero majori, examinandum sibi fuit primo loco *Cl. KRIELE*. Dum illud diffringeret, inclusum reperit rostellum nigerrimum aviculae cujusdam minimae, rostra et ungues avicularum similium, quin et minus capitulum integrum: alterum tamen idque majus frustum nil omnino peregrini exhibuit.

§. 2901.

UNCIAS itaque binas ambrae grossiuscule conminutae, purae, indidit cucurbitae vitreae *Cl. KRIELE*, inposuit alambicum vitreum, excipulum adplicuit vitreum, juncturas optime clausit, atque adparatum totum balneo arenae inposuit, satis inclinatum ad horizontem, ut fluida egressura eo facilius petere possent sublimis; obtexit et hoc scopo cucurbitam totam ad alambicum usque arena. Igne admoto calorem ad gradum thermometri *Fahrenheiti*, ac *Prinzian* centesimum octogesimum usque intendit: prodiit sic liquidum diaphanum, acidulum, scrupulos quatuor aequans; igne ad gradum ducentesium vigesimum aucto sequutum fuit oleum limpidum flavesceus, pondere drachmarum trium cum dimidia granisque sexdecim. Mutato excipulo calorem sensim ad gradum quingentesimum et ultra auxit; calore hoc extorsit oleum densum, obscurius, ponderosius, pondere drachmarum sex; ut adeo unciam unam, drachmas binas granaque sex absolveret productum. Fundo cucurbitae inhaesit drachma materiei durae nigerrimae, splendentis. Desideratae hinc fuerunt ex uncis binis
ambrae



ambrae drachmae quatuor, granaque triginta quatuor, quae transierunt juncturas vasorum : manifeste etiam adparuit, finita operatione oleum penetrasse per luti substantiam. Oleum omne, tum densius, tum primo obtentum dilutius odorem spiravit empyreumaticum, odore tamen grato ambrae partim remissum. Sal volatile nec adcretum adparuit, nec elui ex cucurbita, alambico, et excipulo potuit ullum.

§. 2902.

SUSPICATUS autem fuit *Cl. KRIELE*, resinosi quid, ac salini fors latere in ambra; vel et oleum quoddam in ea contineri subtilissimum quod in destillatione praecedenti calore graduum centum octoginta transcendisset in excipulum, hinc mobile foret calore triginta quatuor gradibus ab aquae ebullientis calore remoto. Ut igitur resciret, an oleum hoc, ope aquae ebullientis, oleorum aethereorum regni vegetabilis adinstar purissimum, ac abs omni empyreumatis nota posset obtineri, aut an in decocto supernatans, ac a massa reliqua sejunctum esset remansurum, iniecit denuo unciam dimidiam ambrae una cum unciiis quindecim aquae pluviae in cucurbitam vitream, adposuit alambicum, ac excipulum, adparatum commisit balneo arenae, situ tamen horizontali cucurbita collocata, eaque arena eatenus solum tecta, quatenus intra ejus cavum adscenderet, ambrae aqua admista. Calorem per gradus eatenus intendit, ut in ebullitionem demum plenariam deduceretur aqua; dimidia circiter parte hujus abstracta cessavit ab operatione; frigidatum solvit adparatum; invenit in excipulo aquam sublaescentem, ambrae odore gravidam, nullum tamen exhibentem oleum. Cucurbitae inerat decoctum fuscens, turbidum, cujus superficiem obsedit oleum obscure fuscum, tenacius, vitro adhaerescens: sub hac forma delitescentem ipsam continens ambram, decoctione mutatam, proprio tamen odore divitem;

deco.



decoctum reliquum, subamarefcens, odorem vix non omnem perdiderat. Ambrae alambico inhaerenti, fluidiori nonnihil factae, adfudit eam aquae copiam, quae destillatione abstracta prius fuerat, ac decoctum simul aequaret remanens: repetiit laborem totum ex integro, quum vero aqua prodiens denuo lactesceret, tertia quoque vice instituit operationem: nunc levissime solum tincta conspiciebatur: aquam hanc odore grato donatam, uti et decoctum à quavis operatione residuum seorsim adservavit: decoctum vero dein per filtrum misit, soli, ut spissesceret, exposuit, atque sic observavit rediisse partim odorem ambrosiacum, ac linguae saporem acidulum fuisse inpressum: exsiccatum demum prorsus decoctum parcam dedit copiam extracti subamarefcens, gummacei; salis volatilis nil conspiciebatur. Ambra cucurbitae inhaerentem decoctione in fluidiorem statum deductam remiscuit cum uncia una fistularum tabaciarum in pulverem contusarum: destillationem ex balneo arenae, uti prius, instituit: prodiit parcior copia phlegmatis, drachmaque una cum dimidia olei empyreumatici.

§. 2903.

Ut autem innotesceret, quanta copia olei ex data quantitate ambrae obtineretur, unciam unam illius in fragmina minora divisam destillationi ex balneo arenae subiecit; prodiit phlegma, oleum dilutius, flavescens, sequutum hoc aliud spissius, obscurius tinctum. Refrigerato soluto adparatu deprehendit liquidum, quod transferat omne aequasse drachmas septem cum dimidia minus quatuor granis, ut adeo triginta quatuor ad minimum grana desiderarentur. Superior retortae pars colore rubro tincta cernebatur, ambrae admista resiniformis massa odorem spirabat empyreumaticum. Fundum retortae obse-



obsedit terra levis, friabilis, nigra, splendens, grana triginta adpendens.

§. 2904.

UNCIAE dimidiae ambrae in pulverem redactae adfudit uncias quatuor alkoholis rectificatissimi in cucurbita vitrea minori, collo longiori donata exactissime dein claudenda. Soli vas hoc exposuit, saepiusque agitavit, ut, quantum foret possibile, ambra resolveretur. Decantavit laticem, alkohol recens adfudit minori paulo dosi, operationemque hanc eandem tamdiu repetiit, donec tota ex integro soluta foret ambra. Solutionem limpidam, depuratam infudit cucurbitae vitreae, simile adposuit excipulum, ac alambicum, juncturas luto optime clausit, ac leni calore dimidium alkoholis evocavit. Essentia ambrae sic parata limpida, flavo fusca, odore grato fortique donata; sapore amarescente linguam adficiens. Aquae aut vino infusa lactescentiam excitavit notabilem. Fundum cucurbitae tenuit pulvis nigricans, levis, praemissa exsiccatione vix quinque grana ponderans.

§. 2905.

PATET ex his manifeste, ambram non animalis aut vegetabili, sed minerali deberi regno; alias enim in secunda operatione oleum una cum aqua transiisset in excipulum, more vegetabilibus aromaticis, oleo aethereo divitibus solito. Lactescens quidem aqua obtenta erat, ac odorem spirabat ambrosiacum: per mensem autem illa reposita pellicula alba, eam prius obducens, ad fundum descendit, aqua remanente limpida, et odoris vix non experte. Pellicula illa similis videbatur substantiae illi albicanti unguinosae, de qua prius dixi, et quam *Cl. NEUMANNUS* ipsam ambram sensim excussam deprehendit. Gummosi quid, salini, ac acidi latere in ambra, aquosum, fuscum

scum demonstrare videtur decoctum; minimum autem id erit, quum extractum remanens granum unum non excefferit. Quum nullum prorsus productum animale fuerit obtentum, ambra regno animali nequaquam posse adscribi, satis evincitur. Odorem empyreumaticum, quo infecta productorum nonnulla fuerunt, *Cl. KRIELE* sali marino impuro, inprimis autem principio illius ammoniacali tribuit, quibus ambra, fluctuum vi diutius agitata, sensim inbuitur. Phlegma, spiritus, ac oleum ipsum ambræ plurimum conveniunt cum productis ex sulphuris, bituminis, naphthæ, petrolei, lithanthracum, inprimis autem succini analysi obtinendis: sal tamen acidum volatile in ambra minori longe copia deprehenditur; si tamen plures libras ambræ sub examen revocare quis posset, quod ob enormem caritatem fieri sane nequit, spes est, fore ut majori copia in conspectum sal illud prodiret.

§. 2906.

QUAERI, sub finem *Cl. KRIELE* ait, potest, quis ortus sit liquoris hujus ambrosiaci? An ab aqua marina salsa enascitur? An ex fundo maris scaturit, aut ex littoribus adinstar petrolei; unde, fluctuum vi abreptus, ad leges specificæ gravitatis in summitate natat aequoris, ac demum maturescit, ac induratur? Opinionum harum prima sustineri prorsum non valet, quum productorum repugnet indoles; binæ reliquæ autem vero videntur simillimæ ac adsumi eatenus saltem poterunt, donec serior dies circa genesin ambræ certioris quid monstraverit.

Atque hæc de Ambra in usum Medicinæ tironum sufficiant.

S U C C I N U M

§. 2907.

INTER omnes, qui de Succino tum speciales ediderunt dissertationes, vel majora opera, tum per transennam quasi, ac systematis nonnisi gratia, ejus injecerunt mentionem, nemo exacto adeo, amplo, et elegantibus experimentis referto examini chemico substantiam hanc subjecit, quam *Cl. Joh. Georg. Stockar de Neuforn, Scaphuso-Helvetus*, in *specimine chemico-medico inaugurali de Succino in genere, et speciatim de Succino fossili Wisbolzensi; Lugduni, Batav. 1760. pro Doctoratus gradu defensa*; dein et *Tomo I. Thesauri Sandifortiani* inserto. Conabor hinc, quum praeterea et *Thesaurus paucorum manibus nostris in terris teratur*, dissertatio ipsa cum sane sit rarissima, omnium primo quae in ea notatu occurrunt dignissima, breviori nonnihil sermone reddere; etsi quidem experimentorum ad amussim descriptorum ingens copia epitomen vix admittat. Essentialis certe nil intactum relinquam aut concise nimis exhibebo.

§. 2908.

ADDAM deip dissertationis dictae epitomae alia quaedam, ad succini chemicam historiam facientia, à *Cl. Stockar* non adlata. *)

§. 2909.

*) MONERE vero hic omnino debeo *Cl. de Capellis M. D. Vindobonensem* mihi retulisse, experimentorum *Stokarianorum*, cum succino institutorum, plurima sese repetiisse exactissime; longe vero alium, quam *Stockar* adnotaverat, inde observasse even-

tum



§. 2909.

SUCCINI, *Cl. STOCKAR* ait, antiquissimis temporibus celebrem fuisse memoriam, varia in VETERUM monumentis de hoc corpore relicta evincunt testimonia. Et licet hujus cum aliis corporibus multiplex homonymia ambiguum saepe reddat Auctorum sensum, supersunt tamen, et quidem satis copiosa, vestigia, e quibus idem corpus, quod nostris temporibus hoc nomine venit, à Veteribus intellectum pateat.

§. 2910.

APUD *Graecos* nomine Ηλεκτρον ejus mentionem faciunt HOMERUS *) PLATO, HERODOTUS, DIODORUS SICULUS, ARISTOTELES, THEOPHRASTUS, DIOSCORIDES, AEGINETA; recentiori et semibarbarae Graeciae, ait *Cl. GESNERUS* (*de electro Veter. in Comment. S. Reg. S. Gotting. T. III. etc.*) Βερονικη, Βερονικη Electrum notabat. Id quidem notissimum fuit, quamdiu Phoenices, et in his praesertim Sidonii floruerunt navigationibus, commerciis, opibus soli velut domini maris et divitiarum, Electrum ab Aesthiorum littoribus advexerunt, qui ut soli sibi illos πόρτες, redditus illos, servarent, non temere neque promiscue de illis locis et itineribus suis retulere. — Vastata autem sua cum Sidone Phoenice — in obscuro mansit, donec Romana bella aperuerunt Germaniae septentrionalis ad orientem littora, Haec GESNERUS.

H 2

§. 2911.

tum. Optandum hinc ut *Cl. de CAPELLIS* tentamina sua publici facere velit juris, quo sic eo perfectior reddatur Succini chemica historia.

*) AMPLIORES locorum citationes, compendii causa, ubique fere omisi, de W.



§. 2911.

HAC ratione de novo quasi detectum, quod in obscuro latuerat Succinum, Romanis, Neronis inprimis temporibus, in pretio esse coepit, quum summi imperii comes luxus subjugati orbis spoliis uti victores docuisset. Inde a plurimis illorum scriptoribus nomine *Succini*, *Electri*, *Gleffi*, laudatum fuit: inter quos praecipui *Poetae*, OVIDIUS, MARTIALIS; PHILOSOPHI, PLINIUS, ejusque epitomator SOLINUS; HISTORICI, TACITUS, CASSIODORUS, aliique plures.

§. 2912.

ARABES dein, ad quos cum imperio scientiae transiverant, hinc inde succini mentionem injiciunt. Varia autem, et inconstans, qua usi fuerunt, hujus corporis adpellatio, facile errorem gignere potest. Maxime usitatum apud illos nomen *Carabe* vel *Cacabre*. Ubi *Ambram* dicunt, saepissime *Ceti sperma* intelligunt, uti videre est apud MESUEN *Synon. Libr.* apud AVICENNAM c. 349. *Haurum* pro lacryma Populi (*Succino*) et cap. 375. *Carabe* pro Populo ipsa venit. Teste SERRAPIONE *Carabe* cum *Sandarocha* saepius confundunt.

§. 2913.

Post *Arabum* tempora labascentem denuo succinorum memoriam primus revocavit ALBERTUS MAGNUS. Dein *Germanorum Historici* KRANTZ, OLAUS MAGNUS, MUNSTERUS, qui *Agstein*, *Boernstein*, *Bernstein*, forte à graeco Βερυλιν adpellant. Magis tamen postea *Seculo XVI.* laboribus AGRICOLAE, AURIFABRI, GOEBELII, *Conr.* GESNERI, WIGANDI, WIL-
LICHII inclaruit. Principes hi sunt, ex quibus sequentis aevi scriptores ad HARTMANNUM usque sua fere omnia transcripserunt. HARTMANNUM dispersa hinc inde in publicis monumentis Tentamina et SEN-

DELIANA scripta excipiunt. Haec succini in historia litteraria fata.

§. 2914.

CLASSIFICATIONEM, his praemissis, bituminum, quibus accensendum succinum dudum constat, STROCKAR sequentem inferuit, ab externo habitu etc. desumptam:

BITUMINA sunt

I GRAVE- OLENTIA	1. nuda	{	a. fluida:	{ vapor inflammabilis. Naphtha. Petroleum. Oleum terrae. Balsamum fossile.
			b. molle:	— Pissasphaltum.
			c. solidum	— Asphaltum, S. bitumen judaicum.
	2. vestita	{	matrice terrea:	cespites bituminosi
			— lignea:	lignum fossile.
			— lapidea:	{ moliori: Lithanthrax duriori: Gagates.
2 SUAVE- OLENTIA	{ molle, tenax, fragrantissimum: Ambra. durum, compactum;		Succinum	

§. 2915.

EST itaque, ait, Succinum bitumen suaveolens, durum, compactum. *)

§. 2916.

VARIO quidem modo, et diversa admodum facie corpus hoc nobis sese offert; nunc ponti undis ereptum, nunc ex arena lutove effossum, vel è durissima rupe

H 3

*) Non tamen exactissima haec enumeratio est, quum varia, v. c. mumia mineralis persica, copal etc. desiderantur, de W.



rupe exsculptum; jam pellucidissimum, varic coloratum, gemmas aemulans; jam opacum, et diversis denuo ludens coloribus; jam inclusas tenens aliorum corporum reliquias; vel intus quasi pictis nubium, radiorum etc. simulacris oculos delectans: externe plerumque informe, etsi quidem certam nonnunquam conformatione adfectet figuram.

§. 2917.

HAEC tamen omnia non satis distinctos subpeditant diversarum ejus *specierum Characteres*: et forte succina quaecunque gradu tantum perfectionis et aetatis inter se differunt, ut eorum quoad externum habitum non diversae *species*, quod dicunt, sed *varietates* solummodo constitui possint. Si tamen *differentias* statuere placebit, pro vario collectionis modo erit: vel *haustile*, quod ex vadoso ad littora mari baltico, vel adluentibus ejus undis opereticulorum, hamorum aliorumque huic negotio adcommo-
torum instrumentorum hauritur: *lectum*, quod fluctuum impetu in litus expulsum inter arenas et algas cum aliis maris ejectamentis sepultum invenitur; *fossile*, quod fodiendo ex terra eruitur.

§. 2918.

Si colores vel reliquum externum habitum in censum vocare libet, fuccinum erit vel

DIAPHANUM,

Vacuum coloris aquei, aurei, rubentis, viridis.

Aliena inclusa tenens, animalia, vegetabilia, fossilia. Vel

OPACUM,

Purum, *impurum*, colore, consistentia, figura, pictura varium.

§. 2919.



§. 2919.

PLENIORES harum varietatum enumerationes vide apud KENTMANNUM, *) FISCHERUM, **) HELWINGIUM. ***)

§. 2920.

PERFECTO succino, inprimis albo multi *saporem* adscribunt, quem dulcem alii, alii subtilissime salsum adfirmant. Quantum gustu, et experimentis examinare mihi licuit, in succino bene mundo nullum deprehendi. Aliquot uncis succini communis in retorta vitrea aquam destillatam adfudi, leni igne aquam avocavi; sic tertia vice cohobando, rediit aqua prorsus, ut prius erat, insipida, leviter tantum odorata; nec illa, quam in retorta reliqueram, aqua saporis aliquid monstrabat, turbata paululum fuit, et filtrata post evaporationem reliquit paucum materiae viscidae nigricantis, ab inhaerente, ut videtur, succini asperis crustis, quibus ejus frustra plerumque obducta sunt, impuritate, quae forte multis inposuit, praesertim ubi haustilia, marinae aquae diu exposita, examini adhibuerunt.

§. 2921.

MANIFESTIUS autem proprio sibi gratoque, quem tritum vel accensum spirat, odore a reliquis bituminibus se distinguit succinum. Satis hic notus, meliusque sentitur, quam describitur. In albo, et ad illud accedente fragrantior est quam in flavescente.

H 4

Mal-

*) NOMENCLAT. rer. fossil. ed. GESNER. Tig. 1565. 8. p. 22.

**) GRUNDLEGUNG einer Hist. des unterird. Preussens. Koenigsb. 1714. 4. p. 8.

***) LITHOGRAPH. Angerburgica. Regiomont. 1717. et Lips. 1720. Tom. II. p. 76.



Mallem tamen illum tantum, quem tritu vel igne leviter calefactum exhalat, verum et specificum succini adpellare odorem: quum accensi, jamque destructionem subeuntis fumi, oleum, vi ignis elevatum, quod brevi empyreuma contrahit, potius oleant, quam fragrans illud succino proprium; quod non inepte *spiritum* ejus *rectorem* dixeris.

§. 2922.

IN magna *colorum* varietate inconstans aestimatio, nunc huic, modo alii pretium addit, prout egregia facie oculos oblectat, aut raritate se commendat. PLINII tempore summa laus erat *salernis*; aliis decocti mellis lenitas in succino placebat; nunc vero pellucidi, candidi, vel et viridis, quod inter rarissima habetur, maximum pretium statuitur.

§. 2923.

DURUM, fragile, ubi perfectum est, sese monstrat; *duritiei* tamen diversi admodum gradus obtinent. Opacum album prae reliquis magis friabile est.

§. 2924.

PONDUS *specificum* ad aquam à celeberrimo van MUSCHENBROECK determinatum

in succino { pellucido 1,065: : } 1,000.
 { pingui 1,087: : }

§. 2925.

Huic tandem corpori celebris inter physicos hodiernos *Electricitas* nomen debet; quae vis, corpora in vicinia posita adliciendi et repellendi, in *Electro* primum fuit observata.

§. 2926.

§. 2926.

IAM ad *experimenta* deveniamus *chemica* varia cum succino, ad eruendam propius ejus indolem instituta.

§. 2927.

AQUAM succino vix ullam mutationem inducere, paulo ante, ubi de succini *sapore* agebatur, patuit. Calidam illi adfusam saporem aromaticum contrahere, et post evaporationem crystallos salis succini relinquere GEOFEROY testatus est. Hac tamen ratione non obtineri nisi sordes succini, et parvam salis communis quantitatem, materiei mucilaginosae intermixtam, cujusmodi ex succini libra integra vix unica drachma extrahitur, optime observavit Cel. POTT *Mem. de l'Acad. Sc. de Berlin. 1753.*

§. 2928.

EXPERIMENTUM. In aqua ebulliente per nycthemerum detentum succinum, colore, consistentia &c. inmutatum permanit. Aqua turbida insipida levem tantum odorem monstrabat; in fundo vasculi turbulentum, mucilaginosum magma subsederat, quod, prorsus siccatum, in fuscum leviter amaricantem pulverem fatiscit.

§. 2929.

EXPER. I. Cum *spiritu vini rectificatissimo* solutionis quaedam species nascitur. Alkohol succino in tenuissimum pulverem trito adfusum, si accedente leni calore digestionem exponatur, in rubicundam, medico usu notissimam *succini tincturam* abit; quod, secundum Cl. BOERHAAVE, eo citius et feliciter contingit, si succinum prius in pollinem tritum cum oleo alkalino in pastam redigatur, exsicceetur dein, postea deliquio exponatur, denuo siccatum iterum deliquescat, et sic aliquoties repetatur operatio, ut succinum,

H 5

quan-



quantum fieri potest, ab alkali penetretur, et ad solutionem quasi aperiatur. An vero haec perfectae solutionis nomen meretur? vix dixeris, si consideres, hac ratione, quidquid agas, non nisi parvam ejus partem solubilem esse, saepius licet repetita novi alkoholis adfusione, quin imo novus vini spiritus quater vel quinquies adfusus vix amplius rubescente colore tingitur.

§. 2930.

EXPER. 2. Sic parata tinctura aqua adfusa statim turbatur, ex rubicunda fit lactea, et pulvisculus, qui ei innatat, tam tenuis est, ut per chartae emporeticae poros, una cum spiritu vini transeat, nec mora in fundum subsidat. Gustu si exploretur tinctura, saporem sentis gratissimum succineum, quem facile detegis ab eodem corpore procedere, ac succini odorem, qui nares ferit; simul etiam praecipitationem pulvisculi fieri, lingua percipit, qui omni sapore jam deleta insipidus illi adhaerescit. Si quis *Magisterium succini* ex hac tinctura acquirere cupiat, acida vel alkalina quaecunque superadfundat oportet: fit inde inprimis ab oleo vitrioli praecipitatio materiae magis flocculentae, quae illico in fundum subdit, abluta et exsiccata succini odorem spirat. Eam autem verum succinum esse, quo minus adfirmem, sequens experimentum obstat.

§. 2931.

EXPER. 2. Tincturae uncias aliquot destillationi ex retorta commisi, eo scopo, ut, quidquid olei, salis aut terrae in se contineret, (quae omnia in succino inveniri postea dicetur) inde separarem. Obtinui alkohol purum, excolor, succini odore fragrantissimum. Gustu eo explorato, sapor exquisitior fere, ac in ipsa tinctura deprehensus, quum pulvisculus ille iners plane absit. Sic adhibitum alkohol ad-

adfusā aqua non turbatur; quo patet, praeter spiritum succini rectorem, nil amplius heterogenei in illo contineri. Alkohole omni abstracto in retortae fundo perparum materiae profunde rubrae, mollis, tenacis remansit, quae intensiori igne coacta in inferiori colli retortae parte, et ad latera in strias disposita haesit. Salis autem prorsus nihil comparuit, certo indicio, nihil ejus in tinctura exstitisse.

§. 2932.

EXPER. 4. Ex hoc fundamento *spiritus vini*, quem *succinatum* dicas, cum pulvere illo inertī, qui, utpote saliva praecipitandus, dubiae utilitatis videtur, non intermissus, compendio, et quidem melior, absque ulla fere partium maxime volatiliū jactura obtineri potest. Sumsi succini subtilissime triti unciam $1\frac{1}{2}$, superadfudi alkoholis uncias tres, et destillationem institui. Ne autem empyreumatis periculum sit, requiritur ignis lenissimus, quo alkohol vix ad ebullitionem deducatur; à nimis intenso enim succussus violentissimi fiunt, et succinum fundo se adfigens facile aduri posset; alkohol etiam eandem ob causam ad siccitatem usque non est abstrahendum. Obtinui sic alkohol succini spiritu rectore quam saturatissimum, odoris et saporis gratissimi. Secunda vice recens alkohol, pondere unciarum 2. super eodem succino destillatum rediit fere tale, quale in prima destillatione obtinueram, ut succinum nondum exhaustum fuerit. Ulterius iterata operatione, adhibendi alkoholis ad succinum proportio facile determinari posset.

§. 2933.

CONSEQUITUR adeo, ut, qui succini tincturam quaerat simul et spiritu et corpore succini inpraegnatam, hinc efficacissimam, alkohole uti debeat, prius de succino abstracto, dein cum recenti succino digesto.

Quod



Quod ipsum in parandis etiam aliarum rerum tincturis utile esse posse quisque facile animadvertit.

§. 2934.

SALIA omnia, si unicum *vitrioli oleum* excipias, nullum succino adcommodatum menstruum praebent.

§. 2935.

EXPER. I. Succinum in tenuissimum pulverem tritum per plures dies sat intensi caloris ope cum concentratissimis aequae ac dilutis, *aceti*, *salis communis*, *nitri acidis*, digestionis incassum exposui.

§. 2936.

Cum *alkalinis*, *volatili*, *fixo*, et *caustico* quoque eodem modo, sed irriti eventu rem tentavi, quamvis Cl. HOFFMANNUS lixivio salis alkalini caustici *decenti coctione fere totum solvi* doceat, et sic factam solutionem etiam pro usu medico commendet.

§. 2937.

EXPER. 2. *Vitrioli oleum* perfectum succini menstruum est, quo vix aliud invenies potentius, quod sese cum eo tam brevi tempore in homogeneam massam jungat. Oleo vitrioli in phiala contento injeci succini frustula; innatant statim liquoris superficiei ob gravitatem specificam minorem; nihilominus tamen brevi omne vitrioli acidum, ut ab inflammabili admisto quocunque solet, colore magis magisque rubro, tandem saturatissimo purpureo tingitur; succinum denique in fundum subsidens totum solvitur.

§. 2938.

EXPER. 3. Quae sic acquiritur solutio perfectissima, tota per filtrum chartaceum transit; alii miscelae est inpatiens. Superadfusis acidis quibuscunque, *alkalinis*, spiritu terebinthinae, alkohole, aqua, etc. fit semi-

semper subita pulcherrimi liquoris turbatio, et materiae flocculentae *praecipitatio*, quae abluta et exsiccata in subtilissimum grisei coloris pulverem fatiscit. Is non amplius grato succini odore placet, sed tetro, piceo, nares pungit. *)

§. 2939.

EXPER. 1. Succinum sub diuturna cum *saccharo* liquefacto coctione nullam plane passum fuit mutationem.

§. 2940.

EXPER. 2. Cerae ad ignem fluenti injectum, paululum mollescit; frigore vero pristinam duritiem recuperat. Coloris post refrigerationem fit mutatio: ex citrino, quod adhibueram, profunde flavum accepi.

§. 2941.

EXPER. 3. Cum sulphure liquefacto coctum eadem, quas cum cera mutationes, majori tamen gradu, subit.

§. 2942.

EXPER. 4. Intactum quoque manet, si aliquamdiu infra *plumbum* liquefactum detineatur, nisi quod color paulum obscurior evadat.

§. 2943.

MULTO vero feliciter succini in *oleis* et *balsamis vegetabilium* succedit solutio. Haec, multo licet difficilior, quam illa cum oleo vitrioli, tamen ob varias, quibus inservire potest usus, quam maxime praefenda erit, quum illa vix ullius sit utilitatis.

§. 2944.

*) MIRUM hoc eo minus est, quum ex unione acidi vitriolici cum succino verum confici queat sulphur.
de W.



§. 2944.

Succinum cum duabus partibus *olei amygdalini* in *machina Papiniana* inclusum, post horae spatium in *gelatiniformem et pellucidam massam colliquantum* pauco *oleo supernatante* invenit Cl. HOFFMANNUS. Caeterum apud principes Auctores de succini in oleis solutione vix quidquam existat. Nonnulli arcana artificia jactant, multi eam prorsus negarunt, vel adeo coctione cum oleis succinum magis indurescere dixerunt. Cl. NEUMANNUS, quae in aliis scriptoribus de hoc negotio legerat, minus sufficientia declarans, semet multa incassum tentasse fatetur. Paucis itaque, quae ipse, et quo eventu instituerim experimenta proponam.

§. 2945.

EXPER. I. Succini diversi coloris fragmentis, vitris cylindricis, colli angustioris inmissis, superadfudi duplum vel ultra olei, ut illius superficies hoc bene tecta esset. Olea et balsama, quae adhibui, sunt sequentia: *Oleum raparum, papaveris, amygdalarum, olivarum, nucis, lauri excoctum, rosmarini, cajeput, succini, balsamum de copaiva, terebinthina*. Vitri apertura obturaculo clausa omnia haec vascula in balneo arenae reposui; sic spatio circiter septimanae facta digestionem, lenique coctione, sequentes solutiones accepi.

§. 2946.

Cum balsamo de copaiva et terebinthina solutio profunde rubra, refrigerata in massam solidam fragilem ejusdem coloris abiit.

§. 2947.

*) CIRCA haec imprimis experimenta alia se vidisse, Cl. de CAPELLIS retulit. de W.



§. 2947.

- Sum oleo raparum* — solutio pulchre flavescens coloris.
- — *papaveris* — ex rubro flavescens.
- — *olivarum* — pulcherrime rubicunda.
- — *nucis* — coloris magis saturati, in fundo deposuit paucum materiae mucilaginosae, albicantis, quam in nulla alia solutione observavi.
- — *lauri* — rubro - purpurea. Ea id maxime singulare habet, quod quum oleum lauri in atmosphaerae temperie butyri instar spissum sit, facta cum eo succini solutione fluidum maneat.
- — *lini* — aurei coloris.
- — *amygdalarum* — flavescens pulcherrima.
- — *succini* — prorsus intactum permanet sit succinum, etsi, ob ejus magnam volatilitatem, novum subinde oleum adfuderim.

§. 2948.

Oleum rosmarini et *cajeput*, utpote nimis volatilia, antea avolant, quam succinum quodammodo tantum ab illis penetretur; et sane nimis sumptuosum foret, recens aliquoties oleum adfundere, donec solutio, si vel fieri posset, ad finem perducatur. Id incommodi in aliis quoque oleis destillatis obtinet; expressa hinc pro hoc negotio praeferenda sunt. Forte praecaveri posset dissipatio, si digestio in phiala



la chemica longioris et angusti colli institueretur. Pro his experimentis succinum in frustulis adhibui, ut eventus eo certior essem: non tamen cum omnibus, quorum ope succinum liquefieri observatum est, aequè cito absolvitur haec solutio; omnium difficillime fit cum oleo amygdalino. Multum adjuvatur vaporum, quantum citrà vasorum dispoſitionem fieri potest, compressione: eam itaque ut magis intendere possem, alia via hancce cum oleis solutionem tentavi.

§. 2949.

EXPER. 2. Inmisi succinum in pulverem tritum cum oleis modo recensitis in vascula ampullata lapidea angustioris orificii: haec subere clausa prunis ardentibus cinere tectis inposui, ut oleum ad ebullitionem perduceretur. Sic spatio 12. plus minus horarum solutiones aequè perfectas et pulchras, ac priores, acquisivi. Hoc modo non aequè magnum dispoſitionis est periculum, licet obturacula vasculis satis firmiter adprimantur; si nimia sit vaporum elasticitas, illa cum impetu quidem, sed absque vasculi ruptura, dejiciuntur. Attamen, ut omne discrimen evitetur, juvat ad obturaculi latus crenulam excindere, per quam vaporibus continuo adscendentibus via quaedam ad exitum pateat: haec enim medela solutionem non multum impedit.

§. 2950.

EXPER. 3. Omnes hae solutiones perfectam cum spiritu terebinthinae miscelam subeunt, cum alkohole recusant. Illae, quae cum oleis lini, lauri, papaveris, nucis, balsamo de copaiva, terebinthina factae sunt, quadruplo spiritus terebinthinae dilutae, vernicem satis cito siccandam, duram, tenacem, splendidam, satis albam constituunt, multum sane praestantiores illa, quam ex colophonia succini pa-

rant

nant artifices, cujus mentionem facit *Cl. Hoffmannus*. nisi hanc ad aurichalcum aureo colore tingendum adhibere velis.

§. 2951.

EXPER. 4. Solutiones aequae ac vernia inde parata amice cum oleo vitrioli in homogenum liquorem jungantur, colore tantum in profunde purpureum mutato; à reliquis acidis intactae manent.

§. 2952.

AN forte ex his solutionibus per conveniens praecipitans perfectius *succini magisterium*, quam quidem ex acido vitriolico obtineri posset? Id fieri posse non nego, ipse tamen incassum tentavi. Putavimus fore, ut lixivii alkalini ope oleum à solutione abstraheretur, quo facto succini pulvis in fundum praecipitaretur. Solutio si calido lixivio paulatim instilletur, statim boni successus quaedam spes nascitur; turbatur enim, et, si liquor omnis fortiter concutitur, lactescit, flocci materiae albae per agitatae aquae impetum in gyrum torquentur, eo vero sedato omnis materies lixivii superficiem petit. Sive jam filtres liquorem, sive pergas fortiter concutere, sive digeras, nunquam tamen succinum ab oleo liberatum adquiris, sed omnis tandem flocculenta materies in spissam, flavescens, tenacem, quodammodo fistilem pastam concrevit. Nec cum alkali caustico praecipitatio feliciter succedit.


§. 2953.

EXPER. 1. Succinum *nitro* in crucibulo candenti adjectum, cum illo detonat, non tamen aequae magno cum strepitu, ac carbones lignorum facere consueverunt. Desinit detonatio, si quantitas injecti succini ad nitrum est uti 3 : 4. Saturatione sic facta, nitrum in merum alkali fixum conversum deprehenditur,

Part III.

I

eodem



eadem plane ratione, ac cum alio inflammabili deflagrando mutatur. Id sponte, et cito quidem deliquescit.

§. 2954.

EXPER. 2. Subdupla succini ad nitrum quantitas, quam Cl. BOURDELIN (*Mem. de l'Acad. etc. de Paris. 1742.*) ad hanc operationem cum nitro tritam adhibere jubet, non sufficit ad dissipandum omne, quod nitrum continet acidum: si enim detonatione eo usque peracta, succinum ulterius injicere pergas, denovo strepitans deflagratio excitatur. Ubi aqua solvitur residuum sal, fit lixivium pro maxima quidem parte alkalinum. Si lentae evaporationi et crystallisationi exponatur, hinc inde sat magnae veri nitri crystalli comparent, quae nitrosam suam naturam figura, et deflagratione cum carbonibus probe evincunt.

§. 2955.

EXPER. 3. Succinum cum *alumine* calcinatum constituit pyrophorum Pionbergii quam perfectissimum. Hujus tamen praeparatio aliquantum ab illa, quae cum amylo fit, diversa est. Alumen, priusquam cum succino misceatur, ad plenam siccitatem usque in sartagine torreatur oportet, alias in grumos ambo concresecunt, quibus aequabilis olei et aquae evaporationi impeditur. Alumine jam tosto sumsi ad ejus partes tres succini bene triti partem unam. Id absque praevia ustulatione alumini admiscendum est, quoniam si separatim torreatur, ut cum amylo fieri solet, omne fere phlogiston dissipatur; sed si una cum alumine torreas, res bene succedit. Amborum tunc ustio patienter continuanda est, donec nulli amplius fumi exfurgant. Hoc facto omnis massa denovo bene trita phialae siccissimae dupli capaci inmittatur, quae crucibulo sic inponatur, ut undique arena cingi

gi possit. Ignis paulatim ad eum gradum augendus; quo fundus phialae et materies in ea contenta candeat. Si caeruleam flammam ex collo phialae eruptari animadvertis, orificiū paulatim penitus claudendum est, et ignis diminuendus, ut omnia sponte refrigeant. Sic procedendo obtinui pyrophorum penitus flavescentis, sulphurei coloris, quum, qui ex amylo fit, flava tantum crusta indutus, intus ex fusco nigrieet. Repetito experimento ejusdem coloris pyrophorum adquisivi, qui in aëre libero sponte accessus vividam coeruleam flammam dat.

§. 2956.

RESTAT adhuc potentissimum succini menstruum, quod non tantum nexum inter partes ejus constituentes plane dissolvit, sed illas quoque separatas ulteriori examini sistit.

§. 2957.

EXPER. Ignis solus determinato regimine succino applicatus ex illo elicit *phlegma* sive *spiritum*, *sal*, *olea* diversae indolis; relinquit *carbonem nigrum*.

§. 2958.

SUCCINUM in pulverem rudiorē contritum inmiscetur retortae vitreae colli longioris, non nimium incurvati, (eo fine, ut elevatum sal, quo se adficeret, locum inveniret, et sublimatum non facile in excipulum delaberetur) in incipiente curvaturae latioris, tantae capacitatis, ut dimidia, vel tertia saltem ventris pars vacua remaneret. Hanc reposui in balneo arenae, admovi excipulum satis capax, quod luto ad collum firmavi. Leni igne instructo prodit *phlegma* primum excolor, postea magis magisque lactescens, et mul cum phlegmate parum limpidissimi olei, quod lactescenti phlegmati inmixtum, mora dein sponte ab illo separatur. Quum hoc caloris gradu nil amplius



plius prodit, admoto alio excipulo, et igne paulum aucto, brevi exsurgunt vapores densi, cani, retortae collum et totum excipulum obfuscantes. Interim jam purum albidum *oleum* in excipulum depluere incipit, simulque comparent *spicula salina*. Haec prius secundum longitudinem colli porrecta, mox apicibus suis alia aliis inordinate adfixa, mox se invicem decussantia, plerumque parieti colli perpendiculariter insistentia, tegmen efficiunt albidissimum retortae collum fere obturans. Dum hoc igne sal omne in altum elevatum est, liquefcit succinum; pergit interim depluere *oleum* magis flavesceus, aucto iterum igne flavum, sensim crassius magisque fuscum; donec tandem igne, quo balnei olla ferrea penitus candescit, nigrum, spissum picis adinstar in collo retortae permanet. Expulso sic omni prorsus *oleo* in fundo retortae residuus invenitur *carbo* niger, durus, spongiosus.

§. 2960.

Hac methodo ex unciiis XII. *succini vilioris*, haustilis, vulgo *Schlug* adpellati accepi

Phlegmatis et spiritus	℥ij.	℥ij.	gr. xvj.
Olei — —	℥viiij.	—	gr. xxiv.
Salis eloti, crystallifati	—	℥ij.	gr. l.
Resid. carb. — —	℥j.	—	gr. xlv.

§. 2961.

Ex eadem quantitate *succini purioris citrini* habui

Phlegmatis et spiritus	℥ij.	℥iij.	gr. xxxv.
Olei — —	℥vij.	℥vij.	gr. xlii.
Salis crystallifati	—	℥iv.	gr. iij.
Residuum cum arena mistum ponderare non	licuit.		

§. 2962.

§. 2962.

Non tamen ideo certi quid de constanti harum partium proportionem adfirmare licebit, quum succini, quod vulgo his experimentis adhibetur, venalis, frustra puritatis sint admodum diversae. Variis plurimorum Auctorum experimentis cum meis collatis non incommodum videbatur inde medium terminum adsumendo statuere: sal, terram, phlegma, et oleum in succino sese excipere ut numeri: 1. 2. 3. 18.

§. 2963.

VITREAM retortam terreae, quam multi suadent, praefendam credidi, quum totus operationis decursus in illa melius spectari queat. Additamenta, quae varii varia commendant, v. g. arena, calx, pulvis laterum, bolus, sal commune, oleum vitrioli, etc. si adcuratam, qua quaevis partium separatim exhibeatur, analysin facere velis, non adhibenda sunt; si autem partem aliquam solam ex succino elicere animus sit, hoc vel illud horum additamentorum, pro vario scopo diversum inservire possit.

§. 2964.

MAXIME interim *dissentientes* reperies *Auctores* in definiendo tempore, quo sal elevari incipiat, quove desinat ejus sublimatio. Nonnulli, ut Cl. HOFFMANNUS, NEUMANN, alique, id demum intensiori ignis gradu sub finem administrato crassiori oleo intermissum in retortae collum ferri adfirmant; alii contra, ut Cl. BOURDELIN, et MACQUER sub justo ignis regimine statim post phlegma prodire, nec antea, quam omne elevatum sit, ullum prodire oleum contendunt. Quotiescunque institui hanc operationem, (institui autem multoties) eodem, quem supra descripsi, modo, sal cum limpido primo oleo adscendere vidi, tumque jam finita omnis salis sublimatio.



matione flavum oleum transire observavi. Quum vero ob crustam, qua interior vitri superficies obducitur, difficilius sit, sublimationis finem observare, ut rei certior fierem, destillationem, quum jam sat magna salis copia elevata esset, interrompi, salque tepida ablui. Continuata dein destillatione denuo sublimatum iterum elui, donec post tertiam ablutio- nem, quam, dum omne fere succinum liquefactum erat, instituebam, nullum amplius prodierit. Tum demum aucto ignis gradu flavum oleum depluit, quod sensum spissiora exceperunt.

§. 2965.

CAUSAE *hujus dissensus* forte quaerenda, vel in vasis adhibitis terreis, oculo aditum praecludentibus; hinc nonnulli sal tum demum sublimatum crediderunt, quum ignis vehementia ex collo retortae in excipulum propulsum conspexissent; vel in minus cauto ignis moderamine; vel denique, quod praecipuum videtur, in nimia simul adhibiti succini copia; tunc enim facile contingere poterit, ut inferior igni proxima pars jam crassum fundat oleum, dum superficialia strata tenue adhuc oleum cum suo sale exhibent.

§. 2966.

DESTILLATIONE eo usque peracta, ut omne sal sublimatum sit, *liquefcit succinum*, quam ob causam vulgo *ab igne fundi* dicitur. Id autem cave ita intelligas, ac si accedente certo caloris gradu illico fundatur, et refrigeratum iterum in pristinum succinum indurescat, quemadmodum in metallis, cera, picæ, aliisque fieri observamus. Ut ejus *liquefactio* fiat, requiritur praevia omnis phlegmatis, salis et pauci olei dissipatio; quo facto leni igne fluit: tunc vero non amplius est succinum, sed tantum colophonia succini, post refrigerationem dura, fragilis,

lis, fusci coloris. *) Alias ab igne multum intensiori, qualis est plumbi liquefacti, olei lini ebullientis, vix emollitur, si ille ita adplicetur, ut dissipatio partium volatiliorum impediatur, quemadmodum ex antea dictis experimentis patet. Nam etsi coctione diuturna cum oleo lini tandem liquecat, id non fit fusione per ignem, sed vera per oleum solutione, cujus actio per ignem adjuvatur.

§. 2967.

TRADITA sic generaliori succini analysi, jam ad privum singulare partium, quales nimirum ignis menstruum eas nobis sistit, examen transeundum est. De iis eo ordine, quo in destillatione se invicem excipiunt, agemus.

§. 2968.

PHLEGMA primum prodiens, omnis coloris saporisque expers, mera est aqua tantillum odorata; nullum heterogenei signum ad reagentia monstrat. Qui hoc excipit *spiritus*, saporis est leviter aciduli, et ab

I 4

adhuc-

*) LIQUEFACTIO haec succini, expulsionis salis acidii, cohaesionem firmiorem reddentis, non abs ratione adscribenda videtur. Confirmatur id tum ex observatione certissima, quod olea pingua, repetita destillatione, fluidiora reddantur. Avulso magis acido, vide quae circa hoc negotium in HISTORIA CHEMICA LACTIS, de BUTYRO agens, dixi tum quod succinum, uti experimentis didici, eo facilius liquecat, quo magis ab inhaerente sale acido volatili fuerit liberatum: nec omittenda hic intacta instantia oleorum, quae acidorum diversorum interventu in massas saponaceas, sebaceas, resinosas etc. magis minusve firmas, facilius aut aegrius liquabiles, rediguntur: sed de his alio loco agetur prolixius. de W.



adhaerente jam subtilissimo oleo amaricat. Olei autem sat multum illi inesse lactescentia monstrat. Si liquor in quiete aliquamdiu maneat, oleum sponte superficiem petit, quo facto, quod infra haeret, coloris est ad aqueum magis accedentis.

§. 2969.

EXPER. I. Liquor hiece syrupum violarum rubro colore tingit; cum alkalicis effervesceit; evaporatione lente instituta paucas salis succini crystallos relinquit. Patet ex his simul cum phlegmatis elevatione invisibilem salis sublimationem incipere; an in una eademque succini gleba, valde dubito. Probabilius enim est, infima succini in retorta strata aquea parte multo citius, quam superficialia, privari, tumque inferiorum particulas salinas cum superiorum residuo phlegmate simul adscendere, solutasque in excipulum abripi.*)

§. 2970.

*) VERO consentanea omnino haec videtur observatio, quod aquosus latex ab adscendente simul, jam soluto, inficiatur sale acido volatili: quod quidem et in aliis plurimis destillationibus tum in regno minerali, tum vegetabili, et animali (de quibus omnibus suo loco latius agetur) fieri consuevit. Verumtamen monendum simul est, ex succino, uti ex copalio, obtineri posse phlegma, nullo omnino, quatenus per experimenta demonstrari queat, sale inbutum: requiritur, ut obtineatur hoc minor succini copia, destillationi simul subicienda, ut stratum non adeo altum fundo vasis incumbat; tum ignis intendendus nimium neutiquam est, cujus ratio aliunde patet; cessandum praeterea citius ab operatione, quam ad hoc, ut aqua inhaerens omnis expelli possit, fieri deberet

§. 2970.

PRAETER sal et oleum, quae separari à phlegmate possunt, illi adhuc quiddam valde odoratum inest, intime junctum, sed à grato illo fragranti, quem succinum spargit, odore omnino diversum. Et si destillando rectifices, non nisi ingrati odoris et austeri, penetrantissimi saporis liquorem inde elicis, qui aëri diu expositus tandem foetet.

§. 2971.

EXPER. 2. Phlegma cum *alkohole* perfectam subit miscelam. Misturam hanc destillationi commisi, redit *alkohol* odore illo et sapore penetrantissimo inpraegnatum; et quod mirum, simul cum eo subtilissimum in phlegmate superstes oleum elevatur, quod postea miscelam cum *alkohole* adeo averfatur, ut brevi in minutis pellucidis globulis fundum petat, filtratione dein facile separandis. Quae in cucurbitae fundo residua mansit aqua, multum odorati sapidique retinuit.

§. 2972.

PHLEGMA in destillatione *sal* excipit; de eo ergo nunc dicendum sequitur. Primus, quantum invenire licuit, ejus mentionem fecit AGRICOLA; succinum, inquit, artificiosa coquendi ratione vertitur partim in oleum — partim in bitumen nigrum — partim denique in candidum quiddam et tenue, quod similitudinem quandam gerit speciemque salis; id ut aliud quodvis tenue succinum, igni accensum ex flamma cum fumo evolans evanescit. — Post illum

I 5

Liba-

deberet, alias enim sal mox subsequens irritum sane reddet laborem; eligendum demum ad operationem succinum nitidum, crusta nulla scabrosa indutum. *de W.*



Libavius paulo plenius descripsit, et ut scilicet, quam Agricola, distinctius quid de eo traderet, ex bituminosa pinguedine, melanteria, halonitro et paucum alumine constare dixit. — Ab illis temporibus varii multo, et quod maxime dolendum est, inutili labore sal nostrum ad notum jam salis genus referre conati sunt. Inde factum fuit, ut plurima cum illo instituta experimenta potius ad singularem ejusque Auctoris de hoc sale opinionem firmandam, quam ad veram ejus naturam detegendam directa fuerint.

§. 2973.

VOLATILE quum vidissent nonnulli, Classi *alkalino-volatilem*, quae animale subpeditat regnum, adscribere; inter quos praecipui: MAURIT. HOFFMANNUS, GLASER, et recens scriptor in *commerce. litterar. Norimbergensi a. 1744. p. 157.* Qui fieri possit, ut à succino, quod inclusas tenet insectorum exuvias, destillatione sal alkalinus obtineatur, explicavit *Cel. MACQUER*: an verius quam acutius, judicent alii. *)

§. 2974.

ACIDUM esse sal hoc, primus demonstravit *BARC-HUSEN*, post illum *BOULDUCE*. Sed perperam inde ex hypothese, quam sibi varii Auctores pro succini generatione explicanda ornandam sumserunt, diversis acidorum generibus adscribere, ut vix corpus detur, quod, invita natura, tam crebras in Chemicorum scriptis metamorphoses sustinuerit. *Cl. NEUMANN*, *SENDELIUS*, aliique, quum acidum vitrioli succini compositionem ingredi opinarentur, prona inde con-

*) ADSEMTUM certe magis, quam demonstratum id videtur; nam, etsi daretur ex insectis productura alkalina; quomodo haec eadem obtinebuntur dote sibi propria, tantae salis acidi, simul elevandi, copiae interjecta? de W.

conclusionem sal succini *vitriolicum* esse pronuntiarunt; cui sententiae favere etiam videtur *Cl. Hoffmannus*. Hanc opinionem, tanquam ridiculam et precariam sibilavit *Cl. Bourdelin*; sed versa pagina, quod maxime mireris, invenis Doctissimum Virum succini prius liquidi indurationem aquae marinae tribuere, quam propterea, ut habeat, qua liquidum succinum ubique irriget, in cryptas quoque subterraneas introducere non veretur; et ex hac opinione magno ausu, eodem tamen, quem mox castigaverat errore, *acidum salis* in succinum intrudere conatur. Quoniam jure id factum sit, postea examinandum sequitur. Unus omnium *Celeb. Port*, sicut de universa chemia, ita de salis nostri historia, eximio, quem de eo conscripsit, tractatu egregie meruit.

§. 2975.

ANTEQUAM ad specialius hujus salis examen procedamus, nonnulla de ejus *depuratione* praemittenda sunt. Haec maxime est necessaria, ubi adcurata cum eo instituere velis experimenta; magna enim olei copia, quae sali mox sublimato juncta illud penitus quasi obvolvitur; et vires ejus in alia corpora hebetat, et aliorum in illum actionem obtundit, vel penitus eludit. Optima, quae jam à *Cel. Port* aliis praelata fuit methodus, sequenti modo peragitur.

§. 2976.

EXEMTUM ex retorta sal inter chartam bibulam facpius mutandam ab adhaerente oleo, quantum fieri potest, purgandum, tum aqua calida solvendum, filtrandum; et in vase vitreo leni evaporationi exponendum est; ubi jam nata ad latera vasis spicula propinquum indicant crystallisationis punctum, reponendum vas in locum frigidum, quietum: sic brevi ab omni parte fundum potentia spicula integram ibi efformant crustam, quae decantato reliquo liquore eximenda



menda, et seorsim servanda est. Dein maxima reliqui lixivii pars eodem modo in sal siccum priori magis fuscum redigitur. Quod sub finem remanet, oleosum, fuscum, liquidum abjici debet.

§. 2977.

Nec quidem praevia haec inter chartas exsiccatio absolute necessaria est; purissimum enim sal adquiri saepius expertus sum, si omne sal retortae parietibus adfixum, antequam extrema ignis tortura spissiori oleo implicari potuit, calida aqua elui. Spissius enim empyreumaticum oleum, ubi semel sal inquinaverit, aegre ab illo recedit; major tum aquae ebullientis copia ad solvendum hujusmodi sal requiritur, quae semper aliquid olei sali adhaerescens abripi solet, quod transitum per filtri poros invenit. *) Id autem revera fieri, fuscus muriæ salisque color abunde testatur. Alii, ut eo purius adquirant, cum absorbentibus, v. gr. creta, mistum sublimari jubent, quae *Illustr.* BOERHAAVE pro alkalinorum volatilium depuratione optime adhibuit. At in nostro sale res aliter procedit; id nimirum, acidum quum sit, cretam solvit, quae dein fortius illud trahit, quam ut amplius sublimari possit. **)

§. 2978.

- *) Ut hoc ipsum aliquanto magis inpediatur, filtrum aqua prius madefieri probe debet, ut sic adfinitate majori aquam adtrahat quam oleum. *de W.*
- **) Non haec unica est causa, cur damnum cretae additamentum: experimentis enim constitit, additione hac impurum reddi sal, atque cretae, aliusve absorbentis corporis partem quamdam acido sali unitam sublimationis inpetu sursum rapi, salique puro admisceri; quo sane in casu alia longe, quam dum purissimum adhibetur, oriri debebunt phaenomena: vide



§. 2978.

Si tamen additamentum adhibere placeat, nitidissimum acquiritur sal, si cum sale communi bene mistum sublimetur: tunc enim oleum pro maxima parte in sale communi defixum remanet.*) Sed monendum erit, me in sequentibus experimentis nunquam sal hac ratione depuratum adhibuisse, quod licet purissimum sit, contractae tamen alienae labis suspicionem movere posset.

§. 2979.

SAL succini modo mox descripto depuratum crystallos format prismaticas, triangulares, quarum apices oblique sunt truncati. Pulcherrime se monstrant, ubi gutta solutionis microscopio valde augente**) vel crystallus aquae immerfa simplici lente conspicitur: tunc quodvis latus hujus prismatis perfectam monstrat rhomboidem.

§. 2980.

vide quae in *historia chemica lactis* circa depurationem *Lichtensteinianam* sacchari lactis per absorbentia &c. monui. de W.

*) Nec hanc probo methodum. Optimum nunquam non inveni pro depuratione salis hujus a maxima olei adhaerentis quantitate, ut sufficienti terrae siliceae, ab omni terra inhaerente aluminosa (utpote ab acidis solubili) mediante acido vitriolico liberatae, ex liquore silicum dejectae quantitati mistum sublimationi exponatur; facto hoc reliquum repetita crystallisatione absolvitur: obtinetur sic sal depuratissimum, et nulla plane labe heterogenea inquinatum: methodus eadem pro omni alia salium similium depuratione valet. de W.

**) METHODO BACKERIANA. de W.



§. 2980.

SAPORIS est manifeste acidi, subadstringentis.

§. 2981.

EXPERIMENTUM I. Difficillime solvitur aqua frigida, facile contra calente. In temperie grad. 52. Therm. Fahrenheit: aquae quantitas ad solutum fuit uti 24 :: 1. In aqua ebulliente uti 2 :: 1. Post refrigerationem maxima salis quantitas excutitur, *) ejus tamen plus solutum manet, quam frigida solvere potuisset. **)

§. 2982.

SOLVITUR pauca ejus quantitas in *spiritu vini rectificatissimo*, si calor accedat; in frigido illo non solvitur, neque in *spiritu terebinthinae*. V. *Port in Mem. de l'Acad. de Berlin 1755. p. 59.*

§. 2983.

GRADU caleris illum aquae ebullientis aliquantum excedente liquefit, tumque specie densi, albicantis, pulmonibus infesti vaporis, ***) in auras evanescit, si

*) MORE consueto salibus, quorum major a calente quam a frigida aqua copia solvitur. de W.

**) METHODUM, qua id determinaverit, Cl. AUCTOR non indicavit: aestimato pondere salis ad experimentum hoc adsumti, et a frigefacto latice excussi, probe siccati disparitas non adeo magna sese prodidit. de W.

***) Hoc et aliis salibus acidis volatilibus, ut de acore vitriolico phlogificato etc. taceam, commune est: monuit dudum Cl. STAHLIUS, à vaporibus prunis inspersae benzoës laedi pulmones (adde et oculos) ob sal acidum, quod hac operatione liberatum, in auras fugatur, et una cum aëre atmosphaerico per tracheam adducitur. de W.

si bene purum sit, omne; minus purum post se relinquit carbonem.

§. 2984.

Cum *alkalinis fixis, volatili, terris absorbentibus, calcareis* effervescit, hasque solvit. Effervescencia cum *ALKALI volatili* prae caeteris vehementior fit, praesertim si *spiritus salis ammoniaci* ipsi salis, aqua non soluto, adfundatur.

§. 2985.

SYRUPUM violarum, si bene purum est, sive siccum, sive ejus lixivium, sive etiam phlegma prius descriptum, succini adhibeatur, rubro colore tingit. *CL.* Porro idem tentanti non successit experimentum; in *Commercio litterario Norimbergensi* syrupum admixto hoc acido *viridi* colore tingi adfirmatur, quod sine dubio salis adhibiti adulterationi adscribendum est.

§. 2986.

Adfuso *oleo vitrioli* non effervescit, nec ullos vapores emittit; ubi vero aqua solutum pro experimento adhibetur, comparent quidem vapores, sed non sunt nisi aqua, quae adfuso concentrato oleo vitrioli calefacta avolat.

§. 2987.

QUOCUNQUE modo tractetur, nunquam forma liquida concentrati spiritus, sed semper forma solida pristina comparet.

§. 2988.

MURIA salis succini lixivio puro *alkali fixi* saturata, filtrata, lenta evaporatione abit in crystallos pelucidas, eiusdem cum crystallis salis succini figurae. Sapor ei peculiaris; aqua frigida facile solvitur; quae dote a tartaro vitriolato quam maxime differt; prunis



nis, vel ferro candenti, injectum decrepitat, funditur; fixum tamen et neutrum remanet. Acida illi superfusa nullam mutationem inducunt. Aquam fortem non mutat in aquam regiam. Argentum ex aqua forti non praecipitat: praecipitat tamen acetum plumbi in calcem albam; sed in Saturnum corneum neutiquam conflandam.

§. 2989.

EADEM muria *alkali volatili* spiritus salis ammoniaci sollicitè saturata, evaporatione abit in sal medium ammoniacale; quod valis exquisitissime clausis sublimatum purissimum acquiritur. Sal hoc perfectè medium saporis est amaricantis; linguae refrigerii sensum inprimit; nullum ad reagentia superstitis acidi indomiti vestigium monstrat. Argentum non praecipitat ex aqua forti, nec sane in regiam mutat. In cochleari argenteo prunis expositum fluit et specie vaporis omne in auras avolat.

§. 2990.

DIFFICILE est in compositione horum salium punctum saturationis invenire; saepiusque, si inventum credas, postea demum unius vel alterius praepondium observabis. Lente hinc procedendum et ubi jam ad certum gradum perducta est evaporatio, uno alterove tentandum, an lixivium illo adhuc indigeat; saepe denique turbulentus liquor repetitam postulat filtrationem.

§. 2991.

NITRO in crucibulo candenti fuso injectum pro quantitate olei adhaerentis majori minorive vehementia detonat. Sal succini una cum acido nitri in auras evanescit; quo facto nitrum in merum alkali mutatum deprehenditur. Quantitas adhibendi salis succini ob diversam ejus puritatem determinari non potest;

ea tamen semper major, quam nitri, requiritur. Haec detonandi proprietates impedit, quo minus salis succini cum nitro destillatio sine periculo institui possit, quod *Cel. Post* expertus est. *)

§. 2992.

Si cum alkali fixi purissimi et pulveris carbonum aequali quantitate exacte mistum calcinationi committitur, ea peracta non hepar sulphuris, quemadmodum ab acido vitriolico contingit, sed merum alkali residuum invenitur. Probe attendendum est, ut alkali quam sincerissimum et recentissime depuratum adhibeatur, quod mora ex aëre nihil vitriolici adtraxerit; id enim sali tartari, et aliis, saepius temporis diuturnitate contingit.

§. 2993.

SAL succini in destillatione cum *acidis aceti, salis communis, nitri, vitrioli* pristina sua forma sublimatur, oleosa parte horum acidorum et sublimationis ope abstracta, purissimum, candidissimum; acida inde inmutata in excipulum redeunt, et quodvis pristinas suas dotes perfecte monstrat. Ut his acidis solvatur, calore opus est; in frigore nil fere solvunt: et si calore adjuta solverint, mox tamen, accedente refrigeratione, elabi iterum sinunt. Unicum acidum vitriolicum in frigore etiam facile solvit.

§. 2994.

SAL succini cum spiritu nitri, quacunque ratione tractetur, nunquam aquam regiam cum illo constituit.

P. III.

K

tuit

*) ORIENTE semper majori minorive copia nitri flammantis. *de W.*



tuit: nam, sive succini phlegma, sive sal ipsum, sive ejus lixivium, sive salia media cum illo confecta, antea descripta, aquae forti sollicita miscela et diuturna digestionem jungas, sive spiritum nitri salis succini adfusum inde per distillationem iterum avoces, id nunquam in auri menstruum evadit.

§. 2995.

SAL succini una cum aequali quantitate salis communis aqua pura solutum, si destilletur, redit in excipulum iners ad solutionem adhibita aqua; quo facto sal succini purum, albissimum sublimatur, relicto suo oleo in sale communi, quod inde fuscum factum in fundo remanet.

§. 2996.

SAL succini nil de sale communi secum abrupuisse testatur ejus cum aqua forti commistio, quae inde in regiam non mutatur. Non tamen, candidissimum licet, omni adhaerente oleo liberatum videtur. Cum nitro enim in crucibulo candenti detomuit, minori quidem vehementia, quam simplici filtratione et crystallisatione depuratum.

§. 2997.

SAL succini si cum aequali quantitate florum *salis ammoniaci* exacta tritura misceatur, per distillationem parum acidi, flavescentis liquoris expellitur, qui in excipulo collectus omni dote verum spiritum salis se monstrat: fortiori igne sal utrumque residuum in retortae collo sublimatum adparet, sic tamen, ut inter sublimandum bina salia a se invicem separata fuerint. Sal ammoniacum inferiorem colli retortae partem, sal succini superiorem occupabat, aliquid alkalini, quod acidum salis amiserat, sibi junctum habens. In fundo exigua quantitas nigri carbonis remansit.

§. 2998.

§. 2998.

CERL. PORT, qui hoc experimentum descripsit, *Mém. de l'Acad. de Berlin*, 1755. p. 63. 64. alium eventum notavit; quamvis eandem utriusque salis proportionem adhibuerit. Residuae fuliginosae materiae se plus accepisse scribit, quam salis succini pro operatione adhibuerat. Ipse ejus non nisi parum invenit. Forte sal ammoniacum, quod adhibuit, vulgare, aut diversae puritatis sal succini, hujus discriminis causae fuere. Quod autem dicat, merum sal ammoniacum sublimari, et inde concludat, succini sal ab alkali destrui, id majoris momenti videtur. Et liceat, pace Viri in Chemieis summi, aliter sentire. Verum quidem est, hac operatione sal ammoniacum purum iterum obtineri; id autem in collo retortae inferius haeret, cum superiori non confundendum. Si sal succini revera destructum esset, cum praeterea acidi salis pars expellatur; in residuo sale alkali praevalere deberet. Id autem sui indicium nullum praebet; contra si eluis omne sal, id acidum deprehenditur, ab admisto nimirum sale succini, cujus major, quam acidi expulsi quantitas superest.

§. 2999.

OBSERVANDUM praeterea, hac methodo mechanica modo mistura combinari haec salia, qua pro parte tantum in se invicem activa redduntur: quoad reliquam, et maximam quidem, partem inmutata in altum feruntur. Licet etiam vel exquisitissimam facias unius cum altero trituram, impossibile tamen erit, amborum minimas particulas ita sibi invicem adplicare, ut sal in sal omni sua vi agere possit.

§. 3000.

TENTAVI ergo, ea, quantum fieri posset, intimius jungere. Ut certus essem, omne, quod prod-



iret, salis acidum a sale succini expelli, sumsi flores salis ammoniaci, qui solutionem in aqua, destillationem et subsequentem sublimationem jam subierant: spiritus salis omnino nil accepi. Tum huiusmodi florum drachmis duabus admiscui salis succini purissimi drachm. $1\frac{1}{2}$ et aqua solutas destillationi commisi. Rediit primo pars magna adhibitae aquae prorsus insipida, sensim acescens; tandem albis vaporibus conspicuus, acidus, incoercibilis, luti poros penetrans spiritus, qui excipulo effusus totum conclave fumo replevit, et diu servatus continuo fumavit. Nec ullum, quin verus spiritus salis fuerit, dubium remanere potest; nam aquam fortem in regiam mutat; argentum aqua forti solutum in lunam corneam, plumbum in saturnum corneum praecipitat; cum sale tartari sal commune *), cum alkali volatili sal ammoniacum regenerat: creta denique in illo soluta post perfectam exsiccationem brevi in deliquescentiam abit. Salium sublimatio in hoc experimento eodem fere modo, ac in praecedenti, contingit; sed sal in collo superius simul et antea, ob maiorem spiritus acidi copiam expulsam, plus alkalini sibi junctum habet, ut propemodum simile sit sali antea exposito, dum de unione muriæ salis succini cum spiritu salis ammoniaci agebatur: posterius autem sal magis magisque acescit; inferius non est nisi verum sal ammoniacum. Solutione et sublimatione ad sextam usque vicem denuo repetitis, continuo adhuc aliquid acidi salis fuit expulsum, quantitate minori, idemque magis magisque debilitatum.

§. 3001.

*) Non *sal commune*, si proprie loqui velis, sed *sal digestivum* SYLVII, a genuino sale communi basi alkalina minerali utique diversum. *de W.*

§. 3001.


Sic procedendo multum spiritus salis fuit expulsum, sed simul nonnihil salis ammoniaci immutatum remansit. Itaque, drachm. 1. salis succini superaddita, destillationem ac sublimationem denuo institui. Prodiit iterum aliquid spiritus salis fortis, fumantis; secunda et tertia vice repetita operatione, etsi valde dilutum acquisiverim, penitus tamen exhaurire omnem non potui, quia adhuc exigua salis ammoniaci quantitas superstes fuit. In fundo retortae pulvis nigerimus plane insipidus residuus mansit.

§. 3002.

DESTITI tandem, *Cl. Auctor* subdit, a taedioso opere. Ponderatis productis habui: salis amaricantis, refrigerantis, quod ad antea descriptum ex unione spiritus salis ammoniaci cum muria salis succini nascentis, fere accedebat, drachm. 2. salis ammoniaci gr. 25 capitis mortui drachm. $\frac{1}{2}$; quae, si in summam contrahantur, ea pondere salium adhibitorum drachm. $4\frac{1}{2}$, minor est drachm. 1. gr. 35, quod expulsum fuit acidum salis, utpote multa aqua mistum, ponderare non licuit. Notandum quoque, residuum sal ammoniacum non amplius fuisse saporis adeo pungentis; quemadmodum alias esse solet. Videtur itaque salis succini aliquid saltem admistum habuisse, quo cicuratum fuit; aquam fortem difficulter in regiam mutavit: sal alterum superius nequaquam.

3003.

CRETA in salis succini muria solvitur quam facillime, et ubi ejus, quantum solvi potest, solutum est, sapor acidus penitus perit, et fit amaricans. Filtratione facta crystallisatio longe citius, quam cum sale succini puro contingit. In fervida adhuc brevi tempo-



re spicula sese decussantia in fundum delabuntur, quae in aqua suam figuram servant, post plenam exsiccationem autem in pulverem rudiores, grysei coloris, fatiscunt. Sal sic paratum in aëre non deliquescit; aqua non nisi fervida solvitur.

§. 3004.

ADFUSO *acido* quocunque nulli vapores exsurgunt.

§. 3005.

CRETAM ex hoc sale forma pristina praecipitant alkalia, fixa et volatilia, ex acidis uncium acidum vitriolicum.

§. 3006.

MURIA salis succini cretam non nisi ex solo acido vegetabili praecipitat; in acidis fossilibus solutam intactam relinquit.

§. 3007.

SAL succini hac ratione cum creta junctum omnem suam *volatilitatem* amittit; fortissimo sublimationis igne nil ejus in altum fuit elevatum.

§. 3008.

SAL succini ex creta per destillationem cum *acido* concentratissimo *aceti* non expellitur; purum redit vegetabile acidum, creta intacta in fundo permanet.

§. 3009.

IDEM contingit in destillatione huius salis cum *acido salis communis*.

§. 3010.

ALITER autem evenit, si loco spiritus salis huius destillationi adhibeatur *solutio salis ammoniaci*:
tunc

tunc enim acidum succini, magis amicum alkali volatili, cretam deferit; et cum illo se iungit; dum, ex obposito, acidum salis cum creta unitur, eique colorem splendidum, argenteum conciliat. Sed quum quantitas acidi in sale ammoniaco, huic experimento adhibito, major fuerit, quam quae ad cretae saturationem requirebatur, reliquum sal ammoniacum immutatum, simul cum novo hic nato sale commistum, sublimatum fuit. Facile etiam patet, hac operatione saltem simile saepius jam adducto sali succineo-ammoniacali adquiri, si salis ammoniaci quantitas accurate prius definita fuerit. Acidum salis hoc experimento cretae junctum fuisse, sequentia evincunt: albi, sylvestres vapores, quos adfusus tali cretae vitrioli oleum expellit, et subita ejus ope facta mutatio aquae fortis in aquam regiam, quod cum creta, sale succini soluta, nequaquam contingit.

§. 3011.

Nec huic experimento obstat aliud, quod in sale ammoniaco observatur, phaenomenon, cui si in aqua soluto injiciatur creta, haec acidum, quod est in sale ammoniaco, a basi sua alkalina abstrahit, eo-que solvitur. In nostro enim experimento creta non pura, sed acido jam soluta, adhibetur: quum praeterea, uti ex praecedenti experimento constat, sal succini per spiritum salis ex creta non expellatur, id hic per duplicem adtractionem, acidum salis inter et cretam ab una, et inter sal succini et alkali volatile ab altera parte, fieri necesse est.

§. 3012.

Si sal hoc cretaceum cum spiritu nitri destilletur, redit iterum maxima spiritus nitri pars. Eo fere omni abstracto, qui supererat, valde concentratus, cum inflammabili a sale succini cretae adhaeren-



te subito detonuit, omnemque apparatus disjecit; infundo retortae multum materiae fuliginosae, et pauca salis succini spicula retortae lateribus adfixa inveni.

§. 3013.

ACIDUM vitriolicum, si eodem modo cum hoc sale destilletur, cum creta se unit, et acidum succini inde expellit, quod dein forma sua pristina sublimatur.

§. 3014.

Nunc relationem salis succini ad corpora alia examinat Auctor. Sal succini, ait, aqua destillata solutum, *menstruum variorum metallorum* evadit. Quum vero ejus muria in frigore bene saturata obtineri nequeat, digestio cum plerisque in calore sat intenso accedat oportet.

§. 3015.

CURRUM post diurnam digestionem solvit. Solutio coloris est graminei. Praecipitatur alkali fixo; adfuso alkali volatili color primo intenditur, mox aliquantum turbatur, absque sensibili praecipitatione, tandem in caeruleum mutatur. Ex acidis unicum vitriolicum in calcem albam praecipitat.

§. 3016.

FERRUM satis cito absque ulla, notabili saltem, effervescencia solvitur. Solutio leviter flavescens mora magnam fuscae ochrae copiam dimittit. Ferrum ex hac solutione praecipitatur alkali fixo in calcem primum albam, mox flavescens, quae tandem viridis adparet. Cum alkali volatili sit praecipitatio albida, leviter flavescens: si tum statim superadfunditur aqua destillata, color subito in profunde viridem

dem mutatur; haec autem mutatio non contingit, si sibi relicta praecipitatio semel profunde flavescentem colorem induerit, qui adfusa aqua non amplius mutari potest. Acidorum nullo ferrum ex hac solutione excutitur.

§. 3017.

STANNUM, calore adjutum, solvit; illud autem sponte iterum in fundum subsidit forma calcis albisimae; ex supernatante liquore nec alkalieis, nec acidis quidquam praecipitari potest.

§. 3018.

PLUMBUM vix rodit. Nec alkalia, nec acida aliquid ex muria, quae per plures dies cum plumbo digestionem exposita fuerat, praecipitare valuerunt. Interim tamen plumbi rasura albescenti pulvisculo, cerussae simili, obtegatur.

§. 3019.

ZINCUM facillime solvit. Ex solutione praecipitatur alkali fixo forma calcis albae; adfuso alkali volatili nulla sequitur praecipitatio; liquor, antea excolor, rubellus fit, nec postea amplius, superadfufo alkali fixo, praecipitatur. Sic solutum Zincum nullo acido excuti potest.

§. 3020.

BISMUTHUM difficiliter solvit; solvit tamen calore adjutum. Alkali fixo et volatili inde praecipitatur; sed cum volatili demum post plenariam saturationem.

§. 3021.

ARGENTUM, Mercurium, Platinam, Regulum Antimonii intacta relinquit.

K §

§. 3022.



§. 3022.

ARGENTUM, vel *Mercurium* aqua forti soluta non praecipitat.

§. 3023.

PLUMBUM aqua forti vel spiritu salis solutum non praecipitat.

§. 3024.

PLUMBUM acido vegetabili solutum momento, quo instillatur, forma calcis albae praecipitat, quae tamen in saturnum corneum confari non potest. *Celeb.* Post praecipitationem hic fieri negat; eam tamen obtineri, repetitis experimentis certus sum.

§. 3025.

Quae hucusque recensui, praecipuae sunt de hoc sale *observationes et experimenta*, ex quibus de salis ipsius natura nonnulla *corollaria* elicere licebit. Et si enim multum absit, quin ad hanc penitus perspicendam sufficiant, forte tamen ulteriorem ejus cognitionem faciliorem reddere juvabunt.

§. 3026.

ACIDUM esse sal nostrum proluxa probatione non indiget. Docet sapor; evincit, antea late expositus, habitus ad reagentia. Nec operae pretium esset, pluribus exponere scientiam, quae jam dudum omnium Chemicorum suffragium jure meruit. Sed acidum quum sit, an propterea uni vel alteri ex notis jam acidorum generibus adnumerandum est? Mirum sane, omnes fere Auctores, nimium saepe ad nova rerum genera constituenda pronos, sal nostrum vel *vitriolicum* vel *muriaticum* pronuntiasse.

§. 3027.

§. 3027.

VITRIOLICO acido à plurimis ob praeconceptam de succini generatione opinionem adscriptum fuisse, jam dictum fuit. Conjectura est, quae parum probat. Et, si vel certum esset, sal succini primam suam originem acido illi primigenio, quod dicunt, seu vitriolico debere; an inde sequeretur, id vitriolicam naturam in succino pristinam servare; etenim et hic, ut in omnibus fere corporibus, contingunt variae rerum transformationes, novi salis generatio fieri posset. Sed quatenam in materie illa succinea, quam fluidam esse verosimile est, post factum cum acido vitriolico connubium mutatio contingit? Eam inde rigescere dicent, qui pro sale succini vitriolico loquuntur. Explicent, quaeso, qui is effectus ab acido unico omnium potentissimo et quasi destructore succini menstruo obtineri possit.

§. 3028.

PRAETEREA tranquillam sine ullo vaporis aut effervescientiae indicio horum acidorum permissionem, illorum identitatem arguere existimant. Speciosum quidem est argumentum, sed accuratius examen non sustinet, quin sponte collabatur. Id in genere tenendum est, sal nostrum fere ubique paulatim suas vires exferere, et ab aliis non nisi lente adfieri, cujus torpedinis quasi causam oleo, quo succini sal obvolutum est, *Cel. Port* recte tribuit. Hinc etsi vitrioli oleum in illud agat, agit autem dum solvit, id tamen fit absque ulla turba; sed et in saccharo, tartaro, floribus benzoin similiter nulla effervescencia fit. Quod denique acidum succini non expellatur, id mirum non est, quum fixitate ipsi vitrioli acido non multum cedat; et facta utriusque simul destillatione, sal succini cum ultima demum olei vitrioli parte elevatur. Tandem basin alkalinam vel terream, unde
ex-



expelli possit, non habet; si cum basi fixa v. c. creta jungatur, omnino facta destillatione expellitur, quemadmodum ex antea adlato experimento patet. Creta in eo soluta, uti prius dictum fuit, vitrioli acido momento praecipitatur, cum cupro idem contingit, mercurium aqua forti solutum non attingit, quem tamen, si vitriolicum foret, in turbith praecipitaret.

§. 3029.

SUFFICERE possent, quae mox diximus experimenta, omni exceptione maiora, pro naturae utriusque acidi diversitate demonstranda, restant tamen magni momenti argumenta. Si sal nostrum *vitriolicum* foret, deberet cum inflammabili illi adhaerenti sulphur constituere; per factam fortem fusionem in sulphur mutari; vel cum alkali fixo saturatum in tartarum vitriolatum abire; vel per detonationem cum nitro sal polychrestum relinquere; vel tandem alkali fixo et carbonibus admistis post calcinationem in hepar sulphuris abire; quorum omnino nullum contingit, uti prius demonstratum fuit.

§. 3030.

Cum *acido nitri* sal nostrum vix ulla dote convenit; multis autem quam maxime diversam indolem monstrat; nec ab ullo fere Auctorum illi comparatum invenies. Forte, quum nitrum perfectum nunquam fossile reperiatur, nemo huc usque eo acuminis adscendit, qui naturam ad succini generationem acido nitri indigere nos docuerit. Id revera non esse, facile persuasum habebit, qui, quae antea observata sunt, rite perpendet.

§. 3031.

*) Contrarium huius ex observatis novissimis, alio loco adferendis, nunc evictum habetur. de W.

§. 3031.

Si ad salis nostri indolem, et ad quamplurima experimenta, quae unusquisque, si accurate procedat, eodem certe successu repetere poterit, unice attendere velimus; facile patet, id *ab acido salis omnino diversum*, ne ullam quidem cum eo adfinitatem colere. Haec itaque tractatio aequae brevis ac praecedens esse posset, ni celeberrimus apud gallos scriptor D. BOURDELIN integra de hac re conscripta dissertatio (*in Mem. de l'Acad. R. des sc. de Paris 1742.*) rem inpeditionem reddidisset. Ejus sententiam postea Auctorum plerique *) sequuti sunt: CL. MACQUER praecipuis nostri scriptoris de hac re merita laudibus in coelum tollit, tanquam si illi uni reservatum fuisset, naturam salis nostri acidam, antea incertam, rite demonstrare, propriamque eius indolem detegere. Mr. BOURDELIN, inquit, *a eu toutes ces difficultés*, de quibus mox dixerat, *à surmonter*, et *n'a cessé de rencontrer toujours de nouveaux obstacles dans cette enuieuse matière grasse*, qui, *comme un voile impenetrable*, *lui cachait continuellement l'acide*, dont il *cherchait à découvrir la nature*; mais *enfin*, *à force de multiplier des expériences*, *il est heureusement parvenu à son but*. Meritae laudis minime invidiosus purus veritatis amor jubet, quidquid forte erroris inrepperit, notare.

§. 3032.

PRIMUM, quod magni facit, argumentum non est nisi mera *Principii petitio*, aequae precaria, ac, quam praecedenti pagina risit, eorum opinio, qui obstratorum vitriolicorum cum venis succini vicinitatem hujus sal *vitriolicum* declarant. Inde enim, quod
ma-

*) Fufius negotium hoc etiam examinavit CL. de MAILLET, in *Instituts de Chymie T. 2. de W.*



magnam succini partem per maris aestuantis fluctus ad littus propelli constet, concludit succini primariam, liquidam materiem a concursu cum acido maris in duras glebas rigescere. Praematura certe conclusio. Unde enim succinum vel maris productum esse, vel in telluris gremio ab aqua marina indurascere exploratum habemus? Cur non potius id in terra defossum genitumque per fluctuum impetuositatem inde erui, et ad littus propelli dicamus? Sed concedatur, mare natalem succini locum esse: an ideo statim concludas, id a sale marino induruisse? qui succinea materies, quam pinguem, oleosam statuas necesse est, acidum salis ab alkalina basi abripere concipi potest? Cur non potius $\tau\omega$ alkali se jungit; quum, quantum alkali pingua amat, salis acidum ea tantum aversetur? Sed praeterae observationibus viri in chemicis Principis, *Celeb. GAUSII*, certum est, praeter acidum salis communis, marinae aquae vitriolici insuper aliquid inesse, quod sal glauberianum et aluminis nondum descripta species, quae exquisita evaporatione et crystallisatione inde adquiruntur, satis evincunt. Et si vel exploratum haberemus salis acidum in succini compositionem ingredi; an ideo certum est, id inmutatum ibi relinqui? Res non nisi experientia subfragante adfirmari debet.

§. 3033.

EXPERIMENTA ergo contemplanda veniunt. Verissime dicit vir *cel.* alkoholis ope succino superadfusi oleum inde non abstrahi, ut sal purius, quam destillatione obtineri possit. Post diuturnam digestionem succinum verum superstes invenitur, quod, si destillationem subeat, eadem, quae succinum solet, exhibet. Si loco alkoholis digestionem facias cum oleo tart: perdel: succinum aequè intactum ac cum alkohole deprehenditur, quod et sal suum adhuc exhibet.

hibet. En quonam cum successu experimentum ab auctore nostro institutum fuerit. Facta succini unc. $\frac{1}{2}$ cum olei tartari per del. unc. 2. quadrimestri digestionem, habuit lixivium coloris et odoris succinei, ad gustum leviter alkalinum, saporem salis marini in recessu relinquens. Massa in phiala residua erat succinum perfectum. Postremum hoc verissimum esse, exploratum habeo. Sed unde quaeso in oleo tartari natus salis marini sapor, si omne succini sal superstes in succino remansit? Ergo quiddam salis marini succino externe adhaeserit, oportet; quod possibile esse, antea monitum fuit. Vel si, (quod tamen non contingere ipsum experimentum demonstrat) subponamus, sal succini acidum omne extractum fuisse, ejus, et impurioris quidem non nisi $\frac{1}{24}$ ponderis succini, i. e. in uncia $\frac{1}{2}$ grana 10. haerent, quae ob molestum pingue, quod illis inhaeret, (*cette ennuieuse matiere grasse*) acidi vix tantum, quantum grana 6. spiritus salis, continebunt. Si jam optimi sp: salis gran. 6. uncis 2. olei tartari adfundas, linguam certe delicatulam habeas oportet, si acidi salis partem 1. in olei tartari partibus 160. detegere valeas.

§. 3034.

R π sollicite perpensa concludit tandem *vir cel.* acidum succini in alkali fixo figi posse: quod sequenti modo efficere tentavit. Sumit succini partem 1. nitri partes 2. quibuscum inter se mistis detonationem fecit. Sal residuum in aëre libero non deliquescibat. Facta solutione lixivium erat coloris dilute succinei, paululum amaricans, et simul alkalini saporis adhuc aliquid retinebat; nihilominus praeter alkalinum saporem, lingua sal marinum quodammodo ibi detegebat. En ipsissima Auctoris verba; *la solution était d'une couleur légèrement ambrée, un peu amère, et conservant encore quelque saveur alkaline; mais malgré cela*



cela, et à travers ce gout de sel alkalin on y demer-
lait cependant encore, comme je l'ai dit plus haut en
parlant de la teinture du succin faite par l'huile
de tartre par defaillance, un gout salé, semblable à
celui du sel marin. Facta spontanea evaporatione in
fundum praecipitata fuit materies mucilaginosa, in
qua crystalli formae cubicae, oblongae, crassitiei lineae
dimidia comparuerunt, eaeque sapore sal commune
referebant. *Les cristaux laissent l'impression de sa-
lure de sel marin, mêlé, à ce qu'il m'a paru, d'une
très petite fraicheur, beaucoup moins sensible que
dans le nitre.*

§. 3035.

VARIAS dein ope huius salis muriae metallorum
praecipitationes tentavit, quarum sequentes praecipuae
sunt: cum solutione auri in aqua regia effervesceat;
argentum, mercurium, cuprum, in aqua forti solu-
ta, praecipitat in calcem albam; in binis posteriori-
bus cum effervescencia. Crystallis adfusum oleum
vitrioli vapores expellit. Hinc acidum salis ibi inesse
concludit; quum, illo excepto, nullum acidum detur,
quod argentum et mercurium, in spiritu nitri soluta,
in calcem albam praecipitet.

§. 3036.

LICEAT iterum experimenti eventum et conclusio-
nem inde deductam exactius expendere. Subpona-
mus paulisper, etsi revera non ita contingat, succi-
num per detonationem cum nitro omne suum acidum
ibi defigere: calculo instituto ejus drachm. 4. in nitro
adhibito relinquent salis puri ad summum gr. 6. Iam,
etsi secundum calculum *Cel. HOMBERGERII* alkali ibi ra-
tione acidi sit, ut 480. :: 183; ponamus tamen, a
nitri unc. 1. diffilato acido alkalinae partis non rema-
nere nisi drachm. 4; erit proportio salis succini ad
alka-

alkali, uti 6 :: 240., five 1 :: 40.; habebis itaque alkali fixi drachm. 4. cum gr. 6. acidi juncta. Sane acidi quantitas alkalinae partis respectu tam parva est, ut, nisi tibi met imponas, vel quoad gustum, vel quoad effectum in praecipitationibus in censum venire nullo modo possit.

§. 3037.


COLOR à *Cl.* BOURDELIN observatus succineus in lixivio nil novi est; nam quodcumque fere lixivium alkalinum coloris est plus minus flavescens. Itaque hic natum sal alkalinum erit dicendum, atque eodem, ac alkali quodcumque, modo in praecipitando aget.

§. 3038.

FACTUM hinc est, ad quod *vir. Cel.* minus adtendisse videtur, ut nulla earum, quas tentavit, praecipitatio aliter eveniret, quam ab alkali quocumque fixo evenire solet. Quid inde concludis, quod cum aqua regia et aqua forti effervescat? Certe nihil aliud, quam admistum lixivium vel alkalinum fuisse, adeoque praecipitationes ab eo factas a virtute ejus alkalina contigisse. Argentum et plumbum in aqua forti soluta ab alkali fixo aequae ac ab acido salis forma alba excutiuntur, ea tamen differentia, ut a salis acido praecipitata calx argenti in lunam corneam, et plumbi in saturnum corneum conflare possit. Ultima haecce operatio conclusioni praemittenda fuisset: id quum factum non sit, haec von valet.

§. 3039.

Ex antea adlatis experimentis patet, duplum nitri ad subduplam succini quantitatem! pro detonatione producenda nimiam esse; hinc et acido nitroso nondum penitus dissipato, sal residuum non perfecte alkalinum fit.



§. 3040.

OBTENTUM hac operatione sal exactius adhuc exploravit. Syrupum violarum viridi colore illud tinxit; indicio, praevalere alkali. Obtinuit exin crystallos nonnullas sat magnas, oblongas, quales et Cl. BOURDELIN invenit; eas autem, ait, ad nitrosas, quam ad eas salis communis, quae perfecte cubicae sunt, magis accedere, facile patet; nam prunis impositae fluunt, et cum strepitu, nitri in modum, deflagrant. Sapor recte dictus est esse *mêlé d'une très-petite fraîcheur, beaucoup moins sensible que dans le nitre*; est enim revera leviter refrigerans, quemadmodum in nitro adeo imperfecto esse necessario debet. Nec mirum est, si adfuso oleo vitrioli inde vapores expellantur: id enim in nitro aeque ac in sale communi evenire solet, quamvis in utroque vapores adfurgentes sint naturae multum diversae.

§. 3041.

Si vel quidquam acidi a succino, cum nitro deflagrationi exposito, in residuo sale alkalino defigetur, posset tandem, deflagrationem eandem facius repetendo, perfectum sal medium obtineri, si post unamquamque detonationem, quod relictum est alkalini, nitri spiritu denuo saturaretur, ut in nitro sic aliquoties regenerato successive tantum salis succini deponeretur, quantum ad sal perfecte neutrum constituendum necessarium esset. Sed supervacuum est, taediosam hanc operationem instituere, quum, quidquid hoc modo possibile sit, compendio effici possit; si pro detonatione ipsum sal succini adhibeatur; quae operatio antea fuit exposita. Salis succini pro nitri drachma una requiritur circiter drachm. $1\frac{1}{2}$; tantum itaque, quantum ejus in uncis 4. cum dimidia continetur. Fac detonationem; invenies purum putum alkali; tale, quale adquiris, si loco salis succini pul-

verem carbonum fumiffes. Quid ergo? Certo certius decidere licet, acidum noſtrum in hac operatione ſemper una cum nitri acido in auras diſſipari, ut inde nihil concludi queat.

§. 3042.

Quae *Cel. Bourdelin* tradit, *Cl. Stockar* proſequitur: detonationem nitri cum ſuccini aequali quantitate non ſuccedere, nitrum intactum relinqui, et cryſtallos nitriformes, prunis injectas, detonantes, inde adquiri; addito ſpecioſo argumento, ſuperfluum ſuccinum gravi ſuo oleo, admifto phlegmate et macilaginofa materie detonationem nitri plus impedire, quam juvare: ea, an ingenii acumini, an imaginationi, an verò experientiae debeantur, rerum peritus facile iudicabit, et vel inperitus, ſi ſolummodo perpendat, operationem in crucibulo candente ſemper inſtituendam eſſe, in quo ſuccini oleum et phlegma, utcuque gravia, cœyus in auras avolant. Sic ſane eorum ſuperpondium cito tolleretur, niſi invita natura nitrum ſuccini deſlagrationem impedire dicas. Equidem ſuccini deſlagrationem fieri neque adfirmat neque negat: dicit tantummodo, operatione peracta inveniri ſal, quod per evaporationem magnam partem in cryſtallos vere nitroſas redigatur, magis tamen opacas, quam adhibitum nitrum fuerat, earumque opacitatem adhaerenti paucio oleo tribuendam cenſet. Ecquis unquam vidit, nitrum oleo inſectum in crucibulo candente non detonare?

§. 3043.

PATET itaque, quae hucusque conſideravimus *Cl. Bourdelin* experimenta et rationes, pro acidi noſtri natura illuſtranda, adcuratum examen non ſuſtinere, quin facile omnia corruant. Majoris momenti videtur, quod *pag. 174.* refert, ſal ſuccini cum oleo tar-



tari per deliquium combinatum abiisse in sal medium ejusdem indolis cum paulo ante descripto, (ex unione partium binarum nitri cum parte una succini, detonationi simul subjectorum, nascente) id est, secundum Auctoris hypothesein, in sal marinum; id mercurium ex aqua forti cum effervescentia, argentum ex eadem absque effervescentia, formā alba praecipitasse; cum superadfufo acido vitrioli efferbuisset, ac odorem spiritus salis exhalasse. Est sane experimentum, quod omnium primum institui meruisset. Ipse itaque idem plus simplici vice, quanta potui cura, sed longe alio eventu tentavi, quemadmodum ex antea dictis, (ubi de muria salis succini lixivio puro alkali fixi saturata &c. agebatur) patet.

§. 3044.

Quae *Cel. Bourdelin* de virtutibus sui, quod sic obtinuit, salis adserit, ea essi pleraque verissima credam, de ejus tamen natura longe aliter sentio. Valde suspicor, sal non debita aduratione confectum fuisse, et ex ipsis, quae adlegantur, experimentis patet, id non perfecte neutrius naturae, sed pro maxima parte alkalinum fuisse. Unde alias effervescentia cum oleo vitrioli, et solutione mercurii in acido nitri? Sal marinum, si superadfunditur oleum vitrioli, sylvestres vapores exhalat, sed non effervesceat; idem argentum et mercurium absque effervescentia praecipitat. Vellem *Vir Cel.* explicasset, qui contigerit, ut sal cum solutione mercurii efferbuerit, cum solutione argenti non item: haec forte magis, quam illa, diluta fuit. Caeterum de calce, quae praecipitata fuit, alba nihil inferre licet, quoniam quae paulo prius (dum de praecipitationibus argenti et plumbi ex solutionibus, in aqua forti factis, per lixivium *Bourdelinianum* agebatur) desiderari dictum est, etiam hic desint.

§. 3045.

S. 3045.

LICEAT tandem, pace *viri Cel.* argumentum, quo ipse eorum sententiam, qui sal succini vitriolicum pronuntiant, optime refutavit, etiam nostro scopo accommodare. Recte observat (p. 158. 159.) sal succini solutioni mercurii in aqua forti nullam omnino mutationem inducere, idque propterea nequaquam vitriolicum habendum esse, quum vitrioli acidum mercurium ictu oculi citius in turbith praecipitet. Est et argumentum et conclusio inde deducta omni exceptione major. Sed, dum *Cel. Vir* alios refutat, eadem opera propriam suam sententiam lethali vulnere caedit. Acidum salis marini, sive purum, sive cum basi alkalina quacunque junctum, mercurium ex aqua forti ocyus specie calcis candidae, *praecipitatus albus* dictae excutit: quum vero sal nostrum hanc solutionem non attingat, id naturae ab acido salis communis quam maxime diversae censendum est.

S. 3046.

REMOTIS jam, quae obstabant, facile erit ostendere, indolem salis nostri cum acidi marini proprietatibus nullatenus convenire. Componendo cum alkalinis, fixo, vel volatili, acquiritur sal neutrum longe aliud, quam si acidum salis cum iis conjunctum fuisset: si cum acido salis tractetur, illi non jungitur. Quamvis spiritu nitri solvatur, cum eo destilletur, nunquam aquam regiam efficit: acidum salis ex spiritu salis ammoniaci *) expellit. Creta in eo soluta, iterumque exsiccata, aqua fervida difficulter solvitur; quum in acido salis soluta sponte deliquescat. Sal succini plumbum vix rodit, quod tamen acidum salis sat facile solvit. Argentum, mercurium,

L 3

aqua

*) MANIFESTO errore pro *sale ammoniaco*, vel *floribus salis ammoniaci* Cl. STOCKAR spiritum salis hujus posuit. de W.



aqua forti soluta, non praecipitat; quae omnia ex ante expositis tentaminibus deducuntur.

§. 3047.

BOURDELINIANA circa indolem salis succini examinata haecenus sententia, paucioribus nunc *Cl. STOKAR* contemplatur aliam, quam *Cel. POTT* (et post eum, plures alii) fuit sequutus. Unicum, ait, superest *vegetabile acidum*, cum quo comparare nostrum debemus. Id illi plurimis suis dotibus simile esse *Cel. POTT* tradidit. Sunt tamen et hic nonnulla, et nova quidem, experimenta, quae naturae inter utrumque magnum discrimen arguunt.

§. 3048.

Si acidum vegetabile esset, sal medium (natum ex muria salis succini, lixivio puro alkali puri saturata, antea descriptum) idem cum tartaro tartarifato, et aliud (ortum ex connubio ejusdem muriae cum alkaliño volatili sale) idem cum tartaro solubili fuisset; sed neutrum horum uni vel alteri simile deprehenditur. Muria nostri salis cretam itemque plumbum in aceti acido soluta, momento, quo instillatur, praecipitat.

§. 3049.

Si jam omnia hucusque dicta, ea, qua merentur, adtentione considerentur, nullam amplius dubitationem remansuram confido, quin sal nostrum, etsi manifeste acidum, a tribus acidorum fossilium generibus aequae, ac a vegetabili acido, sit quam maxime diversum. Et profecto vel ad primum adspectum, absque praevio examine chemico, aliquid sibi privum prae se fert; semper enim forma solida in crystallis regularibus comparet, quum alias crystalli in salibus mediis, aut saltem ad media accedentibus, quibus
aci-

acidum et alkali simul inest, conspiciantur; *) acida vero quaecunque, si pura sint, non nisi liquida obtineri possint. Ecquidem *Cl. MACQUER* id concretum dicit, quod paucam terram et oleum sibi intime unita habeat; et hoc respectu cremori tartari idem comparat. Oleum illi adhaerere neutiquam negandum; id tamen quodammodo ejus inquinamentum haberi potest; quum, quo magis ab oleo liberetur, eo semper pulchrius, purius, efficaciusque evadat. Praeterea partium diversarum compositio in cremore tartari est multo manifestior, eaque per simplicem distillationem a se invicem divulsae separatim sistuntur, ut ex tartari analysi, cuivis nota, patet: sed succini sal, quomodocunque tractes, vix destruis; semper pristinum, magis homogeneum, adquiris.

§. 3050.

CAETERUM de indole ejus specialiora dicere vix licet, quam quae in ipsa experimentorum historia antea fuerunt adlata — — Quaeri interim adhuc posset, quemnam in acidorum serie locum occupare possit? si a debiliore incipias, sequitur vegetabile, praecedit vitriolicum, fluctuat marinum inter et nitrosum. Expellit acidum aceti, dum ipsum pellitur a vitriolico; cretam nec ex acido salis, nec nitri praecipitat; sed nec illa per haec acida ex succini muria excutitur; quod, quin singulari hujus salis lentiori tribuas, nihil vetat. Acidum salis a basi alkalinata volatili in sale ammoniaco abstrahit, et forte respectu nitrosi cum eadem basi juncti idem faceret, si experimentum citra displosionis periculum institui posset; idem acidum, si cum basi fixa conjunctum inveniat, intactum relinquit: (quae omnia denuo ex

L 4

prius

*) Vix opus esse crediderim, ut, quae circa hoc Auctoris adsertum queant adferri, latius hic moneam.
de W.



prius adlatis experimentis fluunt consecraria). Videtur itaque cum alkali volatili singularem colere amicitiam. An autem statim post acidum vegetabile, an medio marinum inter et nitrosum loco collocandum sit, id fatius est, adhucdum indecisum relinquere.

§. 3051.

VARII Auctores, quum sal nostrum ad notum jam acidum tam prope accedere crederent, problema posuerunt: *An artis ope possibile sit, idem componendo producere.* Id, ut revera impossibile non existimat Cl. STOCKAR, tamen quam difficillimum credit.

§. 3052.

TERTIA, absoluto demum sat amplo salis hoc examine, succini, prosequitur, pars constitutiva *oleum* est. De eo, quum ob temporis, quibus arctabar, angustos nimis cancellos non licuerit nisi pauca quaedam experimenta instituire, quae dicam multa non habeo: sed et vix opus erit, pluribus id facere, quum oleum hoc, quoad dotes suas, optimo jure ad notum naturae productum, *petroleum* nimirum, referri possit, et ab Auctoribus recte relatum sit. Itaque amborum horum convenientiam tantum ostendere animus est.

§. 3053.

OLEUM, quod in succino laet fere omne, si paucam ejus quantitatem, quae in limine operationis destillat, excipias, impurum, spissum, empyreumaticum obtinetur, et multum terreae materiae sibi junctum habet; sub finem inprimis destillationis adeo crassum praedit, ut saepe grumi ejus mucilagine in globulos coacti, si aquae immittantur, alii vasis fundum petant, alii aliquando in ea medii haereant.

Ubi

Ubi ergo pro experimentis oleum desideratur, id praevia depuratione indiget; quae rectificatione perficitur, vel ex retorta, vel ex cucurbita iterum iterumque repetita destillatione; absque, vel cum additamentis.

§. 3054.

Si absque ulla re addita eam instituis, videre poteris, quantum capitis mortui et quale relinquatur; ejus semper sat multum, ut ab aliis oleis empyrevmaticis, invenitur. Post una vel altera vice repetitam operationem bene purum, si tertia vel quarta vice eadem reiteretur, tandem excolor, aquae fere limpiditatis oleum prodit. Additamenta, quae commodè adhiberi possunt, varia sunt; v. gr. aqua, absorbentia quaecunque, farina laterum et similia. Aquam si eligas, ea magna, ratione olei, quantitate adhibenda est: tunc in excipulum nil transit, nisi quod aquae ebullientis calore volatile est, et simul odor empyrevmaticus destruitur, ut oleum evadat purissimum. Si in aquae locum spiritus vini substituitur (nam et alkohol ebullientis calore oleum hoc sublime fertur), hinc omnia purissimum, pellucidissimum acquiritur: sed simul lenta valde est haecce procedendi methodus, nimisque dispendiosa, nisi eandem operationem saepius instituas; tunc enim eundem spiritum vini, qui in excipulum eam oleo transiit, adhibere iterum poteris. Absorbentia etiam quam optima sunt; serviunt enim ad materiam viscidam irretiendam, ut oleum ab adhaerentibus sordibus liberetur: sed forte simul boni olei multum in iisdem nimis pertinaciter defigitur, quam ut commodè per destillationem absque novo empyrevmate iterum separari possit. Ergo rectificatio aquae ope aut olei per se aliquoties repetita, reliquis methodis antehabenda videtur.



§. 3055.

DIXERAT GLAUBERUS, oleum succini cum spiritu salis multum limpidius, quam per se rectificatum; cum sale tartari minus pellucidum, sed fortius obtineri. Addit simul: si post factam per spiritum salis depurationem, idem cum aqua regia bene concentrata destillationem denuo subeat, tantam acquirere subtilitatem, ut Martem et Venerem quodammodo solvere et in optima convertere medicamenta valeat: in secunda hac rectificatione non omne oleum transire, sed magnam ejus partem stygia aqua figi et inspissari instar pulchrae mastiches; in calore mollis et ad digitorum ductum cerae instar sequacis; in frigore adeo durae, ut frangi et in pulverem teri possit, coloris esse splendentis aurei.

§. 3056.

REPETIT AUCTOR GLAUBERIANAS operationes, adhibuit pro destillatione oleum jamjam pulchre depuratum; idem vero post factam utramque operationem magis flavescens spissiusque recuperavit. Spiritus salis et aqua regia inmutata in excipulum redeunt. In retorta residuum mansit multum carbonis nigri, friabilis, qui igni inpositus ob acidum salis adhaerens decrepitat et dissilit, vel in cineres comburitur. — Quin et dixit idem GLAUBERUS, pulcherrimum confici posse succinum, si oleo succini depuratissimo adfundatur spiritus salis bene concentratus: facta siquidem in vitreo vase digestionem oleum tantum salis iterum adtrahere, quantum ejus indiget, ut in solidam mirae pelluciditatis succini glebam rigescat. —

§. 3057.

INSTITUIT jam AUCTOR tentamina nonnulla cum depuratissimo succini oleo, ex quibus didicit, illud so-

solubile non esse, nisi in *oleo vitrioli*, *spiritu terebinthinae*, *oleis* et *balsamis vegetabilium*.

§. 3058.

Cum *alkalinis* in homogeneous liquorem combinare nullatenus potuit, etsi diutissime modico calore digesserit; ea enim, ait, utcumque concutias et mora adjuves, sponte et citissime quidem iterum a se invicem secedunt,

§. 3059.

Cum purissimo *alkohole* idem contingit, neque mediante tertio quodam liquore *alkoholi* et *succini* oleo amicissimo amborum miscela obtineri potest.

§. 3060.

Oleum succini, *spir. terebinthinae* et *alkohol* immisit in eandem lagenam, et fortiter omnia concussit; *terebinthina* cum *succini* oleo conjuncta fuit, supernatante *alkohole*; superadditum *oleum tartari* in fundum subsedit, ibique separatim haesit. *Spiritus salis ammoniaci* conjunctus fuit cum *alkohole*, cum eoque supernatavit.

§. 3061.

Oleum succini, si *spiritum terebinthinae* sibi junctum habet, is superadfufo *alkohole* inde non abstrahitur, neque idem *Spiritu vini* jam junctus a superaddito *succini* oleo cum *alkohole* divortium facit, ut cum *succini* oleo connubium ineat. Sed omnium optime olei nostri cum *spiritu vini* incommiscibilitas ex ante adducto experimento, ubi de miscela phlegmatis ex *succini* per destillationem obtenti cum *alkohole* agebatur, vel ex utriusque simul facta destillatione patet: ambo enim calore in excipulum propulsa non aliter, ac alias cum aqua et oleis contin-



tingere solet, sese averfantur, oleo succini hic infundum subsidente.

§. 3062.

Ex hisce experimentis plurimorum de oleo nostro auctorum sententia pulchre confirmatur: illud nempe optimo jure *Minerali regno* tribuitur, et ejusdem, quoad generaliora, cum *Petroleo* naturae esse recte existimatur. Petroleum datur diversae admodum puritatis et subtilitatis, quemadmodum et succini oleum, quod habetur crassissimum mucosum, sed si probe depuratum sit, adeo subtile, penetrans, volatile, flammam facile adripiens, et pertinaciter retinens, ut ad naphtham fere accedat. Ea tamen omnia, quantum quidem cognitum habeo, in eo conveniunt, quod cum alkohole miscelam constanter recusent, quum vegetabilia olea ejus connubium, alia plus, alia minus adpetant. Nonnulla ex hisce spiritui vini difficulter; spissa, empyrevmatica olea nequaquam, junguntur: eadem tamen cum aqua rectificata ab alkohole post brevem in calore digestionem perfecte solvuntur. Id v. c. in oleo *pseudosuccini* expertus sum. Hoc in destillatione dat oleum empyrevmaticum alkoholi nequaquam miscibile, quod tamen cum eodem, peracta cum aqua rectificatoria destillatione, factaque dein digestionem in calore amice in homogeneum liquorem coit. Itaque *succini oleum* ab *oleis* quoque *vegetabilium empyrevmaticis* quam maxime differt.

§. 3063.

De succini *capite mortuo* pauca dicenda supersunt. Succinum, sive in retorta violentissimo igne torquatur, sive viva flamma comburatur, relinquit
sat

fat multum *) nigerrimi carbonis vel potius terrae cum inflammabili fixissimo principio junctae. Haec phlogiston sibi tam pertinaciter incuneatum habet, ut in crucibulo leviter tecto, trium horarum spatio, fortissimo calcinationis igne continuo ignita ab eo penitus liberari non potuerit, quin adhuc nigredinem suam conservarit, et nitro in crucibulo ignito fluenti injecta cum strepitu detonuerit. Per hanc ignis violentiam in spongiosam, duram massam coalescit, tumque pro multo maxima parte terra apyra constare videtur. Ea falsi vix quidquam sibi junctum gerit, vel si habet, id non est alkali fixum, sed pauca falsis communis quantitas, quae externe succino adhaesit. **) Ferri semper quaedam particulae, postquam omnis massa in pulverem trita est, magnetis ope detegi et separari commode possunt. Si integrae massae, unde ferrum extractum nondum est, acidum falsi vel nitri adfundas, vapores rubri, copiosi surgunt, quemadmodum ab iisdem acidis limaturae martis superadfusis contingere solet. Vitrioli acidum, si concentratum instilletur, vix ullam mutationem inducit; aqua dilutum excitat effervescentiam; sed, quod solvitur, tam parum est, ut non facile subsensus cadat. Attamen etiam ex hoc ferri praesentia se manifestat, quod talis est naturae, ut ab acido vitrioli concentrato difficulter, ab eodem dilutiori facil-

*) MULTUM haec discrepant ab iis quae CL. WALLERIUS circa eandem rem adnotavit; uti paulo post ex illius observatorum recensione adparebit. de W.

**) SED an, si caput mortuum ex succini destillatione residuum adhibeatur calcinationi, sal hoc succino antea externe adhaerens, tanta copia prius transeuntis phlegmatis, olei, vel et impetu adscendentis ipsius succini ablatum fuisset? de W.



lime solvatur. Si alkali aut terra absorbens effervescentiae causa esset, ea ab admisto acido quocunque concentrato fortior quam a debiliore fieret.

§. 3064.

Si jam succini caput mortuum cum residuo ex distillatione sicca vegetabilis cujuscunque comparetur, fit magna inter utriusque naturam differentia apprehenditur. Ex hisce enim, vegetabilibus puta, semper verus obtinetur, qui admoto ad liberum aërem igne facile inflammatur, et per sponte continuatam scintillationem tandem in cineres alkalinos fatiscit; vel si ignem non tam facile capiat, propagetque, potest saltem per lenem calcinationem facile in cineres comburi. Cineres elixando dant alkali fixum, relinquunt terram puram, *virginem*; cui semper, nunc plures, nunc pauciores, martis particulae intermistae sunt, magnete separandae. Hoc respectu, quoad particulas ferreas nimirum, succinum cum vegetabilibus convenit; diversum se monstrat, quod non converti possit in carbonem scintillantem, combustibilem, cineres alkalinos, et terram puram. Fatendum tamen, haud tantam reperiri differentiam, si, quod terebinthina, balsamum vegetabile, relinquit caput mortuum, nostro succini conferas.

§. 3065.

HAETENUS succini analysis chemica, et circa hanc notanda a CL. STOCKAR prolata; quae jam in ipsa diatriba sequuntur circa succini ortum, quem ex variis naturae regnis Auctores repetierunt varii, tum circa succini speciem WISHOLZENSEM, ea, ceu ad scopum meum in hoc opere propositum non facientia, intacta relinquo.

§. 3066.

VIDEAMUS nunc nonnullas adhuc virorum celeberrimorum circa succinum factas observationes chemicas ac tentamina. Chemice examinatum succinum, referente *Celeb. WALLERIO*, sequentia exhibet phaenomena; circa quae in universum venit notandum, varia occurrere ab experimentis *Cl. STOCKAR* diversa. Libellus vero *Celeb. STOCKAR* non innotuisse videtur *WALLERIO*; uti nec aliis variis Auctoribus, qui post illum scripsere: quam ob rem et eo minus supervacuum duxi amplioris, et, si chemica spectes, integri, extracti in opus meum insertionem.

§. 3067.

A. In *testa scarificatoria* calori expositum in furno decimastico primum fumat, odore non ingrato; mox flammam concipit et integre deflagrat; si purum ac pellucidum fuerit, absque remanentia, solum macula fusca in testa relicta: si vero opacum fuerit, relinquit paxillum residui; nempe cineres rubro-fuscos; ejusdem fere indolis cum iis, quos lithanthrax ligneus relinquit.

§. 3068.

B. SOLUTIO *succini*, *WALLERIUS* pergit, est difficilis.

1. In *spiritu vini rectificatissimo* non solvitur, multo minus decomponitur; licet superficialiter immisceatur; unde *tingturae* vel *essentiae* promanant:

2. *OLEA expressa* parum, aut nihil, valent; ad *clarificationem* licet contribuant.

3. Ab *oleis aethereis* vero vegetabilium, accedente digestionem, solvitur succinum, aut integre, aut ad par-



partem; imprimis ab *oleo aethereo terebinthinae*, cum quo in *laccam vernissam* redigi potest:

4. IN *naphtha vitrioli*, ut et *oleo vini*, perfecte solvitur. Eadem est ratio COPALII.

§. 3069.

C. CUM *mineralibus acidis*, et quidem

1. CUM *olei vitrioli albi**) partibus 6. si misceatur succini pulverisati pars una, nigrescit tam acidum, quam ipsum succinum, ac adparet mistura instar *kedriae*, vel *malibae*. Dum decoquitur in balneo arenae, intumescit et spumescit massa ultra margines vitri humilioris et mutatur in massam carbonariam nigram, fragilem, inter digitos pulverisabilem eosdemque denigrantem: cum *oleo vitrioli diluto* mollius redditur succinum et tandem solvitur, quae solutio tamen aqua facile praecipitari potest, dum pulvis gryseus fundum petit, qui edulcoratus et siccatus, carboni ignito injectus, liquefcit et odorem picis spargit.

2. CUM *spiritu nitri fumante* in balneo arenae decoctum intumescit et spumescit atque accelerato igne indurefcit in crustam pulverisabilem; igne autem moderato et sensim aucto solvitur, solutione flava.

§. 3070.

D. PER *destillationem*, prudenter instituendam, praebet

1. PHLEGMA, circa $\frac{1}{3}$ partem succini adsumti. Hoc phlegma sapore et odore est empyrevmatico et parum acido. Si per evaporationem concentratur, deinde, cum sale communi decrepitato mistum, destil-

*) ALBO dicendum fuisset. de W.

stilletur per cucurbitam, sublimatur sal album; quod in hoc phlegmate latuisse, hinc patet.

2. OLEUM ad $\frac{3}{4}$ partes: quod successivo gradu ignis magis magisque obscurum evadit et crassum, odore et sapore, nec non reliquis proprietatibus convenit cum oleo a lithanthracibus destillato; sulphureo, vel alkalino, odore exceptis: cum sale communi decrepitato mistum et destillatum praebet quidpiam salis volatilis.

3. SAL volatile, quod interdum cum oleis, interdum ante olea, sublimatur; mitiori etenim igne plurimum salis phlegma insequi solet, fortiori vero igne necessario olea comitari necesse habet, quum accelerato igne non possunt non omnia confuse destillari.

§. 3071.

Hoc sal, probe per elixivationem collectum et deinde filtratum et crystallisatum, colore est flavescente, textura lamellari; cum alkalinis, tam fixis quam volatilibus, effervescens; syrupi violarum colorem nec in rubrum, nec in viridem, mutans; tam aqua, quam spiritu vini, solubile; in igne volatile; cum salibus alkalinis combinatum constituens sal medium; praecipitans argentum ex aqua forti, idque in lunam corneam mutans. Est itaque sal hoc succini acidum, volatile, saponaceum.

§. 3072.

SED non omne sal succini eo, quo indicavimus, modo se habet. Sal succini praeparavimus per elixivationem; hanc solutionem filtratam in calore solari evaporavimus ad siccum; remanentiam iterum solvimus aqua destillata, filtravimus et evaporationi in calore solari exposuimus: sic obtinuimus sal succini album, quod sapore fere salis communis gaudebat; cum alkalinis fixis et volatilibus non effervescibat;

P. III.

M

cum



cum oleo vitrioli effervescebat et fumabat, similiter cum spiritu nitri fumante; fortius vero cum spiritu salis; cum alkali volatili abiit in mixturam, liquori cornu cervi analogam et aequalem ad saporem.

4. CAPUT mortuum, quod relinquitur, nigrum, est durum et solidum, gagati haud dissimile, si destillatio fuerit accelerata et ad finem non perducta; alias vero porosum et fragile reperitur; atque re ipsa nihil aliud est, quam oleum fixatum, seu combustum, quod facit differentiam inter residuum post succini deflagrationem in aperto igne (*lit. A.*) et hoc residuum post destillationem. Terrestre adest nihil in succino puro.

§. 3073.

OLEUM, per destillationem a succino stillans primo flavescens clarum, deinde rubrum, tandem obscure fuscum, quomodo rectificandum, Chemici docent. Nos solum hic indicare volumus, rectificationem cum spiritu salis, quam GLAUBERUS valdopere commendat, nobis non successisse; etenim, si recens facta mistura destilletur per retortam, spumescit ac integre in vas recipiens transcendit, ibique sit iustar picis adhaerens et non nisi maxima cum difficultate eximi potest; si vero relinquatur mistura in leni digestionem, ac miti calore per cucurbitam destilletur, vix nisi spiritus salis dulcificatus haberi potest, cum pauco oleo crassiori, prout utrumque modum cum damno experti sumus.

§. 3074.

Cum nitro detonat succinum fortiter, quocirca observandum.

1. Si nitri pulverisati partes binæ misceantur cum succini pulverisati parte una, ut in crucibulo ignito detonent, a residuo post detonationem duplex sal per elixivationem se obtinuisse adserit BOURDELIN in

in *Mem. Paris.* 1742; nempe fal alkalinum a nitro dependens, et fal medium, cubicum, seu verum fal commune.

2. CONTRA haec experimenta FR. AUG. CAR-
THEUSERUS in *Act. Mogunt.* T. 2. p. 379. monuit,
primo, ad plenariam nitri alkalisationem requiri fuc-
cini partes anaticas, a majori vero proportionem obti-
neri, post detonationem, partim verum nitrum,
partim alkali nitri: secundo, se neque hac nominata
proportionem, neque qua usus est BOURDELIN, quid-
piam, immo ne vestigium, falis cubici deprehendere
potuisse; sed, ex adverso, residuum praecipitasse
mercurium ex aqua forti flavum et cum acido vitrio-
lico exhibuisse speciem arcani duplicati. — Ex his
contrariis experimentis non aliud concludi debet, quam
quod succinum interdum cum sale marino saltem su-
perfacialiter commistum esse possit, quod, ut separa-
tum quid ac distinctum ab ipso succino, sub ejusdem
detonatione cum nitro non destruitur. *)


§. 3075.

DUM enumeraverat WALLERIUS in compendio sen-
tentias circa indolem falis succini, quod per destilla-
tionem obtinetur, prolatas a Cl. Cl. NEUMANNO,
BOURDELIN, VOGEL et POTT prolatas, (quorum pri-
mus acorem vitriolicum, alter muriaticum, hic ad-
sumserat; quum tertius, discrepantes opiniones con-
ciliaturus, existimarat, fal succini et vitriolico et
muriatico acido constare, quartus autem acidum
succineum convenire potius cum acido vegetabili,

M 2

et

*) QUODSI examinentur hic, quae antea ex diatriba
fuerunt proposita, vix opus erit, ut, quae quidem
hac super re adferri possent, pluribus diducantur.
de W.



et simillimum floribus benzoës, contendit) ipse de-
 mum, quid de hoc negotio sibi videatur, pandit.
 Nos, ait, opinamur, hoc sal fuccini esse *mere acci-*
dentale, certis in circumstantiis ab oleosa et aquosa
 parte fuccini, invicem combinatis productum, in-
 terdum sale marino inquinatum. In hac opinione
 confirmamur 1. ab analogia fuccini cum lithanthra-
 cibus et reliquis bituminibus mineralibus: 2. a non
 solum possibili, sed et actuali, coagulatione olei seu
 petrolei in succinum absque acido; quod confirmat *co-*
pal, a quo nihil salini obtineri potest *): 3. a dif-
 ferenti et quantitate et qualitate hujus salis: 4. ab
 hujus salis analogia cum salibus vegetabilium, tam
 solubilitate in aqua et spiritu vini, quam effervescentia
 cum acido minerali, si sufficienter depuratum fue-
 rit, uti antea dictum; omnia autem salia vegetabili-
 um in ipsis plantis esse producta, ab aquosa et in-
 flammabili materia, negari non potest: 5. ab hu-
 jus salis differenti indole ab omni sale minerali. His
 concludimus, hoc sal fuccini non ab acido vitriolico,
 nec a muriatico suam habere originem; sed, vel totu
 ac calore subterraneo generari, magis in uno quam
 altero loco; vel vaporibus aquosis plus minus se ad-
 fociantibus.

§. 3076.

HAEC WALLERIUS circa chemicam succini ana-
 lysin proposuit. Praetereo hic, quae de origine suc-
 cini reliquit; monuisse solum sufficiat, et ab hoc *Cl.*
Vitro adferi, oleum, quo generetur succinum, esse
 petro-

*) QUOD vero, etsi a WALLERIO vocatum fuerit:
 SUCCINUM *mollius indicum*: COPAL, et dotibus plu-
 ribus succinum referat; huic quidem analogum in
 variis, non tamen succini speciem esse, dixerim. *de*
W.

petroleum *). Modum, quo succinum a petroleo generatur, difficulter determinari posse adserit; plurimi quidem existimarunt, id fieri coagulatione, sive ope acidi vitriolici, sive muriatici: ipse arbitratur, hanc coagulationem, sive indurationem, petrolei fieri posse sine omni acido, uti paullo ante dictum fuit, vel calore subterraneo, vel exhalatione materiae tenuioris, vel utrisque his conjunctim, vel denique alia, nobis adhuc ignota, causa. Hanc nostram opinionem, ait, confirmamus ab asphalto indurato, quod re ipsa ut *succinum nigrum*, vel *Gagas*, considerari debet, existentia licet hujus a plurimis sit negata. Probatur etiam ab induratione copalii, necnon spontanea resinarum et gummatum induratione in vegetabilium cortice haerentium.

§. 3077.

ADFERENDA demum ex WALLERIO circa succinum adhuc visa fuerunt sequentia. — Succinum opa-

M 3

cum

- *) ARGUMENTA a WALLERIO adlata sunt: 1. quod in regno minerali non detur aliud oleum, quo produci queat; 2. gaudet succinum aequali fumo, odore, et igne cum bituminibus mineralibus; 3. Oleum succini iisdem gaudet proprietatibus cum oleo lithanthracum et petroleo; 4. Plerumque in iisdem locis conjunctim, vel in confiniis, reperiri solent lithanthraces et succinum, vel etiam petroleum et succinum; 5. Ordinariis stratis gaudet succinum, aequae ac reliqua mineralia corpora; 6. In bituminosam indolem redigi potest succinum tam destillatione, quam acido vitriolico; similiter et oleum succini, quod acido minerali in bituminosam, non vero resinosa, consistentiam redigitur.



cum, et minus pellucidum ab artificibus *clarificari* solet diverso modo.

a ALII frustula succinea papyro involuta in *balneo arenae* per 40. horas, et ultra, si opus fuerit, caementant et quasi digerunt.

b. ALII cum *oleo raparum* succinum per 20. horas decoquunt, gradum ignis successive augendo. Cum *oleo lini* id non succedere nonnulli contendunt; adfirmat vero HELWING in *Breslau. Sammlung. 1716. Jun. **). Dicunt et nonnulli, clarificationem hanc succedere, si succinum decoquatur in *jusculo carnosso*, vel *piscium*.

§. 3078.

C. ALII dicunt, fieri eam posse, succinum in *muria fortiori* per 20. horas decoquendo. Experimenta ipse institui, succinum tam in *muria salis communis*, quam *salis mirabilis* per quinque horas decoquendo; sed absque omni in superficie mutatione

*) NEGARAT WALLERIUS in prima editione *operis Mineralogici*, succinum olei lini opé pellucidum reddi posse; monuit autem ex obposito Cl. VOGEL in *recensione operis* sequentia: *Wenn Herr WALLERIUS von den Dingen redet, womit man einen dunkeln Bernstein durchsichtig machen kann; so läugnet er, daß es mit Leinöl angehe. Der Bernsteinarbeiter VORSCHN aber mag ihn versichern, daß er diesem Körper mit nichts besser, als mit diesem Oele, die Helligkeit geben kann. S. Breslau. Samml. VII. Vers. S. 116. und VOGELS medicinische Bibliothek, I. B. S. 155. — Respicendum hic ad antea (§. 2947.) adducta tentamina STOCKARIANA. de W.*

ne observabili. Nescio, an peculiarem encheiresin requirat, et particulare moderamen ignis.

§. 3079.

DARI, pergit, Artifices, qui diversos succino inponere possunt colores, rubrum, caeruleum, violaceum, purpureum, viridem, album, ut *gemmis* simile reddatur, atque ad varia ornamenta usurpari possit, notum est; sed dari etiam naturaliter sic tineta frustula succini, extra controversiam est. Cfr. KENTMANN, *Nomenclat. fossil.* DAVILA in *Catalog.* T. 2. p. 605. No. 779. 2.

§. 3080.

IN succino, inprimis pellucido, non raro inveniuntur recondita et inclusa varia *insecta*, nec non *vegetabilia*, vel eorum partes. Vocantur huiusmodi curiosa frustula *succinum insectiferum*. Adab. TYLKOWSKY contendit, haec, quae adparent, animalia, vel vegetabilia, inclusa, nonnisi *phantasmata*, seu potius *ludibria* esse, eademque non ipsa *natura*, sed *arte* potius *ficta* et *facta* fuisse. Verum hoc de omni succino insectifero non valet, ut avtopsia docet; Cfr. HARTMANNI *Hist. succin. Pruss.* L. 1. c. 5. L. 2. c. 5. L. 3. c. 5; Th. BARTHOLIN. in *Act. Hafn.* 1671. et 1672. p. 112. DE BOMARE in *Mem. de Paris* 1765. Sc. *)

M 4

§. 3081.

*) IPSA avtopsia praeposterum *Tylkovskyanum* iudicium satis refutat; quum sat omnino adpareat, quae ipsa natura, succini mollis quondam adhuc torrente quasi, abrepta et inviscata, quae vero arte studiove inclusa sint insecta, aut vegetabilia. Inter plurima specimina succini insectiferi, varia occasione a me visa, aut quae ipse possideo, commemorare hic inprimis



§. 3081.

ADFERENDA hic omnino sunt tentamina ex-
tissima *Cel.* ac indefessi Viri WENZEL, in eleganti
opere: *Lehre von der Verwandtschaft der Körper*,
Dresden, 1777. 8. circa relationem salis succini ad sal
alkali

mis debeo pulcerrimum quoddam, in quo, satis par-
vo, inclusa cernuntur insecta plus quam quadragin-
ta exigua; quorum, cum morte pretiosoque tumulo
luctantium, distorta occurrunt membra: praeterea
vero, non arte ea fuisse inclusa, patet, quod uno
tractu lenti glutinis decursu inviscata extra omne po-
situm sit dubium, si vel obiter frustillum succini trans
lucem adspicias. In aliis speciminibus insecta varia,
formicas, apem minorem, muscas &c. jucundo spe-
ctaculo vidi.

ELEGANTIA sunt bina, huc facientia, epigram-
mata apud MARTIALEM, *Epigram. l. IV. de ape*
et de vipera, electro inclusis.

“ Et latet et lucet phaëtonide condita gutta
Ut videatur apis nectare clausa suo.
DIGNUM tantorum pretium tulit ipsa laborum.
CREDIBILE est illam sic voluisse mori.,, ,

* * *

„Flentibus Heliadum ramis *) dum vipera serpit,
FLUXIT in obstantem succina gemma feram:
QUAE, dum miratur, pingui se rore teneri,
CONCRETO riguit vincta repente gelu.
NE tibi regali placeas, Cleopatra, sepulcro.
VIPERA si tumulo nobiliori jacet! “ *de W.*

*) AUTUMABAT enim MARTIALIS, una cum
plurimis aliis *V. V.* succinum stillare, seu gum-
mi, ex populo arbore.

alkali fixum vegetabile, minerale, alkali volatile, terram calcaream, magnesiā, terram animale[m] ex ebore obtentam, zincum, ferrum, plumbum, stannum, cuprum, terram aluminis, bismuthum, regulum antimonii, mercurium, ac argentum, ordine nunc enumerato publici juris fecit. Quum tentamina haec ita comparata sint, ut nonnisi res ipsas memoratu dignissimas, et experimentorum historiam, verbis complectantur paucissimis: hinc exactam illorum exhibeo versionem.

§. 3082.


Ex unione salis succini cum *salibus binis fixis alkalinis* oriuntur salia duo nova, parum adhuc cognita. Quodsi sal succini saturatur *alkalino vegetabili sale*, nascitur sal, in crystallos non cogendum, ac, dum coloris ope antea ad ficitatem perductum fuerit, de novo deliquescent.

§. 3083.

Cum alkali minerali vero largitur sal compositum crystallis longioribus, tenuibus, forma ligni festucas (wie Spähne) referentibus, nec ab aëre libero mutandis. In igne ambo haec salia deconponuntur; alkalina unice remanente basi.

§. 3084.

SAL succini, tentaminibus nunc expositis adhibitum, quantum fieri poterat, ab adhaerescantibus unguinosi oleosisque partibus depurabatur solutione in aqua pauca tepida, filtratione, crystallisatione subsequa. Crystalli natae supra chartam emporeticam albam in aëre libero siccabantur, usui futuro adservandae. Remansit quidem in aqua pars adhuc salis resoluta, crystallisationem tamen, ob materiem multam unguinosam crystallisationem renuens.



§. 3085.

SALIS huius depurati paulatim drachmae uni alkali vegetabilis dum ab igne calebat adhuc ponderati, in aqua soluti, et tinctura heliotropii colorati paulatim adfundeatur ea dosis, quae requisita foret producendo colori rubro, leviusculo solum. Grana 64. salis succini fuerunt necessaria.

§. 3086.

EADEM operatione cum *sale alkali minerali* reperita, vidit *Cl. WENZEL*, salis hujus, calide adhuc ponderati, drachmam unam requirere ad sui saturationem grana 69½ salis succini.

§. 3087.

SATURATO per *alkali volatile* sale succini nascitur sal medium ammoniacale, in crystallos aegre cogen-dum; vasis clausis igni expositum, sublime petens.

§. 3088.

QUANTITATEM alkali volatilis requisitam ad saturationem salis succini pariter tinctura heliotropii exploravit AUCTOR, quum metueret, ne, saturatione per spiritum salis ammoniaci facta, saleque medio ad perfectam siccitatem usque aëri libero exposito, una cum humiditate salis acidi, rapidius avolaret. Drachmam unam salis succini 36. circiter grana alkali volatilis exigere ad saturationem, patuit.

§. 3089.

TERRA *calcareæ* cum sale succini crystallos dat lanceolares, aqua aegre solvendas.

§. 3090.

DRACHMA dimidia salis succini aqua soluti vivide egit in pulverem subtilem *ostracodermatum*. Solu-tis

tis jam, ope caloris lenioris, horum granis 20. immissa insuper grana 10. ut perfecta fieret salis acidi saturatio. Nata denuo effervescencia, soluta pars pulveris, ast simul ac semel sequuta crystallisatio. Ne in magna quidem copia bullientis aquae solvi ex integro potuerunt crystalli, remanente earum parte insoluta, pulveri libero immista, incassum adhibita ebullitione. Pulvis hic totus adpendebat grana 27. ab acido nitri plane solvendus.

§. 3091.

SAL fuccini saturatum *magnesia* materiem gummosam exhibet.

§. 3092.

ADMISTA sensim drachmae semis salis fuccini, aqua soluti, grana 24. *magnesiae*. Nata effervescencia valida; soluta grana 21. *magnesiae*, calore accedente; portio siquidem post filtrationem solutionis remanens, edulcorata, ficcata, grana solum tria adpendit.

§. 3093.

MAGNESIA aequae, ac terra calcarea, ab alkalino sale ex solutione fuccinea deiciebantur.

§. 3094.

IN *terram eboris* sal fuccini vix agit, quum ponderis mutationem sensibilem experta illa non fuerit, ac ex solutione per alkali sal pauxillum dejici potuerit.

§. 3095.

SOLUTIO *Zinci* in acido fuccini, evaporatione praemissa, crystallos dat, quae lamellis longiusculis, angustis sibi incumbentibus componi videntur.

§. 3096.



§. 3096.

DRACHMAE semis salis succini aqua soluti, addit grana 10. Zinci, per alkali praecipitati; miscellam, non amplius effervescentem, inposuit balneo arenae. Solutione decantata ab remanente praecipitato Zinceo, hoc, edulcoratum, siccavit: grana $8\frac{1}{2}$ adpendebat, ab acido vitriolico abs effervescencia, non tamen ex integro solvendum.

§. 3097.

ZINCUM ex solutione succinea ab alkali deiecitur.

§. 3098.

FERRUM cum sale nostro crystallos sistit compositas lamellis exiguis, fulcis, diaphanis, stellae fere in modum unitis.

§. 3099.

GRANA 10. ferri ab alkalino sale praecipitati addidit drachmae dimidia salis succini aqua soluti, caetera, uti de Zinco dictum, perficiens. Praecipitatum ab edulcoratione residuum martiale, edulcoratum, siccatumque, adpendit $11\frac{1}{2}$ grana. Hinc, etsi pars vere soluta fuerat, notabile ponderis augmentum a sale succini retulit. Acidum vitrioli dilutum pulverem hunc paulatim solvit, remanente materie fusca, unguinosa, odore salis succini donata.

§. 3100.

MARS ex solutione succinea per Zincum elapso temporis quodam intervallo deiectus, obtegens hoc sub forma crustae nigrae; quae tamen sejuncta, magnetis leges non sequeretur. Sal alkali in solutione illa praecipitationem non excitavit.

§. 3101.

Ex solutione saturni succinea nascuntur crystal-
li, forma externa crystallis, ex solutione Zinci in sale hoc eodem obtinendis, multum accedentes.

§. 3102.

§. 3102.

DRACHMAE dimidiae salis succini, aqua soluti, sensim addidit grana 10. *plumbi*, alkalino sale dejecti, miscelam, etsi non amplius effervescentem in balneo arenae aliquamdiu adhuc reliquit. Praecipitatum residuum, edulcoratum, siccatum, grana 8. adpendit. Crystallis minimis micantibus componi videbatur, etsi edulcoratum aqua bulliente. Ab acido nitri plane ac insensibiliter dissolvebatur, paucissima materie unguinosa remanente.

§. 3103.

PLUMBUM ex solutione succinea sub forma pulveris grysei, ac a Zinco sub forma metallica per sal alkalinum deiciebatur.

§. 3104.

SOLUTIO *stanni* succinea, evaporatione praemissa liquidi superflui crystallos praebet tenues, lamellis latioribus compositas, diaphanas.


§. 3105.

ADFUDIT *Cl. Vir* grana 10. *stanni*, sale alkalino dejecti, drachmae dimidiae salis succini, aqua soluti; miscelam, quum stanneum praecipitatum non multum adficeretur, per biduum calori balnei arenae commisit. Solutione ab haerente in fundo praecipitato saturnino decantata, edulcorato illo et exsiccato, vidit, pulverem residuum pondere fuisse auctum, quum nunc adpenderet grana 11., etsi ab acido pars vere soluta fuisset.

§. 3106.

SOLUTIO haec eadem ab alkalino sale parum nonnisi, eo magis autem ab hepate sulphuris praecipitata fuit: a plumbo, ferro, quin et a Zinco, ne minimum quidem adficiebatur.

§. 3107.



§. 3107.

Ex solutione *cupri succinea* nascuntur crystalli pal-
lide virides; ratione figurae drufis calcareis acceden-
tes.

§. 3108.

ADJUDIT drachmae dimidiae salis succini, aqua
soluti, paulatim grana 10. cupri, sale alkalino prae-
cipitati. Nata, sub additione veneris, effervescencia
valida; pars praecipitati in fundo mansit irresoluta.
Sale succini, caloris ope, ex integro saturato, resi-
duum praecipitatum venereum aqua bulliente edul-
coravit exsiccationi dedit. Pondere aequavit illud
grana 17. Notatu maxime dignum erat, quod pul-
vis hic remanens cum acido vitrioli non effervescit;
non mutatus acido nunc dicto inhaerens primum;
elapso tamen biduo maximam partem, ast insensibi-
liter, resolutus.

§. 3109.

As alkalino sale cuprum ex solutione succinea non
dejectum; producta tamen illico praecipitatione ab
hepate sulphuris. Zinco sub forma metallica Venus
incubuit.

§. 3110.

ALUMINIS *terra*, sale succini soluta, crystallos
exhibet, maximam partem prismaticas.

3111.

DRACHMAM dimidiam salis succini, aqua soluti,
una cum granis 10. terrae aluminosae per biduum
balneo arenae commisit, quum non multum in ter-
ram hanc sal ageret. Edulcorata tum, et exsiccata
terra, in fundo, ut videbatur haerens intacta, pon-
dere aucta deprehensa fuit, grana $12\frac{1}{2}$ nunc adpen-
dens. Acidum vitrioli terram eandem ex integro sol-
vit

vit, nil nisi pinguis, unguinosae materiae quid relinquens.

§. 3112.

SOLUTIO terrae aluminosae fuccinea copiose ab alkali praecipitabatur.

§. 3113.

SOLUTIO *bismuthi* fuccinea crystallos dat flavas, lamellis exiguis, brevibus, angustis, sibi incumben-
tibus compoſitas.

§. 3114.

ADDIDIT grana 10. *bismuthi*, alkali ope dejecti, drachmae dimidiae salis fuccini, aqua soluti: quum mutatio sensibilis non sequeretur, eadem, uti in solutione terrae aluminis, ratione operationem instituit. Pulvis *bismuthi* residuus, edulcoratus, siccatus, grana 10½ adpendit: colorem exhibuit gryseum, ab acido nitri solvendus, remanente unice pauco pingui, unguinoso. Ab aqua solutio non praecipitabatur; etsi alias *bismuthum* purum ex solutione nitrosa aquae ope nunquam non dejiciatur.

§. 3115.

BISMUTHUM, a sale fuccini vere solutum, per sal alkali non dejectum: nata vero illico praecipitatio multa per additum hepar sulphuris. Zinco, aequae plumbo, sub forma pulveris nigri *bismuthum* adhaesit.

§. 3116.

REGULI *antimonii* paucissimam nonnisi dosin salis fuccini referat; hinc et crystallos, ex solutione obtinendae, salis fuccini puri crystallos referunt.

§. 3117.

GRANUM unicum reguli *antimonii*, sale alkalino praecipitati, per biduum cum drachma dimidia salis fuc-



succini, aqua soluti, digestionem in balneo arenae expositum, non mutatum forma externa videbatur. Pulvis residuus edulcoratus, et siccatus tantillum quid ponderis unice deperdiderat.

§. 3118.

Ex solutione limpida nil prorsum per sal alkali praecipitabatur: hepar tamen sulphuris notabile sedimentum deiciebat.

§. 3119.

MERCURIUS a sale succini solutus, evaporatione praemissa, relinquit massam salinam, in qua crystalli figurae regularis observari nequeunt.

§. 3120.

Adfusa grana 10. mercurii, alkalini salis interventu dejecti, drachmae dimidia salis succini, aqua soluti; miscela per biduum calori balnei arenae commissa. Praecipitatum residuum mercuriale edulcoratum, siccatum, pondere auctum erat, grana 11. nunc aequans: ab acido nitroso lentissime solvebatur, paucam materiem unguinosam relinquens.

§. 3121.

SOLUTIO mercurii succinea ab alkali parum non nisi, eo magis autem ab hepate sulphuris praecipitabatur. Lamina cuprea, solutioni immerisa, elapso aliquo tempore albebat.

§. 3122.

Ex solutione *argenti* succinea nascuntur crystalli, compositae lamellis longioribus, tenuibus, mutuo sibi incumbentibus.

§. 3123.

DRACHMAE dimidia salis succini, aqua soluti, addita paulatim lunae, alkalino sale dejectae, grana 10. sequuta effervescencia mediocris, argentum tamen omne

omne, ut inditum fuerat, fundo incumbere videbatur non mutatum. Per diem adhuc balneo arenae inposita miscela; tum praecipitatum lunare edulcoratum, siccatum grana adpendebat 12. Ab acido nitri praecipitatum hoc residuum sub initium prorsum non adfectum; paulatim tamen evanescebat, utut abs effervescencia omni, remanente pauca materie unguinosa.

§. 3124.

SOLUTIO lunae succinea praecipitata ab alkalino sale, uti et a venere ac mercurio.

§. 3125.

SALIA nunc enumerata omnia, ex terrarum metallorumque cum sale succini unione nata, in aëre libero non deliquescunt; igni vero exposita decomponuntur, sal solvens avolat, remanentibus, cum quibus prius junctum fuerat, substantiis.

§. 3126.

Cl. Io. Christ. IACOBI observata quaedam circa solutionem succini inferi curavit *novis Actis Phys. med. Nat. Curiosor. T. II. Obs. LXVI p. 248.* quorum praecipua hic exhibeo; omissis potissimum, quae praxin concernunt unice medicam.

§. 3127.

AIT primum Cl. VIR, productam fuisse, miscendo subtilissime praeparatum succinum flavum cum liquore magnesia vitrariorum *) exactissimeque triturando substantiam utramque, massam in lingua per salivam prorsum solubilem, jucundum saporem, amygdalis amaris similem, sed leniorem, excitantem: ni-

P. III.

N

hil

*) RATIONEM, qua liquor hic parari debeat, exhibuit eodem Tomo operis indicati, pag. 248. obs. LXV sequentibus: sumatur magnesia vitrariorum (germanice *Braunstein*) calcinetur cum aequali portione sulphuris communis per aliquot dies et noctes igne reverberij, elixivietur massa calcinata aceto destillato fortissimo, et obtinebitur liquor salinus, saporis dulcissimi.



hil viscosi gustus in ea detexit, intraque dentes nullus stridor sentiebatur.

§. 3128.

ALIAM speciem solutionis (seu potius psevdosolutionis) succineae instituit hac ratione: succinum in spiritu vini solutum, et praevia abstractione, ad siccitatem usque, omni iterum spiritu privatum cum tinctura antimonii Hoffmanni in consistentiam pulvis redactum, junxit cum liquore salino magnesia vitraiorum; promptissimam, ait, sequutam unionem, exsurgente sic remedio temperatissimo, suavem succini odorem specificum spirante.

§. 3129.

ALIAM hisce subjungit solutionem succini; in usus anatomicos, pro conservatione scilicet partium corporis praeparatorum; paullo, ut ipse fatetur, difficilioris negotii. Series experimentorum sequens est.

§. 3130.

SUCCINI, ait Cl. VIR, cum spirituoso menstruo tractationem suscipere irritus fuisset labor; praeparata enim anatomica gummatibus, vel resinis, spiritu vini solutis, immersa corrugantur, corrugataque deformantur. Succino potius saponis formam conciliare eum in finem nervos intendi, ut in oleo terebinthinae sine coctione solutio fieri sicque color albus conservari posset.

§. 3131.

SUCCINI citrini praeparati cum lixivio saponariorum (Meisterlauge) coctionem institui per aliquot horas, immisi postea aquae frigidae, sedulo aquam agitando; quieti dein tradebatur per horas 24. aquam decantatam ad cuticulam evaporavi et conspectui se obtulit sal medium, parum quidem crystallinum, sed durioris consistentiae et saporem tartaro vitriolato Tachenii similem in lingua excitans. Succinum vero exsiccatum vasi amplo cum sufficiente quantitate olei tere-

terebinthinae, cui lixivium saponariorum superfusum erat, indidi, coctionemque hujus misti institui; sed vehementer subsiliens materia orificium vasis transscendebat et a coctione desistere cogebat.

§. 3132.

Ad cohibendos ergo ejusmodi subsultus inmittebatur materia cucurbitae vitreae, calori autem arenae inposita vix dum ebullierat, magno cum impetu profiliens, cucurbitam subvertendo, diffringendo, penitus effluxit; id quod sine dubio actioni partium alkalinarum lixivi saponariorum in acidas succini oleique terebinthinae partes tribuendum.

§. 3133.

Misso igitur hocce, infausto sidere suscepto, tentamine, sumsi terebinthinae venetae ℥ij, succini ℥i; fundendo invicem leni igne in cochleari ferreo obtinui massam fuscam, pinguem, fluidam; quae super laminam cupream calefactam manu extensa, dura admodum pellucidaque adparebat, atque inopinato in terram prolapsa nequaquam in fragmenta dissiliebat.

§. 3134.

In hoc tentamine quum succini quantitas minus proportionata esset terebinthinae venetae, addidi succini alkoholisati drachmas duas priori portioni terebinthinae, et reiterata operatione jam exposita, producebatur lamina majori pelluciditate praedita; insimul vero ob copiosum oleum, quod fovet terebinthina, aethereum, paullo flexilior. Ad majorem duritiem obtinendam drachmas tres terebinthinae venetae leni calore evaporavi ad remanentiam duarum drachmarum; ut species aliqua terebinthinae coctae prodiret; cui fusae quum drachmas duas succini citrini adjecissem, lamina alba, nitidissima in conspectum prodibat; nec flexionem, nec pressionem admittens. Quodsi praeparatum anatomicum uni laminae imponatur, alteraque contegatur, construitur,



artius utrasque adprimendo, theca pellucida et firma, in qua illud, sine corruptionis metu, recondere licet.

§. 3135.

PORRO massam hanc, e succino & terebinthina veneta cocta constantem, adfusionem olei terebinthinae in liquorem mutare tentabam, quo praeparata anatomica obliterata, in aëre exsiccata, adservari possent: sed, peracta digestionem, succinum, illique tenaciter adhaerens terebinthina, ex interstitiis olei depulsa, fundum petebant.

§. 3136.

QUONIAM succinum, seu resinae mineralis species, mistionem oleo petrae analogam agnoscit, junxi hoc massae ex oleo terebinthinae depulsa et per bihorium frequenter agitando, ebullire sivi; refrigerationem autem facta, eadem praecedentis experimenti ludebatur fabula. Oleum hocce petrae decantatum miscui lixivio saponariorum concentratissimo; destillavi ad siccitatem; prodibat concretum saponaceum, ex quo partes petrolei et terebinthinae cum alkalicis in spiritum vini alkoholisatum, ebullitionem facta, recipiebantur, succino intacto manente.

§. 3177.

HISCE incassum susceptis laboribus binas drachmas succini alkoholisati per 12. horarum spatium, cum binis olei succini drachmis in mortario lapideo terebam, majorique olei terebinthinae copia addita, fortissimae digestionem subiciebam et oculis se obtulit egregia succini solutio, omnes resinosas et corruscantes succini partes complexa, salinis et terrestribus superstitibus; quae extensa super laminam, inbutam vermice e sandaraca facta, vitream duritiem et pelluciditatem induebat, ablutionem cum aqua calida immutabilis. Hujus solutionis beneficio universa anatomicae solertiae progenies salva et incolumis ad seros usque annos conservari posset, nisi ejus praeparatio molesta sumtuosaque esset.

§. 3138.

§. 3138.

ALIA igitur methodo opus adgressus sum. Existimans nempe, oleum petrae in succinum majori vi aësurum esse, si majorem subtilitatis gradum adquisisset, octo hujus olei uncias uni librae lixivii saponariorum concentratissimi inmiscbam cucurbitaeque inditum fortiter diu agitabam, unde colorem lacteum materia referebat; destillatione lenta dein instituta (qua durante exhalantes vapores elastici vehementes subsultus producebant) sex horarum spatio obtinebam oleum aethereum albissimum, pellucidissimum, a specifico odore plane recedens, fragrantissimum. Hujus unciam dimidiam cum drachma una succini alcoholisati per arenam destillavi, nullisque solutionis vestigiis adparentibus, ad siccitatem usque destillationem continuavi, qua peracta, infudi residuo oleum juniperi, simili modo cum lixivio saponariorum tractatum, odoremque specificum quidem, sed multo suaviorem, spirans; iterum vero intentata solutio adparere recusabat.

§. 3139.

Tum succinum alcoholisatum in vase terreo plano nivis quadam portione maritavi et calori ad deliquium nivis, in superficie misti haerentis, tradidi; liquefacta superficie frigori vehementi per 24. horas materiem exposui, glaciem induere permisi, a qua postea calore penitus in deliquium redacta, succino fundum petente, aqua nivalis decantabatur, omnibusque jam expositis quinta vice reiteratis, succinum ita recludebatur, ut ejus tertia pars aquam nivis penetrasset; quae, evaporatione facta, tanquam concretum gummoso-terreum adparebat; reliqua vero succini pars cum oleo terebinthinae perfectum connubium, ope digestionis fortioris, iniit, et sic, vernicem albam et duram praebens, ex parte votis nostris satisfecit.

§. 3140.



§. 3140.

Ad perfectius vero obtinendum scopum praefixum, naturae vestigia premens, viam elegi simplicissimam. Inpersi nempe successive succinum alkoholisatum balsamo de copaiva, igne leniori fuso, saepeaque coctione succinum perfecte solutum formam liquidam spissam pellucidamque induebat, cui adhuc calido, subiecta varia inmisi aërique postea liberiori ad perfectam exsiccationem exposui. Subpeditavi itaque hac ratione Anatomicis albissimam, diaphanam duramque materiam, in qua, ceu theca quadam, foeturae anatomicae fructus tuto ab ipsis includi et distincte conspici queant, quae exsiccata, succino cum nive praeparato et in oleo terebinthinae soluto aliquoties obliniri, et in aëre ad perfectam indurationem usque persistere debet, et sic habetur artificium *Kerkringiano* perfecte succedaneum *).

*) Ne mihi fors vitio vertatur circa succinum varia fuisse promulgata observata chemica, quae hic reticui; monendum duco, id consulto fuisse factum, quum amplior succini, *chemice considerati*, historia jamjam praelo sit tradita.

COPAL.



§. 3141.

AUCA de COPALIO dicenda habeo; substantia nondum sat examinata, succino vario sub respectu analogae, non tamen adeo adfini, ut, cum *Cl. GERHARD*, aliisque Nonnullis, ceu speciem ejus adsumendam illam hucusque censeam. — Bene circa copalii examen legitimum meruit *Cl. LEHMANN*, qui illud adtentius disquisivit *) atque ob-

ser-

*) EVICIT imprimis *Cl. LEHMANN*, diversum plane esse copalium hoc *minerale* a copalio *vegetabili*, producto plantae, LINNAEO in *Spec. Plant.* et *Mat. med.*

servata in *Mem. de l'acad. de Berlin 1758. p. 34.* tum in libello: *Entwurf einer Mineralogie &c. §. 47. p. 65.* publici fecit juris. En eorum syndromen!

§. 3142.

COPAL definivit bitumen fuscum, vel fuscescens, subin et coloris aurei, ac non raro albi; massis compositum informibus, plus minusve purum, diaphanum, aut opacum.

§. 3143.

RATIONE coloris, formae externae et ponderis specifi, succino est simillimum; nisi quod sub torno, aut dum politur, reprehendatur mollius.

§. 3144.

MULTIS copalii frustis inclusae latent muscae, culices, formicae, muscorum particulae: quin et, rarius licet, aquae guttae. (Idem et in succino observatur.)

§. 3145.

SUCCINO electrica dote simile est.

§. 3146.

UTI succinum sapore peculiari per se non gaudet.

§. 3147.

INCENSUM flagrat, bituminum aliorum in morem, flamma lucida, fumum spargens densum, atrum; bituminum plerorumque adinstar residuum relinquit leve, atrum.

§. 3148.

BITUMINUM etiam in morem phlegma pauciori dosi destillatione inde obtinetur; quod sequitur oleum tenue satis, dein densius, odoris ingrati. Succini adinstar sub destillatione intumescit.

§. 3149.

med. *Rhus copalium*, foliis pinnatis, integerrimis, petiolo membranaceo articulado; PLUCKENETIO Almag. 318. Tab. 56. F. 1. *Rhus oblonga*: unguis similis americana, gummi candidum fundens, non ferrata, dicta; antea pro una eademque substantia passim habito.



§. 3149.

OLEA haec, rectificationis ope, oleum largiuntur, uti succinum; nullum tamen *salis volatilis* comparuit indicium; quin et phlegma obtentum saporem linguae non inpressit acidum, cum salibus alkalinis non efferbuit; evaporationis ac sublimationis interventu *sal* dimisit nullum: (Atque hoc inprimis phaenomeno copalium a succino differt.)

§. 3150.

OLEUM rectificatum cum *spiritu nitri fumante* in flammam non erupit, sed incaluit, elatum, ac dissectum acidi impetu (*schlägt um sich*) fuit; quod phaenomenon cum oleo rectificato succini pariter accidit.

§. 3151.

OLEUM idem cum *oleo*, inde abstrahendo, *vitrioli* abit in massam fuscam, tenacem, uti oleum succini.

§. 3152.

OPE olei *terebinthinae* ex copalio, uti ex succino, *vernix* confici valet.

§. 3153.

CAPUT mortuum copalii, uti caput mortuum succini, a destillatione residuum, *vernitem* largitur.

§. 3154.


OLEUM ejus purissimum aegre adeo ac olea bituminosa alia cum spiritu vini commiscetur.


§. 3155.


RELATIONIBUS fide dignis testantibus reperitur inter aenam pelagi, profundo satis loco, in provincia *Benin Guineae*; unde et SENDELIUS in *epistola ad BREYNIUM* succinum illud vocavit *indicum*; etfi quidem pro regni vegetabilis producto inmerito declaravit. Hactenus Cl. LEHMANN. *)

*) INPRAEVIUS gravisque morbus praepedit, quo minus in unum collecta hoc volumine exhibere poterim, nundinis circumscripto tempore, Inflammabilia chemice considerata, uti quidem certo certius mihi proposueram.









4272

Ed. W. W. W.
Institution
Chemical

II
Serau

T

1.65

28



